

7-2-1  
6-1-1930







26





洋

PETRI GYL<sup>L</sup>II  
DE TOPOGRA-  
PHIA CONSTAN-  
TINOPOLEOS,  
ET DE ILLIVS ANTI-  
QVITATIBVS  
LIBRI QVATVOR.

Ad Reverendiss. & Illustriß. D. Georgium  
Cardinalem Armaignacum.



L V G D V N I,  
APVD GVLIELMVM ROVILLIVM,  
SVB SCVTO VENETO.

M. D. LXII.

Cum priuilegio Regis.

*Hdo Dígo de Colmenares* 715

## *Extrait du priuilege du Roy.*



A R grace & priuilege du Roy est permis à Guillaume Rouille Libraire de Lyon , d'imprimer, ou faire imprimer vnc foys ou plusieurs, ce present liure intitulé, *Petri Gyllij descriptio Constantinopoleos, en Latin & en Françoy*. Et fait defences de par ledict Seigneur , à tous autres Libraires , Imprimeurs , & personnes quelconques, de non imprimer, ne faire imprimer, vendre, ne distribuer, en ses païs, terres & seigneuries, ledit liure, si ce n'est par le consentement dudit Rouille. Et ce iusques au temps & terme de douze ans, à compter du iour & datte, que sera paracheué d'imprimer ledit liure, sur peine d'amende arbitraire, & de confiscation des liures qu'ilz auroyent imprimé. Et afin qu'aucun ne puisse pretendre ignorance du present priuilege, ledict Seigneur veut & entend , que l'extrait d'iceluy estant mis au commencement desditz liures , serue pour toute notification, sauf en demander copie audict Rouille ( si bon leur semble) & ce à leur despens. Car tel est son plaisir, nonobstant oppositions & appellations quelconques , comme plus à plein est contenu & declaré par lesdites lettres de priuilege , sur ce donnees à S. Germain en Laye , le vinhuitiéme iour de Decembre , mil cinq cens cinquante huit.

*Par le Roy, Maistre Jean Nicot, maistre  
des Requestes de l'hostel, present.*

Signé, Guillaudet.

Errata in hoc volumine de Topographia  
Constantinop.

*Pagina 35.lin.28. lege clino. 64.21. wōrjG. 205.6. Ceratini.*

Quæ in altero de Bosporo Thracio.

*Pagina 47.lin.7. lege sexaginta. eadem pag. linea vltima, Proclus. 65.9. si ladvlw.  
68.9. Minycis. 72.16. Machlenam. 118.18. validissimos. 123.3. Χεμάζγρι. 141.4.  
promontorio. 252.4. Pafasiti.*



# INDEX CAPITVM TOPOGRAPHIÆ CON- STANTINOPO- LITANÆ.

## LIBRI PRIMI.

<b>D</b> E BYZANTII conditoribus, & de eius varia fortuna.	caput 1.
De magnitudine Byzantij.	cap.2.
De Constantinopolis instauratione, eiisque magnitudine.	cap.3.
De forma, ambitu, latitudine, & longitudine, qua nunc est Constantinopolis.	cap.4.
Constantinopolis generalis descriptio.	cap.5.
Singularum partium situs.	cap.6.
De primo colle, & Regis palatio, aede Sophiae, & de Hippo- dromo.	cap.7.
De prima valle.	cap.8.
De secundo colle.	cap.9.
De secunda valle diuidente secundum collem à tertio.	ca.10.
De tertio colle.	cap.11.
De valle tertia.	cap.12.
De quarto colle.	cap.13.
De quinto colle.	cap.14.
De quinta valle.	cap.15.
De sexto colle.	cap.16.

De valle, quæ diuidit sexicolle promontorium à septimo colle.	
caput 17.	
De septimo colle.	cap.18.
De muris urbis.	cap.19.
De Constantinopolis portis, & septem turribus antiqui Byzantij.	cap.20.
De muris longis.	cap.21.

### L I B R I   S E C V N D I .

De ædificijs & monumentis antiqui Byzantij, & nouæ Romæ Constantinopolitanæ.	cap.1.
De monumentis primi collis, & de prima regione urbis.	cap.2.
De templo Sophiæ.	cap.3.
Descriptio templi Sophiæ, quale hodie visitur.	cap.4.
De statuis inuentis in latere ædis Sophianæ.	cap.5.
De Pharo promontorij, & Mangana.	cap.6.
De thermis Zeuxippi, & de eius statuis.	cap.7.
De Xenodochijs Sampsonis & Eubuli.	cap.8.
De statua Eudoxiæ Augustæ, ob quam Chrysostomus eiatus in exilium.	cap.9.
Quam urbis partem complexa fuerit tertia regio.	cap.10.
De Hippodromo, & de eius obelisco & columnis & statuis.	
caput 11.	
De Colosso structili.	cap.12.
De columnis Hippodromi.	cap.13.
De templo Bacchi, & de aula Hormisdæ, & de Iustiniani domo.	cap.14.
De portis Iuliani, & Sophiæ, & de porticu nominato Sigma, & de regijs Sophianis.	cap.15.
De quarta regione.	cap.16.
De foro	

<i>De foro Augusteo, &amp; columnā Theodosij, &amp; Iustiniani, &amp;</i>	
<i>de Senatu.</i>	cap.17.
<i>De regia &amp; basilica, &amp; palatio Constantini, &amp; de domo nun-</i>	
<i>cupata Chalca.</i>	cap.18.
<i>De Basilica &amp; regia ambulatione.</i>	cap.19.
<i>De bibliotheca Basiliæ, &amp; de regia porticu, &amp; de Basiliæ</i>	
<i>cisterna.</i>	cap.20.
<i>De Chalcopratijs.</i>	cap.21.
<i>De porticibus sitis inter palatium, &amp; forum Constantini, &amp;</i>	
<i>de domo appellata Lampterum.</i>	cap.22.
<i>De miliario aureo, &amp; eius statuis, &amp; de fortuna urbis, eius-</i>	
<i>que statua.</i>	cap.23.
<i>De templo Neptuni, &amp; de æde Minæ, &amp; de stadijs, &amp; sca-</i>	
<i>la Timasi.</i>	cap.24.
<i>De Lauso nuncupato, &amp; de eius statuis Veneris, Cnidiae, Ju-</i>	
<i>nonis, Samiae, Mineruae, Lindiae, &amp;c.</i>	cap.25.

### L I B R I   T E R T I I .

<i>De locis regionis quinta, &amp; secundi collis, de Nauali, &amp; por-</i>	
<i>tu nuncupato Bosporio, &amp;c.</i>	cap.1.
<i>De regione sexta, &amp; de reliquis ædificijs secundi collis.</i>	cap.2.
<i>De colūna purpurea, &amp; foro Constantini, &amp; Palladio.</i>	ca.3.
<i>De Senatu &amp; Nymphaeo, statuis fori Constantini, Philadel-</i>	
<i>phio, Mysæo, de Labaro, &amp; suparis, &amp;c.</i>	cap.4.
<i>De septima regione.</i>	cap.5.
<i>De Tauro &amp; foro Theodosij, &amp; columna Cochlide Theodo-</i>	
<i>sy, &amp;c.</i>	cap.6.
<i>De octaua regione, &amp; de postera parte tertij collis.</i>	cap.7.
<i>De nona regione, &amp; de templo Concordiae, &amp; de horreis Ale-</i>	
<i>xandriae, &amp; Theodosij, &amp;c.</i>	cap.8.

De tertia valle, & decima regione, de domo Placidiae, & regia Placidiana, de aquæductu Valentiniano, & thermis Constantianis, & de Nymphæo. cap. 9.

L I B R I Q V A R T I.

De undecima regione, & de quarto & quinto collibus. cap. 1.

De templo Apostolorum, & sepulchro Constantini magni &c. caput 2.

De sexto colle, & decimaquarta regione. cap. 3.

De Hebdomo suburbio Constantinopoleos, & de triclinio Magnaturæ, & Cyclobio, & de statua Mauritij, eiusque armamentario, de loco nuncupato Cynegio. cap. 4.

De Blachernis, & de Triclinio Blachernæo, & Palatio, aquæductu, & de multis locis antiquissimis. cap. 5.

De ponte, qui est ad diuum Mamantem, & de eius hippodromo, & Leone æreo, de Mauritij Regis sepulchro. cap. 6.

De septimo colle, & duodecima regione, & de columna Arcadij. cap. 7.

De statuis, & antiquissimo tripode Apollinis in Xerolopho statutis. cap. 8.

De columnis, quæ nunc extant in colle septimo. cap. 9.

De regione tertiadecima vrbis Sycena appellata, & de oppido Galatae, sive Pera. cap. 10.

Descriptio Galatae, & de templis Amphiarai, & Diana, & Veneris, & theatro Syceno, & foro Honoriano. cap. 11.

I N

In æde diui Marcelli , Romæ,  
hæc sunt inscripta , vnâ cum effigie vita  
functi : sed dico similia, aut in pariete af-  
fixa, vel in marmoreo lapide sculpta.



Pètro Gyllio viro probo, utriusque lingua  
doctissimo,  
ex agro Albiensi apud Gallos nato,  
ob singulares animi dotes, & indefatigabilem in  
inuestigandis antiquorum monumentis,  
componendis, interpretandisque omnium discipli-  
narum libris, totius orbis lustrandis,  
indagandisque locis:  
naturam, solertiam, & diligentiam publicè,  
priuatimque laudatissimo,  
*post*

*Post longas annorum plus xl. peregrinationes, terra,  
marique peragratas,  
Galliam, Italiam, Graciam, Asiam utraque,  
Et Africæ partem,  
ac miraculosam è manibus, Et carcere Pyratarum,  
Gerbeorum liberationem,  
Romam quasi postliminio reuerso, Et in recolligen-  
dis, ordinandisque rerum celebrium narratio-  
nibus, dies, noctesque occupato,  
Febre violentissima per dies xi. vexato, diem suum  
in Christo Iesu obeunti.*


*Georgius Cardinalis Armeniacus, patronus pien-  
tissimus Clienti gratissimo  
in spem resurrectionis mortuorum  
benemerenti mæstissimus,*

*Non. Ian. M. D. LV.*

*Po. Cn.*

*Vixit annos L X V. menses, dies v. hor. I I I.*

O S S A   G Y L L I I.





# IN DESCRIPTIO- NEM CONSTANTINO-

*poleos Praefatio, ubi situm il-  
lius & commoditates  
ostendit.*



CONSTANTINOPOLIS sic in penin-  
sula sita est, ut totum Isthmum occupet  
peninsulanum: ex tribus enim partibus  
mari alluitur, neque solum ex sece mu-  
nita est, sed etiam suos suburbanos lon-  
gos agros iter duorū dierum latos amplius viginti mi-  
llaria munitos habet peninsula, quam efficiunt pontus,  
Bosporus, Propontis, olim ab Anastasio muro clausam,  
ita fit, ut situs urbis duplii peninsula munitus, arcem se-  
declarat totius Europæ, atque adeo principatum totius  
orbis præ se ferat, eminens in fauces Europæ, atq; Asiæ:  
nam præter alias fœlicitates immētas hanc habet sum-  
mam, quod mari portuoso ex tribus partibus cingitur,  
à Meridie quidem Propontide, ab Oriente Bospori fre-  
to, ab Aquilone sinu maxime portuoso, qui non modo  
claudi catena potest, sed etiam sine catena hostibus in-  
festus est Constantinopolis, & Galatæ muris stringen-  
tibus eius latitudinem in stadia paulò minus quatuor,  
ut & machinis, & igne liquido hostiū naues sæpe perie-  
rint. Adde quod nihil munitius fieri posset, si accederet:

bb

ars muniendi nostra ætate usitata, si quatuor portus, quos olim intra muros clausos habebat catenis, restituarentur: quorum duobus antiquum Byzantium ornatum trienium Seueri obsidionem sustinuit, nec nisi fame totius orbis viribus capi potuit. Nam præter commoditates, quas habet Propontidis, & Aegæi maris, sic totius ponti Euxini imperium habet, ut uno ostio id clausum teneat, scilicet Bosporo, quem transire nemo potest inuita Constantinopoli, quo sit ut totius ponti diuinitæ sint in eius potestate, siue importatæ, siue exportatæ. Exportatur autem tantæ copia pellium, cuius suis genetis, mellis, ceræ, seruorum, aliarumque rerum, ut sufficiant magnæ parti, Europæ, Asiam, Aphricæ: importantur vina, olea, frumenta, aliisque infinita Asiam, Aphricæ, Europæ, ut copiam sentiat Mysia, Dacia, Pannonia, Sarmatia, Meotis, Colchis, Iberia, Albania, Cappadocia, Armenia, Media, Parthia, utraque Scythia. Itaque non modò omnes barbaræ nationes coguntur amicitiam huius urbis amplecti, sed etiam oræ omnes maritimæ, & insulanæ, si ponti diuinitis frui velint. Adde, quod nemo ultra, citroque traiectiones Asiam, Europæque facere potest inuito Byzantio, cum sit velut pons, & porta utriusque orbis, dicerem solum, nisi Hellespontus esset. Sed is infinitis partibus inferior censetur, nimirum longè amplior, & finum non habens Byzantinū, quo urbs peninsula stat portuosa, ac si haberet, tamē Euxino ponto non yteretur inuitis Byzantiis, id quod si ratione non capimus, exemplo assequi possumus. Constantinus in Sigæo promontorio eminenti in fauces Hellesponti Constantinopolim ædificare cœperat, sed ea relicta, in  
promon

promōtorio Byzantino eam ædificauit. Troia quidem  
 insignis vrbs, sed cæcorum, qui non præuiderint situm  
 Byzantij, cæci omnes, qui ante Byzantium vrbes ædifi-  
 carunt in ora Helleponsi, aut Propontidis, quæ et si ali-  
 quandiu floruerūt: funditus tamen, aut euersæ sunt, aut  
 in vicos redactæ: ac si restituerentur, Constantinopolis,  
 vt præstantior eis dominaretur. Quamobrem iure di-  
 cere possumus eam non modò ponti, sed etiam Propon-  
 tidis, & maris Aegæi clauem esse. Laudatur Cyzicus,  
 quod duobus pontibus cōiungeret Insulam Continen-  
 ti, & duos sinus contrarios inter se copularet, quam Ari-  
 stides scribit esse vinculū ponti, & Aegæi, sed quis non  
 videt quām laxum: inter Cyzicū, & Europam Propon-  
 tis lata intercedit: qua vt inuitis Cyzicenis transitiones  
 in vtrunq; mare fieri poterant, ita Cyziceni inuitis Hel-  
 lessontiis, & Byzantiis habere vtriusque maris commo-  
 ditates non potuerunt. Prætereo Heracleam, Selym-  
 briam, Chalcedonem, in Propótidis ora sitas, olim qui-  
 dem nobiles hominū industria, & loci natura, sed prin-  
 cipibus commoditatibus priuabantur portuum simi-  
 lium Byzatino portui, qui nullis viribus hostium obrui-  
 potest, illarū iampridem portus obruti sunt, atq; adeo,  
 carebant potestate Bospori, & Helleponsi, quibus vti  
 non poterant sine voluntate Bosporanorum, & Helle-  
 spontiorum, at Byzantini iis omnibus inuitis vti pote-  
 rant ponto, itaque ei accidere non potest, quod accidit  
 suis vicinis, aliisque quām plurimis maximis vrbibus,  
 quæ tot annos iacentes in ruinis, aut excitatæ non sunt,  
 aut si restitutæ, non tamen in pristina sede: deletæ sunt  
 vicinæ, & nondum restitutæ, deleta est Memphis, sed

adhuc iacet. Cùm Caïrica Babylonia ex castello magna vrbs euaserit in eius vicinia sita vtraque carens opportunitatibus Byzantij. Prætero Assyriam, Babyloné, quæ etiam cùm floreret vidi vicinam vrbem ædificari, sibi non cedentes de magnitudine, cur Alexádria non reædificatur, nisi quia hominū industria magis, quàm natura consisteret, Romam antiquā restituit Petri sanctitas, & Romani nominis authoritas, potius quàm naturalis situs mari carens portuoso. Sileo Athenas, & Lacedæmonem, quæ magis pertinaci hominum virtute, quàm situs commoditate excelluerunt. Omitto duos illos oræ maritimæ oculos Corinthum, & Carthaginem, quos eodem ferme temporum effosso, primùm Julius Cæsar restituit, deinde rursus funditus erutos nemo instaurauit, quāuis Carthago sita in peninsula portuosa quidem, sed duo maria non coniungens, quamuis Corinthus bimaris, arx Peloponesi, clavis, & compes Græciæ nominata sit, tamen duo maria ne duos quidem sinus proximos, quos circuitus peninsulæ cōiungit, nunquam coniungere non modò ipsa potuit, sed ne vires quidem imperij Macedonici atq; Romani, id quod artificio potuit Cyzicus, & natura Chalcis Euboïca, altera Græciæ clavis existimata, quarū omnium circuitus fieri breui declinatione poterant: at Constantinopolis clavis duplicitis orbis, & maris Aegæi, & Euxini, quæ nulla nauigatione, nulla circuitione ne totius quidē orbis iungere possis, nisi ore Byzantio. Prætermitto Venetas, quæ magis clauduntur mari, quàm claudant maria, magisq; laborant maria seiungere, & repellere, quàm coniungere. Sileo totius orbis omnes situs, qui vrbes habuerunt,

runt, habent, aut habituri sunt, nullus vñquam inuenitur, qui tot, & tantas commoditates habeat non modo ad imperandum, sed ne ad priuatem quidem viuendum, caritatem annonæ nunquā, aut rarissimè sentit, cui continuus campus Thracius frumentarius amplius quoquo versus plus minus septem dierum iter, alicubi viginti dierum, & eo amplius. Prætereo Asiam vicinam proximam vbertate agrorum frumentariorū, & pastionibus redundantem. Sileo ex vtroq; mari facilem vecturam, iam vini copiā præterquam quod ipsa fert, habet oram Bospori, Propontidis, Hellesponti vinetiis consitam, & facili nauigatione infinita genera habere potest, cæterásque delicias. Vt Theopompus scribat, ex eo, quòd Byzantium esset nobile emporiū, populum omnem in foro, & portu, & cauponis versari solitum dantē operam Baccho: Menander in comœdia nominata Aulitride, ait omnes mercatores temulentos facere Byzantiū. Totam, inquit, noctem bibo, surgo habēs quatuor capita, exagitant comici Byzátios, quod cùm vrbs obsidione premeretur, non alia ratione eos exercitus Imperator in mœnibus cōtinere potuit, quām cùm prope muros cauponas collocasset, quod vt fuit popularis gubernationis vitium, ita loci virtutē, & copiam ostentat omnium rerum, carnium quantā sit copia, norunt, qui viderūt atq; si venatores essent, nusquam copiosiores venationes, & aucupia. Fructibus autem omnis generis, omnis téporis fora abundant, quod si nostrates negent, dicam considerent, quantum natio Mametana confiscere possit leniēs vini desiderium pomis, piris, reliquisq; omnibus fructibus, lignorum verò abundantiam habet tan-

tam, ut nullis seculis abundatura non sit, cum ex Europa, tum ex Asia. Sylvae enim immensae, perennes, longae, iter plusquam quadraginta dierum, continuatae a Propontide ad Colchos, & longe ulterius: ut non modo sibi ac vicinis, verum etiam longinquis atque adeo ipsi Aegypto, & sinui Arabico, atque Aphricae materiam suppeditet in aedium, nauiumque aedificationem, solaque; ex maximis urbibus est, quae nunquam incidet in lignorum penuriam, non modo ad ignem faciendum, sed ne ad aedificia quidem & naues, in quam nostra aetate videamus incidisse maximas Europae, Asiæque; urbes. Piscium vero redundatia excellit Massilia, Venetia, Tarentum: sed omnia superat Constantinopolis, qua velut per portam pisces duplicitis maris transeunt, neque modo per Bosporum transeunt, sed ad Byzantium feruntur reliqua Chalcedone, ut uno reti viginti nauigia impleas, atque sine rebus sepe manibus ex continenti capias, atque adeo cum verno tempore in pontum ascendunt densi greges iactu lapidis velut aues ferias, ex fenestris quoque; urbis calathis ex corda appensis mulieres pescantur, hamisque; pescatores sine esca pelamydes capiant tot, & tantas, ut sufficiant toti Graeciae & magnae partis Asiæ Europaque. Et ne numerem piscium genera, optimarum ostrearum tantam multitudinem capiunt, ut sufficiat, ut tot dierum ieuniis, quibus Graeci piscibus sanguinis participibus non vescuntur, quotidie videoas in pescariis foris multa nauigia ostrearum plena. Quod si Byzantij non tanta esset carnis copia, si piscibus delectarentur, pescatorésque essent ea industria, qua Veneti, & Massilienses, liberèque pescari possent, non autem medium partem

partem p̄ficationis Regi Turcorū tribuerent: profecto omnes angiportus quotidie implerentur piscibus. Iam nouæ Romæ cælum quispiam damnabit, vt ponticum, ego expertus sum salubrius quām antiquæ Romæ, atq; ex multis annis vix vniūs, aut alterius anni hyeme perfrigidam, calores autem æstiuos temperatos esse anniuersariis septentrionibus, quibūs assiduè ferè tota æstate aër serenus est, hyeme tepescit australis, quibus aer ferenus fit, septentrionibus pluuius, cōtra quām in Italia & Gallia fieri solet. Peste verò minus acerba, minusq; mortifera, nec frequentiori quām magnæ vrbes laborare solent, rariusque laboraret nisi plebis multitudine, & seruis sordidè pastis impleretur. Et ne videar laudare Rhetorum more, quāt vix Sophistarū acerbitate reprehendi potest, hoc vno malo laborat, quod barbaris frequētiūs, quām exultis humanitate habitabitur, non quin sit apta ad molliendos homines etiā barbarissimos: sed quod ob copiam humanarum rerum eius habitatores remollescent ad resistendum Barbaris, quibus longè latēque circundata est, vnde fiet, vt & si ad imperandum natura sit comparata, tamen educatione, & disciplina nequaquam vtenitur illius incolæ, copiāq; rerum negligentes fient, & superbia loci rationem cōsuetudinis, & familiaritatis cum hominibus habēdē negligent, vnde ob insolentiam odio hominum extridentur, aut in dissensiones incident, quibus Christiani ciues laborantes amiserunt urbem, & imperium. Sed dissentiant, quantumlibet, urbemque, vt s̄aþe fecerunt, inflamment, & funditus euertant, tamen nunquam deerit, qui eam restituat ob loci opportunitatē, sine qua pontus Euxinus, rursus

rursus Axinus efficeretur, ob copiam Barbarorum pontum cingentium. Quis enim, nisi longo huius urbis imperio castigati essent, siue mari, siue pedibus proficisci retur ad oras ponticas latronibus plenas? quis Bosporū, quem utrinque accolunt Barbaræ gentes, penetraret, ac si quis penetraret, tamen Thracibus accolis pōti rediens aberraret ab ostio Bospori falsa, ut olim facere solebant, lumina pro pharo prætendentibus. Non igitur modo nauigationem ponti, Byzantium impedire potest, sed nemo sine eius subsidio, nauigare illuc potest. Quare cum totius Europæ Constatinopolis sit arx contra Ponticos, & Asiae Barbaros, etiam si saepe deleatur, semper non deerit aliquis, qui eam restituat, iniuitatus loci opportunitate. Quis vñquam hostis acerbius urbem aliquam euertit, quam Seuerus? attamen cum resipuit ab iracundia contra Byzátios, animaduertit se ab antiquis temporibus urbem habitam communē quādam benefactricem omniū, Romani imperij magnam propugnaculū delevisse contra Barbaros ponti & Asiae.  
Itaque restituere conatus est, nominéque filij Antoninam appellari voluit. Cæteræ igitur ures, ut sint mortales, haec sanè quandiu erunt homines futura mihi  
videtur immor-talis.

PET



9

PETRI GYLLII  
DE TOPOGRAPHIA  
CONSTANTINOPO-  
LEOS, ET DE IL-  
LIVS ANTIQVI-  
TATIBVS,  
LIBER PRIMVS.

*De Byzantij conditoribus, & de eius varia fortuna.*

C A P V T . I.



Y Z A N T I V M conditum fuisse Stephanus, atque Eustathius memoriae prodiderunt à Byzante Ceroësse, & Neptuni filio, vel ab eo, qui classis Megarenium coloniā deducentium Dux fuit nominatus *Bvȝ̄s*. Ego hunc etiam Byzanta appellatum arbitror, nam à Byze, Byzēum, potius quam Byzātium diceremus. Philostratus in vita Marci Sophistæ Byzantini, Ducem illum classis Megaricæ nominat Byzanta, cùm scribit Marcū, quod referret originem sui generis ad antiquū Byzanta profectum Megaram, charum habitum fuisse Megarenibus coloniæ Byzantinæ deductoribus, quibus Pythiū Apollinem consulentibus, vbi conderent urbēm, redditum oraculum est, quærerent sedem cæcorum terris aduersam. Ea ambage Chalcedones monstrabantur,

quòd priores aduecti illuc, præuisa locorū vtilitate peiora legissent. Quod autem apud Iustinū scriptum est à Pausania Spartano Byzantium conditū, ita intelligendū existimō; vt qui Sycam, quam hodie vocant Galatam à Genuensibus conditam esse affirmant, & Constantinopolim à Constatino, qui, aut reædificarunt, aut amplificarunt, non autem primi ædificarunt: nam cùm ex Herodoto intelligam Dario inuadente Thraciam Byzantios, & Chalcedonios ne expectasse quidem aduentū Phœnicię classis relictis suis vrbibus in interiora Euxini ponti discessisse, ibique Mesembriam cōdidisse, Phœnices autem Byzantiū, Chalcedonem combussisse, arbitror Lacedæmonios Pausania Duce coloniā illuc deduxisse, & Byzantium, siue coloniam prius Megaren sium, siue sedem ciuium à Byzante Neptuni filio conditam restituisse. Eustathius dicit Antoninam appellatam fuisse ab Antonio Bassiano Seueri Cesaris filio: sed quandiu pater vixit, id nomen obtinuisse, deinde multis post annis nominata est noua Roma, & Constantinopolis, & Anthusa quasi Florētia, siue Flora à magno Constatino, vnde Priscianus appellat nouam Romam Constantinopolitanam. Apollo fælices quidem prædixerat, qui eam incolerent, sed vtranque fortunam sæpe experta est. Primò magnis laboribus emersit impenitentibus Thracibus, Bithynis, & Gallogræcis: in singulos enim annos octoginta talenta Gallis in Asia dominantibus diu pésitauit. Maioribus creuit, nec solūm externis, sed etiam domesticis frequenter vexata, nunc optimatiū gubernabatur statu, nunc populari, variásq; partes secuta est, sed diu floruit in republica, latéque in Euro

Europa, atque Asia dominata præsertim Bithynis, vt Philarcus tradat in sexto libro historiarum, Byzantios sic dominos fuisse Bithynorum, vt Lacedæmonij fuerint ἀλώτων, quorū fortuna media erat inter seruorum, & liberorum conditionem. Hæc Respublica Ptolomæorum Aegypti regum nomen coluit, vt Philadelpho honores diuinos tribuerit, templumque illi excitarit in conspectu suæ urbis, nomen imperij Romani fouit, primò aduersus Regem Macedonū, cui vt degeneti impositum Pseudophilippi nomen. Sileo missas copias in Antiochum, Perséum, Aristonicū, & piratico bello adiutum Antonium Mithridatis impetu ægre repulsum, & ceruicibus interclusum suis sustinuit: & simul Scyllę, Lucullo, Pompeio valde auxiliata est, quando ea loca insideret, quæ transmeantibus terra, marique ducibus, exercitibusque, simul vehedo commeatui opportuna forent. Tandem Nigri partes secuta contra Seuerum omni dignitate principatus spoliata est, & Perinthiis subiecta, & balneis, & theatris muris, quibus validis excelsisque munita erat, lapide quadrato, & molari constructis, potius quam Milesio, vt placet Politiano: nam neque ex illo antiquo Milesio, neque Miletopoli excisus fuit, cum Miletum remotissimum, & Miletopolis posita iuxta Rhindacum fluum nullas nobiles lapidinas habeat, quam quidem vidi funditus eversam lacui Apolloniati propinquā adhuc nomen retinentem. Muri adeò tenui iunctura fuerūt, vt Herodianus testetur, nemini compositum opus, sed ex uno, perpetuoque lapide visum fuisse, ruinas ipsorum, reliquiasque Herodiani temporibus, qui videbāt, mirabantur eos, vel qui

cōstruxissent, vel qui deleuissent. Dion, quem Zonaras citat, muros tradit munitissimos habuisse Byzantium, quarum lorica lapidibus tres pedes crassis, & qui regulis æreis comprehendenterū constructa erat, interiorāq; ipsorum sic erant cōpacta, ut vñus murus crassus omnis structura esse videretur. Turres crebrae & magnæ, portas circū habentes alias aliis superpositas. Muri ex parte Continentis valde excelsi, maritimi humiliores erant. Duos portus intra murū habebat, catenis clausos, quorum brachia sustinebant turres multum eminētes, ipse cūm Græco Codice Xenophontis carerem, arbitrabar Xenophōtem de alterutro horum portuum intelligere ex Latina traductione, quæ ita habebat cūm ex Chrysopoli Byzantium traieccissent, cūmq; ex Byzantio exclusi essent milites Xenophontei repagula perfringere conabantur, portásque se effracturos minabantur, nisi eas Byzantini voluntate aperirent, atq; accurrerunt ad mare, & intra oppidum desiliere muris superat̄is, iuxta ipsius portus latera, quæ, quòd curuatis vtrinque moli- bus prominent, Chelas, id est, acceptabula Græci vocant: at postea incidens in Gr̄cum Codicem, vidi nullam ibi mentionem portus esse, sed duntaxat τὰ χαλκὰ τὰ τέχνες, hoc est, ad crepidines muri, siue ad proiecturas fulcientes murum: ac si χαλκὴ τὰ λιψεῖσθαι legeretur, brachium potius, aut crus vertendum fuisset. Dionysius Byzantius tradit Bospori primam circuitione excipere tres portus. Byzantij quingenta habebāt nauigia, quorum quædam erant dicota, quibusdam erant gubernacula ex prora, & ex puppi, & gubernatores, & nautæ duplices, ut siue inuaderent, siue retrocederent, neesse

non

non esset eas conuertere: hostésque fallerent in accessu,  
& recessu. Byzantij Nigro viuente, & mortuo multa mi-  
rabilia ediderunt triennium obseSSI, neque modò capie-  
bant hostium naues præternauigantes, sed etiam trire-  
mes ex statione hostili abstrahebant: anchoras enim  
vrinatores sub aqua natantes abscindebant, & funicu-  
lis ad clausos pedum plantis affixos alligatis trahebant  
sua sponte adnare vilas, nec primi Byzantij hoc ege-  
runt: nam Tyrij assueti conchas, aliisque eiusmodi sub  
aquis legere profundo mari nantes ex improviso an-  
choras hostium præcidebant, quod Alexander vbi ani-  
maduertisset, ferreas catenas pro funibus alligari ad  
anchoras iussit. Byzantij, cum omnia consumpsissent,  
tamen resistebant lignis, quæ ex ædificiis detrahebant,  
& funibus ad naues vtebantur, quos ex capillis fœmi-  
narum suarum conficiebant, interdumque statuas, &  
equos proiiciebant in suos hostes. Ut verò omnibus escu-  
lentis destituti sunt, pelles aqua mollitas edebant, pelli-  
busq; consumptis alij in alios effterari cœperunt huma-  
nis carnibus vescentes, denique fame oppressi inuiti vr-  
bem dederunt. Romani interfecerunt milites, omnés-  
que principes ciues, vrbs tota funditus euersa, muri di-  
ruti, quorum ostentatione gloriabantur, simûlque thea-  
tris, thermis, omnique cultu, atque honore detractis in  
vici formam redacta Perinthiis adjudicata est. Ea ca-  
pta Seuerus valde lætatus est, eiique libertatem abstulit,  
& dignitatem reip. tributo imposito, ciuium bonis pu-  
blicatis Perinthiis Byzantium, eiisque regionem lar-  
gitus est. Seuerus postea Byzantium profectus, ut vidit  
ciues sibi obuiam egressos cum ramis oliuarum suppli-

ces deprecantes salutem, & excusationem afferētes, cur illi obstatissent, abstinuit quidem à cæde, sed Perinthiis subiectos reliquit, theatrū tamen illis dedit, & λεωντίων porticus, & Hippodromum ædificandum curauit, ei-démq; adiunxit thermas, quas ædificauit in templo Iouis, qui appellabatur Zeuxippus: renouauit etiam Strategium, quæ omnia Seuerus inchoauerat, Antoninus filius perfecit.

*De magnitudine Byzantij.*

C A P. 11.

**C**onstantinopolitani ciues huius ætatis dictitat̄ Byzantium comprehēsum fuisse primo colle, hoc est, septo regio, sed ampliū fuisse liquebit ex his, quæ modò dicam: recentes scriptores ita describunt Byzantium incepisse à muro arcis, & pertinuisse ad Eugenij turrim, ascendisse usque ad Strategium, & Achillis balneum, & portam Vrbicion terrestrem Byzantij, inde in chalcopratia & miliarium ubi altera porta terrestris Byzantiorum hinc ad columnas Zonarij, ex his descendisse, & flexū fuisse in Acropolim per manganas, & thermas Arcadianas, quibus ut nonnullam fidem habeam non tantum facit eorum in aliis permultis mihi cognita fides, quam Eustathius scribens Athenienses usos Byzantio οὐλιχνίων, id est, parua urbe ad seruandas pecunias, sed longè antiquior Zosimus Historicus Byzantium ita describit: In colle, inquit, situm fuisse occupans partē Isthmi, quem efficiunt sinus nuncupatus cornu, & Propontis, habuit portam in fine porticuum, quas Seuerus Imperator ædificauit, cum iratus esse desisiisset Byzantiis, quod Nigrum tutati fuisse ho-

stem,

stem, Byzantij muris per collem procedebat à parte occidentali usque ad Veneris templum, & ad mare oppositum Chrysopoli, à Boreali vero parte simili modo descendens usque ad portum, quem vocant Neorium, & ulterius usque ad mare, quod è regione iacet oris pontici per quod ad pontum Euxinum nauigatur. Hęc igitur, inquit ille, antiqua urbis magnitudo, sed Dionylius Byzantius Zosimo multo antiquior, ut ex eius scriptis cognoscatur ante Seueri ruinā scripsisse, ait ambitum Byzantij circiter quadraginta stadia complexū fuisse, quae longe maius spatium complectuntur, quam illi trididerunt. Herodianus Byzantium tempore Seueri urbem maximam omnium Thracię fuisse dicit.

*De Constantinopolis instaurazione, eiusque magnitudine.*

C A P V T . I I I .

 O N A R A Constantinum magnum scribit cū-  
pientem urbē sui nominis condere primo Sar-  
dicum Asiæ agrum delegisse, deinde Sigēum  
promontorium post Chalcedonem & Byzantiū. Geor-  
gius Cedrinus dicit Constantinum primo Thessalonī-  
cam delegisse, ibique biennum agentem loco delecta-  
tum admirabilia templa, balnea, aqueductus ædifican-  
tem peste interpellatum locum hunc reliquisse, & pro-  
fectum Chalcedonē Bithynorum à Persis euersam re-  
stituere incipientem admonitum fuisse, ubi Constan-  
tinopolis cōdenda esset ab aquilis lapillos architecto-  
rum iterum, & sepius rapientibus, & Byzantium trans-  
portantibus. Zonaras idem scribit, lapillos non vocat,  
sed funiculos, quod commentitum videtur surreptum  
ex Dio

ex Dionysio Byzantio tradente parum abfuisse, quin  
Byzas conderet Byzantium in loco semystra nuncupato  
sito ad ostia Cydari, & Barbysæ fluminum, nisi cor-  
uus rapiens ex media flamma partem victimæ, & depor-  
tans in promontorium Bosporium Byzantem admoni-  
nuisset ibi condendum esse Byzantium: at mihi tam cæ-  
cus Constantinus non videtur fuisse, quām Chalcedo-  
nij antiqui, quorum cæcitate omnibus literarum monu-  
mentis decantata edoctus prospicere potuit Byzantium,  
potius quām Chalcedonem commodius Romani im-  
perij domicilium esse, quātò melius sentiunt longè an-  
tiquiores, è quorū numero est Sozomenus Salaminius,  
& Zosimus, qui scripserunt suam historiam tempore  
Theodosij minoris, hi omissa mētione Sardice & Thes-  
salonicæ, & Chalcedonis, tradunt Constantinum cogi-  
tantem vrbem condere sui nominis æqualis conditio-  
nis parisque honoris, Romæ deprehendisse locum in-  
ter antiquum Ilium & Hellespontum commodum ad  
vrbem condendam, fundamentaq; iecisse, & muri par-  
tem in altitudinem excitasse, quę in hunc diem videtur  
in promontorio Sigæo, quod Plinius appellat Aiantiū,  
ex eo, quòd ibi Aiakis sepulchrum esset eminens in ex-  
tremas Helleponiti fauces, vbi dicunt stationē nauium  
fuisse, & tentoria habuisse Achæos militantes contra  
Troiam, pōst Constātino commodiorem sedem visam  
esse Byzantiū, quod trecentesimo sexagesimo secundo  
anno ab imperio Augusti Constātinus restituit, auxit,  
maximis muris circundedit, nuncuparique nouam Ro-  
mam Constantinopolitanam lege sanciuit, quæ incisa  
in colūna lapidea, & publica in Strategio prope Con-  
stantini

stantini statuam equestrē proposita erat. Cùm autem indigenas ciues existimaret non sufficere magnitudini vrbis, iuxta fora sparsim ædificauit domos, quas dedit habitandas Senatoribus, atque illustribus viris, quos secum duxerat ex vrbe Roma, atque ex aliis gétibus. Fora constituit alia ad vrbis ornementum, alia ad vsum ciuium, Hippodromon sacris ædibus, fontibus, porticibus instruxit, & Senatu, quem habere voluit eundem honorem, quem Senatores Romæ habere solebant. Regias ædes condidit non multo inferiores Romæ regiis ædibus. Denique in omni ornatu similem, æqualēmq; Romæ Italiæ efficere studens in eam magnitudinem perduxit, vt Sozomenus tradat hominum multitudine & diuitiis maiorem Constantinopolim esse, quam Romanum. Cunapius Sardianus non ignobilis scriptor, quamuis Constantino infestus, tamen Constantinopoleos magnitudinem maximā designat his verbis: Constantinopolis, inquit, antiquum Byzātium temporibus quidem antiquis præbuit Atheniensibus transmissiōnem frumenti, quod illinc copiosum effterri solebat: sed temporibus nostris, neque ab Aegypto multitudo onerariarum nauium, neq; ex omni Asia, & Syria, & Phœnicia, & ex aliis gentibus importata, multitudo frumenti Constantinopolim implere & satiare potest populū, quem Constantinus in vrbem Byzantium transtulit ex aliis vrbibus, quas hominibus spoliauit. Similiter Zosimus & si Constātino non æquus ob religionem, tamen fatetur eam auxisse in magnitudinem maximæ vrbis, atque vltra Byzantij muros quindecim stadia vrbem circumplexum esse muris intercipientibus Isthmum ex.

mari in mare, quam Constantinus quamvis maximam effecit: tamen Imperatores, qui post Constantinum imperarunt, maiorem effecerūt, & propter multitudinem vndique confluentium in urbem militiæ, vel mercaturæ, vel aliarum rerum causa, aliis muris multo maioribus, quām Constantiniani essent: eam circundederunt, & habitationes ita angustas esse permiserunt, ut etiam habitantes in foris angustè habitarēt, vt viatores cum periculo incederent propter hominum, animaliumque multitudinē. Vnde factum fuit vt maris non parua pars circumventis urbem exsiccata fuerit, & palis in circuitu defixis, & domibus supra palos impositis vrbis magna facta sit ad capiendam populi maximā multitudinem, & hæc quidem Zosimus ait de magnitudine, qua erat temporibus vel Arcadij, vel Theodosij. Agathius scribit temporibus Iustiniani adeò continentia, & perpetua fuisse vrbis ædificia, & coniuncta inter se, vt rarissimum videret quispiam locum sub dio apertum, & vndique liberum, vt rectis oculis cælum suspicere posset. Quām etiam magna fuerit vrbis ante Iustiniani tempora colligere possumus ex antiqua vrbis descriptione, incerti autoris, sed antiqui, & fidei pleni. Is dicit vrbis longitudinem fuisse à porta Aurea usque ad littus maris directa linea pedum quatuordecim milia septuaginta quinque, latitudinem autem pedū sex milia centum quinquaginta, neque tamen Iustiniani temporibus intra urbem Blachernas fuisse colligere licet ex Procopio etiam si ante Iustiniani imperium vrbis aucta fuisse à Theodosio minore, qui, vt tradunt Zonaras atque alij, id negotij dedit Cyro vrbis Praefecto, is magno & prōpto

pro studio excitauit terrestrem murum à mari ad mare sexaginta diebus vrbis populus hoc opere delectatus, & celeritatem admiratus exclamauit Cyrus, & publica voce in theatro coram Imperatore Theodosio pronunciauit, vrbem Constantinus condidit, Cyrus renouauit: hinc inuidia Cyro' conflata est, & suspicio. Itaq; Theodosij iussu inuitus tonsus, deinde Smyrnæ Episco pus constitutus est. Hunc nominant Epigrāmata Constantino, inscripta in portis Xyloceri & regij nuncupatas his verbis:

Eis τὸν πόλιν ξυλοκόρεαν θεοῦ βυζαντίῳ.

Θεοδοσιοὶ τὸν δὲ τάχον αὐτοῖς, καὶ ὑπαρχοὺς ἔωσι.

Κωνσταντίνοις ἐτούτους γνώσκοις θεοῖς εἰσι.

Eis τὸν πόλιν τῷ φυγέαν γνώσκοις βυζαντίῳ.

Ηματηρὶ θεοῖς οὐλοπήρων βασιλεῖς.

Κωνσταντίνοις ὑπαρχοὺς ἐδάμαντο τάχον τάχον.

Quæ autem causa mouerit Constantimum, vt Byzantium nouam Romam Reginā imperij Romani constituerit, Sozomenus atq; alij tradunt Deum noctu Constantino visum oraculum dedisse, vt ad Byzantium conderet vrbem dignam suo nomine. Alij tradūt, vt Julius Cæsar euitare volēs insidias, cogitauit migrare Alexandriam, vel Ilium, translati simul opibus imperij, exhaustāq; Italia delectibus, & prouratione amissis permisſa: sic Constantinus sentiens se venisse in odiū senatus, populique Romani, exhausta Roma migrauit primò Iliū, deinde Byzantium. Zosimus nominī Christiano infestus causam affert maximè impiam. Constantinus, inquit, cùm sustulisset Crispum, atque alia scelera commisisset, à sacerdotibúsq; expiationem eorum peteret,

responsum ab eis accepit se tantam scelerum impietatem purgare non posse, sed hanc Aegyptium quendam posse, qui ex Iberia Romam profectus allocutus Constantimum affirmauit omnium scelerum ipsum purgationem adepturum, si Christianorum confirmaret opinionem, quæ hoc constitutū profiteretur, impiè, & sceleratè contaminatos, statim pœnitentes veniam assentiū qui omnium malefactorum suorum. Constantinus facile sermonem excipiens reliquit religiones patrias, & particeps factus est eorum, quæ sibi communicauerat Aegyptius, impietatisque principium fecit manticam habere suspectam: instantे autem festo, in quo necesse erat in Capitolium ascendere exercitum, & ritus religionis suæ implere, metuens Constantinus interesse festo ex visione ab Aegyptio sibi missa improbatè ascensum in Capitolium à sancto sacrificio patrio desciscēs senatum, populūmque Romanum excitauit, in odium sui, qui non ferens omnium execrations, & conuitia verbum similiter præstantem, ut Romam querebat, vbi Palatia regia constitueret, & sedem imperij: cùm locum inter Troadem, & antiquum Ilium inuenisset aptū ad vrbis ædificationem, & Palatia regia constituenda fundamenta iecit, & muri partem excitauit: vbi verò huius loci Constantimum pœnituisset, opus reliquit imperfetum, & Byzantium accessit, admiratus vrbis situm, iudicauit hāc aptam maximè esse ad Regis domicilium excipiendum. Hæc quidem Zosimus Iuliani studiosus Constantino ob religionem infestus, à cuius sensibus, vt penitus abhorreo, ut ei nō assentio de sceleribus impiis, quæ falso impingit Constantino, quæ alienissima

à men

à mente Constantini maximè pij, humanissimèque copiose monstrare conarer, nisi hoc præsens institutum tantam digressionem non pateretur, nisi etiam satis Sozomenus & Euagrius ea redarguisserent, & confutassent. Ita in describenda magnitudine incrementi vrbis ei assentire cogor, cùm ex eo, quod etiam si Constantino infestus, tamen tantam, tam magnam, tam pulchram cogitur fateri Constantimum adificasse: tum etiam magis ex eo ipso, quod is vicinior multis seculis esset temporum Constantini, quām recentes monachi, qui incertis libellis, quos ipsi inscriperunt de patria Constantinopolitana, Constantinopolim ita designant, Constantium posuisse murū à turre Eugenij, quæ finis erat antiqui Byzantij usque ad diuum Antonium à topis nuncupatis ad sanctam Deiparam nuncupatam Rabdon, & ascendisse usq; ad Exacionion, à millario penetrasse ad portas antiquas Ioannis præcursoris, & transisse usque ad cisternam nuncupatam ab homine bono, inde transisse ad Armation, atque usque ad diuum Antoniū, hanc descriptionem excuterē, nisi eorum autores mendaces in permultis expertus essem, ut prætereundos putem. Hoc ferre non possum, quod ponunt Ioannis præcursoris templum intra muros Constantinanos fuisse, cùm etiam multis annis post Constantium extra urbem fuisse, atque alia sim infrà demonstratus.

*De forma, ambitu, latitudine, & longitudine, qua nunc est Constantinopolis.*

C A P . I I I I .

 Onstantinopolis ex tribus partibus alluitur mari, ex Aquilone sinu Cornu nuncupato, quem in Europam insinuat Bosporus, ab Oriente cin-

dd 3

gitur Bospori extremis faucibus, à Meridie Propontide ab Occidente terra Thracia. Forma illius est triangula, cuius basis est pars vergens ad occasum, vertex autem pars pertinens ad ortum, id est, ad initium peninsulæ, sed lateribus disparibus: latus enim spectas ad occasum, ab angulo sinus lunatam curuaturam admittit, deinde postquam longo spatio processit, ex Aquilone flectitur ad Meridiem, latus vero verges ad Meridiem, admittit flexum ea latitudine, ut si ab angulo ad angulum linea recta extenderetur, sinum maris interciperet in medio largum plus minus duobus stadiis, latus vero pertinens ad septentriones, & sinum Cornu nuncupatum: si ab angulo uno ad alterum angulum linea duceretur, totum sinum Cornu, & partem urbis Galatæ interciperet; sic enim curuatur latus, ut eius duo extrema cornua arcum efficiant, duos arculos in medio flexu habentem, sed sic introrsus recedentes, ut duo extrema cornua arcus se includentis, non impediant quominus quis ex alterutro cornu cernens videat utrumque cornu; magis igitur propriè Constantinopolis, tricornis, quam triangula. Nam recti anguli non prominent extra latus, neque recedunt, cornua vero prominent & recedunt, & incurvantur. Itaque si haec tria cornua quatenus eminent extra truncum urbis abscederentur, urbs remainderet quadrata, oblonga, aliquanto plus miliari latata, ter tanto scilicet longior, quam latior: ac si cornu, quo scinditur Bosporus non flecteretur ad ortum solstitialem, sed ad æquinoctialem dirigeretur, urbs trianguli formam tenere posset: nam urbis latus verges ad sinum ferè esset rectum, & Proponticum latus magis dirigetur, &

tur, & pari prope anguli essent latitudine, sed tamē anguli absoluti figuram nōdum obtineret: nempe alij hebetiores, alij acutiores, & latera nondum rectis lineis dirigerentur: nos tamen, vt omnes existimāt, triquetram dicere possumus tribus grandibus angulis constantem, quorum vnum spectans Propontidem, alterum pertinens ad continentem Thraciam, eadem sunt longitudine, tertium sinui adiacens breuius est vno circiter miliario, ambitus vrbis non attingit tredecim miliaria: quanuis Laonicus Chalcondylus in historia, quam scripsit de Othomanis, tradit Constantinopolim circuitu complecti centum & vndecim stadia. Eius longitudo discurrens per dorsum promontorij sex colles efficiens, non longior est triginta stadiis: at si vrbs esset trianguli recti, non longè excederet nouem miliaria. Sed si eius situs collinus in planitie explicaretur, in ampliorem dilataretur latitudinem: at tamen nondum ad magnitudinem, quam vulgo Byzantini ei attribuunt, videlicet duodeuiginti miliariorum: neque tamen plura ædificia contineret, quod sita in collibus, quam si esset posita in librata planicie, propterea quod ædificia non in solo inclinato, sed ad libellā plāno ædificantur. Non enim eadem ratio domorum, & hominum: nam plures homines ambitus Constantinopoleos continere posset in collibus sita, quam si esset plana, non item plures domos. Sedes enim hominum in cliuo consistere potest, non item domorum, quarum solum explānatum esse oportet. Eius latitudo varia ab Oriente ad mediam fere vrbem nusquam strictior miliario, neque latior duodecim stadiis: deinde sensim dilatatur in duo cornua,

vbi

vbi tam larga est, quam tota fere vrbis longa, nec admodum dissimilis est aquilae pandenti alas, oblique intuenti sinistrorum, in cuius rostro positus est collis primus, vbi Regis Palatum; in oculo templum Sophiae; in capitis vertice posteriori fere est Hippodromus, in collo sunt duo colles, secundus & tertius reliqua vrbis pars alas, & ceterum corpus occupat.

*Constantinopolis generalis descriptio.*

C A P V T      V.

 Onstantinopolis occupat peninsulam septem colles complectentem, quorum unum efficit vrbis angulus orientalis inchoans promontorium, quod Plinius appellat Chrysoceras, Dionysius Byzantius Bosporum. Hic collis primus est diuisus a secundo colle, valle lata, reliquos sex colles efficit idem promontorium Bosporum, ita ab exordio peninsulae orientali ad Occidentem pergens perpetuo dorso leniterque conuexo, ut sex colles ex suo latere dextro in sinu eminenteis porrigat, & valles quinq; emittat, sed nullas penetrantes dorsum excepta tertia, & quinta. Sed ita, ut suis iugis paululum depresso dorsum promontorij ferè æquum continuent, sinistro autem latere feratur perpetuo cliuo, ut colles non habeat, sed tumulos, & vallulas exigue depresso, procliuiores tumulis ipsis: & ita dorsum promontorij tendit aliquantum dispari planicie, & altitudine, ac curuatur duos flexus recipiens, primum prodicens ex iugo primi collis. Vnde leniter assurgit usque fere ad alterum flexum, qui fit in iugo tertij collis, vbi exiliter deprimitur, dum vallis iugum interceden

cedentis inter tertium, & quartum collem admittit. In de mediocri interuallo cliuoso assurgit, deinde æquale fertur ad occasum vsque ferè ad murum terrestrem, vbi paululum eminet, promotorij huius, quod dico efficere sex colles, planities varia: nam alia in dorso, alia in radicibus, vtraque inæqualis, in primi collis iugo librata, larga ducentos circiter passus, longa septingentos. Deinde prodiēs ex huius collis fastigio, leuiter peruenit ad iugum secundi collis, vbi larga quingentos passus, sed tota fere leniter deuexa, in iugo vnde nascitur secunda vallis angusta, & exiguae prona, in tertio colle latior sexcentis passibus, sed æqualior eo loco, vnde oritur tertia vallis ampla sexcentos passus. Ex qua ascenditur breui cliuo in quarti collis iugalem planitiē non ampliorem ducentis passibus, in quinto dilatatur in passus circiter septingentos: in iugo, ex quo nascitur quinta vallis, restrictior, in sexto molliter attollitur. Iam vero ima planities inter mare & radices promontorij procurrēs, & si totum promontorium perpetua ferè cingit, tamen varia est, nam minor est ad radices collum, dimidio latior ad valles: ita enim ab initio promontorium ambit, vt in valles tres insinuata pateat in latitudinē mille passuum, iuxta colles nusquam angustior iugere, excipio tertij collis radices & quinti, vbi est angustissima, in quartam vallem longè latēq; spatiatur. Ad radices sexti collis contrahitur, exceptis radicibus duorum tumulorum positorum à tergo primi & secundi collis, quorum alter eminet vsque ad littus, alter prope accedit. Sed vībis ut situs faciliūs explicetur, per partes describam valles & colles, quorum iucundus prospectus est:

ex eodem enim promontorij dorso sex colles nascentes eminentes in sinum, ut fratres dicere possis, ita per ordinem locati sunt, ut alteri alterorum aspectum non auferant, ut per sinum nauigans omnes videat ita eminentes in sinum, ex tribus lateribus ut singuli duo ostendat latera, primus eminet in ortū solstitialem ad claudendum sinum, secundus tertiusque interius recedunt versus Meridiem, reliqui eminent in septentriones tam sensim, ut uno aspectu videre eorum omnium possit, duo latera, neque vius altitudo alterius altitudinem priuat aspectu nauigantium per sinum. Primus est secundo humilior, secundus tertio, quartus quintus, sextus aut paulo editiores tertio, aut paululum cedut, id quod aquae ductus libella deprehendere licet. Primus enim collis inferior tertio & quarto deprehenditur ex turre librante aquae ductum, per quam amplius quinquaginta pedes aqua in altum exprimitur. Atque clarius ut res intelligatur, diuisione utrā non quidem in longitudinem urbis à Bospori extremis faucibus ad mœnia circuitu maris parentia pergentem, sed in latitudinem tendente Propotide ad sinum Ceras nuncupatum: quod autem latitudinem in sex partes diuidam, naturalis situs promontorij me informat, qui diuisionē in sex colles vallibus distinctos in sinum eminentes informauit, verum non absoluit, non enim dorsum promontorij transcut Romanos colles facile est secernere, quos Natura secrevit vallibus, at Byzantini adeo dorso inter se cohærent, & promontorij eos procreatis pars sita à tergo collium non similiter ut à fronte intumescat, ut alter eos describere non possim, quam hos sex colles esse vnius

vnius promontorij dorsum perpétuum prominens in-  
ter valles alternas. Itaq; non aliter definiam, quām pri-  
mo describam partem promontorij dextram, hoc est,  
collem, aut vallem, postea partem sinistram positam à  
tergo collium, aut vallium.

*Singularum partium situs.*

C A P . V I .

**R**I M A latitudinē pars est frons peninsulani  
promontorij amplius mille passibus patēs, ver-  
gens ad Orientem, adiacens extremi Bospori  
faucibus. Is enim ita secundum frontem promontorij  
discurrit littore curuato leniter in arcum, ut ab angu-  
lo, quo Bosporus scinditur in sinum Ceras, & fretū ex-  
tremarū faucium Bosporonarum, interuallo circiter  
quatuor stadiorum pertineat à Septentrione ad Meri-  
diem, deinde spatio quatuor stadiorum ab ortu solsti-  
tiali se conuertat ad occasum brumalem, usque ad ini-  
tium Propontidis, cuius cum Bosporo coniunctio finit  
promontorij frontem, & flexum urbis incuruat ad Oc-  
cidentem æstiuum interuallo duorum miliariorū: ipsa  
autem frons planitiem maritimam habet patentem in  
latitudinem ducentorum passuum, tam longam, quām  
ipsa longa est, supra planitiem eminentes cliui omnes  
ferè molles, non excedentes altitudinem quadringen-  
torum passuum, cliuorum pars sinistra exposita orien-  
ti brumali habet in iugo Hippodromum, pars dextra  
respiciens ad orientem æstiuum, efficit latus primi col-  
lis, in cuius summo est Regis Palatium: possem frontem  
totam, cùm planicie & cliuo æqualiter procurrentibus  
continuata sit, & cohærés cum colle primo, dicere par-

tem primi collis, verum ut distinctius intelligatur, tractabo separatis.

*De primo colle, & Regis Palatio, & de Sophia, & de Hippodromo.*

C A P . V I I .

**R**I M V S collis ab ortu solstitiali ad occasum brumalem proferens suam longitudinem, primo patet in latitudinem triginta passuum, sed subito fit latior, deinde paulo minus in latitudine porrigitur, quam in longitudinem, nascitur ex peninsulae Isthmi angulo effidente verticem triangulæ vrbis, proicit velut mucronem, seu linguam molliter in planum deuexam, seu rostrum, quo Bosporus in fretum sui canalis, & sinum Ceras nuncupatum scinditur: eminet ultra ceteros colles totus ferè in sinus ostium, aditumque projectus, & tanquam brachium immissum claudit sinum, ut lineam ab eius mucrone, si duceres ad angulum vrbis occiduum intra lineam totum sinum, maritimamq; Galatæ oppidi planicie includeres, id quod magno naturæ munere, sinum proteges à ventis tutiorum, & portuosiorem efficit, vndeque procliuis prominet excepta ceruice, qua plana adnectitur reliquo dorso promontorij similiter plano, illius cliui spectates ad ortum solstitialiem, & septentrionem mediocriter supini, & molles, reliqui priores, ut alicubi gradibus ascendantur, sed omnes ubi elatiores nusquam quadringentos passus excedunt. Planicies maritima imos collis clivios ambiens varia est, eam quæ ad Orientem pertinet, latiorem facit littus intumescens incuruaturam lunatam, illius vero, quæ ad septentriones, & Solis occasum contuc

contuetur, latitudinem auget, vallis diuidens primum collem, à secundo colle: iugi planities librata est in passum longitudinem circiter septingentorum, collem totū non solum natura muniuit, quę ab Oriente ipsum Bosporo, à Septentrione sinu Cornu nuncupato, ab occasu solstitiali valle circūclusit, verum etiam regij clavstri muris vndique clausus est, quibus frequentia pinnarum, & turrium distinctis nihilque à murorum vrbanorum forma differētibus à reliqua vrbe separatur. Maritimam planiciem, & cliuos imos occupant regij horti, ex collis supercilio longè latéque maria, campósque despicit Regis Palatium in summis cliuis partim sitū, partim in iugi planicie, in qua duæ Palatinæ areæ vndique clausæ: prima patet in passum longitudinē circiter septingentorum, in latitudinem verò ducētorum, quam subsequitur altera interior à prima muris & foribus diuisa quadrata longitudinis ducentos passus habens, vndique ambitur porticu multis, & variis colūnis marmoreis sustentata, in media area aliquot Platani, & Cupressi litigantium turbam adumbrāt, in angulo septentriones conspicienti forū iudiciale est, quod Turci Diuanum appellant. In areæ latere vergente ad Solis ortum æstiuum collucet regia domus, in latere brumali consistūt thermæ, & culinæ regiæ octo hemispheriis caminatis constantes: carum enim vnumquodque hemispherium concameratum paruæ ædiculari similitudinem gerens, nihil aliud est, quam luculentus caminus in summo vertice fastigiatus in figuram laternæ. Fores primæ areæ sitæ in media ceruice, in qua collis iugū iungitur ad libellam plano dorso promontorij ferreæ du-

plices, & bivalves inter se distant viginti passus, inter quas stant ianitores, ex utroque vestibuli latere fulgent arma suspensa portarum limina & parastades marmoreis nitent, supra fores existit ædificium quadratum regulis plumbeis tectum, ut cætera omnia palatij ædificia. Ex prima area patet aditus ad secundam interiorem aream per portas binas, & duplices, inter quas mediastinorum ianitorum statio, & arma appensa lucent, harum portarum pars exterior præ se vestibulum non habet, sed interior habet velut quoddam vestibulum egredientes excipiens, decem columnis varij marmoris sustinetur, cuius lacunaria auro, & ditissimis coloribus opere Persico elaboratis elatè superbiunt. Ad tertiam portam, qua patet intimus aditus ad ædes regias, stant intimi ianitores, & praefectus ianitoribus, & regio cubiculo. Hac nulli liberè ingrediuntur, nisi servi ministri regiæ domus: cæteri ingredi non possunt, nisi regio permisso, nisi Rege sedente intus prope fores, ut regi Satrapæ, cum Regem salutare habent necesse, aut Legati osculo Regis manū venerantur sedentis in lectica quidem humili, sed superbè strata intra ædiculam marmoream, auro, argentoque, & gemnis fulgentem, circundatam porticu sustentata columnis egregij marmoris spiras & capitula inaurata habentibus. Præter quas commemorauit portas regium claustrum multas alias habet soli Regi, regiisq; intimis ministris patentes, equidem memini me duodecim numerasse ferreas omnes, ex parte urbis septem, quarum duæ mari propinquiores vehem fœni transmitterent, ex parte maritima quinque, prima ad Septentrionem, & sinum vergit, secunda

in col-

in collis mucerone sita ampla præ se vestibulum habens laqueatum auro, & pictura Persica illustratum, sustentatum columnis marmoris Ophitici, intuetur medium Bosporum venientem. Ab hac non procul tertia conspicit Chalcedonē, & Solis ortum, ante quam nauiculae in clausa statione manent, quibus Rex ad venationes hortosq; nauigare solet. Quarta Solis exortum spectat hibernum non longè à ruderibus ædis Christo lacræ, cuius vestigia in muro inclusa apparētia Græci frequenti aditu venerari solent. Ultra hāc quinta videtur, apud quam tigna recta stant ad speculandum pisces retia subeuntes, ex hac regij piscatores prodire soliti sunt, amœnissimum (ut id obiter interponam) prospectum: cūm omnes Byzantij colles habent, tum longè amœniores, collis primus, in quo laxissimè habitat Rex. Is siue in hortis ambulet, siue domi iaceat, à frōte prospicit Bosporum, eiūsque vtraque littora virentia syluis suburbannerum prædio um, à dextera campum Chalcedonenensem suis hortis consitum Propontidem insulas frequentes, nemorosos montes Asiac, & longè retro respicit Olympum Asiac perenni niue tectum, & prope nobilem vrbis partem ædem Sophiac, & Hippodromum. A sinistra intuetur sex vrbis colles, & Thraciac campos longè latéque patentes, circunspicit vndique, & quoquo versus nauigantes hos à ponto, vel ab Hellesponto, alios eosque diuersos ab omnibus Propontidis oris venientes, alios sinum Ceras sursum deorsum nauigantes. Prospicit omni temporis momento infinitam multitudinem scapharum vtrò citróque traiicientium. Despicit sub oculos subiecta tria collis latera vestita omni genere florum,

florum, arborum, herbarū: neque enim modo hīc amœnissimis prospectus est regiis cibis, sed etiam omnibus hortorum cliuis, in quibus permultæ speculæ, ac potius collis triplex latus totū specula existit, ac si propriūs mare contueri vult in medio littore fastigato in mucronem, quo Bosporum in duas partes diuidi diximus, porticus regia fulget marmoribus & colūnis habens asperatum pulcherriūm amœnissimūmque, cui omni æstatis tempore afflant molles auræ, in qua vndique virgeis cancellis minutis, & velut reticulatis clausa Regem sedentem nemo introspicere potest: itaque ille à nemine visus alter Gyges videt omnes circumnauigantes adeò prope, ut qua quisque facie sit, internoscere queat: & si foriē seuorum domesticorum frequentem usum fastidit externorum liberorum, excitari potest ridicula dicacitate, non solum remis, sed etiam contis ad crepidines littoris firmatis contendentium superare rapiditatem Bospori Rhodano longe celeriorem. Extra regium claustrum excellit ædes diuinæ Sophiæ à valuis claustrī regij distans passus circiter septuaginta, sita in primi collis cervice, atque adeò in supercilio cliui eminentis supra hortum primæ vallis, ex qua gradibus lapideis ascenditur ad portam claustrī regij, in ædēmque Sophiæ, quæ ab ortu Solis hyberno habet cliuos adeo molles, ut lēnsim, & latenter desinant in supernam, & inferiā planiciem. Denique omnes cliui à septo regio ad Hippodromum leniter proni sunt, ab æde Sophia- na pergit planicies inter Meridiem & Occasum, ad finem Hippodromi patens in passuum longitudinē amplius septingentorum. Hippodromi longitudo duo sta-

dia

dia excedit, latitudo stadium æquat, eius planities ad libellam æquata est, sed hominum opere potius quam natura. Eius media pars pertinens ad Propontidem, ex triplici latere cliuis cingitur: lenibus quidem ab Oriente, ab Occidente verò pronis, & in magnam altitudinem depresso, à Propontide verò non modo proclivibus, & præcipitibus, sed etiam ad perpendiculum directis altis plus minus quinquaginta pedes: tota enim Hippodromi frons substructis fornicibus constructa Hippodromum planum præstat, & pulcherrimū prospectum exhibet Propontidis, vt ex Hippodromo non modò nauigantes, sed etiam Delphini saltantes videantur. Eius gradus paucis ante annis ex latere vergente ad Septentrionem, extantes ab Abramo bassa, dum suas ædes ædificaret, sublati sunt. Inter Hippodromum & Propontidem procurrit planities in passuum latitudinem quadringentorum explicata, in qua postea describemus templū Bacchi & Sergij. Sub Hippodromo versus Meridiem est porta Leonis marmorei extra urbem siti in ruderibus Palatij Leonis Macelli, cuius fenestræ antiquo opere laboratae extant in muro inclusæ, Palatium positum erat in tumulo mare attingenti in altitudinem circiter centum passuum edito.

*De prima valle..*

C A P. V I I I.

**E**X PRIMA promontorij planicie, in qua dixi Sophiæ templum, & Hippodromum esse, molle dorsum secundi collis mille passibus leviter ascenditur usque ad columnam purpuream positam in summo vertice secundi collis, quem ab Oriente

ff

claudit prima vallis, quæ primum collem diuidit à secundo colle, nascitur à planicie Sophiæ procedens à Meridie ad Septentriones, similitudinem gerit circini diuerti in crura rigentia, alterum quidem crus ad ortum solstitialem, alterum ad septentriones porrigit. Per hanc medium incedit murus claustris regij, à reliqua urbe segregans claustrum Turicum, promontorij ima planities longè latèque ita in hanc vallem insinuatur, ut à sinu ad ædem Sophianā mille passus ambules piano ferè pede, primo maritima librata patens in quingentos passus, deinde in vallem insinuata trecentos passus mollier assurgit, ut etsi leniter deuexa est: tamen lubrico lapsu aquæ declivitatem sentis, potius quam pedibus, pri mū laxa, & paululum prona, deinde pressior, post in duas valliculas stringitur, quarum vicina Sophiæ, & si longa est quadringentos passus, tamen molliter acclivis est, & perangusta, ut eius imam planitem via publica occupet.

*De secundo colle.*

C A P. IX.

**P**ROMONTORII dorsum leniter intumesces, & duæ valles secundum collem efficiunt, prima à Solis ortu primum collem diuidit à secundo, altera ab occasu secundum seiungit à tertio, à septentrionibus maritima planicie clauditur, à Meridie dorsum ad Septentriones porrigit leniter deuexum in longitudinem mille passuum, in latitudinem vero quadringétorum. Totius autem collis latitudinem variam efficit varia vallium latitudo, valles enim, quibus intercluditur à summo, perangusta ipsum ampliat, ab imo latè

latè patentes astringunt, eius longitudinem producūt  
stū tumuli, quibus duobus prominet in sinum, triplici  
cliuo deprimitur in variam altitudinē: nam cliuus spe-  
ctans ad ortum Solis hybernū à summa valle ad sum-  
mum collis verticem, ascensu circiter mille passuum æ-  
quabiliter & leniter prono effertur, deinde minuitur,  
vt vallis attingetur, & laxatur, procliuiorq; fit duabus val-  
liculis, quas emitit ipsa vallis pronis quidem, sed cene-  
tum passus non excedentibus, cliuorum ad sinum ver-  
gentium altitudo, quām varia sit quinque viæ demon-  
strant, ab imis radicibus ad summum iugum pertinen-  
tes. Prima in passuum altitudinem quingentorum assur-  
git, quorum ducenti exorientes à primis radicibus val-  
de proni, trēcenti supini, secunda via sexcentos passus  
alta, è quibus centeni per imām valliculam leniter sur-  
gunt, deinde centum maximè propendent, vt gradibus  
ascendantur: pōst quadringēti: paulatim collis dorsum  
fastigiant vsque ad verticem latum sexaginta passus, à  
vertice dorsum prominet ad Meridiem centum quin-  
quaginta passus ad viam vsque procedētem ab ædibus  
Sophiæ ad columnā porphyreticam. Reliquarū trium  
viarum existūt à radicibus collis centum passus exiguè  
proni, ducenti multum proclives, vt anfractibus mol-  
lientur, quingenti leniter iugum collis ad culmen per-  
ducunt, præterea ex cliuorum latere, quos dixi vergere  
ad sinum, duo tumuli eminent, unus in Septētrionem,  
alter ad Orientem, vterque in alterum inclinatus, val-  
liculam efficit ab Oriente cinctam cliuio prono, alto  
octoginta passus placide deuexos: vnde fit, vt maxima  
pars cliuorum huius collis contineatur Orientem, latus

collis spectans ad Solis occasum variam acclivitatem habeat. Nam eius cliui attingentes imam vallis planitatem in longitudinem trecētorum passuum ab imo ad medium præcipites, & penè directi sunt. A medio ad summum leniter deuexi, qui vero eminent in summam vallem, non excedunt ducentos passus: sed varie declives, ut enim vallis assurgit, ita cliui molliuntur, dupli acclivitate deprimuntur, cliui omnes collis, vna in longitudinem, altera in latitudinem: qui enim desident in Orientem & Occasum, ita desident, ut etiam desideant in Septentrionem. Denique vniuersa eius latera quantumlibet alta sint, tamen eorum pars valde procliuis stadium non superat, reliquæ partes molli cliuo subsident, radices sensim deducuntur in planitatem, summi cliui dorsum efficiunt semiplanum, planities maritima inter sinum & collem intercedens ad radicem tumuli vergentis ad Aquilonem vbi strictissima est, patet in latitudinem trecentorum passuum, sed subito dilatatur ex utroque tumuli latere in quadringentos passus, eoque magis quò longius insinuatur in valles. Venio nunc ad promontorij latus sinistrum à tergo secundi, & tertij collis duo colliculi eminent in Propontidem, inter quos decurrit vallis ex tribus procliuis imbrici similis non supino quidem, ut esse solet in teatris: sed valde prono, à qua media vterque colliculus intumescit, orientalis quidem in passus amplius ducentos, occiduus verò in tantum. Vallicula inter hos colliculos depressa exigue concava, sub se habet portum manu factum intra murum clausum, positum in maritima planicie, quæ excurrit usque ad frontem Hippodromi, patens trecētos passus in

sus in latitudinem, à sinu Cornu nuncupato ad Propontidem latitudo secans collem laxatur in duo circiter millia passuum.

*De secunda valle diuidente secundum collem à tertio.*

C A P V T . X .

**V**ALLIS, quæ secundum collem diuidit à tertio, nascitur à dorso promontorij, desinitq; in maritimā planitiam excipientem pescatorium forum, & traiectum sycenum, à quo ad vallis primas fauces planities in passuum latitudinem panditur quadringentorum, ita æquatam, ut aquæ delabi possint in sinum à primis faucibus, vbi laxatur in passuum latitudinem ducentorum, sensim incipit astringi usque ad medianam vallem, vbi premitur in quinquaginta passus: deinde coarctatur, ut dūtaxat admittat viam: vallis est similis imbrici molliter resupino, & ita inclinata, ut solet inclinari in ædium tectis. Eius longitudo sexcentos passus excedit, quorum trecenti fermè plano pede subeuntur, reliqui prouiores: sed tamen paulatim assurgent in iugum, quo secundi collis dorsum iungitur dorso tertij collis. Per imam vallis planitiam via lata contra oppidum Galatam posita vtrinque cincta tabernis mercatoriis tecta scadulis, sed interlucentibus exigua fenestellas admittentibus, Galatini mercatores ascendunt ad forum, quod Turci vocant Bezesten: id partim sitū est in iugo vallis, partim in cliuo tertij collis, quod anno Natalis Christi millesimo quingentesimo quadragesimo sexto totum fortuito incendio deflagravit, exceptis duabus Basilicis concameratis lateritio opere,

quæ nocte claudi solent ferreis portis, & fenestrīs. Post incendium mihi licuit intueri aream fori viis distin-ctam rectis & transuersis: aduerti sic esse planam, ut tam exiguè deuexa sit ab occasu ad ortum, à meridie in septentriones. Vidi fori circuitū combusti amplius quinque stadia complecti, in quo summo ad occasum pertinente Nymphaeū inspexi quadraginta quinque columnis marmoreis ornatam, sustinetibus lateritiam cameram. Basilicam yeterem, quam antea non potueram perspicere ob tabernarum officinarumq; frequen-tiam circunspexi spoliatam circuicinis tabernis, atq; animaduerti circa Basilicam esse appendices velut alas Basilicæ adnexas, diuisas in sexaginta fornices, tectos plumbeis tegulis, quibus pro tabernis & officinis vtun-tur, in quibus intimis sunt conclauia, quæ clauduntur porta ferrea, his appendicibus Basilica circusepta constat octo pilis, quatuor portis, quindecim hemispheriis concameratis lateritio opere tectis plumbo. Noua Ba-silica duodecim pilis sustinetur lapide quadrato con-structis, ad pilas singulas adnituntur quatuor arcus su-stinentes hemispheria viginti, tecta plumbo, hanc am-biunt appendices alariæ sexaginta fornicatae & conca-meratae, tabernas mercatorum continentes, intra Basili-cam ducentæ & viginti tabernæ includuntur in hunc modum affabrefactæ: circum parietes, & pilas forni-cum discurrent suggestus lati, vbi sedentes mercato-res exponunt merces, quas producunt ex loculatis ar-mariis ligneis, quæ à tergo mercatorum sedentium dis-posita sunt iuxta parietes per se extantia, neque muris affixa, sed exemptilia valuulis clausa.

De ter-

De tertio colle.

C A P. XI.

**E**R T I V M collem duæ valles efficiūt, vna ad Solis ortum pertinens illum diuidit à secundo colle, altera, quæ ad occasum attinet sciungit à quarto, dorsum illius porrigitur in longitudinem mille ampliùs passuum, procedit à promontorij iugo, ex Meridie ad sinum in septentriones æquali fere altitudine contra, quam secundi collis dorsum, quod à summo promontorij iugo ad imam maritimam planitem demittitur in septentriones: illius dorsum extra iugum promontorij planum multum procedit, eiūsdemque radices trecentis passibus in septentriones ampliùs eminent, quam secundi collis intumescētis in dorsum promontorij, planities dorsi variatur. Summa quidem pertinens ad iugum promotorij patet quoquouersus passus circiter octingentos, quorum partem occupant Gynæconitidum claustra, partem vergentem ad Solis ortum mercatorium forum, & Xenodochium, sepulchrūmque Pàiaziti Regis, partem meridianam area vacua, & circum aream tabernæ, librariæ reliquam dorsi planitem vergentem ad septentriones non modò naturalem, verū etiam artificiosis substructionibus dilatatam occupant ædificia, quæ Rex Soleimanus præparat ad suum sepulchrum, & Xenodochium, ædemq; Mametanæ religionis sumptuosam! Hic collis desidet tribus lateribus in treis tumulos extumescētibus: nam ex lateris ad Solis ortum spectantis parte, in qua est turris Hirenæ, prominet tumulus in secundam vallenii, longa dorsi porrectio longè proiiciens mucronem ad sinum versus, efficit tumulum cōspicientem septentriones:

nes: à latere autem ad Solis occasum pertinente, intumescit in tertiam vallem tumulus, in quo ædes est diui Theodori, à medio collis dorso ad maritimam planitatem. Duo enim latera duplice procliuitate deprimuntur vna recta, altera transuersa, latus Solis ortum contuens; cùm extendatur in passuum longitudinem circa mille & trecentorum, accliuitatem transuersam paulatim remittit, à summo quidē latere remissorem facit, at contentiorem & decliuorem, quò propriùs deducitur in planitatem, cuius autem à summo collis dorso directi ad vallem varij sunt: nam eminentes in depresso valle effeuntur in altitudinem quingentorum passuum, quorum imi trecenti valde procliues, summi ducenti dimidio remissiores, nimirum tectis imbricatis haud procliuiores. Cæteri clivi recta via deieciunt ad vallem paulatim, pariterque minuuntur, ut vallis assurgit. Latus, quod attinet ad Solis occasum, fermentè simile & par existit lateri vergenti ad Orientem: illud verò, quod subducitur à septentrionibus, clivorum altitudines varias habet: tumulus enim à dorsi mucrone proiectus demittitur in passuum altitudinem quingentorum, è quibus imi trecenti aguntur præcipites, ut ædificia substructionibus nitantur. Summi ducenti accliues quidem, sed leniter, & sensim velut ab equi posteris clivibus ad dorsum consurgunt. Reliqui huius lateris clivi, quò magis contrahuntur à maritima planitate, hoc longius producuntur à residente in seipso transuersa decliuitate emissa à collis latere ad Solis ortū pertinente, planities maritima à collis radicibus, & sinu intermissa, qua parte attingit tumulum, quem iam dixi demis.

demissum à mucrone collis ducentos passus non excedit, qua verò alias collis radices contingit; sensim laxatur in vallum fauces. Claustrum Gynæconitidum regiarum situm in collis dorso, cùm primùm venissem Byzantium, paulò minus sex millia passuum circuitu complectebatur: at nunc id coarctant Regis Soleimani Xenodochia, & Mausoleum septi muliebris plus quām medianam partem occupantia. Iam verò latus promontorij sinistrum à tergo tertij collis situm respiciens Meridiem & Propontidem duobus tumulis turgescit, ab horum altero, qui Solis ortui propior est latus promontorij sensim fleetitur in occasum, usque ad secundum tumulum paulò supra promontorij radices editum, à quo tumulo sexicollis promontorij latus statim admittit posticam depressionem vallis tertiae, incipitque vergere ad septentriones. Duplicem igitur clium habet sinistra pars collis tertij, unum ad meridianum cardinem editum in altitudinem sexcentorum passuum, alterum ad occidentem brumalem altum septingentos passus, tum ad æquinoctialem longè breuiorem. Planities interposita inter posticas tertij collis partes meridianas, & littus Proponticum nusquam angustior trecentis passibus, neq; longior septingentis: occidua verò radices claudit planities vallis, quæ collē septimum separat à promontorio sexicollis, pertinens à planicie Propontici littoris ad murum urbis circuitū maris vacantem ferè librata, ubique patens quingentos passus in latitudinem, tres iam commemorati colles propriè Bosphorium promontorium appellari possunt: sic prominentes in mare, ut siue ex ponto, seu ex Propontide:

nauigēs Byzantium; eos procul videoas proiectos in fauces Bospori. Vallis tertia reliquos treis colles à mare in continentem recedentes; à primis tribus collibus separare videtur: nos tamē quia dorso & cliuis coniuncti, & iuxta sinum ex ordine dispositi sex colles in promontorio Bosporio posuimus. Planities explicata in tertij collis dorso leniter demittitur in planitiam, quæ eminet in tertiam vallem ampla ad longitudinem sexcentorum & viginti passuum in latitudinem tantundem.

## De valle tertia.

C A P : X I I .

**V**ALLIS tertia inter tertium & quartum collem interiecta gemina esse videtur, nam hæc media in altum editur, ut dubium videatur numerus vallis pars, an promontorij: iugum esse vallis particulam ostendit altitudo fornicum procurrens ex uno vallis latere ad alterum latus. Ut verò dorsum promontorij videatur, præ se ferunt extremæ vallis partes valde à media valle demissæ in contraria latera, una ad dextram, altera ad sinistrâ. Dextra habet imam planitatem latam in faucibus trecentos passus, deinde sensim astrinxam in ducentos ad libellam ferme æquatam in longitudinem quingentorum passuum, quæ etsi in æquali altitudinem deprimitur, tamen eius latera non æqualiter in altu effervescunt: ubi enim ipsa maxime concava est, eius alterum latus in magnam altitudinem attollitur, alterum ter tanto summittitur. Ex hac depressa planicie ascenditur breui clivo in iugum mediæ vallis, seu dorsum promontorij, quod planum leniter deprimsum inter tertium & quartum colles, patet quoquouersus

sexcen-

sexcentos passus. Excipio particulam, per quam vallis media penetrare videtur, ubi latior non est quadringentis passibus. Per hoc vallis seu promontorij iugum fornices aqueductus a quarto colle recta via pergit ad tertium collem, quorum fastigium aequaliter libella fornicum, qua deprehenditur quantopere deprimitur promontorij dorsum, ut enim fornices sint aequali fastigio, tamen inaequali altitudine existunt, nam bene excelsi sunt in plano iugo vallis, at in cliuis collum longe minus alti, spatio enim octingentorum passuum fere in aequali altitudinem eriguntur, reliqui fornices, quod alius cliui extolluntur utriusque collis, eò breuiores sunt, ex iugo siue id velis esse vallis, siue promotorij sinistra vallis pars leniter cœcaua molliter propendet in septingentos passus usque ad planitiem, que sexicolle promontorium a septimo colle seccernit pergeans ad Propontidem, urbis latitudo a sinu ad Propontidem secans tertiam vallem, patet amplius decem stadias.

*De quarto colle.*

C A P. X I I I.

**V**A R T U S collis, in cuius dorso Mameti Regis, qui Constantinopolim cepit, Mausoleum spectatur una cum amplis ædibus Mametanæ religionis, & simul cum Xenodochiis, & Thermiss, circundatur duabus vallibus promontorij dorso, & maritima sinus planitiem, eius ambitus circumpleteatur amplius ter mille & sexcentos passus, longitudo a summo dorso ad sinum Aquilonemque porrigitur ultra mille passus, latitudo ab ortu Solis ad occasum explicatur in passus circiter octingentos, a iugo ad sinum

collis procedens prope quadratus desinere perspicitur  
in duo cornua, sed imparia, quorum alterum vergens  
ad septentriones perpetuo dorso fertur utrinque decli-  
ui, alterum spectans ad Solis ortum ita demittitur, ut  
ex hoc in alterum quasi gradus quidam iactus esse vi-  
deatur; nimirum ex huius superiori parte planities ex-  
currit, ex qua veluti gradu patet ascensus in alterum ab  
inferiori parte, in occasum deiicitur, ut valliculam ef-  
ficiat, collis ab Oriente clauditur valle, qua ipse sepa-  
ratur a tertio colle, ab aquilone maritima planicie sinu  
contingente, ab Occidente partim valle, qua is se iun-  
gitur a quinto colle, partim circuitur promontorij dor-  
so perpetuo, quod adeo paulatim & placide ex quarti  
collis iugo assurgit ad iugum quinti, ut acribus oculis,  
potius quam tardis passibus utriusque collis dorsum in-  
aequale esse percipiatur. Ita enim continent iugo hi duo  
colles inter se coniuncti sunt, ut nullus sentiatur clius:  
sed perpetua planities, quae fastigians quarti collis dor-  
sum octingentis passibus longior non est, neque latior  
ducentis, deinde in quinto in septingentos dilatatur,  
quartus collis etsi nulli ex sex collibus perpetuo dorso  
coniunctis cedit de altitudine, tamen ascensus tam re-  
ctos, quam transuersos molliores habet ob longum tra-  
ctum leniter deuexam triplici declinitate depresso.  
Prima declivitas per collis longitudinem a regione coeli  
inter Meridiem & occasum, media ad septentriones  
decurrens amplius mille passus, quorum ducenti surgen-  
tes a maritima planicie mediocriter proni, reliqui adeo  
molliter supini, ut semiplano pede subeantur, e quibus  
centum ultimi attingentes iugi planitem decliuiores

cæteris

cæteris prominent. Declivitas transuersa collis latitudinem intercipiens duplex est, vna deiicitur ad Solis occasum, altera ad ortum depressa varia quidem existit, sed tamen tota nascitur à valle, quæ quartum collem diuidit à tertio. Ab huius quidem vallis iugo clius ducentis passibus ascenditur. Paulò infra summam vallem ascensus est quingentorum passuum, quorum centum ab imis radicibus exurgentis cliuo prono eriguntur, reliquorum leniter deuenorum altitudinem ostendit libella aquæductus. Ab ima eiusdem vallis planicie cliui alleuantur in altitudinem quadringétorum passuum, sed ita ut primùm centum octoginta prono cliuo ascendas, deinde ducentos ambules leniter deuenos, & ferè planos. Post transeas lateris medianam partem eminentiorem centum passus latam ab imo colle ad summum in octingentos passus erectā. Ex hac descendis ducentos passus in occasum ad imam vallem, quæ quarti collis, & quinti diuortiū facit, tota angusta est, sed longa plus minusve mille & quadringentos passus: primi ducenti attingētes oram sinus plani quidem, sed dubij sint ne vallis an planæ oræ maritimæ. Sic enim hæc vallis cingitur duobus collibus, quarto quidem habente sub se planitem maritimam ducentos passus patentem in latitudinem, quinto verò fermè attingente littus. Consequentes octingenti similiter plani, sed leniter deueni: reliqui quadringenti attingentes iugum promontorij proclives, maritima planities ad libellam fere æquata inter sinum & quartum collem intercedēs variam latitudinē habet, nam quæ pertingit collis cornu spectans ad ortum solstitialem est quadringétorum

pässuum. Illa verò, quæ attingit cornu vergens ad septentriones in passus ducentos pänditur, in summa situs quarti collis talis est, vt in sinu nauigantibus hic esse videatur pars erectior tertiae vallis. Nam huius collis iugum longè recedit in Meridiem, eiusdémque cliui in longam summisionem abiecti valde supini iacent, at iugū quinti collis æquali excelsitate longè ultra quartum procedit ad septentriones. A tergo tertij collis vergentes cliui ad horam primam post meridianam placidi, lenesque vsque ad planitiam vallis, quæ sexicolle promontorium diuidit à septimo colle, itaque postica collis pars intumescit in Meridiem, atque ex utroque latere separatur à valle tertia, vt latus à tergo positum eius partem meridianam dicere possimus, quæ post tumulum eminentem in latus vallis tertiae aliquantum contrahitur sub Xenodochio Regis Mameti: at enim à tergo quinti collis sub columna virginea magis subducitur.

*De quinto colle.*

C A P. X I I I .

**V**I N T I collis, in cuius fastigio extat Selini Regis Mausoleum, imæ radices contingentes partim sinum, partim duas valles ipsum claudentes altera ab ortu Solis, altera ab occasu passum milia complectuntur circiter quatuor, eius dorsum ita in sinum ad septentriones prominet, & quarti e collis latus ad Aquilonem summittitur, vt collis quartus videatur esse vallis quædam inter tertium collem & quintum interiorē. Non enim vt aliorum collum quinti collis iugum urget, & premit summum promontorij dorsum, sed

sed totum extra promontorij fastigium æquali altitudini longè procedit, ac non minus fermè in septentriōnes promouetur, quām radices quarti collis triplici latere deprimitur, vno ad septentriōnes, quod quām valde præceps, & directum sit, colligitur ex eo, quòd etsi tam altè effertur fermè, quām summum quarti collis iugum descensum habentis longum plus mille passus: tamen illius summus cliuus minime omnium collium recedens à perpendiculo eiusdem infimi cliui, non amplius trecentis passibus ascēditur per valliculam, quam efficiunt duo tumuli attingentes sinus oram, quam vt trecētis passibus subieris, offendis gradus lapideos astruētos ad substructiones arcām equantes, quibus ascendis ad Xenodochiū Selini, hoc quidem latus quod septentriōnes intuetur, quatuor tumulis turget, tres valliculas deprimēntibus à collis iugo exorientibus, adeò exiguā littoris planitiem intermittentibus, vt eorum duo murum urbis situm in littore contingant. Reliqui duo planitiem centenum passuum relinquant, nusquam enim littorea planities angustior est, quām ad radices huius collis: nam in longitudinem mille passuum eius latitudo centū passus non excedit, alicubi non attingit quinquaginta. Ex his quatuor tumulis duo sunt prærupti, & præcipites, vt ædificia casuris similia substructionibus nitantur, vt iam videre liceat rupes præcisas fuisse ad molliendos viarum anfractus, reliqui duo minus abrupti minūsque præcipites deiiciuntur, eorumque valliculae minūs etiā proclives, collis verò latus conspiciens Solis ortum, patet in mille & quadringentorū passuum longitudinem, in altitudinem directam ducentorum, lateris

lateris ad occasum vergentis acclivitas in variam altitudinem abiicitur, ut vallis deprimitur, quæ ubi in planitatem librata depresso est, erigit latus in passuum altitudinem aliam quingentorum procliuiū, aliam trecentorum placide acclivium, ut non differant à semi-planis. Latus promontorij contuens Meridiem à tergo quinti collis positū, desinit in planitatem vallis sexicolle promontorium diuidentis à septimo colle, propendet alias contractius, alias remissius extumescens in tumulum crassum emineñtem in vallem quintam; atque in vallem, quæ sexicolle promotorium seitungit à septimo colle. Hæc postica pars quinti collis etiam incuruatur in valliculam exorientem à promotorij supercilio, ubi paulò ante extabat columnæ virginea, à qua promontorij fastigium leniter eminens in summam quinti collis planitatem molliter deuexam ad septentriones nusquam angustiorem sexcētis, alicubi septingentis latitudē passibus. Sed extra huius collis dorsum longè latēque laxatur, hac continuatur cum planicie quarti collis, & reliqua promontorij planicie usque ad murum urbis vacantem circuitu maris procedens interiecto dunataxat breui submissione iugi in quintā vallem eminentis, producitur duo millia passuum in longitudinem.

## De quinta valle.

C. A. P. X V.

**M**A L L I S<sup>1</sup> quinta, quæ quintum collem diuidit à sexto, proficiscitur à sinu & septentrionibus, ad primam, aut alteram horam postmeridianam, longa quantum promontorium latum est, nempe circiter mille & ducentos passus, quorum primi octingenti

genti procedentes à littore sinus nihil expressionis, nihil eminentiæ habent. Primæ vallis fauces in passuum latitudinem laxātur quadringentorum, deinde sensim in ducentos astringuntur. Sed ita, ut per longitudinem sexcentorum passuum nusquam ducentis passibus minus lata sit, post in quingētorum passuum altitudinem erigitur. Inde insequitur iugum vallis, seu dorsum promontorij patens in planam latitudinem ducentos passus. Ex hoc dorso latus sinistrum promontorij, seu vallis quingentos passus leniter deprimitur in vallem, quæ sexicolle promontorium secernit à septimo colle: vallis enim quinta penetrare videtur dorsum promontorij, id quod percipitur ex inclinatione dextra & sinistra amborum laterum utriusque collis circumscriptus. Nam ex vallis iugo ascensus exiguis patet in iugum utriusque collis.

*De sexto colle.*

C A P. X V I.

**S**E X T U S collis, cuius per & dorsum, & latus vergens ad Aquilonem muri urbis usq; ad litus discurrent, tam longum est, quam promontorium latum, quod in hoc colle dilatatur in passus circiter bis mille & quadringentos: cuius iugum intra urbem in cliuos exprimitur. Extra plano pede continuatur cum continente suburbano campo, latitudo eius, ubi maxima, octingentos passus non superat, ubi minima, quadringētos. Triplici declivitate deprimitur, una ad sinistram promontorij partem inter Meridiem atque Occidentem molliter prona, ad dexteram altera versus sinum & Aquilonem, in longitudinem mille &

h h

quingētorum passuum summittitur, quoad ex se duos exprimit tumulos vallicula intermedia disiunctos, vbi existit aqueductus in radice tumuli propriū accendentis ad vrbis murum circuitu maris vacantem. Inter hunc tumulum & sinum olim fuit ædes illa sacra nobilitata multorum scriptis Blachernea nuncupata, cuius fundamenta etiam tunc extabant. Cùm primū venissem Byzantium, ex imo cliuo tumuli eminenti supra ædem Blacherneam subterraneis cuniculis cōcameratis prodit aqua extrinsecus in vrbem ducta, quę iugi fluxu sallit in labrum marmoreum. Collis latus Orienti expositum tam longum est, quām collis ipse longus, sed declivitate eadem non est: eam enim variat vallis varia deiectio, vbi depressa in libratam planitiē effertur in sexcentos passus, vbi minūs demissa in quingentos, vbi minimè deiecta in quadringentos attollitur: neque modo hoc latus inclinatur ad Solis ortum, sed etiam interea dum deiicitur ad Orientem, sensim demittitur à parte dextra ad septentriones, sinistra ad cæli regionem mediam inter Meridiem & Occasum. Maritima planities interueniens inter imas radices collis & sinum, strictissima explicatur in passuum latitudinem plus minus octoginta, nempe vbi fuit templum illud nobile, & triclinium Blacherneū. Deinde dilatatur in vallem quintam sensim insinuata.

*De valle, quæ diuidit sexicolle promontorium à septimo colle.*

C A P. X V I I.



A L L I S, qua septimus collis diuiditur ab aliis sex collibus leniter caua existit, producitur in millia passuum circiter quatuor, si planitem mariti

maritimam simul adnumeres, sī verò ipsam excludas, & numerare incipias à flexu septimi collis, extenditur in longitudinem trium millium & trecentorum passuum, eius planities alicubi laxatur in latitudinem sexcentorum, alibi astringitur in amplitudinem quingentorum passuum. Nihil illa quidem ima expressum nihil eminens habere sentitur pedibus, sed oculis acribus paucatim & sensim tam in longitudinem, quam latitudinem pandi deprehenditur: sic enim leniter affurgit, ut nisi ab eo, qui diligenter aduertit vallis imbrici valde supino similis resurrectio non percipiatur: in eam desinunt latera tertiae & quintae vallis, tum imiclini quinti & sexti collis: in ea continentur horti & prata, ubi milites ludicras pugnas exercere solent, per hanc medium fluit riuulus, qui aestiuo tempore exarescere solet.

*De septimo colle.*

C A P. X V I I I.

**C**O L L I S septimus nuncupatus Xerolophos, in cuius dorso est columna Arcadij, plus minusve duodecim millia passuum circuitu complectitur, ac plus quam tertiam partem urbis continet, reliquas duas partes sustinet promontorium sexicolle, quod ambitu circumpleteatur amplius viginti millia passuum, intellige eos, quos confidere soleo in ambulando, ut intelligere oportet in omnibus ante scriptis passibus, quos in passus Romanos redigere ausus non sum ob flexiones viarum, & varietatem passuum, qui inter se differunt in ascensiū & descensiū infatigato, atq; integro, adde interpellatos insolentis nationis occursu proteruiori taurorum incursu. Septimus collis efficiens

hh 2

tertium vrbis angulum, quo Constantinopolis existimat, triangula, dupli declivitate pendet vtraq; molissima, vna ad vallem septimum collem diuidentem à promontorio sexicollis pertinet tam longa, quam vallis ipsa. Cuius cliuus lenis, sed altus circiter quingentos passus, altera declivitas deiicitur ad Propontidem, respiciens partim ortum brumalem, partim Meridiem molli cliuo, & vario, primo alto quingentos passus, deinde stricto, nunc in quadringentos, nunc trecentos, nunc centum, nunc quinquaginta, quo ad peruenit ad angulum vrbis tertium, vbi planities excurrit usque ad mare, inter quod & antedictos cliuos perpetua procurrit littoralis planities, sed variae latitudinis, que incipiēs ab angulo vrbis strictissima est, deinde dilatatur in lateris curuitatem, velut vallem planam, vbi à mari ad cliuum excurrit, lata quadringentos passus, rursus strin gitur in quinquaginta, postea dilatatur in centum, postrema per longitudinem mille passuum latior est quadringentis passibus, collis dorsum in longam & latam planitiem porrigitur, & ab occasu clauditur muro terrestri, in cuius iugo patet cisterna nuncupata Mocisia, spoliata columnis & cameris, cuius muri è lapide quadrato ædificati adhuc extat cisternam ambientes, quorum circuitus complectitur noningentos & septuaginta passus, eius solum cultū est hortis in eo consitis. Hucusque de Topographia Constantinopoleos, quasi tanquam hypotyposi illam sub oculos subiicere conatus sum, ut in quo loco sint quatuordecim regiones vrbis, facilius percipiatur, longior quam necesse est, censi non debet, præsertim cum nullius vrbis descriptio breuior

uior esse possit, quām ea, quæ informatur oculorum sensu, quo nihil acrius, nihil volucriss: nam et si Constantinopolis in altum sublata veluti specula vndique circumspicitur: tamen hanc singularum vrbis partium descriptionem multò celerius perlegeris, quām volucribus oculis totam vrbem perlustraueris, aut pedibus eam concursaueris.

*De muris vrbis.*

## C A P . X I X .

**M**OENIVM Constantinopolitanorum partes, aliæ lapidibus quadratis, aliæ cæmētitiis, nonnullæ interpositorum laterum ordinibus constructæ sunt. Muri circuitu maris vacates duplices sunt, fossa cincti larga vigintiquinque passus cùm ex utroq; latere parietibus munita, cum interior ex latere, alter paries effertur aliquanto supra fossam pinnis crebris distincta. Spatium intercurrrens inter duplicem murum, latum est duodeuiginti pedes, interior murus excelsus quidem, & latus plus viginti pedes, in quo ex contineti sunt plus ducentæ quinquaginta turres, in quas gradibus lapideis ascenditur usq; ad summum, exterior murus dimidio minor, sed totidem turribus creber, quod autem ad munitionem attinet, spatium inter fossam & murum exteriorem altius est altero fossæ latere. Itē spatium inter duplices muros altius est iam dicto spatio. Regio verò exterior muris vicina nuda à tectis, partim plana, partim collina: sed ita plana, ut campi longè patiant, ex summisque muris longè quoquouersum panditur prospectus, neque dubium est, quin munitissima Constantinopolis fieri queat. Muri maritimi humilio-

res sunt terrestribus simplices quidem, sed bene crassi,  
& turriti: ex parte sinus absunt à littore plus minus quin  
quaginta passus ambulatorios, vt antè scripsi in tracta-  
tu Bospori. Ex parte faucium Bosporicarum & Propon-  
tidis, muri quidem non absunt à littore, sed siti sunt su-  
pra littoris crepidines, nisi vbi scalæ portuosa sunt, vbi  
admittunt spatium inter scalas & murum. Zonaras tra-  
dit Theophilum Regem maritimos muros vrbis vetu-  
state, & fluctibus maris aliisq; casibus labefactatos re-  
nouasse, & altiores erexisse, quām prius fuissent, quos  
hodie extantes maritimos ab hoc Theophilo renona-  
tos fuisse indicat in multis murorum partibus nomen  
Theophili Regis incisum, atque inscriptum magnis li-  
teris. Nicephorus Rex grauis Byzantiis, quod onus im-  
posuit ex muris consensercentibus, vt exigeretur tribu-  
tum appellatum Diceraton. Nouos muros & antiquos  
tempore Iustiniani fuisse colligere possumus ex eius no-  
uis constitutionibus, cùm maiorem mercedem statuit  
feretri baiulis, & funeri operam dantibus, qui efferunt  
funus extra nouos vrbis muros, aut traiectum Iustinia-  
narum, siue alios traiectus: ex quo colligere possumus  
Iustiniani temporibus adhuc extitisse muros antiquos,  
quos Constantinus magnus posuerat, & nouos, quos  
Theodosius minor construxerat, quales muri fuerint,  
cùm antiqui Byzantij respublica floreret, in principio  
deinōstrai, & ex Herodiano intelligere possumus, qui  
tradit Byzantium præualido & maximo muro circun-  
datum fuisse factō ex ingentibus faxis, in quadrum re-  
daētis tanta cōmissura, vt nemo existimasset opus com-  
positum, sed vnius lapidis totum esse. Atque ex Pausa-  
nia

nia colligere licet , qui libro quarto inquit , muros Babylonios , aut Memnonios non vidi , neque quenquam audiui , qui ipsos vidisset . Muri Byzantij , & Rhodi existimatur munitissimi , at his munitiores , qui Messenem Peloponesiacam claudunt . In Thracico Byzantio historiæ proditum est diuitias seruasse Athenienses , ex eo quod vrbis munitissima esset . Qui autē sint muri , quos Constatinopolis duplices tradit antiqua descriptio regionum , hi ne , qui hodie extant , an verò qui à Theodosio fuerunt conditi , relinquo considerandum , hoc duntaxat dicā , mihi interim non videri totos esse , quos describit antiqua descriptio : nam templum Apostolorum ponit in regione vrbis vicina muris vrbis , atq; extra muros ponit decimam quartam regionem , quæ hodie intra muros , aut tota est , aut maxima pars . Adde , quod Theodosius minor , qui ante Iustinianum fuit ne Blachernas quidem intra muros ponit , quas extra urbem tempore Iustiniani fuisse ex Procopio asequor : nunc verò intra urbem sunt , neque septem turres , neque turribus longè interiùs situm templum , quod Stadius ille illustris construxit .

*De Constantinopolis portis , & septem turribus antiqui Byzantij.*

C A P. X X.

 A R I S circuitu vacantes muri sex portas habent , vnam infra Palatum Constantini nuncupatum , alteram Adrianopolitanam , tertiam supra supercilium septimi collis , præter eas habet portam Auream , & Selymbriæ , siue Rhegij , & portam septem Turriū . Ex parte sinus prima est porta Blachernea ,

nea, quam hodie appellant Xiloportā, sitam prope tertium vrbis angulum, deinde subsequitur Cynigos, siue Palatina, inde Phanaria, Agia, porta Iubalica, Farinaria, Lignaria, Seminaria, Piscaria, Neorij porta, inde Demetrij porta in mucrone primi collis sita, ex parte Propontidis sunt circiter quinq; singulæ habentes scalam projectā in mare, qua portus pateat nauigiis, præter portas septi Regij, prima est Stercoraria, secunda Leonina, tertia Condescala, duæ sunt sub septimo colle. Apud scriptores celebratur hæ portæ Cyngos, tum Regij, & Eugenij portæ, & Xyloceri, & porta Aurea, Myriandros, Condescala, Carsiana. In antiquo Byzantio fuit porta Thracia, apud Dionem scriptum est, vt septem turres à portis Thracicis nuncupatis pertinerent ad mare. Georgius Cedrinus declarat ad mare pertinuisse septentrionale, hoc est, ad sinum Cornu appellatum, harum si quis in primam vocem immisisset, aut lapidem proiecisset, ipsa similem vocē resonabat quadam machinatione, & secundæ dabat repetendam, itaque per omnes vox procedebat, neque alia aliam turbabat, sed singulæ vocem explicatam excipiebant. Plinius hoc ipsum attribuit Cyzico. Eadem, inquit, in vrbe, iuxta portam, quæ Thracia vocatur, turres septem acceptas voces numerosiore repercussu multiplicant, noménque huic miraculo Echo est à Græcis datum. Apud neiminē, præter Plinium, legi Cyzici portas Thracias, quanquam fuisse Cyzici existimo ex portu Cyzici nuncupato Thracio, cuius meminit Apollonius libro primo Argonauticorum, cùm ait:

Δυτάκιοι ισῆς ἐκπέσμεται τεῖχος.

H̄p̄c̄x̄p̄

Ἵρεῖσης δὲ λιμενία θρῆνοι. --

Fuisse etiam prope Cyzicum vicum nuncupatum θρῆ-  
νοι, liquet ex Plutarcho in vita Luculli. At Byzantij  
non modò recentiores, sed etiam Dion & Xenophon,  
hīc quidem scribit Alcibiadem Byzantios intromisil-  
se apertis portis, quæ Thraciæ appellantur.

*De muris longis.*

C A P . X X I .

**S**V B V R B A N A prædia Conſtātinopoleos mu-  
ris longis cladebantur iter duorum dierum,  
quos à ponto Euxino ad Selymbriam ſitam in  
littore Propontidis distantes ab urbe quadraginta mil-  
lia paſſuum latos viginti pedes Romanos. Anastasius  
Imperator condidit contra impetum Bulgarorum &  
Scitharum eos muros à Barbaris ſæpe captos, & multis  
locis eueros Iustinianus reſtituit, & vt facilius milites  
præſidiarij muros tueri poſſent, exitus turrium patentes  
in alias turres obſtruxit, ſingulisq; ascenſum à ſolo reli-  
quit patentem vnicum, quem ſolum ſingularum tur-  
rium milites contra hostes etiam intra muros verſantes  
tueri poſſent. Euagrius ſacræ historiæ conſcriptor mu-  
rum longum nūcupatum tradit excitasse Anafasium,  
qui diſtaret à Conſtātinopoli ducenta & octoginta ſta-  
dia, vtrunque mare attingens longus quadringenta &  
viginti ſtadia, velut fretum quoddam efficiens, & Con-  
ſtantinopolim paruam Insulam pro peniſula reddēs,  
volentes transire ex ponto in Propontidem tutos præ-  
ſans & prohibens, excurrētes Barbaro ex Euxino pon-  
to, & Colchis, & Mæotide, & Caucaso effuſos in Eu-  
ropam.

*De ædificijs & monumentis antiqui Byzantij, & nouæ  
Roma Constantinopolitanae.*

C A P. I.



ORMA vrbis expressa, & magnitudine explicata, naturalique situ septem collium patefacto, relinquitur, vt declaré, quæ ædificia, quæ ve alia monumenta olim habuerit, & nunc habeat Constantinopolis, & in quot regiones, cùm appellaretur noua Roma, diuideretur: in totidem enim quot antiqua Roma diuidebatur, equidem cùm in huius diuisionem regionum ante mille annos à nobili magis, quām noto Authore scriptam incidisse: sperabam me facile assecuratum antiquam vrbem, sed barbari homines antiqua illa, & planè heroïca vrbis ornamenta, quibus viles casas exornarent, sic labefactarunt, & barbaricis oppressere ædificiis, vt veterum fundamentorum paucis in locis restent vestigia: adde incendia, & ruinas, quas cùm alij barbari, tum postremam Turci ediderunt, qui iam centum annos non cessant funditus antiquæ vrbis vestigia delere. Ita enim ab imis fundamentis ædificia prisca demoliuntur, atque in aliam formam immutat, vt ne illi quidē, qui ea viderint, agnoscere queant. Ade Græcorum inertem inscitiam, qui videntur totum obliuionis flumē ebibisse. Illorum enim nemo iam reperitur, qui vbinam essent vestigia antiquorum monumentorū sciat, aut scire curet, vt ne sacerdotes quidem vlli recognoscant loca, vbi paucis ante annis ædes sacræ deletæ sunt, & valde mirentur si quis talia inquirat.

Ipse

Ipse tamen, ne otio conficerer, dum à Rege constitutos nummos in veterum Codicum conquisitionem expectabam, quibus potui indicis, deprehendere conatus sum per multa antiquitatis monumenta, quòd ille cognoscet, qui similia inuenire nitetur. In describēdis monumentis eo ordine partium utrū colliū, quo usus sum in eorum situ explicando, partim regionū, quibus quatuordecim olim diuidebatur:

*De monumentis primi collis, & de prima regione urbis.*

C A P V T I . L .

**P**RIMVM colle, quem Plinius appellat modò Chrysoceras, modò Auri cornu. Sed haud rectè, ut declarauī in libris, quos scripsi de Bosporo Thracio, Dionysius Byzantius nominat promontorium Bosporium. De promotorio, inquit, quòd Bosporium nominamus, duplex vulgatur sermo: alij dicūt Bouem cestrō stimulatam, ad ipsum illatam transisse meatum medium: alij fabulosius commemorat Io Inachi filiam illinc in Asiam traiecissem. Idem cum loquitur de Semystra loco ita nuncupato, ait Semystram locum parum abfuisse, quin Byzantium ibi conderetur à coloniae deductoribus, nisi coruus rapuisset ex media flamma partem victimæ, eamque in promontorium Bosporium tulisset, quod signum illi fecuti Byzantium considerunt in promontorio Bosporio. Idem alio loco loquens de promontorio Metopo nuncupato, opposito primo colli Constantinopoleos, excipit Ostreodem locum appellatum Metopum: hoc enim, inquit, iacet contra urbis faciem: spectat enim ipsum promontorium.

Bosporum. Deinde idem Dionysius addit paulò suprà promontorium Bosporum fuisse aram Mineruę Ecba-siæ, id est, Egressoriæ appellatę, ex eo, quod illinc egressi colonię ductores statim tanquam pro patria terra pugnassent, quam hic appellat Ecbasiam, possemus etiam Ecba-tieram appellare, ut Diana in Siphno appellata fuisse, & cultam tradit Hesychius. Deinde adiungit Dionysius supra promontorium Bosporum fuisse templum Neptuni antiquum, atque sub templo Neptuni fuisse stadia, gymnasia, curricula iuuenum in planitiæ. Post mucronem promontorij Bosporij sinum Ceras appellatum immisisse tres portus turribus, & molibus munitos, in quo fuit etiā Acropolis Byzantij, cuius Xenophon meminit, cùm scribit Byzantium vi ingressis militibus, quorum dux ipse erat ciues, quasi capta vrbe extrema omnia metuentes alios in promotorium proximum, alios ad mare confugisse, ac piscatorio nauigio nonnullos circumiectos in arcem ascendisse, atque inde ex Chalcedone auxiliarios accersisse, neque modo antiquorum Byzantiorū Acropolis fuit in primo colle, sed etiam regum Constantinopolitanorum, quos scriptores tradunt ad hostes ab ingressu portus arcendos catenam ab Acropoli ad castellum Galaticum obtendisse: atq; etiam hac ætate reges Turcorum in hoc promontorio arcem habent circundatam magnis muris longos latosq; Regis hortos cludentibus. In veteri Byzantio fuit campus Thracius appellatus ad aciem instruendam totius vrbis maxime idoneus, ut qui planus, & domibus vacuus esset, in quo exercitum Græcorum Xenophon rededit in ordinem militarē. Hunc locum fuisse

fuisse prope portā Thraciā ex Xenophonte percipitur, cùm ait lib. i. Hellinorum, αὐτοῖς ξανθὸς τὰς πύλας τὰς ἡδὶς δράκοντος λαλέσμενοι. Idem lib. 7. de expeditione Cyri, loquens de loco intra Byzantium sito, vbi milites redegit in aciem. τὸ δὲ χώρον δίου λαλισόης ἐκταξάσθαι τὸ δράκοντος λαλέσμενον δρῆμον οἰκαῶν καὶ πέπλον. Anteā diximus apud Dionem scriptum esse ut Byzantij septem turres à portis Thraciis pertinerent ad mare. Georgius Cedrinus declarat ad mare pertinuisse septentrionale, hoc est, ad sinum nuncupatum Cornu. Aram Dianæ Orthosiæ, & templum Bacchi fuisse in antiquo Byzantio, Herodotus scribit, Darius, inquit, vbi cōtemplatus fuit, pontum ad pontem redit, & super Bosporum duos Cippos erexit è candido lapide, in uno quidem incidens literas Assyrias, in altero Grēcas. Byzantij postea in urbem suā transtulerunt ad aram Dianæ Orthosiæ, quibus vñi sunt excepto uno lapide, qui iuxta Bacchi delubrū Byzantij relictus est literis Assyriis plenus. Orthosiam Lauren tius vertit Erectam, rectius vertisset Erectoriā, vel Erectricem dictam, πρὸ τῷ ἐποθέητῷ τὰς τικτίσας μανύπρια γῆρας θεός, ab erigendo, & subleuando, quod non modo parentibus opem fert, sed etiam profugis. Id quod cùm ex aliis, tum ex Plutarcho de fluminibus assequor. Teuthras, inquit, Rex Mysorum persequebatur aprum cum suis stipatoribus hastatis, caper ut supplex fugit in templum Dianæ Orthosiæ, vi irrumpentibus omnibus in templum aper humanam vocem exaudibilem vociferatus est, parce Rex alumno deæ, elatus Teuthras interfecit animal. Diana ægrè ferēs factum, aprum in vitam restituit, Regem, qui eum occiderat impetigine, &

infania affecit, is non ferens morbum in montibus ver-  
sabatur. Lysippa eius mater cùm factum resciuisset, ad  
syluam accurrit comite vate Polyido, à quo omnem  
veritatem edocta, sacrificiis boum deam placauit, &  
cùm filium ad sanam mentem rediisse vidisset, aram  
excitauit Dianæ Orthosiæ, atque aprum fabricata est  
aureum habentem humanum caput. Hæc quidem, an-  
tequam Byzantium Seuerus euertisset, erant in primo  
colle & valle prima. Postquam Constantinus reædifi-  
cauit, & nouam Roman Constantinopolitanam vo-  
cauit, diuisaque est in quatuordecim regiones, primus  
collis obtinuit primam regionem continentem Placi-  
diæ domum Augustæ, domū nobilissimæ marinæ, ther-  
mas Arcadianas, antiqua quidē diuisio tradit hæc, sed  
non docet à qua vrbis parte incipiat prima regio, neq;  
nunc ex vestigiis ædificiorum in ea comprehensis, quæ  
nulla restant, cognosci potest: sed ex Procopio collige-  
re possumus tradente nauigantibus ex Propontide ad  
partem vrbis vergentem ad Solis ortum thermas esse  
publicas, quæ Arcadianæ nominarentur, vbi ait Iusti-  
nianum aulā construxisse vrbis prætensam, mariq; quie-  
to circumfusam, vt in hac inambulantes cum nauigan-  
tibus colloqui possent ob maris propinquitatē, aulam  
aspectum pulcherrimum habuisse, amoenissimumque,  
cui afflarent molles auræ, ornamentoque essent colum-  
næ, & marmora elegantissima, quibus omne solum au-  
læ tegeretur, quorum splendor candidissimus æquè, vt  
Sol fulgeret. Præterea eam ornasse permultis statuis æ-  
neis, atque marmoreis politè elaboratis spectaculum  
præbentibus plenum maximæ dignitatis, existimasses  
esse

esse opus Phidiæ Atheniensis, aut Lysippi Sicyonij, aut Praxitellis, ibidem etiam Theodoram Reginam in columna excelsa & purpurea fuisse positā ab vrbe, vt pro beneficio aulę gratiam illi referret. Formosam quidem columnam, sed formosiorē Reginam, cuius venustatem oratione declarare, aut imagine exprimere in nullius mortalī facultate positum fuisse. Ex quibus Procopij verbis, cùm assequor columnam, quā etiam nūc extat in cliuo regij septi vergente ad ortum æstium non esse illam, qua Theodora excitabatur, vt quidā putant: nam hæc ncque purpurea, & ab aula remotior est, tum ex antedictis Procopij intellige primam regionem vrbis complexam fuisse mucronem primi collis, quē mare circumfluit ex tribus partibus, apud plerosque non modò Historicos, sed etiam apud Grāmaticum Suydam inuenio Arcadiæ secūdæ vxoris Zenonis statuam fuisse in thermis Arcadianis propè loca nominata Bathra à gradibus: item Verinę vxoris magni Leonis duas statuas, vnam in vrbis parte maximę boreali ad diuum Agathonicum post ascensum graduum thermis Arcadianis vicinorum: alteram ex parte diuæ Barbarę, illam quidem positam fuisse viuēte Leone, hanc verò eodem defuncto Leone, quando Basiliscum fratrem suum coronauit fugiente Zenone genero suo. Secundæ regionis partem inclusam clauistro regio colligo cùm ex ordine regionum, tum ex eius situ, quam antiqua descrip̄tio tradit post æqualitatem sui latenter molli subleuata m̄ cliuo mox ad mare præcipitiis descendisse, præcipitia fuisse arbitror, vbi nunc regis culinæ, & thermæ regiæ, aut si alibi fuerunt, præcipitia illa hominū manu mol

mollita fuerunt intra regium septum hodie templum antiquum, quod vulgo appellat parvam Sophiam. Senes quidam affirmant esse aedes Hirenem, quam Constantimum magnum condidisse scribit Socrates. Hanc existimo, quam secunda regio appellat ecclesiam antiquam: partem alteram secundae regionis extra regium assessor ex aedibus sacris, & thermis Zeuxippi, quas secunda regio complectitur & Zonaras, aliisque Historici declarant magnam ecclesiam appellatam, postea nominatam fuisse Sophiam aedem, quam extra regium septum esse nemo nescit. In septo item regio olim fuisse domum Maximini nobilitatam Poetarum versibus, coniicio ex Epigrammate Cyri viri consularis & patritij:

Δέμαζε μαξιμῖνος νεοπήγεος γῆσθι ῥώμης,  
Αὐταῖς πνιόσαις θεμέλια λαρυγός τοῖξις:  
Ἄγλαίγ μέ μοι ἀμφοῖς ἀπειρούν τε ταῖς ασαι.  
Τῇ καὶ τῇ καὶ ὅπιδην ἔχω, πρόλιψ ἀλλὰ καὶ τὸν  
Γαϊθα δρῶ γαῖας Βιθυνίδος ἀγλακά δρῦα.  
Ημετροῖσι δὲ ἵσταντες ἐσιδηνόσις θεμέθλοις  
Παῖσις ἀλλὰ προχνῆσι λινίδετρῃ εἰς ἀλλὰ δὲ ἀμ  
Τόσορ ἀδικώμων, δόποσορ χθονίσ ἄκρες οἰννας  
Πολλάκι δὲ ἐξειθεν τὶς ἐόμ μέγε τυμόμ ἰσίθη  
Βασὶς ἵστροντας, ἐπεὶ εἰσίδην ἀλοθεν ἀλλα  
Δρύμοες, οώματα, νῆσος, ἀλλα πρόλιψ πόρος γαῖα.

*De templo Sophiae.*

C A P. III.



E C E N T E S scriptores Græcorum templum  
diuæ Sophiæ primò conditum ab Imperatore  
Constantio filio Constantini magni tradunt  
non

non quidem lateritio opere, sed ligneo cōcamerātum, tempore magni Theodosij, cūm secunda synodus haberetur ab Arrianis exustum ad seditionem excitatis, quod magnus Theodosius postea texit cameris cylindricis, deinde iidem scriptores addunt iterū conflagrasse tēpore Iustiniani. At Sozomenus certus, & antiquus scriptor tradit tempore Theodosij minoris, cūm orta esset seditio in magno templo de expellendo Chrysostomo, repente templum vndique deflagrassē igne iniecto ab iis, qui Chrysostomi fautores in templo inclusos comburere vnā cum templo cupiebant. Procopius tradit etiam deflagrassē cūm Iustinianus imperaret, qui in eam formam, quam nūc videmus, ipsum reādificauit: sed eo ne loco sit, in quo erat ante Iustinianum non explicat Procopius, itaque dubium videtur ex incerto scriptore commemorante nomina eorum, à quibus domos emerit Iustinianus ad solum eius constituendum, antiqua vrbis descriptio ante Iustiniani imperiū facta alio loco ponere videtur: nam ecclesiam magnam, & ecclesiam antiquam ponit in secunda regione, in quarta Augusteum forū, quod infrā monstrabo fuisse iuxta ædem Sophiæ. Zonaras tradit Iustinianum multo maiorem à fundamentis innouasse, sed Iustinianum suspicari possumus domos proximas emisse ad augēdum templum, quod autem in diuersis regionibus ponantur magnum templum, & forum Augusteum, id non impedire quin vicina esse potuerint. Cūm igitur Iustinianus ædem Sophiæ pristina magnitudine præstantiorem effecisset, & formæ decore, & metallorum varietate ornasset, parientesque & cameras cocto latere, & calce construxisset,

atque plerisque in locis ferro colligasset, nullaque tigna interposuisset, ne in posterum incendiis pateret. Tamen ut in hunc diem euaserit in columnis ab igne, saepe experta est varietatem casuum, idque statim a principio: cum arcus ad Orientem spectans nondum esset perfectus sua magnitudine onerabat pilas, quae non sustinenter arcus magnitudinem subitas ruinas egerunt, & quam mox casuræ videbantur, nisi architecti accelerassent absoluere arcum, qui in suam curuaturam perfectam incumbens minus grauis pilis fuit seipsum sustinientibus. Arcus vero duo, quorum alter ad Meridiem, alter ad Boream spectat, pilas suas, & structuram inferiorem sic premebant, ut columnæ structuram contingentem imam arcuum curuaturam, lapillos quosdam exiguos veluti ramenta quædam iacularentur, & ruinæ adiutoræ viderentur, nisi architectorum ingenio summæ partes mole laborantes, quae attingebant arcus pro tempore demoliri studuissent, & paulò post restituissent, cum structuræ humor exiccatus esset. Denique templum hoc Iustinianus cum ingenti sumptu, & labore perfecisset, aliquotque annos incolume permansisset, terræmotu concussum est etiam tunc viuete Iustiniano. Quo quidem terræmotu scribit Agathius labefactatam partem tecti medianam eminentem supra omne fastigium rursus Regem instaurasse, firmiorémque effecisse, & in maiorem altitudinem erexisse, quamquam Anthemius, qui aëdem Sophiae architectatus erat iampridem mortuus esset: tamen Isidorum iuuenem, aliosque architectos, ubi considerassent priorem formam, ubi vitium deprehendissent, orientalem quidem, & occidentalem arcum  
in suo

in suo loco consistere siuisse. Septentrionalis verò, & occidentalis arcus structuram, quæ efficeret arcus curvaturam ad interiora subduxisse, sensimque ita amplificasse, ut reliquo ædificio plurimum congrueret: ut factentur spectatores æquabilem habere dimensionem latera in hemisphæriū desinentia, vacuīq; vastitatem illam architectos in angustum contraxisse, pusillāmq; oblongi portionem subduxisse eatenus, quo ad vndique congrueret formā. Supra arcus sic dispositos rursus collocarunt in medio supereminentem circulum, siue hemisphæriū, vndique congruens, sed angustius, & in acutum porrectius, & tutius cōtra omnes impetus. Zonaras magna, inquit, ædes sacra perfecta, & dedicata euenit, ut terræ motu caderet magna sphæra pertinens ad Orientem, frangeretque sacram mensam, & pulpitum, quam Iustinianus vigintiquinque pedibus excelsiore, quām prius esset excitauit. Georgius Cedrinus tradit Iustiniāni tempore laborante hemisphæriō magni templi, & rimas agente ex crebris terræmotibus cecidisse partem orientalem, & contruuisse ciborium & sacram mensam, & pulpitum. Iustinianus excitauit alias pilas, quæ exciperent hemisphæriū sublimius viginti pedibus quām antea fuisset, extrāque templum contra pilas quatuor interiores erexit cochlias, seu muros velut alas, per quas anfractibus multis graduum ascendiunt in supernam partē templi, quæ ab imo solo surgentes usque ad hemisphæriū fulciunt arcus & pilas. Alij authores, sed obscuriores tradunt superiori terræmotu cecidisse hemisphæriū Sophiæ, quatuor arcus non cecidisse, sed incolumes permansisse, hemisphæriū Re-

gem restituisse, sed humilius, quām prius fuisset vigin-  
tiquinq; pedibus, quos ferrem, si aliis terræ motibus tra-  
derent rursus concussum fuisse, & ita humilius restitu-  
tum fuisse. Nam cùm Euagrius tradat Iustinianum in  
tantam altitudinem excitasse, vt internè ex solo suspi-  
cientes assequi vix possent summum hemisphærij tho-  
lum, & ex eius culmine nemo auderet despicere, solum  
verisimile videtur in pristinam altitudinem restituisse.  
Basilius Rex eiusdem Sophiæ arcum magnum vergen-  
tem ad occasum ex terræmotu multas ruinas agentem,  
& casum minitatem peritia architectorum constring-  
gens, firmum & stabilem reddidit, teste Georgio Ce-  
drino. Nicephorus in Reginam Annam, quæ tempore  
tyranni Catacosmi thesauros Sophiæ expilabat, acerbè  
inuehitur atque exclamat propter tyrannides & varias  
religionis sectas ædem Sophiæ ruinā edidisse sine ullo  
terræmotu. Nam, vt ipse adiungit, cùm ad vesperā cœ-  
lum serenum esset, circiter medium noctem unum ex  
quatuor arcubus ad ortum Solis spectantem cecidisse,  
secundumque traxisse hemisphærium, quod sustineret, &  
construuisse tribunal templi, & imaginum ornatum, &  
sacras columnas, & medias aulas. Post hæc Nicepho-  
rus adiungit à multis tum dictum fuisse, quòd nisi cre-  
pidines, & fulcimenta ad Orientē pertinentia diligenter  
prius cōstructa extitissent ab Andronico Rege, mul-  
to maior fuisset casus, & quidē unus ex insanabilibus.  
Euagrius scribit ædis Sophianę longitudinem hanc es-  
se, nempe à concha, vbi incruentum sacrificium litatur  
ad portam conchæ aduersam esse centum nonaginta  
pedes, latitudinem vero à borea ad nothum centum &  
quinde

quindecim, altitudinem à paumento ad centrum hemisphærij pedum centū octoginta, longitudinem verò ab Oriēte ad Occasum eam ipse metiri ausus non sum, sed metiendam curauī per hominem Turcum, qui mihi retulit latitudinem templi esse ducentorum & tredecim pedum, longitudinem verò ducentorum & quadraginta pedum. Altitudinem à summa curuatura arcuum vsq; ad paumentum centum quadraginta duorum pedum hemisphérium non mensus est: qui si rectè mensus est altitudinem, parum discreparet ab altitudine, quam tradit Euagrius. Qualis olim fuerit ædes Sophiæ vide Procopium, Agathium Paulum Florū, Euagrius: qualis autem hodie sit, adiungam huc, quatenus cognoscere mihi licuit.

*Descriptio templi Sophiæ quale hodie visitur.*

C A P V T   I I I .

**I** V S parietes, & cameræ coctis lateribus constructi sunt. Parietum interior pars crustis mar moreis vestita excellentibus, & variis fulgurat, & permiscet cùm summas naturę vires, tum mētes spectantium, cameræ calculis, & testellis vitreis inauratis fulgent etiam ad oculos Barbarorum, summa arte elaboratis, concameratio octo pilis sustinetur. Quarum quatuor maiores, & excelsiores in ordinem quadrum dispositę sustinent ingētes quatuor arcus fulcientes hemisphærium, quorum quidem duo septentrionalis, & meridianus curuaturam suam imam substructam habent tenui pariete fenestellis vitreis pleno sustētato columnarum dupli ordine inferiore & superiore. Infe-

rior habet octo columnas ad solum nitentes, superior sex sustinentes parietem subtilem, & subiectam imæ arcus curuaturæ. Reliqui duo arcus orientalis & occidentalis intra curuaturam suam nihil substructum habent, sed apertum & vacuu à parietibus & columnis, ut horum vacuitate templū efficiatur capacius. Nam ad eorum imam curuaturam committuntur extremæ partes ultra pilas proiectæ in spheræ quartā partem recedentes, quæ nituntur quatuor arcubus, qui sustentantur duabus pilis minoribus, & duabus maioribus. Quatuor enim pilæ maiores non solum sustinēt quatuor arcus maiores, sed etiam earū singulæ duos arcus minores, vnum pergentem in longitudinem, alterum in latitudinem, quibus templum longè porrigitur, & latè dilatatur: sic enim ab Oriente & Occidente quarta pars spheræ applicatur hemisphærio, vt intus vna, & eadem concame ratio esse videatur, foris verò separata, apparet ornatius efficiens hemisphærium altè eminens supra duas quartas spheræ partes. Latitudo verò dilatatur ultra pilas arcubus & columnis, & parietibus ex utroque latere septentrionali scilicet, & meridionali sex velut aulas capiens, tres inferiores, & totidem superiores vario marmore vestitas, concameratas calculis inauratis, & figuratis ornatas: ita enim ex singulis pilis duplices arcus nascentur in templi latitudinem portecti, vt eorum alterum cornu conquiescat in muro extrinsecus obniente maioribus pilis, à quibus quatuor arcus ex utrumque parietis latus emittuntur, duo quidem inferiorum trium aularum concamerationem sustinentes. Reliqui duo superiorum totidem aularum testudines, quarum latera

sing

singularum partim adnituntur ad arcus; partim ad parietes; partim ad columnas. Vnde fit, ut pars ædis interior, & media illa ingens vacua, si sola consideretur comprehensa intra pilas & columnas, sit forma ouata: si vero tota tam intra quam extra pilas perspiciatur, sit quadrata. Ita enim ex utroque laterè velut aliae apposse sunt tres aulæ inferiores, & totidem superiores, ut ab imo pavimento procedat quadrata usque ad curuaturam superiorum aularum; deinde intra octo pilas in ouatam formam contrahatur usque ad curuaturam quatuor arcuum sustinētiū hemisphaerium. Forma aularum, seu cellarum, quas dixi cingere utrumque latus talis est. Ex tribus lateribus aulæ quadratae sunt, ex quarto latere, quod intuetur interiorem ædis partem figuram templi sequitur, quam obrotundam efficit pilatum, & columnarum dispositio. Sustinetur arcibus & columnis concameratio aularum, quarum describā duntaxat treis: quibus cognitis ceteræ omnes simili forma esse cognoscuntur. Incipiam à tribus superioribus sitis in latere templi septentrionali, quarū prima est in angulo intuenti Septentrionem & Orientem, eius duo latera exteriora sunt à muro, & desinunt in arcum, in laterum medio columnæ tres sunt quadratae loco parietis, nempe fenestrarum parastades, quarum scapus habet perimetrum quinque pedum, & unius dodrantis. Supra easdem eminent aliae tres quadratae, haec omnes sunt marmoris albi in colorem glaucum vergentis, latus pertinens ad interiorem ædis partem, habet sex columnas virides subiectas arcui sustinenti quartam partem sphaeræ orientalis, quarum unus scapus ambitum habet septem pedum, &

octo digitorum. Earum intercolumnia, diastyli dispositione distincta lata septem pedes & vndeциm digitos, pluteis muniuntur marmoreis, altis quatuor pedes, quibus incumbentes vident interiorē ædis partē tam infernam, quam supernam. Latus interiectum inter primam aulam & secundam à pariete exteriori vergente ad Septentrionem vsque ad pilam magnam sustinentem arcum hemisphærij, largum est quadraginta quatuor pedes, quorum partem possident pilæ, partem arcus surgens à tergo pilæ sustinens hemisphærium, quo toto patente lato iuxta pavimentū viginti pedes transitum à prima aula ad secundam aulam, reliquam lateris inter primam & secundam aulam intermedij partem latam viginti quatuor pedes occupant pileæ arcus, & murus surgens velut ala vsque ad concamerationem hemisphærij, secundæ aulæ concameratio extrema sustinetur arcubus & parietibus: media verò nititur quatuor columnis albis ad glaucum colorē accendentibus. Quarum scapus in ambitu circūplectitur septem pedes, secunda siue media aula quadrata est, cuius duo latera sustinentur partim muri, partim arcubus, quorum alterum cornu nascitur à tergo duarum magnarū pilarum sustinentium magnum hemisphærium; alterum sustinetur pilis orientibus ex interiori parte murorum aliorum fulcientium pilas maiores. Huius secundæ siue mediæ aulæ latus exterius loco parietis habet octo columnas quadratas, quarum perimeter est sex pedum, in carum medio est magna pila inter columnas eas para stadium vicem præstantes sunt fenestræ. Præterea supra easdem columnas existunt pilæ para stadium vicem præbentes.

bentes superioribus fenestris, quæ tam superiores, quam inferiores numero sexdecim aulam hanc medium illustrant, cuius latus vergens in templum interius sex viridibus columnis ornatur. Harum intercolumnia habet pluteos similes pluteis primæ aulæ, camera media sustinetur columnis colorem medium inter album & glaucum præ se ferentibus, in quadratum ordinem dispositis, quarum duæ stant non longè à latere exteriori. Reliquæ duæ parum absunt ab interiori latere ornato sex columnis, ex hac media aula exitus patet in tertiam per arcum tam latè patentem, quam alterum, per quæ aditus est à prima aula in secundam. Tertia aula similis est primæ aulæ longitudine fenestris parastadibus columnis: quibus quatuor sustinetur eius camera, & latus interiorius sex viridibus: iam verò inter pilas duas, quibus sustinetur quarta pars spheræ occidentalis, extat quatuor columnæ virides, cædémque binæ inter se coniunctæ, inter has intercedunt sex columellæ virides, Ionicæ. Tépli verò valuæ occidentales loco vestibuli duas porticus habet, inferiorem quæ aditur templum plano pede, superiorem quæ Gynæconitides aulæ adeuntur, ambas tam longas, quam templum latum, largas viginti octo pedes, porticus superior supra porticum inferiorem sita est inter pilas sustinentes quartam partem sphæræ occidentalem, & fenestras. Nam à parte interiori octo pilis, ab exteriori totidem sustinetur, inter quas fenestre tam inferiores, quam superiores illucent cinquæ columnis quadratis. Inter hanc porticū & aulas fœminarum, nihil interest, nisi pilæ sustinētes porticus cameram interiorem: pavimentum enim porticus æquale est aula-

rum pavimento, porticus inferior est duplex, interior clauditur vtrinque muris marmorum iucundissima varietate vestitis: tegitur cameris figuratis ornamento tessellato calculorum inauratorum. Ex huius porticus latere orientali nouem portis patet aditus in templum, ex latere occidentali quinque portis æneis, duplicibus patet exitus ex interiori porticu in exteriorem porticum, ex qua proditur in aream, ubi perennes saliunt aquæ, ad quas ex area descendit multis gradibus, per capita harum porticuum aditus patet unus à Septentrione, alter à Meridie sex valuis olim æneis omnibus, iam du-taxat tribus æneis egregio opere elaboratis. Aedes Sophiana ex parte Orientis habet duas portas, easque duplices, in lateribus sunt aliquot clausæ, quæ nunc non aperiuntur, ædis interiora fulgent clarissima luce ob multitudinem luminum, summus murus, qui in orbem fertur inter quatuor summos arcus & hemisphaerium, quadraginta fenestris lucem intrómittit, muruli arcubus subiecti illuminantur viginti sex fenestris. Aulæ intermediae triginta duabus in singulis extremis aulis orientibus lucent plus viginti, prætereo duas occidentales, & quatuor inferiores aulas, tum duas quartas partes sphaeræ, tum sacram ædis partem solis sacerdotibus olim patetem: sileo superiorem porticum etiam in medium templum clarum lumen emittentem, quorum omnium lumina ob multitudinem numerata omisi, maximus Sophiani templi aditus est ab occasu plano pede: non enim, ut Pantheon Romanum gradibus, ut olim ascenditur, aut ut nunc descenditur, nisi ab ortu, unde quinq; gradibus descensus patet in ædem, sed in superam ædis partem

tem ascēsus existit quatuor cochleis, quas antē dixi oppositas ad fulciendas quatuor, maiores pilās. Georgius Cedrinus cochleas appellat, sed non satis propriè, cùm magis in anfractuum normalium, quām cochlearum modum gradus surgant: quinque enim anfractibus ab imo ascenditur; non exasperatis in gradus, sed in mollem cliū substructis ex amplis mensis marmoreis, horūm quinque anfractuum singuli alti vnde viginti pedes, & sesquipedem lati. Quinq; pedes, his anfractibus succedunt alij anfractus usque ad templi tectum non cliuis molliti, sed in gradus fracti, quibus adeuntur aulæ, & porticus superiores, & summæ tēpli partes. Si quis ea, quæ antē dixi de templo Sophiæ, conferat cum descriptione Procopij & Agathij, cognoscet de illo, quod Iustinianus condidit non tantam diminutionē factam esse, quantam ciues Constantinopolitani prædicant, iacentes longè maius extitisse, multaque illius membra à Barbaris diruta esse; decimamque partem vix hodie extare: quorum opinionem ferendam putarem, si intel ligant domos regum, sacerdotum, senatorum circum ædes constructas à Barbaris, & incendiis deletas esse. Sin membra ædis Sophianæ à Iustiniano cōditæ, longè errant, omniisque eius fere constare video tradita à Procopio, præter porticum alteram. Nam cùm, teste Procopio, utrinque porticus haberet, nunc dūntaxat ex una parte, eaque occidentali habet, orientalis non extat, sed cecidiisse aliquo terræmotu verisimile est, ipsiusque in locum excitatam fuisse molem illam, quæ hodie extat lapide quadrato constructa velut crepido cliuosa obiecta ad fulciendā partem ædis orientalem: verūm iam

tam excelsam ob terræmotus non arbitror, quām primò fuit, sed tamen tāta altitudine nunc attollitur, quanta ferè traditur ab Euagrio, atque adeò post terræmotus ad fulciendas pilas laborātes, vel terræmotu, vel pondere hemisphærij aucta est quatuor muris longis plus viginti pedes, latis plus octo in altitudinem maiorum pilarum assurgentibus, quos alares appellare possumus à similitudine alarum architectonicarum, vel potius ἐρεσματα, id est, obnitentia firmamenta, quibus latus ædis pertinens ad Septentrionem & latus austrinum præfulciuntur, atque præmuniuntur. Extant templi extremitates ultra octo pilas proiectæ in spheræ quartam partem recedentes ex supēra parte quiddam Lunæ curvatae in cornua simile præ se gerentes, extant cellæ, siue aureæ inferiores quidem Andronitides. Superiores Ginæconitides extant infinita varietate marmorum prestantissimorum vestiti parietes & pilæ, & tota concameratio tecta tessellis inauratis, & non modò Moseaci operis ratione iam peruulgata, sed antiqua illa recondita amissi dimensis egregiè in hunc diem eminentibus, nisi quā offensiones intercedunt, quas intulerunt imaginū oppugnatores. Denique ut corpus & membra Sophiæ ædis ferè omnia extant, sic nihil exēptile, nisi exiguum quiddam ex infinitate metallorum. Extat templi pars pura olim & sacra solis sacerdotibus attributa, sed nihil gemmarum hodie apparet omnium nationum bellica direptione spoliata, non modò mensa illa, quā nemo imitari poterat à Iustiniano refecta ex auro argento, omnique genere lignorum gemmarum, quæ producit mare & cunctus orbis, sed etiam donis aliis infinitis  
denu

denudata, quibus reges Constantinopolitani & pontifices & principes eam ornarant, atque etiam mulieres cùm aliæ permultæ tum Pulcheriam Archadij filiam Theodosij minoris sororem scribit Sozomenus ex auro & lapidibus pretiosis pulcherrimum & mirabile quodam spectaculum mensam dedisse sacræ ædi Constantinopoleos. Neque dum vestigalibus, quibus erat immensis locupletata priuantur Maumetani sacerdotes, neque mille & centum tabernis, siue officinis, quas vestigales, & liberas possident sitas in pulcherrimis foris Constantinopoleos.

*De statuis inuentis in latere ædis Sophianæ.*

C A P V T . V .

**E**X LATERE templi Sophiae Suydas (quem cito velut receptum in primam classem Grammaticorum) refert, statuas repertas fuisse deorum Græcorum plusquam septuaginta & duodecim signorum Zodiaci, & regum Christianorum octoginta, quas Iustinianus, vrbi cùm distribuisset, magnū templum edificauit, possem huc adiungere nomina harum statuarum ex incerto scriptore, qui scripsit de patria Constantinopolitana, nisi in aliis permultis mendacem deprehendissem.

*De Pharo promontorij, & Mangana.*

C A P V T . V I .

**A**MIANVS Marcellinus scribit promotorium Ceras prælucentem nauibus vehere construtam celsius turrim, quæ Pharus appellaretur,

hæc alibi rectius esse non potuit, quæm propè templum Sophiæ. Vnde nam commodiùs, & latius illucescere potuisset nauigantibus ex Bosporo & Propotide. Promotorium Ceras Dionysius Bosporium appellat, & dicit ex eo Inachi filiam ira Iunonis stimulatam traieciisse in Asiam. Mangana locus ita appellatus, vbi machinæ bellicæ seruabantur, erat in claustro regio, aut prope claustrum iuxta Bospori fauces extremas. Rex Constantinus monomachus splendidum, & amplum à fundamentis monasteriū condidit in nomen magni martyris Georgij, quod Mangana appellant. Alexius Comnenus cum podagra laboraret, in magnum Palatum, quod ad Solis ortum est, gestatur: ac cum Palatiū huius aer medicis non satis commodus videretur, in Palatum Manganorum transffertur.

*De thermis Zeuxippi, & de eius statuis.*

C A P V T . V . I .

**T**H E R M A S Zeuxippum nuncupatas, à Ioue Zeuxippo, ait Cedrinus in eius templo ædificatas. Quod Eusebius confirmare videtur: Ex Zeuxis, inquit, pictoris imaginibus, quas pluriimas fecit lauacrum Byzantiorum quidam appellatum arbitrantur fuisse vicinas Sophiæ ædibus, assequor non modo ex antiqua descriptione, quæ ponit in eadem regione templum Sophiæ & thermas Zeuxippi, sed etiæ ex incendio facto tempore Iustiniani, quo deflagrassæ templum Sophiæ, & vicina ædicia, ut balneū Zeuxippum appellatum, & regiæ vestibulum, quod Chalca appellatur, testatur Procopius, & Zonaras: qui Seuerum Imperia-

peratorem scribit id Hippodromo coniunxisse, & ædificasse in templo Iouis. Leontius antiquior & grauior testis non coniungit Hippodromo, sed vicinum facit suis versibus inscriptis in domum sitam inter Zeuxip-pum & Hippodromum:

Ἐν τῷ τε λαζίπιπορ ἔκω τάλας ἐδὺ λεθρὸν  
 Ἐκ τοῦ ἑτοῖς ἵππων χῶρον ἀεθλοφόρων  
 Τὸς δὲ θεοτάμνοντες τελοῖ στήνεται λείας.  
 Δύνησον καὶ ἀμπυδύνην πάντας ταρπ' ἀμετόρη  
 Καίκε τάλης τασίς τοτε πάντας ἀετός ἐλθει.  
 Εγγύθην ἐγγύς, ἡμέραντες εἰς δακτός.

Cedrinus, inquit, variam in hoc balneo contemplationem, & splendorem fuisse artium, marmorum, calculorum, statuarum ex ære factarum, hominū antiquorum, quibus nihil deerat præter animas, ad verè repræsentandum eos, quos imitantur: inter quos erat Homerus men tem contrahens & contendens, & manus sub imum pectus coniungens, barba eius simpliciter demissa erat, capillus similis ex vtraque parte caluariæ rarus, facies te-trica ob senectutem & commentationem, nasus per omnia mediocris. Oculi cōciliati pálpebris, velut de ipso fama est, cæcum præ se ferunt, supra tunicam gestabat pallium, lorum quoddam æreum pēdibus subiiciebat. Erat præterea statuæ ex ære factæ omnium sapientum sublimium, & Poëtarum, & Rhetorū, & Heroum fortitudine celebrium, tum ex marmore permultæ ad eò antiquo opere elaboratae, ut spirare viderentur, quas omnes consumpsit incendium: inter quas fuerunt statuæ Deiphobi, Aeschinis, Demosthenis, Aristotelis, Euripidis, Hesiodi, Theocriti, Simonidis, Anaximenis,

Chal

Chalcatis, Pyrrhi, Amyniones, Saphous, Apollinis, Veneris, Chrysæ, Iulij Cæsaris, Platonis, Hermaphroditi, Herinnæ, Terpætri, Periclis, Pythagoræ, Stefichori, Democriti, Herculis, Auroræ, Aeneæ, Creusæ, Heleni, Andromachi, Menelai, Helenæ, Vlyssis, Hecubæ, Cassandrae, Polyxenæ, Aiacis, Paridis, Oenoæ, Milonis, Darentis, Entelli, Charidemi, Melampi, Panthoi, Demogeron tis, Isocratis, Amphiaraï, Sarpedonis, Achillis, Mercurij, Apuleij, Dianæ, Phoerecidis, Heracliti, Cratini, Menandri, Amphytrionis, Thucididis, Herodoti, Pindari, Xenophontis, Alcmeonis, Pompeij, Vergilij. Alięque plures statuae versibus descriptæ à Chrystodoro Poëta Thebœo, siue, ut alij tradunt, nato ex vrbe Copto Aegyptiaca, cuius versus explicarem, nisi id longum esset, & satis sit digitos intendere ad fontes. Fuit propè thermas Zeuxippi balneum paruum celebratum versibus Leontij:

μὴ νεκέα ρωγμπει ταξίν αὐτοῖς λοεθρός,  
καὶ μεγάλως ταξίν ἀμαξεῖς ἐρεύτιλος οὐδὲ φαινεῖ.

Nunc nulla Zeuxippi vestigia restant, neque aliorum permultorum balnearum, et si de illis scripta Epigrammata extant, ut illud celebratum ab Agathio, in quo Venus erat. Item alterum Didymum, in quo mulieres, & viri lauabantur decantatum versibus Pauli silentiarij, & aliud illustratum Epigrammate Leontij Scholastici, atque illud nuncupatum Cupido descriptum à Mariano Scholastico, quæ vel perierunt, vel à Mamentanis ita immutata sunt, ut non agnoscantur.

De

*De Xenodochijs Sampsonis & Eubuli.*

C A P. V I I I.

**E**RAT quoddam, ut Procopius inquit, Xenodochium hominibus attributum inopibus & ægrotantibus, hoc quidam vir pius nomine Sampson superioribus tēporibus ædificauerat. Sed non mansit intactum ab incendio, quod excitauit seditiosa plebs, quo illud vnā cum tēplo deflagrauit. Hoc reædificauit Iulianus pulchritudine quidē structuræ dignius, & multitudine domuncularum amplius reddidit, vetaligique annuorum nummorum magno dotauit, vt pluribus subueniret affectibus, ac nondum hac erga Deum obseruantia satiatus, duo præterea Xenodochia è regione illius adiunxit, ea excitans in domibus, quæ Isodori & Arcadij nominantur, adiutus à regina Theodora. Hæc quidem Procopius, ex quo colligitur Xenodochium Sampsonis, quod perierit eodem incendio, quo magnum templum non longè à Sophia fuisse, hoc historia incerti authoris docet fuisse è regione ædis Sophianæ, cui, vt credam me adducit Zonaras, similiter tradens à seditiosa plebe immissum fuisse incendium, quo magnum templū, & sancta Hirene, & Eubuli Xenodochium, & Chalca, & Seueri balneum appellatum Zeuxippus, aliáque permulta deflagrarunt. Cui consenit Georgius Cedrinus loquens de eodem incendio: Magna, inquit, pars vrbis, magnūmque templum, & sancta Hirene, & Xenodochia Sampsonis, & Eubuli, vnā cum ægrotis exusta sunt, atque etiam vestibulum Basilicæ Augsteum, Chalca, duæ porticus usque ad forum & octogonum, & balnēum appellatum Zeuxippus. Post-

m m

quam superiora ex Procopio edito scripsisse, incidi in Procopij manuscriptum Codicem declarantem Xenodochium Sampsonis fuisse medium inter ædes Sophiæ & Hirene.

*De statua Eudoxie Augustæ, ob quam Chrysostomus electus in exilium.*

C A P . I X .

**S**O C R A T E S & Sozomenus sacræ historiæ scriptores tradunt Eudoxiæ Augustæ statuam argenteam supra columnam purpuream secundum latus meridianum ædis Sophianæ via duntaxat latâ intercedente excitatam fuisse ante domum magnæ curiæ, cui à populo plausus dari, & ludi publici saltatorum, & mimorum edi solebat de more, qui iamdudum inualuerat colèdi regias imagines, quod Ioānes Chrysostomus contra religionem Christianam fieri existimans pro concione reprehendit eos, qui tale quippiam factitarent. Quibus Eudoxia se præstrictam putans, in exilium proiecit Chrysostomum. Huc adderem miliarium, & Basilicam, ut vicina templo Sophiæ, nisi nunc mallem regionum ordinem sequi, quam ædificiorum vicinitatem.

*Quam urbis partem complexa fuerit tertia regio.*

C A P V T . X .

**V**I Hippodromus est, & domus Abrami basæ, & porta Leonis, & portus, quem vulgo Byzantij appellant Caterga limena, quasi triremium portum, dorsumque secundi collis usque ad forum Constantini olim tertia regio fuisse depreheditur, non

non modò ex ordine suo , sed etiam ex sua descriptio-  
ne , quæ declarat hanc planam in superiori parte in ea  
circi spatio longius explicato , sed ab eius extrema par-  
te nimis prono cliuo ad mare usque descendere com-  
plete tenteim tribunal fori Constantini , circum maxi-  
mum domum Pulcherię Augustae portum nouum , por-  
ticum semirotundam , quæ ex similitudine fabricæ si-  
gma Græco vocabulo nuncupatur.

*De Hippodromo & de eius obelisco. & columnis &  
statuis.*

C A P . X I .

**S**E V E R V M reconciliatum Byzantiis recentes Historici , vt Zonaras & alij plerique tradunt Hippodromum ædificasse , Zosimus antiquus Historicus scribit Constantinum magnum Hippodromum elaborasse , omniq; cultu pulcherrimo adornasse , partemque eius fecisse templum Castoris , & Pollucis , quorum simulacra usque in suam etatem , hoc est , Theodosij minoris in Hippodromi porticibus extantes videre liceret in medio circō , quē Græci Hippodromum appellant obeliscus ex Thebaico lapide factus extat , cuius cum non meminerit antiqua regionū descriptio , & meminerit obélisci Thébæi quadrati , quem ponit in quinta regione , arbitrarer hunc terræmotu euersum translatum fuisse in Hippodromū à Theodosio post æditam descriptionem regionum . Nisi hæc Theodosiacorum multorum meminisset operum , nisi præteriret nonnulla in commemoratione regionum , quorum posteà meminit in generali descriptione urbis . Habere igitur plures obeliscos Constantinopolis potuit , ex qui-

bus non superest ille Thebaeus, quem in quinta regione ponit antiqua regionum descriptio, duos adhuc extantes vidi cum primum venissem Byzantium, unum in circulo maximo, alterum intra claustrum regium, in latere primi collis vergente ad septentriones, quadratum ex lapide Thebaico factum erectum iuxta domum vitreiarum officinarum regiarum. Sed paulo post euersum. Et extra claustrum, elatum vidi iacentem longum triginta quinq; pedes, cuius singula latera, si bene memini senos pedes, lata perimetrum illius efficiebant viginti quatuor pedum. Hunc Antonius Piolus nobilis Venetus emit Venetias exportaturus in foro diui Stephani locaturus. Alter vero in medio Hippodromo pro meta in hunc diem extat supra quatuor tesseras aeneas latas quoquo versus sesquipedem altas tantundem sustentatas basi & stylobate. A solo duos gradus habet stylobates, quorum inferior a terra altus est pede unum, cuius latitudo pedalis, superior gradus altus duos pedes, projectus extra stylobatem quatuor pedes, & totidem digitos, gradus subiecti non sunt stylobate, sed adiecti, & astructi velut suggestus, ut appareat ex commissura, supra quos latius quoquo versus duodecim pedes stylobates eminet in altitudinem quatuor pedum, & octo digitorum, & extra basim proicitur sesquipedem. Praeter hos quatuor pedes, & sex digitos, stylobates pedalem altitudinem excedit non extra basim eminentem: nam ex summo stylobate eminet striatura alta pedem & tredecim digitos quadrilatera, neque ex perpetuo uno eodemque lapide constans, quo stylobates. Nam stylobates emittit suam supremam partem, non solum sesquipedem

quipedē strictiorem, quām infimām, sed etiam angulis  
mutilatam, locōq; quatuor angulorum diminutorum  
existunt quatuor lapides quadrati marmoris Thebæi  
rubentis, singuli alti sesquipedē, nempe quantum stria-  
tura stylobatæ, his quatuor angularibus lapidibus in-  
terclusa, qui cum intermedia parte suprema stylobatæ  
sustinent basim altam pedes septem, & tredecim digi-  
tos proiectam extra imum scapum obelisci sesquipedē,  
quoquo versus patentem nouem pedes, totidēmque di-  
gitos, quæ tota insculpta est, ut stylobates, qui statuis  
emitentibus omnia latera incisa habet: ex septentrio-  
nali quidem latere expressæ sunt statuæ, duobus ordi-  
nibus scalptæ, quorum inferior continet duodecim inti-  
statuas & duas ergatas, earum singulas quaterni homi-  
nes versant vestibus, quibus funes ductarij circum er-  
gatas voluuntur obeliscum iacentem trahentes. Tum  
in eodem ordine sculptus est obeliscus rectus, ut nunc  
est, tum statuæ tres, quarum Constantinopolitani præ-  
dicant unam esse magistri, alteram discipuli, quem ma-  
gister, nisi interposita tertia persona retentus fuisse ca-  
stigare conatur, quod se absente obeliscum erexit, in  
superiori ordine binæ ergatae connituntur cum ergatis  
inferioribus obeliscum iacentem trahere, versatae singu-  
læ à quaternis hominibus circumvoluentibus validos  
funes bene eminentibus toris expressos. Quod si stylo-  
batæ amplitudo capere rationem potuisset, qua erectus  
est: non dubito, quin talem sculptisset, qualem descri-  
bit Marcellinus. Sola, inquit, restabat obelisci erec-  
tio, quæ vix, aut ne vix quidem sperabatur posse comple-  
xi, id est, usque ad periculum altis trabibus, ut machi-

narum cerneris nemus, innectuntur vasti funes, & longi ad speciem multiplicium liciorum cœlum densitate nimia subtegentes: quibus colligatus obeliscus paulatimque per arduum inane protentus, diuq; pensilis milibus multis tanquam molendinarias metas rotantibus cauea locatus in media, hunc obeliscū posse etiam Byzantios machinatores in alium locum transferre incolumem aduerti ex columna sita in dorso quinti collis Constantinopolitani, quæ parum cedebat obelisco. Hanc à suis sedibus deiici in terram vidi in hunc fere modum, circum columnam aliquo tamen interposito spatio trabes ingentes crebras in quadrum dispositas in solo defixas columna ipsa excelsiores erexerunt paribus interuallis inter se distantes, supra trabes imposuerunt transuersa tigna omnia inter se firmissimè reuincta, ex quibus Trochleas creberrimas appenderunt, per quas traiecerunt validos funes ab imo columnæ scapo ad summum surgentes ad columnam strictissimè alligatos densis funibus, ut se contingerent, & transuersis rectos velut tramis stamina secantibus formam textilis operis repræsentatibus extra quadraturam trabium similitudinem turris quadratę gerentiū. Ergatæ vtrinque multæ in terram defixaæ erant versatae à multitidine robustissimorum iuuenum funes illos validos, quibus columna cingebatur trahentes tandiu, quoad columnam, à sedibus subtraxerunt, deinde sensim detrahentes in terram deiecerunt, & curribus impositam firmissimis, quos rotę crassissimis ferris cinctę sustinebat, traduxerunt incolumem in collem tertiu ad Solemani Regis ædem ornādam. Iam verò in latere stylobatae occid

Occidentali o belisci incisum est hoc Epigramma:

*Κίονα πεπάπλωροι ἀέχθονι κέιμενοι ἄχθοι  
Μᾶνθα αὐτεσήσεις θεοδύσιοι βασιλεὺς,  
Τολμήσεις πρόκλοι ἐπεκέκλεις, ηγὲ τόσοις ἔσῃ  
Κίων ἥλιοις ἐν τριπονῆα μέν.*

In latere orientali inscriptum est hoc Epigramma incisione literarum Latinarum, sed paululum exesa: sed ut legere potui, sic habet,

*Difficilis quondam dominis parere serenis  
Iussus, extintis palmam portare tyrannis,  
Omnia Theodosio cedunt: subolique perenni  
Terdenis sic vietus, duobusque diebus  
Sub iudice Proculo sublimes elatus ad auras.*

In meridiano latere duplex ordo statuarū exprimitur, inferior quatuor currus partim biiuges, partim quadriuges habet, quorum vnumquenque unus regit auriga. Superior ordo continet duos equites, tres pedites, togatos tres, obeliscos duos, quatuor columnas in quadrum dispositas epistylia sustinentes. Iam verò ex boreali basis latere scalpti sunt quatuor ordines continentis triginta quinq; statuas togatas. Ex latere occidentali eminent duo ordines, quorum inferior habet nouē statuas, supplices offerentes munera Regi, qui stat in superiori ordine cum statuis decem & sex. Latus meridianū duabus ordinibus distinguitur, inferiore decem statuas togatas exprimente, superiore viginti togatas omnes exceptis quatuor clipeatis. Latus orientale habet in parte inferiori tres ordines, infimus cōtinet decem & sex personas, alias viriles, alias muliebres saltantes, alias organa pulsantes, supra quas eminent duo ordines capite tenus:

tenus: puto spectatores. Superior ordo reddit viginti statuas, harum sex ab aliis distinguuntur columnis, media coronam tenet manu, supra basim extant quatuor tesseræ æneæ, quibus in quadrum dispositis totus Obeliscus sustinetur, cuius quidem quadrati singula latera ima lata sunt circiter sex pedes ab imo ad summū scalpta notis Aegyptiacis.

*De Colosso structili.*

C A P. X I I.

**I**N M E D I O Hippodromo etiamnum extat structilis Colossus ex lapidibus quadratis factus, olim ut quidam imperitus in lucem prodidit marmoreis crustis, ut verò Epigráma in eius basi incisum testatur æreis tabulis vestitus ferro colligatis, ut appareat ex foraminibus nō modò in scapo, sed etiam in basi remanentibus, in quæ quidem foramina regulæ ferrareæ insitæ erant plumbo confirmatæ, nunc spoliatis restat structuram interiorem lapideam prodens barbarorum avaritiam expertus, qualem prius periclitatus est Rhodius, quem regnante Constante nepote Heraclij Agareni distraxerunt post mille & trecentos annos ex eo tempore, quo erectus fuerat. Quem Iudæus quidam emesenus emit, & eius æs distractum noningentis camelis exportauit, in illius Constantinopolitani basi incisi sunt versus subsequentes,

Τετράπλασιον θωμάτων μεταρσίων  
Χρόνῳ φθαργέν, νῦν λευκαῖν  
Δειπότης ὁ ρωμαῖος πᾶς δέξα τῇ σκηπτροχέαι  
Κρέτσιων τευργέτης πάλαι θεωρίας  
Ο γαρ λέλοισθε θάμβος ἦν τῷ

νέσφι.

πόδις, καὶ χαλκός ἔτερος

Θάυβης δέ τινα γνθάνεται.

Tres gradus imæ huius basi adiūcti sunt, primus à terra altus est duos pedes, secundus pedem & duos digitos, tertius tantundem. Basis est marmor quadratum altum septē pedes & tres digitos, cuius latera singula lata decem pedes & dodrantē: hic Colossus excelsior est obelisco, in cuius cacumen cum festo quodam die, qui celebrabatur ob circumcisionē Principis Boldaniæ ascenderem vidi circulatorem quandam bene peritum, & descendere in columē, quem subsecutus alter imperitior ascēdit quidem similiter in cacumen, sed excelsitas ita præstrinxit eius oculos, ut desperās descensum se quantum contendere potuit longè à Colosso proiecerit, ne decideret in Colossi crepidines, itaque rectus cadens peibus altè defixis in terrā statim mortuus spectatus est.

*De columnis Hippodromi.*

C A P . X I I I .



N O R D I N E obeliscorum directo in medium longitudinem Hippodromi septem columnæ extant, quarum una ex marmore Ara bico facta, perimetrum habet decem & septem pedum & octo digitorum, in qua Abramus bassa Herculem ex ære factum de Vngaricis manubiis statuerat, sed illo extincto, Hercules, qui non modò viuus in domandis monstribus orbem peragrauerat, sed etiam mortuus huc illuc gestatus fuerat, tot clades euaserat tandem euersus: & distractus est à Turcis acerrimis hostibus statuarum, & totius artis Vitruvianæ Hercule præstantioribus, qui tertiodecimo proposito certamine Hercule

n n

vicerunt, fortius quam qui primi vicerunt, longis ante temporibus, ex eo, quod Herculem ligneum summa arte factum cōbussissent, ut Diagoras impius in publicum diuersorum profectus cum lignis egeret ad lentem coquendam, inuenisset qui Herculem ligneum pulcherrimè, & summa arte laboratū eum in frusta dissectum in ignem congeſſit, addens hæc verba : O Hercule, qui duodecim certamina subiisti, age, & tertiumdecimum certamen subeas : & lentem nunc coquas. Extat etiam in eodem ordine altera columna ænea, striata non quidem canaliculis, rugas matronalium, stolarum, referentibus: sed spiris trium serpentum, inter se circumplexatarum non sursum versus directis, sed tortis in modum tororum. Quos valde eminentes exprimit magni funes, & desinentibus in caput triceps trium serpentum, quarum capita in triquetram formam disposita longè eminent, supra columnæ torosum scapum. Quamobrem fuerit hæc columna posita, Constantinopolitani multa fingunt, sed nugatoria omnia, ignorantes maiorum suorum historias. Inter quos Zosimus scribit Constantiū magnum in Hippodromo statuisse, Apollinis Delphici tripodem in seipso habentē ipsius Apollinis statuam. Sozomenus Salaminius adiungit, Constantiū non modo tripodes Delphicos in Hippodromo posuisse, sed etiam celebratissimum tripodem, quæ Pausanias Lacedæmonius, atque urbes Græcæ post bellum medicum Apollini Delphico consecravunt. Eusebius clarius tradit Constantiū in quadam Constantinopolis parte Sminthium Apollinē statuisse, in Hippodromo autem constituisse Pythium tripodem, circa quem

quem serpens in spiras volueretur , ex quibus verisimile  
videtur tripodem illum statutum fuisse supra hanc co-  
lumnam æream tricipitē, vt erat apud Delphos ex He-  
rodoto, qui tradit ex decimis manubiarum Persicarum  
tripodem aureum factum in Delphis collocatū fuisse  
supra serpentem tricipitem æream , atque idem affert  
Persis ad plateas victis tripodem aureum ibi repertum  
redditum fuisse deo Delphico, insistentem supra tripli-  
cem ex ære colubrum proximè aram. Similiter errant,  
qui putant hanc columnam nunc æream olim inaurata-  
tam spoliatam auro fuisse à Turcis : cùm multis seculis  
ante Turcos aurum detractum fuerit, vt liquet ex Pau-  
sania. Commune, inquit, fuit Græcorū de platensi præ-  
lio donum aureus tripōus sustētatus æneo dracone æs-  
que Pausaniæ ætate mansit ex eo donario integrum, au-  
ri quod fuit, duces Phocensium amouerunt : deinceps  
quinque columnæ in sequuntur tenentes eundem ordi-  
nem, quem tenent Obeliscus, Colossus, & ænea colum-  
na procedentem recta via per mediā Hippodromi lon-  
gitudinem. In fronte Hippodromi spectatē ad Propon-  
tidem decem & septem columnæ marmoris albi etiam  
tum extabant, cùm veni Byzantium cum spiris , & ca-  
pitulis, & epistyliis digestæ in ordinem ambiētem Hip-  
podromi partem sitam inter Meridiem & Occasum,  
quarum stylobatæ alti duos pedes, & decem digitos su-  
stentati substructionibus fornicatis, æquatísque ex in-  
teriori parte cum Hippodromi planicie , ex parte exte-  
riori plus minus altis quinquaginta pedes, positi singu-  
li sunt supra murulum proiicientem duos gradus , vel  
plinthos quadratos, inferiorem quidem non ex uno la-

pide factum, altum pedem, & digitum, superiorem verò altum pedem & digitos sex, proiectum extra stylobatem octo digitos, quorum singula latera lata pedes octo, & dodrantem. Stylobatæ lati quinque pedes & septem digitos, quoquo versus, eoruim eminentiæ imæ positæ pro toris reliquisque modulis sunt alti sex digitos & semidigitum, superiores eminentiæ positæ pro coronidibus tantundem spiræ plinthus crassus vndecim digitos, torus inferior septem digitos & dimidium digitum, scotia quatuor digitos, torus superior sex digitos, calcaneum scapi altum quinque digitos, diameter scaporum est trium pedum, & quinque digitorum, eorum altitudo viginti octo pedum, nunc scapi prostrati iacent cum capitulis & basibus nuper euersi ad ædificandum Xenodochiū Regis Soleimani. Dolui eorum casum, non tam ex eo, quòd proiecti humi iacerent, quam quòd eorum nonnulli searentur in tabulas solum construturas balneorum, quòdque capitula ex antiqua artis ratione commutarentur in barbaricos modulos, aut in pilas excauarentur pistrinarias, epistyliāq; & spiræ exscinderetur in murorum ædificationem; intercolumnia inter scapos lata erat vndecim pedes diastyli compositione lubrica, ex qua aduerti propter interuallum magnū epistylia fracta esse, capitula omneis modulos habebant operis Corinthij, & trabeatio egregiè expressa præter echinos, qui scalpti non erant, annuli ferrei ex epistylis pendebat. Vnde vela suspendebantur, supra harum ordinem columnarum extabat alter ordo columnarum etiam aliquantò post, quam Othomanī ceperunt urbem. Antequam Galli & Veneti ce-  
pissent

pissent Constantinopolim , extabant in Hippodromo cùm alij permulti equi lapidei & ærci, tum quatuor inauguati mira arte elaborati, quales hodie extat supra vestibulum ædis Marcianæ Veneticæ , quos deportatos aiunt ex Constantinopoli prætero non modò permul torum regum, principum, statuas in circo statutas, inter quas Iustiniani Regis statua celebratur per uulgatis versibus, sed etiam eunuchorum maximè valere solitorum apud Imperatores Constantinopolitanos. Inter quos fuit statua Platonis eunuchi cubicularij regij, qui imperante Basilisco exustus est. In cuius quidem statu pectore etsi inscriptum Suydas testatur fuisse, qui hanc statuam in aliud locum transtulerit, laqueo suffocetur, tamen ex templo Procopij, in quo prius erat, cùm id reficeretur traducta est in Hippodromum. Iam verò quid commenorem infinitas statuas pugilum, luctatorum, aurigarum, in Hippodromo sitas, quæ etsi dudum perierunt, tamen recens eorum memoria non perit, retenta plusquam trecentis versibus etiamnum extantibus, quibus nonnulli aurigæ decantantur, sed permultorum memoria extincta est, ut Thomæ aurigæ præstatiissimi, quæ ne funditus pereat me admonet lapidis fragmen tum, quod vidi Byzantij cum hac inscriptione, θομᾶς συνόχος. qui fortasse ille est, de quo ad Faustū Romæ præpositum Theodoricus Rex scribit, dudu Thomati aurigę ex Orientis partibus aduenienti annonas rationabiles consideratio nostra largita est, donec eius artem probaremus, & animū. Sed quoniam in hoc agone primatum dicitur obtinere, eiisque voluntas patria dicerca nostri sedes fouere delegit imperij, menstrua cum

duximus largitate solidandum, ne adhuc redderemus, quem Italiae dominatum elegisse cognouimus: is enim frequenter viator per diuersorum ora volitauit, plus vetustus fauore, quam curribus, suscepit partem populi protinus inclinatam, & quos ipse fecerat tristes, laborauit iterum facere laetiores, modò agitatores arte superans, modò equorum velocitatem transcendens. Frequentia palmarum eum dici faciebant maleficum, inter quos magnum preconium videtur esse ad talia crimina peruenire. Necesse est enim ad peruersitatem magicam referre, quorū meritis non potest applicari, spectaculum expellens grauissimos mores, inuitans leuissimas contentiones, euacuatio honestatis, fons irriguus iurgiorū, quod vetustas habuit sacrum, sed contentiosa posteritas fecit esse lubricum. Ex quibus Theodorici verbis asequi possumus hunc Thomatem, qui forte Byzantium reliquerat ob factiones partium, periclitatum fuisse Romæ ob partes diuersis coloribus in diuersa studia distractas, quæ non modò Romā, sed etiam Constantinopolim grauissime afflixerunt, quibus non modò ciues, sed etiam imperatores magni in grauissimum discrimen imperij inciderunt. Nunc verò circus Constantinopolitanus friget omnibus ornamenti spoliatus, nuperq; exædificari cœptus est, quod me spectantem dolore affecit, quem augebat Belisarij primùm de Rege Vandolorum in Hippodromo triumphatis, deinde ob virtutem summā maximè periclitantis recordatio, quam mihi dabat numisma, quod tum forte habebam in manibus, in cuius vno latere scalptus erat Iustinianus, Belisarium excipiens triumphantem, in altero Belisarij imago

imago cum hoc elogio: Gloria Romanorū Belisarius. Procopius scribit in Hippodromo fuisse portam appellatam Cochliam ob descensum in orbem procedētem. Itémque aditum fuisse quendam qui appellaretur mortuus, idem etiam dicit in Hippodromo fuisse porticum appellatam Venetiam à Veneta parte ibi sedere solita, ex qua colligere licet fuisse etiam porticum prasinam, aliásque porticus aliorum colorum. Partésque non promiscuè, sed porticibus distinctas spectauisse.

*De templo Bacchi, & de aula Hormisdæ, & de Iustini-  
niani domo.*

C A P. X I I I.

**R**E G I S aulam, & domū Iustiniani, antequam imperaret fuisse inter Hippodromum, & Propontidem percipitur ex templo Bacchi, & Sergij, quod etiam nunc extat in planicie inter Propontidem & Hippodromū explicata, de quo Procopius hæc scribit: Petro & Paulo Iustinianus ædificauit templum iuxta Regis aulam, quæ Hormisdæ olim nominabatur. Hanc enim domum suam propriam effecerat, ut Palatiū structuræ decore sumptuosum videretur. Post verò quām Imperator factus est, eam aliis regiis adiūxit: ubi sane etiam templum aliud construxit illustribus diuis Sergio & Bacchio, horum templorum neutrum alteri cedit de pulchritudine, neque de magnitudine, neque vlla alia de re, simpliciter vtrunque splendore lapidum fulgorem Solis superat, similiter auri copia vndique satiat, & donis ornatur, vna duntaxat re differunt, nam vni longitudo in rectum procedit, alteri columnæ in semicirculū ex maxima parte dispositæ stant. Ita enim ambo

ambo admirabilia videntur, cùm vt toti vrbi, tum māximē regiis ædibus præclara sint ornamenta. Procopius paulò infrà adiungit Iustinianum domum appellatam Hormisdæ, quæ sita erat proximè regias in illustriorem formam commutasse, Palatiōque adiunxisse. Hormisdam hunc, quem vocat regalem, arbitror Persarū Regis filium, quē Marcellinus scribit Constanti filio Constantini per giganteos contextus, cùm Romam venisset circumferenti mentem, omni spe talia conficiendi ablata. Traiani equum solum locatum in foro Traiani imitari se velle profitenti respondisse, stabulum prius tale condas, oportet. Georgius Cedrinus explicatiū ostendit, quām prope templū Bacchi fuerit domus Iustiniani. Aedem, inquit, Sergij, & Bacchi vicinam palatio ex parte maris, & propinquum huic templum ædificauit Iustinianus, quod ante fuerat propria domus Iustiniani, omnēmq; suam priorem facultatem his duobus templis largitus est, & monasterium addidit, quod illustribus viris impleuit. Templum Petri & Pauli non extat, sed Sergij & Bacchi adhuc supereft, cuius nomen duntaxat Græci etiam nunc retinēt, vsum verò & fructum Turci habent. Eius figura rotunda hemisphærio lateritio tecta, octo pilis nitens. Inter pilas columnæ Ionicæ dispositæ sunt dupli ordine, inferior ordo decem & sex columnas habet pavimenti solo sustētatas, quarum sex virides, decem albæ maculis rubris distinetæ: superior duodeuiginti complectitur, quarum octo virides, decem albæ maculis rubris variæ. Capitula inferiorum echinos habent circundantes imam partē, reliqua pars est tota vestita foliis, superiorum volutæ ex quatuor angulis

gulis capitulorum eminent, echini verò ex latere prominent. Reliqua pars folia egregiè expressa continet. Supra inferiorum capitula existunt epistylia affabré scalpta. Et Zoophorus grādibus literis versuum Græcorum scalptus ambientium totius ædis circulum, pilarū summæ partes adumbrantur foliis vitium interpositis rācemis designantibus ædem Baccho sacram esse.

*De portu Iuliani, & Sophiæ, & de porticu nominata  
Sigma, & de regijs Sophianis.*

C A P. X V.

**P**O R T U M Iuliani fuisse prope ædē Bacchi, incendium declarat excitatum regnante magno Leone, quod Euagrius in latere vrbis vergente ad Aquilonem scribit grassatum esse à portu nuncupato Bosporio vsque ad antiquum Apollinis templum, in latere autem meridiano à portu Iuliani vsque ad domos vicinas templo Cōcordiæ. Zonaras explicat portum Iuliani fuisse prope templum Sergij & Bacchi, describens idem incendium, quod tradit ex Aquilone extitisse à Bosporio vsque ad ædem diui Ioannis Calybiæ, ex Austro ab æde diui Thomæ vsque ad ædem magnorum martyrum Sergij & Bacchi. Templum Thomæ fuit prope templum Concordiæ. Zonaras latus incendijs australe incipit narrare ab Occidente ad Orientem, contrà Euagrius ab Ortu ad Occasum. Cedrinus dicit idem incendium à mari pertinente ad septentrio-nes ad templum Sergij & Bacchi vicinū mari Austrino vrbem cinxisse, portum Iuliani Anastasius Rex munitione & mole lapidum tutiorem effecit, hunc postea appellatum Sophiæ demonstrat Georgius Cedrinus. In Iu-

Iuliani, inquit, portu Iustinus Iustiniani nepos ædificauit Palatium, portumq; purgauit, in quo medio duas statuas excitauit suam, & vxoris suæ Sophiæ nominatae, & commutato nomine appellauit portu Sophiæ. Epigramma in statuam Iustini positam in portu,

Τέθει ταρφ' απαλοῖσι έγώ Θεόδωρος ὑπαρχω-

Στήλῃ φίλεινοψά γάγαλμα ισσίνω βασιλεῖ.

Οφρει πάντες τὸν λέπιοντο έκλιπτον τετάσσει μεγαλειώτες.

Procopius tradit Theclæ martyris ædem fuisse apud urbem portum nominatum Iuliani. Quidam recentes scriptores tradunt ex hoc portu Belisarium soluisse ad bellum Vandalicum, quod nescio unde asséquantur, nisi fortasse ex verbis Procopij scribentis Iustinianum nāuem prætoriam ad littus iuxta ædes imperatoriaæ deduci iussisse, tum Epiphanium urbis Episcopum classi de more bene precatum fuisse, sicque Belisarium cum uxore Antonina soluisse. Fuerūt quidem ædes regiæ vicinæ huic portui, sed & aliæ regiæ fuerunt iuxta sinum portuosum, à quo longè non fuit domus Belisarij. Suydas dicit Anastasium Regem Iuliani portui molem apposuisse, eumque muniuisse. Zonaras huc adiungit Iustinum regias construxisse, Sophianasque nominasse à nomine vxoris Sophiæ, quam vehementer amabat. Plerique putat has regias fuisse iuxta portum Sophiæ, quibus ne assentiar non modò ratio dissuadet, sed etiā eruditorum hominū autoritas, inter quos Zonaras tradens illum regias contra urbem ædificasse Sophianas, eoque longè antiquior Agathius Scholasticus, qui vixit ea ætate, qua regiæ Sophianæ conditæ sunt, in hisque inscripsit Epigramma, quo percipitur illas non fuisse secundum

dum Propontidem, iuxta quam erat portus Sophiæ, sed contrâ vrbem apud Bosporum: ybi terra diuiditur in duas partes:

Eis ταελάτιας Σφιανῶν ἀγαθίσ χολάσικδ.

· Όπόθι πεντοπλίνης χθονός αὐδίχα τώντερι αὐδίγιδ.

πλαγῆσ ἀλικλύσωμι πορθμός ἐπ' οἰόνωρ

χρυσέας συλλέκθω τάσδε αὐδένδρα θητεῖν αὐδέσις

Τῇ πολυκιδίση θεῖσι αὐδεῖ Σφίη.

Ἄξιοι μὲν ὁ ἔρωμι πεγαλοκράτες αὐτια σεῖο.

Κάλλος ἀπ' θηρώπης δρήνεις αὐτίλις.

Codex Zonaræ habet Λόρκεζ. Ex his versibus Palatum Sophianum intelligitur non modò iuxta Bosporū, sed etiam extra vrbē fuisse, quòd historiæ confirmant non modò Cedriñi, sed aliorum describentium acerrimam frigoris vim sub Leone Copronymo factam, qua conglaciauit tam vehementer Bosporus, ut quicunque vellet à regiis Sophianis ad vrbem & à Chrysopoli ad diuum Mamantem, & Galatam in Bosporo tanquam infisco ambularet sine vlla offensa. Cùm ex his tum ex aliis colligo Sophianas regias fuisse trans Bosporū contra vrbem. Iam verò portus Sophiæ priusquam appellaretur Iuliani, videtur esse ille, quem nouum portum antiqua regionum descriptio ponit in regione Hippodromi, sed siue ille nouus, siue Iuliani, siue postremo Sophiæ appellaretur, hodie exaggeratus est, seu sit ille, quæ ades Bacchi habet ab Occidente, iam magna ex parte obrutum intra muros clausum, cuius pars duntaxat restat velut lacus, quo mulieres pannos lauare solent. Dicuntur videri triremes in illum demersæ, Byzantij huius ætatis vulgò appellant Caterga limena, quasi por-

tum trirēmum, siue fuerit ab Oriente Bacchianæ ædis iuxta portam vrbis, quam vocant Leonis, vel à Leone lapideo, qui etiam nunc prope extat, vel à Leone Imperatore, quem habuisse ibi Palatum aiunt Constantiopolitani. Nicephorus recens Historicus ait Regem Constantinopolitanum obfessum à Latinis congregasse multitudinē fabrorum in Motion, quod erat circum Hippodromum. Vbi fuerit Constantinopoleos locus appellatus Pyctacia nondum intellexi. Hoc tamen addam ex Cedrino, atque aliis recentibus historiis tradentibus. In loco, quem vocant Pyctacia columnam fuisse sustinētem Leonis statuam Regis Verinæ mariti, quam quidam scribunt eius sororem Euphemiam excitasse prope domū suam, quo Leo omnibus hebdomadibus proficiscebatur ad sororem sapientem & castā, omnes iniuria affecti illic in gradibus columnæ sua supplicatoria Pyctacia ponebant, quæ apparitores custodiebāt, regiq; illuc profecto dabant, qui statim responsum singularis dabant. Budæus Pyctacia, siue ut ipse ait, Pyctacia dicit esse breuia à Gallis Borderelos vulgò appellatos, sed etiam supplices libellos appellare possumus. Nam Pyctium liber, Pyctacion libellus. Pyctacium hodie vulgò Græci epistolas appellant Pyctacia. Historia ignoti authoris ait Eudoxiam suam statuam totā argenteam posuisse supra excelsam columnam in loco appellato Pyctacio, qui si reētē scribit, fuit hæc statua prope templum Sophiæ, iuxta quod fuisse Eudoxiæ statuam antè monstrauimus, ædem diuæ Eupheiæ, tradit libellus de patria Constantinopolitana Constantinū magnum excitasse apud Hippodromum, eāmq; postea Constantinum

tinum Copronymum Iconomachum fecisse armamen-  
tarium, reliquiāsq; diuē Euphemīæ in profundum ma-  
re proiecisse. Suydas scribit Euphemīæ, quæ vxor Iusti-  
ni Thracis erat, statuam fuisse statutam in æde diuæ Eu-  
phemīæ ab ipsa condita, scriptores recentes patriæ Con-  
stantinopolitanæ tradunt tempore Basilij Imperatoris  
terræmotum magnum fuisse, quo diui Polycleti cecidit  
templum, & oppressit omnes, qui intus essent, ex eoque  
tempore appellatum fuisse Sigma, ego potius ita appel-  
latum fuisse existimare à porticu, quam ante hunc ter-  
ræmotum multis seculis Sigma à similitudine literæ ap-  
pellatam antiqua descriptio ponit in regione Hippo-  
dromi. Georgius Cedrinus meminit loci, quem appelle-  
rat Sigma. Michaëlem, inquit, Imperatorem monachi  
vestitu indutum ex monasterio appellato studio cor-  
reptum per forum pedibus traxerunt, & supra mona-  
sterium Periblepton nūcupatum ipsum ducentes in lo-  
co appellato Sigma excæcarunt. Idem Cedrinus ait Ba-  
silium Macedonium ædem virginis Mariæ restituisse à  
fundamentis nominatam Sigma. Eunuchus Chrysa-  
phius Zomas excitauit statuam Theodosij minoris in  
loco nominato Sigma, eadem diuī Stephani positā pro-  
pe locum nuncupatum Sigma Constatinum magnum  
excitasse scribunt nonnulli, itaque hoc Sigma alio lo-  
co fuisse in vrbe, quām illud, quod dixi in tertia regio-  
ne fuisse, & scribendum esse per e, literam Segma, ex eo  
quòd dicunt ideo sic appellatum fuisse, quod ædis Po-  
lyecti in eo situ terræmotu concussa oppresserit omnes,  
qui in eo essent.

*De quarta regione.*

CAP. X V I.

**E**X A N T I Q V A regionum descriptione, quæ declarat quartam regionem, vrbis à miliario aureo, collibus læua, dextrâque surgentibus, ad planitiem vsque valle ducente perductam fuisse. Facile ipsa perciperetur fuisse in valle prima, & dorsi iugo eminente supra vallem, si miliarium aureum maneret, aut eius memoriā Constantinopolitani retinerent. Ex quibus edoceri possemus, ubi fuisset, aut si vlla extaret vestigia Augustæi, Basilicæ, Nymphæi, & reliquorum ædificiorū, quæ traduntur fuisse in hac regione: sed cum nulla hodie appareat. Primùm dubitabam, an vallis, quam continet quarta regio esset illa prima à me ante descripta: non quin hæc collibus læua, dextrâq; surgentibus ad planitiem vsque ducatur, sed quod & aliis vallibus hæc conueniant. Deinde postquam ex aliorū scriptis percepissem, loca ubi fuerunt monumenta, quæ traduntur fuisse in hac regione, facile cognoui regionem quartam fuisse in prima valle, eiusque lateribus, & iugo vicino ædi Sophianæ, ut cognosces legens, quæ subiiciam.

*De foro Augusteo, & columna Theodosij, et) Justiniani,  
&) de Senatu.*

CAP. X V I I.

**P**ROCOPIVS forum, quod Constantinopolitanum Augusteum nominat, declarat ante regias situm fuisse columnis circundatum, nunc nomen non modo amisit, sed ne forum quidem extat, totum fere exædificatum. Regiae dudum deletæ sunt, fuisse tamen Augusteum, ubi nunc cernitur aqua salies non

non longè à Sophiæ angulo ad Occasum vergente, aſ-  
ſequor ex stylobata paulò ante extante columnæ Iuſti-  
niani à Turcis ſublate, quam Procopius tradit Iuſtinianum  
in Auguſtæo foro, Zonaras in aula ante ædem So-  
phiæ excitaffe. Suydas addit Iuſtinianum cùm Sophiæ  
templum condidiffet purgasse aulam, & marmore ſtri-  
uiſſe appellatam priuè Auguſtæum forum, ibique co-  
lumnam ſuam ſtatuiſſe. Procopius tradit forum quod-  
dam ante Senatūm fuifſe à Byzantiis appellatum Au-  
guſtæum, vbi cōmiſſi lapides non miňus quām ſept. m  
in quadrangulum diſpoſiti in baſi ſiti omnes, quōrum  
quiſque eousque contrahitur, & ſubducitur extra infe-  
riorem, vt laſidum vnuſquiſque proiectus, vel contra-  
ctus efficiatur grādus, & ſedes hominibus. Hanc Proco-  
pij deſcriptionem stylobatæ eò libentiū adiunxi, quòd  
ea in æditis Codicib⁹ nō habetut. Deinde addit Pro-  
copius ſupra ſeptem iam diſtorum laſidū supremam  
partem extare, inquit, ingētem columnam, non ex vno  
laſide, ſed ex laſidibus permultiſ ingentibus componi-  
tam, quos vndique æneæ tabulæ & coronæ circumue-  
ſtebant, ipſosque firmitate colligabant, & ornatu con-  
tegebant, eius quidēris color debilior auro puro, ſed  
æſtimatio non multum cedebat argento. In ſumma co-  
lumna extabat ingens equus æneus Orientem intuens,  
diſignum ſpectaculum præbebat: ſimilis enim erat gra-  
dienti, & vltra procedere cupienti. Pedum anteriorum  
ſinistrum erigebat, vt terram ante iacētem calcaturus:  
alterum ad laſide adnitezatur, vt iter ingressurus. Po-  
ſteriores ita contrahebat, vt prompti eſſent adgressum,  
equo iuſtib⁹. Regis ſtatua Colofſo ſimilis, veſti-  
ta mo

ta more Achillis, calceata arbylis, thorace heroico induita, galea illius caput tegebat fulgore corruscans: spectabat Orientem, iter arbitror contra Persas suscipiens, ferebat manu sinistra globum, quo designabat fīctor vniuersum orbem illi obedire, ensem non habebat, neque hastam, sed crux ex vertice eius eminebat, qua imperium adeptus est, & bellorum secundas pugnas, prætendebat manum dextram ad Orientem, digitisq; porrectis iubebat Orientis Barbaros domi se continere, & non yltra progreedi. Qualis autem fuerit Iustiniani galea declarat Tzetzes in varia historia. Tiara, inquit, apud Persas tegmen capitinis fuit, postea ex victoriis coronam adeptorum capitibus Romæ imposuerunt tiaras, siue tiphias, cuiusmodi fert equestris statua Iustiniani supra columnam statuta. Procopio addit Cedrinus argentea manu globum continuisse Iustinianum. Zonaras decimo septimo anno sui imperij eam columnā excitasse, eo loco, vbi antea stabat altera colūna Theodosij magni, gestans statuam ex argento factam ab eius filio Arcadio, ponderans septies mille & quadringentas libras, quam simul cum colūna Iustinianus, vbi demolitus esset, argentumq; detraxisset, columnam suam cum sua statua erexit. Præterea maximo plūbi pondere, quod ex illa detraxit, aquam in urbē induxit. Vtinam vt iniuriam, quam intulit Iustinianus Theodosio, Barbari vlti sunt, ita humaniter eruditii libris Iurisconsultorum, quos mutilavit repertis, euerterent in digesta Commentaria malè digestarum legum. Barbari enim omni æreo vestitu, & equo, & statua columnam Iustiniani spoliarunt, aliquotque annos nuda remāsit. Tandem.

dem ante triginta annos euersa est tota vsque ad stylobatem, quem anno superiore funditus vidi excindi, ex cuius crepidinibus aqua saliebat fistulis in magnū labrum, nunc stylobatæ loco, castellū aquæ latius constructum est, & fistulæ auctæ, equestrem Iustiniani statuam, quam modò dixi supra hanc columnam fuisse collocatam, seruatam diu in claustro regij Palatij deportari nuper vidi in caminos, quibus metalla funduntur in machinas bellicas, inter quæ erat Iustiniani crus proceritate meam staturam superans, & nasus dodrāte longior. Crura equi ad terram proiecta metiri non potui, pedis vngulam mensus sum occultè, & deprehendi dodrantalis esse altitudinis. Augustæum forum appellatum fuisse recentes Historici, atque etiam Grammaticus Suydas, docent ex eo, quòd decimoquinto die Octobris regionum curatores, & Sebastophori in Augustæo velut in foro rerum venalium saltarent in honorem Augusti. Vel ex eo, quòd in fornicæ camerae huius fori, statuæ magni Constantini, & Helenæ matris statutæ essent. Zosimus antiquior Procopio tradit Constantinum in loco, ad quem erat quondam Byzantij porta terrestris forum condidisse rotundum, idque porticibus duplicibus nēpe vnis supra alias impositis circumplexum arcus duos marmoris Proconnesij inter se contrarios fabricatum fuisse, per quos licet ingredi in Seueri porticus, & ex antiqua vrbe exire incertus scriptor designat id esse Augustæum, cùm ait Constantinum construxisse forum ad Oceanii similitudinē circulare. Idem Zosimus alio loco dicit, cùm esset Byzantij forum maximum quatuor porticibus circundatum; ad quarum

vnius, in quam sursum ducunt non pauci gradus, extre-  
mas partes duas statuas Constantinum collocauisse, in  
altera quidem parte vnam matris deorum Rhee, quam  
cum Iasone nauigantes collocarunt in monte Dindy-  
mo, eminenti supra urbem Cyzicum. Aiunt autem, vt  
haec ob negligentiam circa cultum diuinum mutilata  
fuit, sublatis vtrinque leonibus, & forma manuum im-  
mutata fuerit. Nam olim leones continere visa nunc in  
formam precantis translata est, urbem intuens & or-  
nans, in altera porticus parte fortunam Romę colloca-  
uit Constantinus. Suydas dicit fortunam urbis fuisse in  
fornice miliarij, quæ si verè à Constantino posita fuit.  
Vtrunque forum à Zosimo descriptum, vnuim & idem  
est, sed mihi diuersum videtur, ex eo, quod primum Zo-  
simus dicit Constantinum condidisse duabus portici-  
bus circumpositis, alterum post paulò infra dicit fuisse  
quatuor porticum, nisi fortasse ibi adnumeret porti-  
cus Seueri & Constantini, ex quarum vtrisque licebat  
exire in alteras. Ad Augustæ fori plagam orientalem  
Procopius Iustinianum ait condidisse curiam, in quam  
conueniens Romæorum senatus anniversarium inceun-  
tis anni festum celebrabat. Ante curiam stant columnæ  
sex, quarum duæ murum curiæ, qui ad occasum Solis  
vergit in medio sustinent, quatuor viri paulò exterius  
pertinet. Omnes hæ columnæ albæ sunt, magnitudine  
eas primas puto totius orbis, porticum autem faciunt  
hæ columnæ, quæ quidem porticus tectum in Tholo  
circuoluit: partes porticus superioris omnis venustate  
marmorum columnis æqualium ornatae sunt, statua-  
rūmq; multitudine. Ego arbitror Iustinianum non hæc  
curiam

curiam condidisse, sed refecisse antiquum senatum, qui deflagravit incendio, quo Sophia, & thermæ Zeuxippi deflagraruūt. Nam Sozomenus tradit Consilium, quod Senatum vocant, Constantinum magnum ædificasse, quem eundem honorem & ordinem, & festum Calendarum habere voluit, quos antiquæ Romæ senatus habere solebat, idem declarat, vbi fuerit illa curia, cùm ait statuam argenteam Eudoxiæ Augustæ in colūna purpurea statutam fuisse ad Meridiem templi Sophiani supra excelsum suggestum ante domum magnæ curiæ. Socrates addit neque prope, neque longè à Sophia statutam fuisse, sed ultra latam viam intermediate, inter utranque, cuius Suydas meminit. In Tribunali, inquit, Palati columnæ fuit Eudoxiæ vxoris Theodosij. Antiqua regionum descriptio in eadem regione ponit senatum & Tribunal purpureis gradibus extructum, & Basilicam. Præterea Sozomenus clariūs declarat, in qua parte senatus fuerit, inquiens: Cùm seditio orta esset de expellendo Ioanne Chrysostomo, ignem repente iniectum vndiq; templum magnum cōbussisse, & omnem ambulationem, & huic adiacentem ex parte Meridiei maximam domum senatus: adhuc extant muri senatus ab angulo Sophiae intuenti Meridiem, sed interposita via, quæ pergit à porta claustræ regij ad forū Constantini.

*De regia & Basilica, & Palatio Constantini, & de domo nuncupata Chalca.*

C A P . X V I I I .

**N**O longè ab Augustæo foro Procopius scribit regiam domum esse, cuius vim ita, ut aiunt, ex vnguis leonem cognosci inus. Percipient

hæc lecturi. Hoc vestibulum, inquit, quod vocant Chalcam; tale est, Quatuor directi muri in ordiné quadrangulum dispositi in sublime ferūtur circum horum angulum, cuiusque proiicitur, prætenditúrque excitatio quædam lapidum exactè elaboratorū, quæ simul cum muro assurgit à solo ad summum, non interfecans loci pulchritudinem, sed addens quiddam harmonię. Supra hos efferuntur octo arcus sustinentes tectum medium in globatam excelsitatem incuruatū, præclarè laqueatum: totum enim lacunar non picturis cera compactis, sed tenuibus calculis omni genere colorum ornatis fulget, cùm aliorum, tum hominum effigies experimentibus. Quæ depicta essent declarat Procopius, bellum, & pugnas, vrbes permultas captas Italiae, Africæ, vincit Iustinianus Rex Duce Belisario, redit Dux ad Regem habens exercitum alacrem, qui Regi tribuit spolia reges & regna, & cetera, quæ sunt mortalibus pretiosa. In medio stant Rex, & Regina Theodora, ambo similes lætitum agunt victoriae de Rege Vandalorum, & Gotthorum, & de captiuis ad se perductis. Circunstat ipsos Senatus cunctus festū agens, hoc enim calculi demonstrant, qui exprimunt facies, ex quibus hilaritas, atque lætitia efflorescit, omnes igitur cum Rege gloriantur, & rident diuinis honoribus fruentes. Vt enim Papinius in sylvis Basilicam Pauli appellat regiam Pauli, sic domum, quam Procopius appellat βασιλεῖον, etiam appellatam fuisse Basilicam, & Palatium, colligo ex Cedrino describente incēdium excitatum temporibus Iustiniani, quo combustum dicit vestibulum Basilicæ, & Augustæum, & tectum æreum Palatij Constantini magni,

quod

quod ex eo tempore usque in hunc diem Chalca appellatur: quod tectū esset tegulis æreis inauratis. Quam Cedrinus vocat Basilicam, Procopius de ædificiis Iustiniani appellat τὰ βασιλέως, cùm eodē incendio scribens ait cōbusta fuisse vestibula τῶν βασιλέων, & appellatam Chalcam. Idem de bello Persico tūc templum Sophiā, & balneum Zeuxippū, οὐδὲ τὴν βασιλέων αὐλῆς, τὰ ἐκ τῶν προπυλαίων, usque ad domum Martis. Idem paulò infrā, Iusfit Rex, inquit, Belisarium ad nuncupatam Chalcam, & ad vestibula illic sita ire, ex quibus videtur Procopius distinguere regiarum vestibulum à Chalca, cùm tamen prius appellauerit Chalcam vestibulum regiae. Evidem arbitror primò Regis domum appellatam fuisse Basilicam, postea cùm etiam magnæ domus, ubi negotiatores versabantur, Basilicæ vocarentur, βασιλεῖον appellatam fuisse Regis domum, deinde Palatiū, quod si Basilica distinguebatur à regia domo, tamen illa, aut pars fuit regiarū, aut vicina regiis, ut percipitur ex antiqua descriptione, quæ in eadem regione Augustæum, & Basilicam ponit. Hæc cùm in commemoratione locorum huius regionis non meminit, neque Palatij, neque regiarum, sed duntaxat Basilicæ declarare videtur Basilicam fuisse Palatum ipsum, sed siue Basilica in Palatio, siue extra Palatum fuit. Vicinam fuisse Palatio incendia ostenderunt, cùm ambo ob vicinitatem deflagrarent, & propinquam esse debuisse foro, cui vici-  
nas dixi regias, ratio docet architectonica præcipiens Basilicarum loca adiuncta foris, quām calidissimis partibus oportere constitui, ut per h̄yem sine molestia tempestatum se conferre in eas negotiatores possint, à

qua non dissentit Iulius Pollux prope theatrum tradet  
Hippodromum, stadia, Curiam, forum, regiam aulam,  
regiam porticum, regium Tribunal, debere esse. Georgius Cedrinus tradidit Chalcæ splendidam domum aedificasse Aetherium architectum consilio sapientis Anastasij, cui consentit Epigramma olim in ea inscriptum,  
quod Graecum addam, ut clarius intelligatur:

Εἰς διηρύψιλεγόμενορ χαλκῷ φέτῳ τάλασσῃ.

Οἰκῷ αναστοίο τυραννόφόνδιος Βασιλῆς.

Μὲν φέρτελω τανύπερυχ οἰκοῖ γαῖας.

Θάμνα φέρων ταντεσι ἐπεὶ θεόσινθεσι φρύων.

Ψήφῳ διδού, μηκού, ικόνη πλεύρῃ σύρθεισι.

Δισκεπτεῖ φρέσοτανθι τελώνου φρύου ξέσται.

Άλλα τολυμένοι λαχάρη προσθια τέχνας.

Αιθρίῳ τολυμένοις έμπει τεχνήσει μορφιαι.

Άγραντο Βασιλῆ φέρων πετάχρια μόχθων.

Ἐνθν φέρεσιον μέγεθος πορί ταντὶ τιτανῶν.

Άνθρων νίκης Βοώμηνα θαύματες γαῖας.

Εἴξοι φέρεσιον καρποῖς λαπτεῖσινθεσι αὐλῆς.

Εἰς ικόνη χαλκάρων δρέφων μαρμάρουγμα τέμπεις.

Κρύστον καμέρητων μεγάρων τειρόμηνον αὐλᾶς.

Πέργαμον φαεδοῦρη φυσιλιασθεὸν φρεσινού φλεγεις.

Μηδὲ τανυπλούροιον φερότα λίζης τέστροις.

Άριανθι Βασιλῆ φέρεισινον φέστης.

Όν μοι πυραμίδων ίκέλη τερίσις, θάλη θολοσθεσι.

Όνδε φάρον μεγάλω μέν φέρεισινον φύλας.

Άντοι εὗος σκηπτρος ίσταιροφόντα μέσα νίκης.

Χρυσοφάτες μέτελεσιν έδεσθιον ηγεμονίτης.

Ταῦτη τε πραπόρων ανέμων τετελασμένον αὔρας.

Historici quidam, sed recentes tradunt Constantium magn

magnum primum ædificasse Palatium Chalcæ, quibus non crederem, nisi mouerer verisimilitudine illa, qua existimo Constantinum ad ornandam suam nouā Romanam conatum fuisse æmulari tegulas illas æreas inauratas capitolinas antiquæ Romæ, habētis etiam forum tectum ære. Quis verò, nisi incendio perierint, illas Palatij Byzantini tegulas, abstulerit, nondum legi. Capitolij Romani, scribit Procopius, tegularum ærearum, auratarūmque partem dimidiam Gensericū diripuisse, ut Constantinus tertius Heraclij nepos, laminas argenteas, quibus Panthéon tegebatur. Sustulit, prope latus ædis Sophiae vergens ad regionem cœli medianam inter Meridiem & Occidentem, exiguo interuallo distantes à fistulis aquæductus prodeuntis ex castello posito in loco, ubi antea fuisse columnam Iustiniani in foro Augusteo diximus, adhuc extant septē columnæ Corinthiæ, in quarum vnius scapo nomen incisum est Constantini magni, & eius signum visum in cœlo cum inscriptione, ἡ τέταρτη νίκη. Earum basis, & imus scapus terra obruti sunt in altitudinem sex pedum, quod deprehendi, cum fortuitò incidissem in fundamenta parietum, quæ tum ponebantur inter has columnas, basis plinthum videre non potui terra obrutum, sed tamen vidi torum inferiorem octo digitos crassum septem altum, basis præter plinthum alta est duos pedes, & dodrantem, imi scapi calcaneum fatum dodrātem. Una quæque columna est alta triginta pedes & sex digitos. Denique tota colūna cum spira & capitulo alta circiter quadraginta sex pedes & semipedem:imi scapi, quæ mensus sum supra calcaneum:perimeter est vnde uiginti pedū, intercolumnia

nia lata viginti pedes & decem digitos. Constantino-politani aiunt has columnas fuisse intra Palatium Constantini: alij dicunt sustinuisse pontem, quo ex Palatio iretur ad ædem Sophiā: quod vtrunque falsum est, cùm ex antedictis liqueat fuisse in foro Augustæo. Itaq; mihi potius videntur sustinuisse fornices porticum, in quibus statuæ Constantini magni, & eius matris Helenæ, aliorūmque statuæ fuerunt statutæ. Cùm ex antedictis ædium regiarum excellentiam cognoscere possumus, tum ex Zosimō, qui tradit Constantinum regias ædes Byzantij condidisse, non multò inferiores Romanis Palatiis, tum ex Eusebio, qui cum testatur, non modo ceteris ornamentiis illustrasse nouam Romam & Palatium: sed etiam in ædium regiarum locis excellentibus, & in medio lacunarium inauratorum symbolum crucis ex variis & pretiosis compositum lapidibus, & multo auro ornatum inferendum curasse. Constanti-nū, id existimātem sui regni tutelam esse: tum etiam ex diuo Hieronymo cognoscere possumus quantopere ornarit nouam Romam Palatiis, omnes illum, inquit, penè vrbes nudasse, vt suam nouam Romam exornaret. Addit Eusebius Constantinum musas Heliconides posuisse in Palatio. Sozomenus scribit Cōstantini iussu omnia antiquorū templa & statuas, quæ essent sub imperio suo ablatas esse, ligneas quidem crematas fuisse, æreas egregiè elaboratas vndique Constantinopolim transtulisse ad vrbis ornamentum, quas sua ætate etiam extitisse dicit in viis, in Hippodromo, in Palatio, neque solus magnus Constantinus, sed pleriq; reges Constantinopolitani orbem spolarunt ad nouam Romam organ

nandam, ex quibus vnuſ fuit Constantinus tertius Heraclij nepos, qui ex antiqua Roma omnes statuas ex ære & marmore factas, omniāque templorum ornamen- ta præstantiora sustulit, nauibúsq; ad id præparatis im- posita asportauit, plūsque septem dierum spatio. vnuſ vrbi detraxit, quam Barbari ducētorum quinquaginta annorum spatio: tot enim anni fuerunt à prima incli- natione imperij ad fœdam illam deprædationem. Ior- danes non omnino malus author historiæ Geticæ tra- dit Theodoricum Byzantium profectum adoptatum, Consulémq; factum fuisse ab Imperatore Zenone, atq; equestri statua ornatum ante Palatiū collocata. Tzet- zes variæ historiæ conscriptor tradit etiamnum sua æ- tate caput Apollinis, quem similem soli Phidias fecit, in ipso Palatio extitisse. Suydas scribit Pulcheriæ Ar- cadij filiæ statuam positam esse in Chalca prope ambu- lationē Ariadnes primæ vxoris Zenonis, simūlq; ipsius Zenonis statuas positas fuisse in regia porta Chalcæ, itémque duas pedestres in breui columna extitisse cum elegiis secundi Philosophi. Historia ignobilis, sed nota Constantinopolitanis addit in sinistra parte Chalcæ Iu- stinianum cognatorum suorum statuas septem locasse, alias ex ære, alias ex marmore, duos equos excitasse in fornice ante Chalcā, & capita inaurata mulierum Gor- gonaæ speciem gerentium: aliásque addit, quas prætero propter historiæ ignobilitatem. Suydas tradit in Tri- bunalī Palatiū statuas fuisse Eudoxiæ, & Theodosij ma- riti, & Marciani, & Constatini, vbi saltationes duarum partium exerceri solebant, vsque ad tempora Heraclij.

## De Basilica &amp; regia ambulatione.

C A P . X I X .



A S I L I C A M , quam antè dixi vicinam fuisse foro Augusteo, quatuor arcus habuisse Epigrammata designant in eis olim inscripta:

Eis τὴν ἀγίδα γὰρ τὴν Βασιλικὴν βυζαντῖα.

Τερψιπόροις ἀγίσιοις τῷλιψι θεόδωρῷ ἐγέρας

Ἄξιον δὲ τῷλιψι καὶ τέτραζην νικοθέαμ.

Eis ἔτοροι μαρτύριον αὐτὸν ἀγίσιον.

Ἐπρεπε σοι θεόδωρε τύχης δικίονα τηὸν

Ἐργυς λογοπῆσαι θάματι τοσάτιον

Δῶρατε λευκήγιτα τοφεῖψι χρυσαπίδια ἁγία

Η ὑπαζην τελέειν πρὸς ἔπαρχον ὄρῳ.

Calliades exercitus Imperator Byzatini statuas Byzantis, & Phidaliæ in Basilica posuit, cū hac inscriptione,

Τὸν λειτορόφον βυζαντῖα καὶ ἴμερτιν φιλάλεων

Εἰς γνὶ λογοπῆσεν αὐθεόν λαλιάδην.

Eis φιλάλεων.

Ιμέρτη φιλάλεων οἰκύμενος βυζαντῖς ἐπύχθη

Εἰπεὶ δὲ βυπάλεων οἰδηροὺς αἰθλοσωῆς.

Plinius inter artifices imaginum cōmemorat Antherum Chium, eiūsque filios Biopalum, & Antherum, Dionysius Byzantius scribit Byzantem, à quo Byzantium nomen habet, fuisse maritum Phidaliæ, à qua portus Bospori appellatur Phidaliæ, de quo pleniū scripsi in tractatione Bospori. Recentēs scriptores, & Suydas Grammaticus dicunt in Basilica à tergo miliarij aurei fuisse statuam inauratam viro similem, vbi etiam fuit exammōn Heraclij Regis & Gonyclines Iustini tyran ni, illuc Terbelis concionatus est: in his etiam elephan tus

tus stabat maximus à Seuero factus ob hanc causam,  
quod ibi cum maneret elephatus cum multis custodi-  
bus, atque prope argentarius artem factitaret staterarū,  
cuius domus cum esset direpta, mortem argētarius mi-  
nitabatur custodi elephanti, nisi elephatum contine-  
ret, quem minas suas contemnentem, interfecit, proque  
pabulo ipsum elephanto obiecit, quo facinore elephan-  
tus exacerbatus interfecit argentarium. Seuerus id fa-  
ctum intelligens, elephanto sacrificauit, ibiq; elephan-  
tum, eiusque rectorem ex ære factos locauit, ubi etiam  
Suydas tradit fuisse Herculis statuam, quæ colebatur,  
eique multa sacrificia siebant, eamque postea in Hippo-  
dromum traductā Iuliano Consule, ab antiqua Ro-  
ma Byzantium vna cum decem statuis deportata par-  
tim vehiculo, partim naui, qui si ille est, quem ex Vn-  
garia Abramus Bassa Byzantium vexerat, & collocau-  
erat in Hippodromo, non minus mortuus, quam vi-  
vus orbem peragrauit. Suydas item tradit in Peripato  
regia equestres statuas fuisse positas Traiani, Theodo-  
sij, Valentiniani, Gibbi, Firmiliani ridiculi. Prætereo al-  
lias permultas non modò regum, sed etiam eunucho-  
rum, inter quos excellebat statua Eutropij, qui Arcadij  
cubiculo præfectus fuit. Cuius potentia ex statuis aureis  
vbique illi positis, & domibus totius urbis splendidiori-  
bus ab eodem constructis illustrata incitauit eunucho-  
rum nationem, eosque, ut quidam etiam prima lanu-  
gine vestiti vltro eunuchi fierent, sperantes se fore si-  
miles Eutropio. Adeò vicina Basilica fuit miliario &  
Augustæo, ut horologium quod Iustinus fecit. Geor-  
gius Cedrinus ponat in miliario, alij in foro Augustæo;

alij in Basilica, id quod declarat Epigramma:

Eis τὰς βάσιμ τὰ ἀρολογία τὰς εἰς τὰς ἀντίδια  
τὰς εἰς βασιλικὴν.

Δῶροι ἰστίνοι τυραννοφόνος βασιλεῖ  
Καὶ οὐρανὸς ἀλέχος φέγγος ἐλευθερίας,  
ἀράων σκοπίαζε οὐρανὸς σκηναῖς χαλκὸν  
Ἄντες ἐκ μονάδος μέχει πνοεπάδος  
Οὐλεντα συλιθγύτα δίκης θρόνου ἀνισχύσων  
Ἐυρεὶς λιανὸς χορσίγ αδωροδέκτης.

*De Bibliotheca Basilicae, & de regia porticu, & de Basilica cisterna.*

C A P. X X.

**D**O M V S regia, inquit Zonaras, fuit in nuncupata Basilica prope ærarias officinas. In qua libri externæ sapientiæ, & generosioris doctrinæ diuiniorisq; multi seruabantur. Fuerat autem hæc domus superioribus temporibus, disciplinis præstatis præceptoris, quem œconomicum vocabant. Domicilium is duodecim secum habebat habitantes, ratiocinationis eruditione summa præditos, quibus vietus ex publico præbebat, hos adibant studiosi ratiocinatricis sapientiæ, atq; etiam reges in rebus agendis consiliarios adhibebant. Regnante Basilisco Constatinopolim incendium maximū affixit, ex officinis ærariis incipiens, quod deuorauit officinas ipsas, earumque vicinitatem, in cineremq; redigit platearum ædificia cum alia, tum Basilicam nuncupatam, in qua erat Bibliotheca sexies centena millia voluminū continens, inter illa erat draconis intestinum longum centum & viginti pedes, habens inscripta literis aureis Homeri poëmata Iliadem,

& Od

& Odyssæam. Malchus Byzantius Sophista scripsit historiam ab imperio Constantini vsq; ad Anastasium, in qua incendium Bibliothecæ publicæ, & statuarum. Augustæ fori vehementer, & tragicè deplorat, de eadem Bibliotheca Georgius Cedrinus. Ad nuncupatam, inquit, Basilică cisternam, Palatum dignitatis plenum fuit, in quo ex instituto antiquo œconomicus præceptor habitabat habens duodecim discipulos, sermone, & vita grates, omnis ratiocinatricis disciplinæ scientes, cum celeritate & magnitudine naturæ præditos, tum maximè participes diuinæ Philosophiæ: quorum sine sententia quidquam agere nefas videbatur etiam regibus ipsis. Incendium accidit Constantinopoli imperante Basilisco, quod florentissimam vrbis partem consumpsit, ex mediis ærariis officinis prodiēs ambas ipsas porticus consumpsit, & omnem viciniam appellatam Basilicam, in qua erat Bibliotheca habens voluminum sexies centena millia, inter quæ erat intestinum draconis pedum centum & viginti, in quo erant scripta Homeri poëmata Ilias, & Odyssæa literis aureis. Inerant etiam in hac Bibliotheca historiæ heroū res gestas continententes, multis post seculis quādī deflagravit hæc Bibliotheca sub Basilisco, cùm Leo Conon Rex Basilicæ eruditos in sententiam suæ hæresis trahere non potuit, combussit illos vñà cum Basilicæ Palatio, & Bibliotheca: quæ pulchris libris post incendium iterum ornata fuerat, Basilicæ Romæ iudiciis consiliis negotiationibus attributæ erant, Constantinopoli etiam Bibliothecis, & literarum Gymnasiis: id quod cùm ex antedictis, tum ex Epigrammate in sequenti liquet:

Eis τῇ Βασιλικῇ τῇ παντοποίᾳ φῶναι τοῖς

Βυζαντίοις αὐτούσιοι.

Χάριθε έγώ θεομοῖσι μέτεμψόν γε κάτιον την

Άρθρον Θεοῦ οὐδενίων ἐπεκέχυτο νομίμου

Η τὰς τέταρτας μὲν αὐτούς οὐ πέποιτο ἢ

Ἐνθάδι μεγαρομένοις τάχα δίδωσι φόοι.

Qualis fuerit locus vbi Bibliotheca continebatur, scriptores recentes tradunt Octogonum fuisse, vbi essent porticus concameratae, & locus, vbi oeconomicus praceptor cum suis accessoribus versaretur. Georgius Cedrinus, incendio, quod editum est tempore Iustiniani, affirmat eadem magnam, & Xenodochium Sampsonis vestibulum Basilicæ, Augustæ, Chalcam, porticus utrasque usque ad forum Constantini, & Octogonum, & thermas Zeuxippi deflagrassæ, ex quo colligo oportuisse esse duo Octogona inter se propinqua. Si enim Octogonum, quod tradit Cedrinus fuisset illud continens Bibliothecam non præteriisset Bibliothecā illam etiam deflagrassæ tempore Iustiniani. Ego potius existimo locum illum, vbi Bibliotheca fuit, tetragonum fuisse, aulamq; illam esse, quam columnis in quadrum dispositis circundatam esse tradit Procopius, quæ nam fuerit Basilica continens Bibliothecam Zonaras non explicat, sed duntaxat proximam dicit esse Chalcopratii, hoc est, officinis ærariis. Cedrinus Basilicam vocat Cisternam, quam à magno Constantino conditā quosdam falso tradere arbitror ex Procopio scribente ad regiam porticum, vbi oratores, & qui actiones informare solent aulam esse maximam longitudine, & latitudine amplam, columnis in quadrum dispositis circundatam,

non

non in terreno solo, sed saxeō ædificatam, eāmque Iu-  
stiniānum Regem in magnam altitudinē effodisse ad  
conseruandas aquas in æstatis tempus, quæ tubulis sub-  
terraneis ex aquæductib⁹ hyeme impleta copiam a-  
quarum indigentibus suppeditaret. Menander cogno-  
mine protector ait primū sibi nō placuisse subire cer-  
tamen iudiciorum, neque in regia porticu versari, ora-  
tionisque vehementia conciliare hominū mentes. Vra-  
nium natione Syrum Agathius ridet artem medicam  
profitentem, sed Aristotelicæ disciplinæ prorsus igna-  
rum, vociferantem tamen, & insolentem permulta se  
callere iactantem cùm in aliis plerisque locis, tum ma-  
ximè in porticu regia. Idem Agathius semetiplū pro-  
fitetur in porticibus regiis libellos multos forensiū cau-  
sarum, & negotiorum plenos à matutino tempore ad  
occasum Solis contemplari, ex quibus intelligere possu-  
mus regiam porticum, & Basilicā cisternam in eodem  
loco fuisse. Porticus regia non extat, cisterna in columis  
permanet, quæ cùm negligentia ciuium ignoraretur, à  
me peregrino diligenter quaesita venit in cognitionem  
multorum. Cisternæ ignorationem auxerāt superædi-  
ficatae domus, quarum nonnullos incolas deprehendi  
ignorare cisternam infra ædes suas positā, cùm tamen  
quotidie aquām huius haustam puteis potarent intra  
ædes suas sitis in cisternam penetrantibus, denique in-  
cidi in domum, quā in hanc descensū patebat, scafam  
conscendi, quam agens dominus domus funeralibus ac-  
cessis huc illuc per medios ordines, velut per syluam co-  
lunarum maxima ex parte demersarum aqua, vbi o-  
mnia perlustrauī, ille ad capiēdos pisces, quibus cister-  
na abun-

na abundat, se conuertit, nonnullosque tridente cepit ad lucem funaliū: lux enim exigua appetet intromissa per ora puteorum velut per spiracula, quo pisces etiam congregantur. Cisternæ longitudo est trecentorum & triginta sex pedum, latitudo cētum octoginta duorum pedum, eius ambitus ducentorum & viginti quatuor passuum Romanorum, cameræ & fornices lateritio opere similiter parietes constant, tectorio signino nihil vetustate offenso benè vestiti, concameratio sustinetur trecentis triginta sex columnis marmoreis, inter se distantibus duodecim pedes, singulis altitudinē quadraginta dodrantum superantibus, in longitudinem dispositis per duodecim ordines, in latitudinem verò per viginti octo ordines. Capitula earum patim opere Corinthio laborata, partim illaborata. Supra singulorum capitulorum abacum lapis magnus, velut maior alter abacus positus est. Ad quem adnituntur quatuor arcus. Multi in eam penetrant putei, per quos ex cisterna hauritur aqua. Hyberno tempore impletur aquæductu. Vidi cùm media hyeme impleretur, riuum ex magno tubo salire in cisternam magno murmure non cessantem eattenus, dum columnas omnes & media capitula obruiisset. Hæc à templo Sophiæ versus occidentem æstuum distat circiter octoginta passus Romanos.

*De Chalcopratij.*

C A P . X X I .



HALCOPRATIA, quæ Latinè vertere possumus loca, vbi æraria opera exercentur, fuisse prope Basilicam, ex antedictis manifestum est. Georgius quidem Cedrinus ait Theodosium parium ædifi

ædificasse templum Chalcopratiorum, & dedicasse virginis Mariæ, alij adiungunt Iudæos, qui à tempore Constantini magni habuerant domicilium in Chalcopratia illinc expulisse paruum Theodosium, templumq; Deiparæ virginis ibi ædificasse, terræmotūque postea la befaetatum Iustinum Curoplaton reædificasse, à quo dissentire videtur Zonaras. Theodosio, inquit, magno peregrè profecto in Occidentis regiones Iudæos Honoratum Constantinopoli præfectum, sibi conciliaffe. Sibique ab eo potestatem permissam construendi synagogam sumptuosam in Chalcopratia, eoque factō vrbis populum indignatum synagogam combussisse. Theodosium huius incendij certiorem factū multam irrogasse his, qui talia patrassent, facultatēmque Iudeis dedisse reædificandi synagogam. Ambrosium episcopum Mediolani id intelligentem Theodosio demonstrasse iniquū esse Iudæos in media vrbē regina vrbium synagogam excitasse. Theodosium Ambrosij admonitu Byzantiis remisisse multam, synagogāmq; Iudæos intra reginam vrbium habere interdixisse. Nunc æra riæ officinæ illic non sunt translatæ in aliam vrbis partem, quas nonnulli mihi dixerunt aliquot ante annis fuisse prope ea loca, in qua diximus fuisse olim Chalcopratia. Ignotus scriptor informans veteris Byzantij circumscriptionem designat non procul à miliario fuisse Chalcopratia. Muri, inquit, Byzantij ascendebant in Chalcopratia usque ad miliarium. Alij scribunt prope Sophiam illa fuisse. Ex antedictis vidimus Hippodromum, curiam, aulam regiam, porticum regiam, Basiliacam fuisse vicina, eaque, vt antè dixi ratione archite-

Etonica. Strabo regiæ Alexandrinæ partem, inquit, fuisse Musæum, quod porticum haberet, & Exedram, & maximam domum; in qua domicilium esset hominum in disciplinis versantium.

*De porticibus sitis inter Palatum, & forum Constantini, & de domo appellata Lampterum.*

C A P. X X I I.

**P**RÆTER regiam porticum, prope quam fuit Bibliotheca, alias porticus fuisse parum remotas à porticu regia pertinentes à Palatio usque ad forum Constantini incendia declarant, priùm factum tempore Iustiniani Procopius scribit Palatum & ædem Sophiam combussisse, & vtraspq; porticus magnas usq; ad forum Constantini. Cedrinus idem incendium tradit consumpsisse Chalcam, Sophiam, Augusteum, & porticus duas usque ad forum Constantini. Deinde Basilisco imperante incendium exortū à Chal copratii consumpsisse ambas porticus, & omnia ædificia vicina, & Basilicā, in qua erat Bibliotheca, & vtraspque porticus medias inter Palatia: tum Lausi pulcherrima ornamenta. Hæ porticus sæpè combustæ, sæpè restitutæ sunt, primùm à Iustiniano, deinde ab aliis, postremò refectiones puto à Dominino ex recenti Historico tradente, cùm vrbs capta esset à Gallis & Venetis, Domini porticus tectas viam vtrinq; cingentes à milario ad forum Constantini pertinentes deflagrassæ. Quidam tradunt tempore Constantini magni Eubulum quatuor porticus duplices singulas condidisse à Palatio ad murum vrbis terræstrem pertinentes testudinatas,

vñas

vnas quidem perrexisse vsque ad ædem diui Antonij sitam in fine vrbis , alteras verò à Daphne , & portu Sophiae vsque ad templum nominatū Rabdon , alias duas à Chalca ; & miliario vsque ad forum Constantini , & Taurum , & Bouem æreum stratas omnes marmoreis mensis , ornatas infinitis statuis . Hæc et si ab ignotis scriptoribus traduntur , quos in permultis rebus aliis mendaces deprehendi : tam en verisimilia videntur , cum ex grauibus scriptoribus constet omnes vrbes spoliaesse Constantinum , ut suam nouam Romanam ornaret , cum ex antiqua regionum vrbis descriptione manifestum sit Constantinopolim habuisse publicas porticus quinquaginta duas , quarum quinq; ponit in regione quarta , in qua diximus fuisse Basilicā , & porticum regiam , & nun cupatam Fānionis . Præterea porticus magnas quatuor in regione sexta porticum magnā , vnam à parte dextra Constantini vsq; ad forum Theodosij . Addit regionem septimā continuis extensam porticibus , octauam verò porticum sinistram habuisse Taurum vsq; præter hanc habuisse porticus maiores quinque , nonam porticus maiores duas , decimam porticus maiores sex , undecimam porticus maiores quatuor . Ex quibus verisimile est à Palatio Chalce ad murum terrestrem porticus frequentes fuisse : at continuas asserere nequeo , nisi Taurum vsque .

*De miliario aureo , & eius statuis , de fortuna vrbis , omniisque statua .*

C A P. XXIII.

**M**ILIARIUM aureum fuit columna aurea , ex qua principium itineris ad omnes portas erat . Plinius in capite Romani fori statutam fuisse

ait, an verò miliarium Constantinopolitanum simile fuerit miliario Romano, nullus Gr̄ecorum scriptorum non modò non declarat: sed ne nomen quidem nouit, nisi mutilatum million, in cuius testudine statuarum positarū nonnulli meminerunt: verisimile tamen mihi videtur Romano fuisse, in similiq; loco situm fuisse nouæ Romæ, quæ, quantum potuit, Romam antiquam æmulabatur, & autoritate probare possumus in foro fuisse, aut prope forum. Antiqua enim regionum descriptio id ponit in regione fori Augustæ, & Basilicæ, quibus vicinum fuisse colligitur ex incēdio, quod regnante Iustiniano excitasse seditionem plebem Zonaras trudit apud miliarium, quo incendio Procopius ostendit Sophiæ ædem, & balneum Zeuxippū, & regiæ ædis vestibulum, & porticus magnas vsque ad forum Constantini. Qui scribunt res gestas ab Alexio Comneno, aiūt ex magno Palatio illucescente iam die Alexij milites duce Sabatio profectos ingressos fuisse templum Ioannis Theologi, atque cùm ascendissent in partem superam templi effudisse voces cōtumeliae plenas, prælum circa tertiam horam inchoatum fuisse, populūmque in foro frequentem læsisse, qui pugnabant ex fornice miliarij, & ex æde diui Ioannis Theologi, quam Constantinopolitani dicunt eam esse, vbi iam leones Regis stabulantur, vicinam Hippodromo, & foro Cupedinis sítio prope Sophiam, olim Augustæ appellato. Ex quibus appetit miliarium proxime forum. Sed quid remotiora repeto? cùm proprius Suydas explicet: In Basilica, inquit, à tergo miliarij statuam viri similitudinem gerentem auro illitam, elephantique, & eius curatoris statuas

tuas fuisse statutas, alij clariū dicunt has statuas positas à tergo Basilicæ prope miliarium. Tum Suydas addit in miliario statuam Theodosij fuisse, quam cùm erigeret Theodosius multa frumenta largitus est. In statuam Theodosij equestrem, nunc non extantem, hi versus extant:

Ἐκθέστη ἀνθελίθην φαέσφορον ἀλιθόν αἴπερ·

Θεοδόσιος θυκτίσι τάσσεται πισθύνει,

Ωκεανὸς πῆγε ποστή τεχνῶν μετ' ἀπέριδον γαῖαν.

Γανέθην αἰγαλίεις λεφρορυθμὸν ἀγάλασσον ἐπποιεῖ,

Ρημίων μεγάθυνε, καὶ τασκύδην λεπτορύνει.

Tum Suydas adiungit in miliario fuisse statuas Sophię vxoris Iustini Thracis, & Arabiæ filiæ huius, & Helenæ neptis eiusdē, tum Arcadij, & Theodosij eius filij equestræ statuas prope Theodosij maioris statuam positas. Cedrinus scribit supra fornicem miliarij stetisse duas statuas, unam magni Constantini; alteram Helenæ matris, habentes crucem intermediā, pone ipsas fuisse Traianum equestrem, eiq; propinquū Aelium Adrianum similiter equestrē. Suydas dicit in fornice similiter statuas Constantini & Helenæ, & crucē inter eas medium fuisse, hanc inscriptionē habentem: Vna sancta, & duo celeres cursores. Idem ponit in fornice fori Augustæi easdem statuas Constantini, & Helenę, & crucem, eandem inscriptionem gerentes, ex quo intelligitur adeò vicina fuisse forum, & miliarium, & Basilicam, ut non modò à diuersis eadem ponantur in diuersis locis, sed etiam ab uno eodemque. Item in miliario Suydas ponit currum quatuor equis fulvis ductū ab antiquis temporibus, duabus stelis sustētatum in eo loco, vbi faustis

exercitus acclamationibus exceptus est Constantinus, postquam vicit Azotium: quoniam etiam ibidem laudatus fuerat Byzas fundator Byzantij. Deportatum autem currum à Solevestrum in Hippodrónum ferétem statuam paruam à Constantino confectam. Hæc erat fortuna vrbis, quæ maximis festis, & in Natali die vrbis ponebatur in senatu, quoniam in capite suo crucem gereret, quam Constantinus scalpedam curauerat. Julianus Christianæ religionis desertor ipsam fossa obruit in eo loco, vbi periiit Arius, non longè à senatu. Vbi etiam pius Theodosius Arij, Macedonij, Sabellij, Eunomij statuas marmoreas scalpendas curauit humili desideretes ad notandam eorum perfidiā, ut à prætereuntibus sternere, & lotio, execratione contaminarentur. Alij tradunt vrbis fortunæ statuam ex Roma à magno Constantino vectam, & statutam fuisse in fornice Palatij. Zosimus tradit Constantinum fortunam Romæ constituisse in parte vnius porticus ex quatuor porticibus circumdantibus maximum forū. Verisimile videtur Constantinopolitanos eam celebrasse festo die, ut in antiqua Roma celebrabatur, tam ab indigenis, quam ex terris in eodem die, & templo, in quibus olim parilia nuncupata celebrari solebat. Socrates narrat, ut Julianus cum sacrificaret publicè fortunæ Constantinopoleos in Basilica, vbi Fortunæ collocata erat statua Mares Chalcedonis episcopus manu eò ductus: nam ob senectutem oculis laborabat, multis contumeliis Regē affecit, eum impium religionis Christianæ desertorem appellans. Julianus contumelias verbis vlciscebatur, cæcum ipsum appellans. Dicebat, Nū Galilæus Deus tuus te curabit? Galil

Galilæum solebat Christum appellare. At Mares, liberiūs Juliano respondit, Deo, inquit, qui me excœcauit, gratias ago, ne videam faciem tuam prolapsam in tantam impietatem. Ad hæc nihil respondit Julianus. Zonaras eoque antiquiores historiis suis mandarunt, temporibus Anastasij Regis statuam Fortunæ, quæ ex ære facta, muliebri specie alterum pedem intrâ nauem similem ex ære factam ante se stantem haberet, statutam fuisse in aliqua parte vrbis, cum autem huius nauis æreæ simulacrum temporis vetustate laborasset, vel insidiis illius membra quædam fracta, sublataque essent, accidisse, ut naues onerariæ Byzantium non appellerentur, sed ubi prope urbem accessissent, ventorum violentia ingredi portum prohiberentur, ac si naues longæ multis remis aetæ onera illarum in urbe adueherent, tamen citò ob penuriam consumebantur. Hoc cum aliquandiu vigisset, curatoribus reipub. maximæ curæ fuit inquirere causam. Denique cum venisset in suspicionem causa huius facinoris, & nunciata esset iis, qui curam vrbis gererent, tum hi fragmēta illius æreæ nauis diligenter inquisita inuenerunt, illique restituerunt & accommodarunt, nauigatioque aperta fuit & libera, & mare plenum nauium in urbem adnauigantium, atq; ut exactè noscerent, an causa fuisse nauis fortunæ fragmentum, cur naues non applicarentur, sustulerunt rursus partes illas nauis æreæ, tum quæcumque naues in urbem adnauigarent, ventorum vi iterū retrocesserunt. Inde pro re firma habuerunt, ex eo, quod nauis hæc ærea fracta esset naues onerarias prohibitas fuisse adnauigare in urbem. Itaque nauem illam curæ habuisse, eamque renouasse.

uasse. Eunapius Sardianus in volumine, quod scripsit de Vitis Philosophorum & Sophistarum, tradit populum Byzantium imperante Constantino aliter interpretatum fuisse difficultatem nauigandi Byzantium. Contigit, inquit, situi Byzantij ad nauigationem in urbem Byzantium incommodam esse, nisi ventus notus solidus spiret, hoc cum s̄apē accidisset, populus fame pressus conuenit in theatrum incitatus in Constantinum. Prefecti aulæ regiæ inuidentes Sopatru Philosopho detulerunt Constantino. Sopatrus, quem in honore habes, ventos alligauit excessu Sophiæ, quam etiam ipse laudas, & in regiis thronis sedere facis. His auditis Cōstan-  
tinus, persuasus Sopatrum, securi feriri iussit.

*De templo Neptuni, & de æde Minæ, & de stadijs,  
& scala Timasi.*

C A P .   X X I I I .

**G**O N I T I O templi Minæ, ideò mihi videtur prætereunda non esse, quoniam ostēdit in qua parte urbis regio quarta fuerit continens Basilikam, Augustæum, ædem diui Minæ. Historia incerti authoris tradit in Acropoli olim templū Neptuni prope mare Byzantem excitasse, ubi ait suo tempore fuisse templum Minæ martyris: alio loco idem inconstanter dicit templum Minæ fuisse olim Iouis, ex eóq; habuisse marmoreos fornices sustentatos duabus magnis columnis. Itaq; ex huius inconstantiâ nihil aliud assequi possum, nisi mihi verisimilius videtur templum Minæ in his partibus Acropoleos, in quibus olim fuit templum Neptuni, cum ex Dionysio Byzantio antiquissimo scrip-  
to tradente paulò supra promontorium Bosporium  
fuisse

fuisse egressoriæ Mineruæ aram, & templum Neptuni, & sub templo Neptuni, intra muros fuisse stadia & Gymnasia, ut planius demonstrauit in Bosporo, tum asse- quor ex hominum memoria viuentium, afferent iū intra claustra regia olim Acropolim appellatā fuisse no- bile templum diui Minæ, antiqua descriptio regionum vrbis in regione Minæ prodit fuisse scalam Timasi & stadia. Procopius ad locum, inquit, mari vicinum sta- dium nuncupatū, ex eo, quòd ibi olim certamina quæ- dam exercentur, Iustinianus Rex & Theodora Re- gina hospitia maxima ædificarunt.

*De Lauso nuncupato, & de eius statuis Veneris Cnidiae, Iunonis Samiae, Mineruæ Lindiae, Cupidinis alati, Iouis Olympij, Saturni, Monocerotum, Tigridum, Ul- turum, Camelopardalium, & de Xenodochi cisterna nuncupata Philoxeno, de Chrysotriclino.*

## C A P V T   X X V .

LAVSVS celebris est locus vrbis scriptis per- multorum, quorum aliqui scribunt domum fuisse Patricij Lausi appellati, qui multos ma- gistratus gessit regnante Arcadio filio Theodosij mag- ni, domūmque insignibus monumentis ornasse. Heraclidæ episcopi Cappadociæ ad Lausum præpositum liber extat inscriptus Lausacus. In qua autem parte vr- bis Lausus fuerit, non hi declarant, sed fuisse inter Palatium & Constantini forum assequi possumus ex incen- dio, quo Zonaras & Cedrinus dicunt temporibus Leo- nis Imperatoris deflagrassæ ædificia ex latere vrbis ver gente ad Septentrionem, à Bosporio portu usq; ad tem-

plum diui Ioannis Calybitæ, ex latere meridiano à tem-  
plo diui Thomæ Apostoli ad ædem Sergij & Bacchi. In  
medio verò vrbis à Lauso vsque ad Taurum, Euagrius  
describens idem incendium, eo loco, quo alij dicunt in  
media vrbe illud incendium extitisse à Lauso vsque ad  
Taurum, ipse dicit à foro Constatini ad Taurum, quod  
percipitur Lausus vicinus fuisse foro Constantini. Sed  
versus Orientem, & inter Palatium, & forum Constan-  
tini, patet ex incendio, quo Cedrinus regnante Basilisco  
testatur deflagrasse florentissimam partem vrbis Chal-  
copratia. Vtrasque porticus, & continentia omnia ædi-  
ficia, & nuncupatam Basilicam, in qua Bibliothecam  
illam insignem antè dixi, & pulcherrima Lausi orna-  
menta vsq; ad forum Constantini: multæ enim statuæ  
in Lauso erat, inter quas Cedrinus excelluisse tradit sta-  
tuam Lindiæ Mineruæ longam quatuor cubitos ex la-  
pide smaragdo factâ opus Scyllidis, & Dipœni statura-  
riorum, quam olim Sesostris Aegypti Rex dono misit  
sapienti Cleobulo Lindio tyrano, à qua fortasse Laou-  
sus locus appellatus est. Nam nomen Mineruæ Laossos.  
Theophrastus tradit Aegyptiorum Commentariis re-  
periri Regi eorum à Rege Babylonio missum smara-  
gdum munere quatuor cubitorū longitudine, & trium  
latitudine. Si Sesostris Rex & Dipœnus & Scyllis eodē  
tempore fuissent, existimarem legendum in Codice Pli-  
niano smaragdum Mineruæ: at Dipœnus, & Scyllis in  
marimore sculpendo primi omnium claruerunt, geniti  
in Creta Insula, etiamnum Medis imperantibus prius-  
quam Cyrus in Persis regnare inciperet, hoc est, Olym-  
piade circiter quinquagesima. Si nulachra perfecerunt

Apol

Apollinis, Diana, Herculis, Mineruæ, quod ex cœlo postea tactum est. Dipœni quidem Ambratiā, Argon, Cleonem, operibus refertas fuisse tradit Plinius, at non meminit Mineruæ Lindiæ. Præterea adiūgit Cedrinus in Lauso statutam fuisse Venerem Cnidiam omnium mortalium scriptis celebratam ex marmore albo factam, nudam, manu tegentem solam corporis verecundam illam partem. Praxitelis opus, & Samiam Junonem opus Lysippi, & Bupali Chij, & Cupidinē alatum sagittas habentem ex myndo allatum, & Phidiæ elephantinum Iouem. Quem Pericles posuit in templo Olympio, & Saturni existimatam statuam capitis posticam partem caluam habentem, anticam verò comatum, opus Lysippi, & Monocerotes, & Tygrides, & Camelopardales, & Taurelephantos, & Vultures. In Codice Cedrini legitur Taurelephas, rectius legeretur Taurelaphos, id quod colligo ex Cosma Indopleute antiquo & nobili scriptore, qui ponit Taurelaphos, id est, tauros ceruinos. Historia patria nuncupata incerti auctoris ait etiam in Lauso fuisse suo tempore aquilas lapideas, cui eatenus credo, qua dicit sua etiā ætate fuisse: sed qua aquilas dubitare potius possum, sint' ne illæ aquile, quos Vultures appellat Cedrinus, quam pleraque ab eo tradita longè minus conuenientia. Cedrinus scribit in partibus Lausi fuisse ædificia varia, & Xenodochia quædam, vbi esset illa celebrata Philoxenos, quæ hospitaliter suppeditabat aquā, quidam declarant Philoxenon cisternam fuisse conditam à Philoxeno, eam ipse existimo, quam Heraclium terra obruiisse positam inter Triclinium & Lausiacum: scribit Menander no-

minatus protector, tradens Macedonium Regem plerasq; cisternas purgasse, quas terra obruerat Heraclius Rex; quod si etiam purgauit illam positam inter Lau-siacum & Triclinium, illa esse videtur, quæ in Abrami domus parte subterranea vergente ad Septentrionem visitur, cuius concameratio quadringentis & viginti quatuor colunis marmoreis sustinetur duplicatis, nempe ducentis & duodecim, supra se ducentas & duodecim columnas habentibus, quarum vnam mensus sum, cui reliquas similes puto, & deprehedi perimetrum sex pedum & dodrantis esse. Altera cisterna est iuxta latus eiusdem domus vergens ad Occasum, cuius fornices sustinentur triginta duabus columnis Corinthiis in quatuor ordines dispositis, singulos constantes octo columnis, quarum scapi in ambitu continent duodecim dodantes. Iam vero Triclinium, inter quod & Laosum diximus sitam esse Philoxenon cisternam: arbitror esse, quod Zonaras scribit Iustinianum tertium ædificasse in regiis edibus, idq; à suo nomine Iustinianum appellasse. Tiberium Regé Cedrinus addit Chrysotriclinium à Iustiniano tertio conditum ornatius reddidisse, Chrysotriclinij porta occidentalis illa fuit, cuius meminit Leo quintus, cum prædixit Andronico tyrannide meditati per portā Chrysotriclinij occidentalem Andronici caput in Hippodromo abscondendū ad se allatū iri. Chrysotriclinij crebra est metio etiā apud scriptores, qui scriperunt paulò ante, quām Constantinopolis caperetur, tūmq; oēs ciues Chrysotriclinij nouerāt nomē & locū, nūc nemo est, q; sciat, aut scire curet: ac potius negligat, & contēnat, vt cætera oīa, quæ pertinēt ad disciplinas.

## L I B E R T E R T I V S.

*De locis regionis quinta, & secundi collis, de Nauali,  
& portu nuncupato Bosphorio, & de Strategio, &  
foro Theodosiaco.*

C A P V T . I.



E G I O N E M quintam fuisse in collis secundi latere vergente ad septentriones, & in planicie attingente eius radices, à dorso promontorij, pariter, & coniunctè cum quarta regione descendantem ad sinum Cornu nuncupatum non percepissim ex antiqua regionum vrbis descriptione, quamuis tradente non modicam partem suam in obliquioribus positam locis planicie excipiente productam fuisse. Nam ea descriptio aliis etiam regionibus vrbis conuenit, neque ex eius ædificiis cognouisse, quæ traduntur in ipsa contenta fuisse, quorum nulla neque vestigia extant, neque hominū memoria. Sed ex portu Phosphorio, siue Bosphorio nuncupato, atque ex scala Chalcedonensi mihi aliqua lux affulsit, quæ nomen non habet, ex eo, quod sita sit in ea vrbis parte, quæ vergit ad Chalcedonem & ortum Solis: non enim eò vergit, sed ad septentriones. Sic Bosphorus portus non à Bosphoro freto, sed à consuetudine deprauata Byzantiorum ipsum Bosphorium vocantium immutatione literæ, cùm debuissent eum appellare Phosphoriū, Stephani & Eustachij testimonio, qui tradunt Phosphorium fuisse portum Byzatij, ex eo nomen adeptum, quod Philippo Macedone Byzantium obidente, occultū ingressum cùm milites effodissent, vnde occultè ingressuri erant in vrbem. Hecate Phos-

phorus præsens lumen nocte ciuibus attulerit, insidiásque detexerit. Itaque obsidione liberati Phosphorium locum illum nominarunt, sed ut lucē afferunt, cur Bosporius & Phosphorius idem portus vocetur, ita non declarant: situs ne hic esset in parte vrbis vergente ad Meridiem, an ad Septentriones, an ad Orientem: sed ex scala Chalcedonensi, quam regionum descriptio ponit in regione Bosporiani portus, existimare possumus fuisse in septentrionibus vrbis non orientalibus portibus, quāuis sitis cōtra Chalcedonem. Nam fluxus rapidus Bospori freti nauigationem à Chalcedone ad partes Constantinopoleos orientales & meridianas difficilem præbet, ad septentrionales verò pérfacilem, ut planè intellicunt, qui rapiditatem Bospori nouerunt, & viderunt eos, qui exercent nauigationem inter Chalcedonem & Byzantiū, applicare naues ad septentrionales vrbis partes, vel ab illis soluere. Adde huc antiquam regionum descriptionem, quæ contra Chalcedonem nullam scalam ponit, ac si pōneret, eius mentionem faceret in prima, aut secunda regionibus aduersis Chalcedoni & Orienti, aut in tertia regione exposita Meridiei, in qua portum nouum positum antè diximus. Sed quid longa ratiocinatione opus est, cùm nominatim, & breuiter testimonia ex scriptorum monumentis proferre possimus, ex quibus planè perspicitur portum Bosporium, & scalam Chalcedonensem esse non modo in parte vrbis septentrionali, sed etiam in quo septentrionis loco, è quibus primū profero Dionysium Byzantiū, qui statim extra murum Byzatiij antiqui ponit templum Telluris supra sinum Bospori, & paulò supra ipsum templum paria.

paria Cereris & Proserpinę, quam etsi Phosphoron non nominat, sed duntaxat Λόγιον, id est, virginem, sic enim Proserpinā interdum nominatur, tamen illā intelligere possumus ex loci situ Hecaten fuisse, cuius tripodē Cedrinus ponit in Strategio, vbi verisimile videtur ex Dionysij Byzantij descriptione templum fuisse Proserpinę, aut non lōgē ab Strategio. Sed clariū scribit Euagrius, cùm ait regnante Leone in parte vrbis vergēte ad boream, in qua essent Neoria vrbis, incendium extitisse, quod à Bosporio portu grassatum est usque ad antiquum Apollinis templum, in parte verò meridiana à portu Iuliani ad templum Omonoę, id est, Cōcordiæ. In parte vrbis media à foro Constantini usque ad Taurum, Zonaras hoc incendium ait à mare septentrionali ad mare meridianum vrbem intercepisse, in longitudinem quidem à Bosporio ad templum diui Ioannis Calybitæ, ex Meridie à templo diui Thomæ Apostoli, ad templum Sergij & Bacchi, in media vrbe à Lauso ad Taurum. Georgius Cedrinus tradit id incendium ortum à Neorio, hoc est, à Nauali, perrexisse usque ad ædem Ioannis Calybitæ, ex quibus cognosco Neorium & Bosporium vicina fuisse, quanquam ab antiqua regionū descriptione Bosporius portus in quinta regione, & Neorium in sexta ponantur. Nam cùm hæc utraque regio simul coniuncta à collis dorso ad mare descendat, nihil impedit, quin vicinus fuerit portus Bosporius Neorio, quod in qua Byzatiij parte fuerit, aperte designat Zosimus iam Historicus antiquus, describens antiquum Byzantium, quod dicit fuisse in colle situm, occupans partem Isthmi, quem efficit Propötis & sinus

Ceras

Ceras nuncupatū, Byzantiíq; murum addit per collem demissum fuisse à parte occidentali vsque ad templum Veneris, & maris positi contra Chrysopolim, à parte bo reali pari modo descendisse vsque ad portum, quem vo cant Neorion, quod prope portam, quam Græci appellant Orciam, corruptè quasi Neorij portam, aut non longè ab ea fuisse existimo, hodie inter mare & portam Oriā, quam Turci appellant Siphont, id est, Iudæorum eam accolentium spatium latum velut forum maritimū, cui adiunctam videre licet scalam Chalcedonen sem, siue Scutaricam, qua quotidie traiectus fit in Scutarieum, aut Scutaricum, olim Chrysopolim nuncupatam Emporium, & portum Chalcedonensium. Scalæ Chalcedonensi vicinus est traiectus in Galatā olim Sy cenus appellatus, quem antiqua descriptio vicinum ponit Neorio & Bosporio, quorum situs paululum immutatus est, vt horreorum ibi olim sitorum, nunc in aliū locum traductorum, siue ob Regis claustrum longius promotum, siue quia primam Neorium manufactum esset: deinde terra obrutum fuerit. Non enim eo tempore cùm Philippus cuniculos egit verisimile est portum fuisse, quem postea Byzantij Phosphorion appellarunt: nam impeditus fuisset scaturigine aquarum, sed deinde locum appellatum Phosphorium portum manufactum fuisse, vt quidam tradunt de Neorio, quod dicunt clausum à Constante, in eoque fuisse forum rerum maritimarum, deinde regnante Iustino translatū fuisse in portum Iuliani: alij scribūt Leontium Imperatorem, qui regnauit post Iustinum, purgasse portū Neorium: alij addūt in lacu Neorij Bouem æreum statutum fuisse  
ingen

ingentem. Boui æreo in vndecima regione sito similē, quem recentes scriptores tradunt semel in anno mugire, tūmque vrbi accidere detrimenta, quod commentitium puto & subreptum ex Callimacho & Pindaro scribentibus Rhodium montem esse nomine Atabyrium habentem æreos bōues, qui mugitum emittere solebant impendēte Rhodo calamitate. Ex quibus liquet Neorium fuisse manufactū, quod nunc non extat. Iam igitur Bosporiano portu, & scala Chalcedonēsi cognitis, cognoscimus quintam regionem fuisse in collis secundi latere, atque in subiecta sub ipsum planicie ibidemque fuisse thermas Honorianas, Prytaneum, thermas Eudoxianas, horrea Valentiniana, horrea Constantiaca, Thebæum Obeliscum, portum Bosporianū, scalam Chalcedonensem, cisternam Theodosiacam, Strategium, in quo fuit forum Theodosiacum. Qui describunt antiqui Byzantij ambitum, dicunt eius muros incepisse ab Acropoli, & perrexisse ad Eugenij turrim inde ascendisse usque ad Strategium, & Achillis balneū, cuius meminit Iustinianus in suis constitutionibus de aquaeductibus, cùm inquit: Plumbeas fistulas ducentes aquā ad thermas, quæ Achilleæ nominantur, quas prouidentiæ tuæ magnificentia factas fuisse cognouimus, eandem formam seruare censemus, quam Theodosius & Valentinianus constituerunt, item memoratas fistulas thermis tantum, & Nymphæis, quibus eminentia tua deputauerit, volumus inseruire facultate præbenda tuæ sublimitatis apparitoribus circumeundi sine formidine domos, & suburbana balnea, ad inquirendum nequa deceptio, vel suppressio sit contra publicam vti-

litudinem. Initio dixi ex Socratis historia, Constantinum magnum Constantinopolim secundam Romam habendam esse lege sanxisse, quæ in columna incisa publica est, quam in nuncupato Strategio statuit prope suam statuam equestrem. Ex antiqua regionum descriptione urbis triplex forum à Theodosio nominatum repetitio, primum in quinta regione Theodosiacum nominatum, quod fuisse in Strategio dixi, alterum in sexta regione, quod Theodosij appellat, tertium in duodecima, quod Theodosiacum nominat. Duo hæc postrema rerum venaliū fuisse infrà monstrabo, primū prætorium forum coniicere possumus ex ipsa regionū descriptione tradente id fuisse in Strategio, quod Latini Prætorium appellant, quod postea etiam à Græcis appellatum est Prætorium ob diuersa fora, mihi verisimilius videtur, quām certo sciam, an hoc Theodosiacum forum sit illud magnum Prætorium, quod pulchrius effectum à Iustino Rege & Domnini opera intelligitur ex versibus Pauli Silentarij, quos subiungam, ut clarius liqueat Prætorium Græcis visitatum fuisse, ut alia pleraque Latina:

Εἰς τὸ μέγα πρατόειον καθοπιδῷ  
ωάλας σιληνίασσα.

Κόσμοις ἵσσιν Θεούς πασσέλευς ἐνπόντια καθήρες.

Καὶ τὰ μέγιστα δίκης πύλαισσα τεμένη.

Σοῖς ἡ πόνοις λομῆντε λαζηθέα νύκτας οἰώνες

Ἐκ δέμαδος μεγάρων ἐκ βιοτῶν μορόπον.

De

*De regione sexta, & de reliquis aedificijs antiquis secundi collis.*

C A P. I I.

**R**E GIONE M sextā fuisse in parte vrbis septentrionali, potiusquām meridiana non nouissem ex colūna Constantini in hunc diem extante, neque ex Constantini foro, neq; ex antiqua descriptio-  
ne, quamuis tradente columnam purpuream Constan-  
tini, quamuis describente regionem sextam breui per-  
actam planitie, reliquam in deuexo constitisse: nisi ad-  
didisset à foro Constantini scalam vsq;, siue traiectum.  
vsque Sycenum porre&tam fuisse. Sycenus traiectus ap-  
pellatus fuit à Syca olim nominata, quæ nunc Galata,  
siue Pera appellatur, vt pleniū declarabo in regione  
decimatertia, sextam regionē cōiunctam fuisse cum  
quinta paulò ante significaui ex vicinitate Neorij, sca-  
læque Chalcedonensis, & traiectus Syceni, & Bosporia-  
ni portus. Cognita igitur Syca assequor iuxta planitię  
maritimam subiectam sub secundi collis radices fuisse  
Neorium, traiectumque Sycenum situm fuisse, vbi ho-  
die traiectus est Galatinus, columnāmque purpuream  
nunc extantem esse illam, quam antiqua descriptio in-  
sexta regione tradit fuisse: sed quām prope columnam,  
& forum Constantini Senatus fuerit, ex sexta regionis  
descriptione quamuis Senatum continente intelligere  
nō possum. Verūm paulò infra ex aliis scriptoribus Se-  
natum ostendā fuisse in fori Constantiniani parte ver-  
gente ad boream. Deniq; regionem hanc partim fuisse  
in secundi collis dorso, in quo columna purpurea ho-  
die visitur, & forum gallinarium, quod nunc Turci ap-  
pellant Taubasar, officinæque telas tingentium, & do-

mus Aenobarbi præfecti Classi Turcicæ, & templum Alibassæ, partim in secunda valle, eiúsq; latere dextro, partim in planicie littorali subiecta sub hanc vallem, & radices secundi collis, quæ à frequentissimis habitantur Iudæis.

*De columna purpurea, & foro Constantini, & Palladio.*

C A P V T   I I I .

**Q**VI à magno Constantino res gestas cōscripserunt, tradūt illum columnam porphyreticam cycloterem, hoc est, teretem, & circulis laureatis cinctam, quam regionum vrbis descriptio appellat purpuream ab vrbē Roma, vt fama est, aduectam, statuisse in foro nuncupato Placoto, ex eo, quod planis & latis lapidibus, quos Græci placas appellant, constratum esset, & simul supra hanc columnā collocasse statuam ex ære factam admirabilem: siue propter artem, siue ob prægrandem magnitudinem. Antiquo enim opere, summoque artificio perfecta erat, vt spirare videretur, quam dicunt olim, Apollinis Iliaci fuisse imaginem, eamque diuinum Imperatorem suo nomini dedicasse, eiúsq; capiti nonnullos clavos eorum imposuisse, qui corpus Domini affixissent salutari Cruci, atque in hac statua scalpenda curasse hæc verba:

Σὺ λέγεις πότις λοίρω οὐκέ μετότης.  
Σοὶ νῦν προσῆξε τινά δὲ σωμάτιλα  
πόλιψ, οὐκέ σκήπτρα τὰ δε, οὐκέ τὸ  
τῆς ἡώμης λιράτω φύλαττε, ταῦτα  
Σῶματα εἰς τὴν πόλιν πάσης βλαβῆς.

Cedrinus adiungit sub columnam duodecim cophinos illos

illos literis sacris illustres subieccisse. Hæc columna porphyretica non gradibus peruia est, sed solida. Itaq; falsò tradit Fuluius antiquarius coclidé esse. Zonaras scribit etiamnum in suam ætatem statuam Constantini extitisse supra columnam, regnantéq; Alexio Comneno verno tempore, cùm alia permulta cecidisse vento vehementissimo perflante, tum Constantini magni statuam supra columnam porphyreticam collocatam detraictam, & pessundatam, diffraetamq; in multa frusta multos obuios interemisse. Scriptor rerum gestarum ab Alexio Comneno addit fulmine non modo statuam dirutam, sed etiam tres zonas columnæ deiectas fuisse, quæ nam hæ zonæ fuerint, intelligitur ex his, quæ mox adiungam. Hæc quidem columnæ etiam nunc extat in culmine secundi collis aliquantum quidem diminuta, non tam vetustate, quæ vetustissima est, quam incédiis & terræmotibus ventorum turbinibus: non enim iam habet ullam statuam, imo etiam tribus zonis, siue spondylis supremis, siue circulis, ob quos Historici cyclotrem columnam hanc dicunt quasi circulis distinctam. Priuata fuit turbine vètorum temporibus Alexij Comneni, locoque spondylorum aucta fuit accessione structuræ superædificata teretis eiusdem crassitudinis, & æqualis reliquo scapo, cuius supra excelsum stylobatem marmoreum quadratum quoquo versus latu vndecim pedes & dodrantem, altum duodeuiginti pedes statuta est, spira dorica marmoris porphyretici constans plincho, toro inferiore & superiore, & intermedia scotia, supra spiram scapus columnæ perimetrum habens pedum circiter triginta triū structilis, non enim ex uno lapide

scapus constat, sed ex octo lapidibus velut spondylis, quorum singuli vna corona, seu zona, seu toro, seu nodo laureato cinguntur iuxta commissuram lapidū, quę nulla apparebat cùm integra erat tecta nodis eminentibus: ita enim nodi intertexti laurinis foliis & baccis singuli scalpti in summa parte singulorum lapidū, seu spondylorum eminenter expressi sunt, vt commissura videri nequeat. Ac si nulla ex parte læsa esset vno ex lapide facta videretur nō modò vulgo, sed etiam quibusdam Historicis, qui falsò prodiderunt eam columnam ex vno lapide factam esse, atque adeò irrident eos, qui non credunt esse vnius lapidis, vt idiotas deceptos zonis æreis, quibus tum cingebatur & spondylis ornatus causa, vt ipsi aiunt, additis. Nunc zonas æreas non habet, sed aliquot ferreos circulos astringētes columnam partim incēdiis corruptam. Loco zonarum deiectorum turbine ventorū superaedificatus est spondylus ex multis lapidibus, in quo summo est Græca inscriptio nomen Regis illius continens, qui post casum statuæ Constantianæ supremum spōdylum strūctilem superimposuit, huius columnę similitudinem gerēbant columnæ, quas describit Athénæus in hanc sentētiā. In Aegypto excitatas fuisse columnas teretes, & rotundas, variis spondylis constantes, aliis nigris, aliis albis, alternatim sitis, earumque capitula similiter rotunda extitisse, quæ ambiret sculptura vniuersa similis rosis paululum apertis, calathum nūcupatum non elices, quemadmodum in Græcanicis operibus, neq; folia aspera circumdant, sed lotorum, & palmarum recenter natarum fructus, atque interdum plurimorū florū genera scalpta sunt,

sunt: hoc verò sub radice ciborum, quod eminet supra spondylum ad commissuram capituli floribus & foliis distinctum similem dispositionem habet. Ita Aegyptij columnas conficiunt, parietésque albis, & nigris lateribus alternatim sitis construunt. Hanc Athenæi rationem adhuc Aegyptios Syros, Persas seruare vidi, parietes alternis ordinibus colorū conruentes, diuites quidem, lapidibus, aut laterculis naturaliter variis mediocres arte & pictura variatis, has zonas dicunt quidam scalptas fuisse ad præagiendam bonam præsignificationem annorum Constantini, seu victoriarum multitudinem: equidem ipse potius arbitror esse designatrices coronarum laurearum, quibus Apollo delectatur, hancque columnam antiquam Colossæi Apollinis sustinuisse statuam, quam Constantinus, Apollinisq; statuam sibi attribuit, siue semper victori, siue quod Apolline delectaretur, ut cum cæterorum statuas deorum euerteret, Delphici Apollinis statuam, & tripodem in Hippodromo statuerit: id quod significat Rhetor ille Belga, qui dixit panegyricū Constantino. Cùm, inquit, vbi Constantine deflexisses ad Apollinis templum toto orbe pulcherrimum, vidisti credo, Apollinem tuum coronas tibi offerentem, quæ tricenum singulæ ferunt omen annorum, hic est humanarum numerus ætatuim, quæ tibi vtiq; debent vltra pyliam senectutem, & imò, quod credo, vidisti, téque in illius specie recognouisti, cui totius mundi regnum deberi vatum carmina cecinerunt. Quod ego nunc demū arbitror contigisse, cùm tu sis, ut ille iuuenis & latus, & salutifer, & pulcherimus Imperator. Si Turcus, quem apposueram, ut consensa

scensa basi metiretur, quæ ipse designauerā, & præsens dissimulanter respiciebam rectè perticam tenuit, qua metiebatur, spondylum imum deprehēdi ex nota perticæ, quam ille inciderat spondylum altum esse nouem pedes & quatuor digitos, tori verò latitudinem sesquipedalem, eiūisque expressionem extra spondylum projectam esse sex digitos: torum voco eius calcaneū. Itaq; singuli lapides, quos spōdylos nominaui alti decem pedes & dodrantem. Est igitur altitudo octo spōdylorum circiter octoginta sex pedum & dodrantis, adde superstructum spondylum cum Abaco, adde spiram, & stylobatē, & gradus quatuor sub stylobatē subiectos marmoreos, quorum iunius altus à terra pedem & sex digitos, secundus tantudem, tertius sesquipedem, quartus tantudem. Huius columnę, seu potiū colossi, cùm sustineret ingentem illam statuam Constantini locus, quo nomine appellaretur olim, ex ante scriptis nōdum plane cognosci potest: nam Placotum forū, in quo Zonaras & alij recentes Historici docent sitam illam fuisse, cùm non meminerit Procopius, neque quisquam illorum temporum, dubitabam primū num esset forum Constantini, et si mihi verisimile videbatur Constantinum suam columnā statuisse in suo foro, vt Traianus suam Cochlidem statuerat in foro sui nominis. Sed quām mox Socrates dissensionum Christianarum historicus me admonuit forum Placotum esse forum Constantini, tradens Arium cùm prope forū Constantini, in quo columna purpurea locata esset, accessisset, vehemēti alui deiectione periisse: sed clariūs liquet Placotum fuisse, quod olim appellaretur forum Constantini,

tini, ex Palladio Mineruæ, quod Zonara tradit à Troia Constantimum transtulisse in forum Lacotum. Procopius in forum Constantini: Maleuenti, inquit, ferunt Diomedem conuenisse. Aeneam ex Ilio venientem, eique ex diuino responso dedisse simulacrum Mineruæ, quod ipse quondam Vlysse auxiliante ab Troia abstulisset, cum ambo ad explorandum eò profecti fuissent, quam à Græcis Iliū caperetur. Præterea huc adiungunt Diomedi ægrotanti, & suscitanti de ægritudinis euentu prædictum fuisse ex oraculo, non prius illum è morbo liberatum iri, quam viro Troiano id simulacrū tradidisset. Vbi tamen illud esset, Romani se scire negant, imaginem duntaxat ex lapide sculptā monstrant, quæ in hoc tempus in templo Fortunæ ante Mineruæ statuam collocata est, in ea quidem templi parte, quæ spectat ad Orientem. Illa quidem imago, quam dixi ex lapide sculptam, gerit præliantis similitudinem, vibransque velut in acie hastam, habens vestem oblongam, cuius facies non similis est simulacro Mineruæ, quale insculpitur à Græcis, sed ab Aegyptiis, Byzantini asserunt Constantimum in foro sui nominis hanc statuam posuisse sub terra defossam: ex quibus Zonaræ & Procopij verbis patet forum Placotū & Constantiniānum forum idem esse. Cuius quidē cognitio non negligenda, sine qua vrbis regiones quatuor, vrbisque incendia perspicuè cognosci non possunt: nam tertia cōtinet tribunal fori Constantini. Sexta à foro Constantini usque ad scalam Sycenam porrigitur continens columnam Constantini. Septima à parte dextra columnæ Constantini usq; ad forum Theodosij cōtinuis extenditur por-

ticibus. Octaua, continet partem fori Constantini, incendia excitata sub Iustiniano & Basilisco, usque ad forum Constantini grassata sunt, sub Leone à foro Constantini usq; ad Taurum incendio ædicia conflagrunt. Iam verò mémor quorundam curiosorum, quibus à me aliquando percontantibus, vnde Constatinus Palladium illud adeptus fuisset, respondi mihi dubium videri: Nam quòd Zonaras tradit à Troia, quomodo potuit tot ante seculis deleto Ilio, vt etiam Strabo ipse sedem multis cartis inuestigare conetur? Quid quòd sublatum à Diomede & Vlysse? nam ab antiqua Roma tollere qui potuit toties incensa? præsertim Romanis ipsis ignorantibus, vt ait Procopius, ubi illud esset. Scriptores tamen Latini tradunt à Diomede datum Aeneæ seruatum fuisse Lauinij, postea translatum Rōmam assertum fuisse in æde Vesta. At Græci aliter tradunt, inter quos Pausanias tempore Adriani scribit in arce Mineruæ illud fuisse Athenis omnium sanctissimū, quod iam inde ab initio de communi omnium curiarū consilio dedicatum esset in Acropoli delapsum de cœlo. Quale autem id fuerit, ligneum ne, an æneum, signum an scutum, controuersum est. Quidam scribunt fuisse scutum, vt Romæ ancilia: aliter sentiunt Dion & Diodorus, qui scribunt fuisse signum ligneum & tricubitalē, cœlo lapsum in Pessinunte vrbe Phrygiæ, dextra tenens hastam, laeva colū & fusum: verisimilius est fuisse simulacrum ex nomine Palladis, cuius statua vbiunque fuerit, appellatur Palladiū. Procopius testatur statuam Mineruæ, quam Romani demonstrant in æde Mineruæ, non esse qualem Græci scalpunt: illam enim dicit

cit lapidem esse gerentem imaginem præliantis, & hastam vibrantis: sed & etiam Græci dicunt eius statuam hastam tenere ob robur similiter & clypeū, ex eo, quod sapientia omnes insidias repellit, galeata esse, propterea quod sapientiae fastigium est inuisibile, oleam gerere, quæ est materia lucis, & Gorgonem in pectore habere, ob mentis celeritatem. Minerua in sua Aegide habuit ad pectus pictam Noctuam, & Gorgonem, Noctuam quidem profunditatem indicans consiliorum: omne enim tenebrosum prudentia intelligit, & abscōditum. Sed plura de Palladio quam necesse sit præsenti instituto dixi, idque fortasse ut Palladij notas velut tesserae darem, admoneremque eos, qui post me inter Barbaros peregrinari volent, primūm accedant Constantinopolim, Palladiūmque à Constantino sub terra defossum effodian, ut eo armati insidias, ærumnas incredibilia discrimina repellere queant. Quod ipse oblitus effodore, mecumq; ferre, incidi in omnia pericula, quo si munitus fuisset, ut cæteras insidias evitassem, ita admissus fuisset, in arcem Mineruæ, à qua me Turci reiecerunt, cum diu versatus essem Athenis, cupiens propius spectare templum Mineruæ, etiam nunc extans dorico opere confectum Peristylio circundatum quadraginta octo columnarum. Sed extra iocum, Minerua illa diuinatus de cœlo delapsa, quæ existimatur sapientia patris, prorsus non carui, quæ me non modò in sua æde Sophia nuncupata semel periclitantem, sed sæpiissimè procul apud barbaras gentes abiectum, funditus perditum excitauit, erexit, recreauit.

*De Senatu & Nymphæo, statuis fori Constantini Philadelphio, Musæo, de Labaro & suparis, de morte Arij, & de templis Telluris, Cereris, Persephonæ, Iunonis, Plutonis.*

CAP. IIII.

**A**NTIQVA descriptio in eadem regione ponit columnam purpuream, Senatū, atq; in quinta Nymphæum. Quàm autem hæc ipsa propinqua inter se sita essent non explicat, sed proxima inter se illa fuisse non aliunde cognoscere potui, quàm ex incendio excitato regnante Leone Verinæ marito, quo deflagrassè Zonaras & Cedrinus narrant, in fori Constantiniani parte ad boream vergente domum maximam nuncupatam Senatum, æneis statuis, & lapidibus porphyreticis ornataim, in qua fuit porta Dianæ Ephesiæ Traiani donum de manubiis Scytharum continens Gygantum pugnas, Iouis fulmina, Neptunum cum tridéte, Apollinem cum sagittis in parte portæ infera Gygantes in dracones impetum facientes, manibus glebas iactantes, oculis truculentis suspicientes. In hanc domum Senatus, principésq; ciues conuenientes consilia capiebant, dabántque, atque eandem Rex ipse adibat, cùm vestem consularem capiebat. Opus præclarum & persplendidum, tum eodem incendio iidem illi testantur consumptam fuisse alteram domum sitam è regione Senatus, appellatam Nymphæum, ex eo, quòd in ea domo nuptias hi celebrarent, qui domos non haberent capaces multitudinis, iidem dicút etiam in huius fori parte occidentali statuam fuisse Mineruæ Lindiæ, quæ gerebat galeam, habebátq; Gorgonium monstrum, & collum circumPLICATUM serpétibus, sic enim

Miner

Mineruæ simulacrum antiqui consignant. Fuisse etiam in parte fori oriëtali Cedrinus tradit Amphitriten vnā ex Sirenibus habentem forcipes cancri in capitis temporibus, ignotus scriptor asserit in eadem parte fori Sirenas fuisse, quas quidam appellarent equos marinos, earum treis etiam sua ætate extitisse ad diui Mamantis locum suburbanum. In fori Constantiniani parte vergente ad boream fuisse crucem illam pergrandē à Constantino excitatam supra columnam excelsam, quam viderat in cœlo. Cùm omnes testantur, tum Eusebius etsi nominatim non dicit in foro, tamen in media vrbe regia cùm illum excitasse testatur. Roma antiqua par est, vt etiam in media noua Roma eandem constituisse, cùm idem testetur in omnibus regiis ædibus, atque aliis insignibus locis Constantinopoleos ipsam statuisse, qualem viderat in cœlo, in cuius symbolū Sozomenus Salaminius scribit Constantinū transmutasse nuncupatum à Romanis Labarū insigne bellicū omnium honoratissimum, quod Regem antecedere, & à milibus adorandum esse lege sancitum erat: quod Romani imperij signum nobiliissimum Constantinum arbitror præcipue in Christi signum commutasse, vt consueto aspectu & cultu desuenserent à ritibus patriis subditi, de quo Prudentius: Christus purpuream gemmati tex-tus in auro signabat Labarū, clypeorum insignia Christus scripserat, ardebat summis crux addita cristis. Quod Eusebius æqualis temporum Constantini testatur se suis oculis vidisse in hanc formam confectū, pro-cera, inquit, hastā cornu habebat transuersum in crucis formam facta, in cuius suprema parte corona ex lapi-

dibus pretiosis; auróque affabré facta erat, in qua salutaris nominis nota Christi nomen duabus primis literis designabat, quas coronæ circulus complectebatur, in quo medio r. litera designabat figuram illam, quæ Chiasmus Græcè appellatur: ex cornu transuerso quod secabat hastam, velum appensum erat. Ex qua quidem Eusebij descriptione quid sit Labarū intelligere licet, quid Syparum, quod Labari partē esse, quam Eusebius dicit velū appensum ex cornu crucis transuerso ex Tertulliano colligere licet, qui longe ante Eusebiū & Constantinum Labarum expressit crucis similitudinem gerere in hanc sententiam, *Qui crucis nos religiosos putat, consacraneus noster erit, cum lignum aliquod propitiatur viderit habitus, cum materia qualitas sit eadē, viderit forma, dum ipsum Dei corpus sit, & tamen quantum distinguitur à crucis stipite Pallas Atticā, & Ceres farrea, quæ sine effigie rudi palo, & informi ligno præstat: Pars crucis est omne robur, quod erecta statione defigitur, nos sic fortè integrum, & totum Deo colimus, sed & victorias adoratis, cum in trophyis crucis intestina sint trophyorum: Religio Romanorum tota castrensis, signa veneratur, signa iurant, omnibus diis præponit, omnes illi imaginum suggestus insignes; monilia crucium sunt, Sypara illa vexillorum, & Labarorum stolæ crucium sunt, laudo diligentiam, holuiisti nudas & incultas crucēs consecrare. Arnobius siue Minutius Felix eadem tradit. Cruces, inquit, nec colimus, nec optamus, vos planè, qui ligneos deos consecratis, crucēs lignreas, ut deorum vestrorū partes forsitan adoratis: nam & signa ipsa & Labara vexilla castrorum, quid aliud, quam*

quām inauratæ crucēs sunt, & ornatæ? Trophæa vestra  
victoria non tantūm simplicis crucis faciem, verūm &  
affixi hominis imitantur. Ex quibus patet Sypara esse  
vela, quæ appensa erant ex Labaris, hoc est, ex insigni-  
bus militaribus & trophæis, quæ insculpta Romæ in for-  
nicibus Imperatorum etiam Labara appellare possu-  
mus, & vexilla insculpta cùm alibi, tum in Cochlide  
Traiani quadrata, ut nauī vela, Sypara appellare pos-  
sumus. Denique omnia insignia Romanæ militiæ, o-  
mniaque trophæa, quæ sculpta Romæ videntur crucis  
similitudinem gerut. Seneca significat Sypara, siue Su-  
para esse velum insigne nauium Alexandrinarum, qui-  
bus solis licebat Suparum intendere, quod in alto non  
omnes naues habent. Lucanus Supara velorum dixit,  
aliâs Suparum, siue Syparum vestimentum puellarum  
est lineum, de quo Afranius: Puellæ non sum, si Supa-  
ro inducta non sum. Prætereo quòd ad hoc institutum  
non pertinet Festum & Donatum scribentes Syparium  
scenicum esse velum, quo Mimi Scenicique artifices  
vtebantur ad scenam velandam, quod populo obser-  
bat, & hæc Syparia pro auleis ætas posterior usurpauit,  
de quo intellexit Satyricus Poëta: Consumptis opibus  
vocem Damasippe locasti Sypario. Apuleius ait, Auleo  
subducto, & complicitis Sypariis scena disponitur. Se-  
neca nuncupat verba, & coturno, & Sypariis fortiora,  
quæ grandia sunt, & supra sublimitatem tragicam ex-  
tolluntur. Vnde nos etiam appellare possimus Sypara  
crucium & velorum ob eoru excelsam sublimitatem.  
Iure quispiam me iam dicet egredi paulò longius ex-  
tra institutum, fateor. Sed quid faciam, nisi paululum  
respi

respirem, coactus in tantas angustias ruinarum nouæ Romæ? Ex qua etiam cùm floreret, ciues liberi cœlum suspicere non poterant ob illius angustias. Ego verò pergrinus quid videre possum, vbi nemo indigena quicquam mihi monstrare potuit, itaq; vel argumenti exilitate augenda, vel respirādi causa respondebo his, qui crucem in cœlo visam à Constantino, putant à monachis introductam. Nullum miraculum extare mihi videtur in monumentis literarū pluribus testimoniis probatum oculatis, quod Eusebius illorum temporū æqualis tradit non modò visum à Constantino, sed etiam à toto exercitu in ipsa die media, quod non modò Christiani homines illius ætatis, sed etiam dubij quāuis crucem detestarentur professi sunt. Tanta fuit huius rei fama, vt Romani testentur in arcu triūphali, quem Constantino dedicarūt instinctu diuinitatis vicisse Maxentium: etsi modò Maxentiani & parum religioni Christianæ conciliati, adeò vt in arcu Constantini non immutarint in eam crucis figuram, in quam immutauerat Constantinus: sed talia insculpenda curarint, qualia Traianus, Seuerus, reliquique imperatores gestasse videntur ex antiquis monumentis etiamnum Romæ extantibus. Nazarium Christianū fuisse ex eius filia Euphemia virginе Christiana suspicor magis, quām ex panegyrico perspicio, quē dixit Constantino, vbi ait: In ore omnium Galliarum visos esse, qui se diuinitus missos præ se ferrent, & quamvis cœlestia sub oculis hominum venire non soleant, quod crassam & caligantē aciem simplex, & inconcreta substātia naturę tenuis eludat: illi tamen, inquit, auxiliatores tui, aspici, viderique patientes, vbi meri

meritum tuum testificati sunt mortalis visus cōtagium refugerunt. Sed quæ nam illa fuisse dicitur species? qui vigor corporis, quæ amplitudo membrorum? quæ alacritas voluntatum? flagrabant verendum nescio quid, vmbone corusci, & cœlestium armorum lux terribilis ardebat: tales enim venerant, vt tui crederentur. Hæc ipsorū sermocinatio, hoc inter audientes ferebant: Constantinum petimus, Constantino imus auxilio. Habēt prefectò & diuinajactantiam, & cœlestia quoque tangit ambitio, illi cœlo lapti, illi diuinitus missi, gloriaabantur, quod tibi militabant. Omitto cætera pleraque. Quidam scribunt locum, in quo erexit hanc grandem crucem supra columnam auratam fuisse in Philadelphia, collegio eorum, qui Musis studerent, quod fuisse prope columnam purpuream ostendit Epigramma in id inscriptum:

Ἐν τῷ πορφυρῷ λίου εἰς τὸ φιλαθέλφιον.

Ἐννυσ μὲν Βασιλεῖ μαστίλιθῳ δρύας Βοῶσι  
Δημόσια ἀγναρκία πράγματα τίσιν ἔχει  
Μαστίου ρώμη οὐ ἔχειται, καὶ Βασιλῆς  
Εἰκόνα θεωρεῖται γνώστης ἔρατες θέματα  
Τιμᾶς μαστοπόλεως ωάλεις χάρεις ἐλπίδα λινεῖς  
Ἐπλα ἡ ταῦς αρετᾶς χρήματα τοῖς ἄγαθοῖς  
Ταῦτα λόγοις αὐτέθηκεν ἐκών μαστίλιθῳ δρύᾳ.  
Πιστώμη λαζαρέως θεός δὲ λόγος.

Iulianus præfetus urbis ante Musarum domum Anastasij statuam auream posuit nobilitatam versibus geminis, quibus etsi ingeniosis, & multis tamē in qua parte urbis illa domus fuerit, nō intelligitur. Cūm Manue-li Regi denuntiatum esset in fori Constantiniani parte

occidentali supra fornicem, iam inde ab antiquis temporibus stare muliebres statuas ex ære factas, vnam Romæam, alteram Vngaram, ac Romanam à sua base excedentem propendere: Vngaram stare rectam in sua sede, Regem ea denuntiatione permotū, misisse fabros, qui erigerent Romæam, & demolirētur Vngaram: existimantem statuarum mutatione Romæas res mutari, extollīq;. In eodem foro cùm aliorum insignium viorum statuæ erant, tum Longini Præfecti vrbis, in quem Arabius Scholasticus inscripsit hos versus,

Νᾶλθο, πορτις, ἕκηρ, σόλιμοι, θύσις, αργυρίς, ἔνθο,  
καὶ λόλχοι, σιφέλωψ ἐγγύθι λαωκασίωψ,  
καὶ πεδία λώσια τολνασθρέωψ ἄγαριαδψ  
λογίντα ταχιαῶψ μάρτυρος εἰσι τόνωψ.  
Ἄσ ἡ ταχὺς Βασιλῆι θιάκερθος ἅγιος δύναμις  
καὶ ταχὺς ἀριώψ ἄπασε λανθεμεῖλα.

Prætereo Themistium Philosophum, quem Constantinopoli præfecerat Valentinianus & Valens suis scriptis nobiliorem, quām statua vlla, vrbisque præfectura prope forum Constantini. Socrates narrat Arium illum Arianæ sectæ principem periisse. Arius, inquit, cùm esset Constantinum magnū allocutus, ex aula regia egreditus, stipatus Eusebij satellitibus, per medium vrbem circumspectatus incedebat, postquām prope forum Constantini venisset, vbi purpurea colūna extat, metu quodam conscientiæ animi sui sic perterrefactus est, ut valde alui deiectione commoueretur, ac cùm percuntatus esset, vbinam prope secessus esset, didicissimèque pone forum Constantini secessum, eo accessit: animi defectio hominē vrget, insimul cum vehementi alui deiectione inten-

intestinū excidit , & sanguinis copia sequitur , & simul  
cum sanguine tenuia intestina , & iecur , & lien : ibique  
subita morte periit . Socrates adiūgit hunc secessum sua  
ætate monstrari ponè forum Constatini , & macelli in  
porticu , iam verò eorum , quæ traduntur fuisse in foro  
Constantini , excepta porphyretica colūna nihil extat :  
ne forum quidem , nempe totum exedificatum , adeò ut  
columnæ porphyreticæ astructum sit Xenodochium ,  
& prope ædes religionis Mametanæ ab Alibassæ ædifi-  
cata . Cuius vestibulum benè amplum marmoreum sex  
columnis luculentis ornatum est , quatuor quidem mar-  
moris albi , duabus verò Thebaici , quarum imus scapus  
habet perimetrum septem pedum & quatuor digitorū ,  
quæ etsi benè proceræ sunt : tamen habent binas bases ,  
inferiorem marmoream , superiorem æream , ut habere  
solent pleræque Turcorum , qui hoc didicerunt , ut ple-  
raque à Græcis solitis colūnas augere spiris æreis . Prope  
hanc ædē via dyntaxat intermedia schola est profiten-  
tium Mametanam theologiam , vbi est atrium quadra-  
tum circundatum porticu sustentata duodeuiginti col-  
umnis , partim viridibus , partim albis . Paulò infra Ali-  
bassæ ædem est altera ædes religionis Turcicæ posita in  
superculo vallis secundæ , quæ vestibulum marmoreum  
habet sex columnis nitens , quarum duo sunt marmoris  
pyropæcili , duæ albi , vndis glaucis varij , duæ marmo-  
ris misti obscurè virentis , & maculis albis distincti . Ex  
his , quæ antè scripsi fuisse in secundo colle explorata est  
pars regionis tertiaræ , in qua Tribunal fori Constantini  
consistebat , & tota ferè regio quinta & sexta . Præterea  
in secundi collis partim cliuis , partim in planicie litto-

rali sub ipsum subiecta, Dionysius Byzātius ponit ædes Telluris, Cereris, Proserpinæ, Iunonis, Plutonis, Telluris quidem supra sinum extra mœnia antiqui Byzantij templum non tectum, designans antiquæ Telluris vim liberam clausum parietibus lapide expolito cōstructis. Supra Telluris templum ait fuisse Cereris, & Proserpinæ templo paria, in eisque picturas copiosas prioris seculi insignes reliquias, statuásque exactæ artis non inferiores, summa arte elaboratas, ad exitū siue abscessum maris fuisse duo templo Iunonis, & Plutonis, eorumq; nihil superfuisse sua ætate, nisi nomina, Iunonis quidē Persas combusſisse in expeditione Darij cōtra Scythes vlcifcentis ea, quæ Byzantini accusabantur in Regem moliti esse, Philippum verò Macedonem cùm Byzantium obsideret, materiāque egeret Plutonis templum euertisse: sed hominum memoriā cognomina illorum retinuisse. Hoc enim Plutonis Acram, illud æream Acras, id est, Iunoniam appellatam esse, ibique iuvenes quotannis hostias maestasse anno desinēte & incipientē. Has Acras fuisse in cliuis secundi collis potius, quam in planicie littorali sub ipsum subiecta verisimilius videtur ei, qui vidit hanc maritimam planitatem, in qua nulla Acras est, itaque Dionysium cùm ait Plutonis & Iunonis Acras esse, οὐ ἀπόκειται οὐδελάτης. Has Acras fuisse in parte collis attingēte mare cùm fortè tum portus clausi, & naualia manufacta in planicie maritimā attingerent collis radices, portusque cornua efficerent Acras, aut si aliter res habet, Acræ interpretandæ sunt oræ maritimæ. Sed de his copiosius in tractatione Bospori.

**A**NTEQVAM venissem in rem præsentem facile existimabam me percepturum situm septimæ regionis ex antiqua regionum descriptione, quæ dicit eam in comparatione superioris planioris, quamvis & ipsam circa lateris sui extremitatem abire in mare decliuorem, quis ex his eam agnosceret, cum aliæ regiones vrbis abeant in mare decliuores circa sui lateris extremitatē? Nam quod addit hanc à parte dextra columnæ Constantini usque ad forum Theodosij continuis extensam porticibus, & de latere alio quoque pari ratione porrectis usque ad mare velut seipsam inclinare, & ita deduci, habere autem Ecclesias tres: Hirenem, Anastasiam, & sancti Pauli. Columnam Theodosij intrinsecus usque ad summitatem gradibus peruiam, partemque eiusdem fori, quod cum neque extet, neque eius memoriam retineant nostræ ætatis homines, in quo loco fuerit, neq; vlla, quæ tradantur fuisse in hac regione supersint, mihi primùm videbatur dubium, quæ pars columnæ esset dextra, à quo quidem dubbio non me liberabat Titus Luuius, scribens Romulum regiones ab Oriente ad Occasum determinasse dextras ad Meridiem, partes leuásque ad Septentrionem: nam eo modo vergeret hæc regio ad Meridiem, cum tamen postea sim demonstratus vergere ad Septentrionem. Neque Geographi me expediebant, qui Septentrionalē plagam respicientes ubi altitudinem poli querunt, orientalem partem habent dextram. Varro Astrologorum Orizontem distinguient rationem secutus non nihil lucis mihi afferebat, cum definit partes cœli qua-

tuor, sinistram ab Oriente, dextram ab Occasu, antiquam ad Meridiem, posticam ad Septentrionem. Hac Varronis diuisione iudicabam septimā regionem esse ad occasum columnæ, sed certus non eram an Rōmuli cœli diuisionem, an Astrologorum sequeretur antiqua descriptio. Itaque adhuc hæsitabam quoad tādem magna inquisitione deprehendi vbi fuisset Theodosij columnæ, & vestigia quædam templorum Anastasij & Hirene: ex quibus cognoui septimā regionem vergere à summo dorso promontorij ad sinum, clariūsque antiquam descriptionem potuisse loqui, si ita descripsisset ab Oriente ad Occasum pergenti à parte dextra, septimam regionem à columnâ Constantini usque ad forum Theodosij continuis extēsam esse porticibus. Hæc regio continebat loca vbi hodie maximum totius urbis forum, quod Turci Bezesten appellant, vbi omnia pretiosa à mercatoribus vendi solita afferuātur, ut tem poribus regum Christianorum in domo Lampterum. Hanc alibi, quām vbi hodie est forum Turcorū coniūcio ex incēdio incitato ex miliario aureo sub Rege Iustiniano, quo Cedrinus tradit conflagrassè magnā partem urbis, & magnam sacram ædem, eiūsque Carthophilacum, & duas porticus usque ad forum Constantini, atque Octogonon, & Seueri balneum appellatuni Zeuxippum, simūlque insignem domum appellatam Lampterum à luminibus vespertino tempore lucere solitis, tectum ligneum habentem, in qua mercatorum facultates afferuabantur, ut sérica, & auro contexta, aliaque pretiosa: denique omnia pulchra urbis ornamenta eo incendio exarserunt, quæ reliqua superfuerant ex priore

priore illo magno incendio. Potuisse reddere Lampteras, Latinè Lucernas, nisi nomina propria traduci non debere existimarem, nisi Titus Liuius Lamptera usurpasset. In sinu, inquit, maris intimo posita vrbis Phocæa est, oblonga forma duum milliū & quingentorum passuum spatium, murus amplectitur totidem ex utræque parte in arctiorem velut cuneum, Lamptera ipsi appellant mille & ducentos passus, ibi latitudo patet, inde in altum lingua mille passuum excurrens medium ferè sinum velut nota distinguit, vrbis cohæret faucibus angustis, duos in utræque regionem versos portus tutissimos habet, qui in Meridiem vergit Nausthamos ab re appellatus, quia ingentem vim nauium capit, alter prope ipsum Lamptera est. Vnde verò mihi proximum videtur Massilienses Phocensium colonos appellassem Lamptra stagnum in ora Provinciæ Narbonensis situm, quod Laternam vocat Plinianus Codex in lucem editus.

*De Tauro, & foro Theodosij, & columna Cochlide Theodosij, & de Thetrapylō, & Pyramide ventorum, de statuis Arcadij & Honori, de templis Hirenæ & Anastasie, & de Scironijs petris.*

#### C A P V T V I .

**C**v'm existimarem me non planè assequi posse septimam regionem, neq; Taurum, qui ut cognosci non potest, nisi cognita Theodosij Cochlide columna, ita sine Tauro non cognoscitur octaua regio. Magno studio inuestigauit illorum vestigia, cùmq; diu ubi columna fuisset Theodosij intrinsecus usque

vsque ad summitem peruia inuestigasse, tandem à paucis accepi, iisque senibus sitam fuisse in supercilio dorsi continentis planitiē iugalem tertij collis vergente ad occasum hybernum prope balneum nouū, quod ædificauit Paiázitus Rex, qui eam columnam, ut commodius balneum cōstrueret ante quadraginta annos, quām ego Byzantium venissem euerterat. Supra id bālneum versus boream est via lata habēs tabernas librarias, & cisternām antiquam à borea autem claustrum regiarum Gyneconitidūm, quę quidem via lata dilatatur in aream magnam versus Orientem, in qua extrema orientali est sepulchrū Regis Paiaziti, cum templo & Xenodochio. Hanc Theodosij columnam Cedrinus, inquit, ex omnibus partibus fuisse similem illi, quam Arcadius erexit, in hūc diem in Xerolopho colle extantem, eam nos suo loco describemus. Zonaras ait columnam Tauri à magno Theodosio excitatam trophæa, & pugnas Theodosij habentem bene pugnatas contra Scythas & Barbaros, tum viam intus sursum fermentem, tum Theodosij statuam in summo fastigio statutam, quæ cecidit terræmotu eo anno, quo Roma antiqua capta est. Anastasius Rex multa opera ex ære facta, inter quæ erat magni Constantini statua fudit, effecitque sui nominis, ac tituli statuam æneā equestrem inauratam, eāmq; supra columnam Tauri, in qua prius fuerat Theodosij magni statua collocauit. Ex his cognoscimus Taurum fuisse, vbi colūna Theodosij fuit, quibus cognitis cognoscimus in tertij collis dorso, & cliuis eiusdem septimam regionem fuisse, habentē porticus continuas à columnā Constantini ad forū Theodosij,

dosij, quod et si septima regio continet, et si non addit, quām prope columnā Theodosij id fuerit: tamen proximē fuisse colligere licet, non modō ex æmulatione fori Traiani Hispani, qui Romæ in medio foro sui nominis habuit similem columnam ei, quam Theodosius Hispanus in noua Roma postea erexit: sed etiā ex Euaglio assequimur, tradente incendium sub Leone ædificia combussisse à foro Constantini usque ad forū Tauri. Constatinopolitanus senex mihi narrabat etiam sua ætate forum Tauri extitisse ubi columnam Theodosij dixi non minus Hippodromo plenū innatis arboribus, & quoniam ibi latrocinia fierent Mametem Regē, qui urbem cœpit ex ædificandum dedisse volentibus ædificare. Iam verò partem fori Theodosij occupasse forum. Pistorium, aut vicinum illi fuisse coniicio ex Zonara tradente Nicephorum Phocam Regem ex Palatio ad fontem aureum, & prope portam auream sito redeuntem à populo conuitiis exceptum fuisse apud forum ἡπερπολίων, usq; ad columnam Constantini. Ignotus scriptor tradit Taurum fuisse in columna prope forum ἡπερπολίων, in aula lapidibus strata, atque illic etiam fuisse portas quatuor in structura quadrilatera, & quatuor porticus in circuitu, quod appellat Thetrapylum, idq; dicit prius Quatriuum nominatum. Georgius Cedrinus ponit Thetrapylum non procul à Tauri foro, cùm inquit incendium regnante Leone exussisse in Tauro duas sacras èdes maximas omni genere lapidum ornatas, ynam quidem non longè à Thetrapyllo, alteram incumbentem foro Tauri. Idem loquens de incendio altero incitato sub Leone id dicit, obuia quæq; consum-

psisse ab æreō Thetrapylo vsq; ad templum quod non nominat: antiqua regionū descriptio vrbis, tradit Constantinopolim habuisse vnum Thetrapylum aureum, sed nō scribit in qua regione fuerit, nescio: an vrbs duo Thetrapyla habuerit, vnum aureum, alterum æreum, an duntaxat vnum, quod fuerit primò aureum, deinde auro sublato æreum remanserit. Ioannes Rhetor sicut citatur ab Euagrio, narrat temporibus Zenonis Regis Mamianum insignem senatorem Constantinopoli fecisse regias porticus structura decoras, illustrique splendore ornatas, atque inter duas porticas tanquam quoddam confinium excitasse Thetrapylum, columnisq; & ærea materia ornassee: ac sua quidem ætate porticus regium nomen obtinuisse prioris ornamenti reliquias marorum Proconnessiorum humi stratorum gestantes, sed structuram insignem non retinentes: at Thetrapylis ne tenue quidem vestigium remansisse. Ignotus author dicit in Thetrapylo fuisse cubiculum supra columnas, vbi defuncti Regis consanguinei, & Regina exodion exciperent, & flerent mortuum intro abditi velis, vsque ad sextam diei horam. Tum defunctum prætereuntem exciperent, & comitarentur vsque ad templum Apostolorum, vbi mos erat sepelire reges, Thetrapylū mihi videtur fuisse templum olim quadrifrontis Iani non longè à Capitolio Constantinopolitano, vt olim fuit Romæ quatuor portis ornatum quatuor anni tempora designans. Ianus enim appellatur ab eundo, ideoq; transitiones peruiæ Iano sacræ, & fores ædium ianuæ nominantur. Quidam scribunt in foro Pistorio fuisse Tetrasceles pyramidatū. Georgius Cedrinus ait Tetrasceles esse

esse machinam quadricrurem, quam dicit ventorum  
~~ἀνέμη~~, hoc est, pugnam appellatam magnum Theodo-  
sium excitasse pyramidis figuram gerentem, animali-  
bus scalptis ornatam, & plantis, & fructibus, & corym-  
bis aureis punicorum malorum similitudinem geren-  
tibus, & nudis cupidinibus, quorum alij inter se arride-  
bant, & superiores inferioribus illudebant, alij saltabat,  
iuuenes tubis æneis ventos inspirabant, in summa py-  
ramide simulacrum æreum volucre situm fatus ven-  
torum indicabat, statuæ Arcadij & Honorij erant pro-  
pè columnam Thedosij patris, Arcadij quidem in for-  
nice orientali, Honorij verò in fornice occidentali. So-  
crates populi Christiani historiae concionalis scriptor,  
tradit ex aqueductu, quem Valens in urbem induxerat,  
& construxerat ex ruinis Chalcedonis Clearchum urbi  
præfectum νερόν maximum construxisse in foro, sua  
ætate appellato Theodosij, quod vulgari sermone di-  
ctum est aqua liberalis, & abundans, propter quam po-  
pulus hilarem festū egit: quod Socrates appellat νερόν,  
hoc est, Cisternam, siue Lacū. Zonaras & Cedrinus ap-  
pellant Nymphæum, quod similiter dicunt præfectum  
urbis ex aqueductu Valentis construxisse in Tauro, fe-  
stūnque maximum celebrasse, omnemq; populum con-  
uiuio excepisse. Ex quibus assequimur, quod Socrates  
forūm Theodosij appellat, Zonaras & Cedrinus apel-  
lant Taurum, idémq; esse forum Tauri, & forum Theo-  
dosij: Nymphæumque Tauri aliud esse, & diuersum à  
Nymphæo, quod prope forum Constantini situm è re-  
gione Senatus, antè vidimus domum magnam fuisse  
ex eo sic appellata, quod in ea nuptias hi celebrarēt,

qui domos non haberēt capaces multitudinis. At illud Tauri Nymphæum fuisse, siue lacum, siue piscinam, siue cisternam, quam fuisse intra claustrum Gyneconitidum regiarum occupans partem fori Theodosij verisimile est, in quas penetrat aqueductus Valentis, ex quo multa castella aquæ sita, cum in lateribus tertij collis, tum maxima in claustro mulierum regiarum. Thermas Carosianas à Carosa filia Valétilis Regis nominatas fuisse in tertio colle liquet ex antiqua regionum vrbis descriptione, sed in qua parte non explicatur, neque ipse definire possum an funditus perierint, an in earum fundamentis sint ædificatae thermæ, quas maximas à Turcis ædificatas videmus partim in dorso tertij collis, partim in lateribus. Antiqua descriptio regionum ponit in hac septima regione ædes Hirenæ, & Anastasiæ, sed in qua parte fuerint, non declarat, neque nunc ex vestigiis cognosci potest, sed ex historia deprehendi potest ædes Hirenæ, in qua parte collis tertij fuerit, quæ tradit cum yrbs caperetur à Frâcis, & Venetis incendium exortum fuisse à Synagogio Saracenorum in parte inclinata ad mare, & vergente ad boream proxima templo diuæ Hirenæ. Id fuisse intra septum regiarum mulierum primò intellexi à senibus nescio quibus, deinde aduerti turrim excelsam extra claustrum mulierū, sitam in latere tertij collis vergente ad ortum æstium, quadratam Hyrenem etiamnum vulgo appellatam, nescio an ab æde diuæ Hirenæ, an à Regina Hirene. Tria Hirenæ tempora Constantinopoli fuisse reperio ex literarum monumentis, primum antiquæ Hirenæ nuncupatum, quod Socrates tradit magnum Constantinum ædificasse, id prope

prope Sophiam fuisse ante demōstrauimus, secundum quod iam dico positum in tertio colle, quod antiqua vrbis regionum descriptio tradit fuisse in septima regione, tertium ponit Procopius tradens Iustinianum ædificasse ad ostium sinus Cornu nuncupati templum Hirrenæ martyris, iam verò templum Anastasiæ dicunt alij fuisse eo loco, vbi est Bezestannum nouum, hoc est, Basilica noua. Alij vbi visitur hodie cisterna multis columnis marmoreis sustentata, sita inter fori Basilicas, & sepulcrum, & Xenodochium Paiaziti Regis. Sozomenus ait Gregoriū cùm ex Nazianzo migrasset Constantinopolim conciones habuisse in ædicula à studiis suarum concionum structa, quam postea reges per illumstrem structura & amplitudine maximā effecerunt, Anastasiāmque nominarunt: siue ex eo, quòd illa ipsa, quæ in concilio Nycæno constituta fuissent, & iam dum Constatinopoli intermortua iacerent, in hac æde iterum emerserint, & reuixerint, Gregorij Nazianzeni concionibus, siue, inquit, cùm esset in hanc ædem multitudo populi congregata, mulierque grauida ex superiori porticu cecidisset, eoque casu interiisset, communī facta omnium prece reuixit, ex eoque ædes appellata est Anastasia. Ex his Sozomeni verbis patet errare recentes hanc ædem diuæ Anastasiæ Romanæ attribuentes, descriptio regionum vrbis duntaxat appellat ecclesiam Anastasiam (quam ego arbitror esse) vnam fuisse ex his duabus, quas maximas & ornatas omni genere lapidum Cédrinus scribit incendio excitato regnante Leone conflagrassæ, vnam non procul à Thetrapylo, alteram incumbentem foro Tauri. Cùm de Bosporo

Thracio scripsi, demonstrauit, ut in clivis infimis tertij collis vergentibus ad Septentrionem sitæ essent petræ Scironides, à Megarensibus & Corinthiis deductoribus coloniæ Byzantinæ ita nominatae ob similitudinem difficultis loci, quam habent cum petris Scironiis sitis inter isthmum Corinthiacum, & Megaram. Iam verò quid tertius collis præcipuum contineat, dicam. Est in eius dorso sepulchrum Paiaziti Regis cum Xenodochio, & ampla æde Mamehana ab eo excitata ad similitudinem Sophiæ ædificata, quæ concamerata opere lateritio & tecta plumbo vestibulum habet amplum, stratum more albo, circundatum quatuor porticibus, quas sustinent insignes columnæ exquisitissimi marmoris, in quo medio exilit aqua in sublime, deinde decidit in magnū craterem emittentem aquam salientem multis siphunculis. Aedes cum vestibulo circundata ex tribus partibus magna area, clausa partim muris, partim Xenodochio, ex quarta parte contiguo horto, in quo medio est sepulchrum Paiaziti Regis, ædicula Cylindri medij similitudinem gerenti circundatū. Præterea in tertij collis dorso sunt Palatia Gynæconitidum regiarum clausa excelsō muro, qui cùm venissem Byzantium ambibat plusquā duo miliaria. Nuper Soltanus Soleimanus occupauit mediā partem ingentibus substructionibus sui futuri sepulchri & Xenodochij, quæ nunc excitantur luculentis marmoribus conqueritis ex multis regionibus imperij Turcici, ut videoas humi iacētia infinita genera marmororum, non quidem nuper excisa ex lapidicina, sed infinitis antè seculis vagantia per diuersa regnantium ædicia. non modò Byzatijs, sed totius Graecia,

ciæ, atque adeò Aegypti. In regione septima, tres vidi cisternas antiquas, quarum non meminit antiqua vrbis descriptio, vnam in foro Tauri, alteram inter Regis Pajaziti sepulchrum, & forum Bezestannum, vtrisque columnis marmoreis sustentatas: tertiam in tertij collis cliuo vergente ad Septentrionem, ad quam adhuc extant sex columnæ Corinthiæ marmoris Arabici affabrefactæ, benè proceræ & crassæ. Sub columnarum stylobatis est tubus aquæ testaceus, ex quo aqua defluebat in cisternam lateritiam, cuius concamerationem similiter lateritiam sustinent viginti pilæ lateritiæ. Supra cisternam olim erat area ædis religionis Christianæ, quam reges Turcorum demoliti sunt, eiisque rediuiuis lapidibus ædificia sua adornarunt. In latere eiusdem collis pertinente ad occasum templum Mametanum extat, quod habet vestibulum sustetatum duodecim columnis, quarū sex Arabici marmoris. Paulò supra hoc templo est aliud templum olim dicatum diuō Theodo-ro, ornatum columnis, id non illud quidem est, quod Procopius tradit Iustinianum ædificasse ante mœnia vrbis in loco nuncupato Rheslio: alia ædes olim Christiana nunc Mametana extat inter septum mulierum & sepulchrū, quod excitauit Rex Soleimanus filio suo Mametho, vestita crustis varijs marmoris.

*De octava regione, & de postera parte tertij collis.*

C A P V T . VII.

**C T A V A M** regionem fuisse à tergo tertij collis vergente ad Meridiē, non assequor ex antiqua regionum vrbis descriptione, quæ tradit

octa

octauam regionem ex parte Tauri nulla maris vicinitate conterminam angustiorem, quam latiorem spatia sua in latitudinem compesare: ex hac enim descriptione nescio vergat ne ad Meridiem, an ad Septentrionem: sed ex eo octauam regionem agnosco, quod tradit eam continuisse partem fori Constantini, & porticum sinistram Taurum usque iam edoctus septimam regionem continuisse porticum dextram à columna purpurea ad forum Theodosij. Ex quibus intelligo partem promontorij, à mari pertinentem ad mare sitā inter columnam porphyreticam, & Taurum, in dorso diuidi in septentrionale latus, & meridionale porticibus dextris, & sinistris perpetuis à columna purpurea ad Taurum usq; portatis, diuidentibus septimā regionem ab octaua, illam continere porticus dextras, hanc sinistras. Harum porticuum nulla hodie vestigia extant, sed dunataxat via latā, quæ per medium promontorij dorsum à Sophia ad muros terrestres discurrit. Hæc regio continebat etiam Capitolium, & Basilicam Theodosianam, quæ ambo verisimile est fuisse prope Theodosij forum, eiūsq; columnam, atque etiam ex Zonara & Georgio Cedrino colligere possumus, tradentibus incendium illud impe rante Leone excitatum consumpsisse in Tauro domum maximam, & maximè illustrem accommodatam consiliariis, & regi: illis quidem ad simul conuenientum, & consultandum de rebus agendis, huic vero cum esset Consul ad præsidendum consilio, quam iidem addunt habuisse duodecim columnas varias ex marmore Troico factas, altas viginti quinque pedes, cuius tectum sustineretur quatuor arcibus, huiusque domus longitudinem

dinem adiungunt fuisse plus minus ducentorū & quadraginta, latitudinem verò centum quadraginta pedū, hanc domum fuisse Basilikam Theodosianam, aut Capitoliū. Ex his, quæ iam antè dixi existimare licet, quæ quidem ipsa post incendium quoquo modo fuerint refecta nomen amisisse colligo ex recentioribus scriptoribus, tradentibus in TAURO fuisse Palatium & Xenodochium, à quibus non dissentīt quidam senes Constantinopolitani, qui testātur etiam sua memoria circa domum, vbi hodie cuditur moneta, vicinam foro Theodosij fuisse Palatium magnum, quod aliqui dicunt Mamehem Regem, qui cœpit Constantinopolim prius incoluisse, quām construxisset ingen̄ illud claustrum Palatij siti in primo colle, ex illiusque ruinis reges Turcorum sua ædificia ornasse. Xenodochiū, seu potius templum, quod erat ad occasum æstiuum Tauri vidi dirui, ipsiusque columnas transferri in ædificationem Xenodochij, quod Rex Soleimanus in monumentum Chari filij construxit. Videant sacerdotes Græci, an hoc templum fuerit diui Pauli, quod septima regio continebat, ipse nunquam eorum quenquam inuenire potui, à quo id intelligere potuerim.

*De nona regione, & de templo Concordiae, & de horreis Alexandriae, & Theodosij, & thermis Anastasianis, & de domo Crateri, & Modio, & de templo Solis & Lunæ.*

C A P . V I I I .

**R**E G I O N E M nonam fuisse à tergo tertij collis partim in cliuis subiectis sub dorsum, in quo Taurum dixi, partim subditis iugo, in quo vi-

dēmus partem aqueductus orientalem, & templū, quod filio dedicasse Regem Soleimanum antè dixi, partim in planicie littoris Propontici extēsi usque ad Blanchæ hortos, vbi olim portus Theodosiacus, cùm ex aliis scriptoribus colligo, tum maximè non modò ex antiqua descriptione, quæ tradit regionem nonam pronam omnem, & in Nothum deflexam extēsi maris littoribus terminari: sed etiā ex octaua regione, quæ cùm ex parte Tauri nulla maris vicinitate terminetur, assequor octā uam regionem occupasse planitem dorsi, in qua dixi Taurum fuisse, non autē sub hanc planitem subiectos cliuos, nonāmque regionem sub octaua partim subiectam fuisse ex ea parte, quæ tēdit à Tauro ad Nothum, & littus Proponticum, partim positam fuisse in cliuis duplice inclinatione deuexis, vna à Tauro ad occasum hybernum, altera ab ædibus Genesarorū ad Meridiem: tum etiam ex æde Concordiæ percipitur, vbi nona regio fuerit: sed in qua parte huius regionis templū Concordiæ, horreaque Alexandrina, & Theodosiana fuerint, nona regio, quæ illa continet, non declarat: sed vel ratione, vel aliorum scriptorum testimonio consequi possumus. Euagrius vbi tēplum Cōcordiæ fuerit (quam regionum descriptio ὁμονία vocat) designat, describēs incendium imperante Leone excitatum in parte urbis ad boream vergenti sacuisse à Bosporio portu usque ad Apollinis templum antiquum, in parte verò urbis meridiana à portu Iuliani usque ad domos non longè sitas ab æde Concordiæ. In media autē urbe à foro Constantini usque ad Taurum, idque incendium per longitudinem urbis extensum fuisse in quinque stadia. Ex quibus

quibus percipiemus id fuisse in ea parte regionis nonæ supposita lineaꝝ porrectaꝝ à foro Tauri ad littus Proponticum, id quod clariꝝ liqueret, si quis à foro Constantini ad forum Tauri quinque stadia ambularet, ibique signum figeret. Deinde ex portu Iuliani per maritimam planitiem quinque stadia versus Occidētem pergeret, ibique alterum signum poneret, & cum altero ad Taurum fixo conferret: non longè aberraret à vestigiis edis Concordiaꝝ, quæ hodie non extat, neque templum Thomæ Apostoli, quod fuisse prope ædem Concordiaꝝ noscitur ex iis, quæ anteā scripsi de portu Iuliani. Horreū Theodosianum non longè à portu Theodosiaco posito olim in hortis, qui nunc Blanchæ appellantur, verisimile videtur nō modò ratione architectonica, quæ præcipit horrea esse facienda iuxta portus, qui nulli sunt, neque in octaua, neque nona regionibus: sed in duodecima regione vicina nonæ regioni ex ea parte, vbi fuit portus Theodosiacus: sed etiam vero proximum apparet Theodosium adornasse portum Theodosiacū horreo & foro à suo nomine appellatis. Sed de portu Theodosiaco plenius loquemur infrà. Supra hortorum Blanchæ nuncupatorum, olim portum Theodosiacū continentium extremam partem ad ortū Solis pertinentem clius à Septentrione eminet, in quo est templum vulgo nominatum Myreleos, habens intra se cisternā, cuius camera lateritia sustinetur columnis marmoreis circa sexaginta, vbi horreum olim fuit, quod depravatè Suydas appellat horeium. Statua, inquit, Maimi, qui duxit exercitum contra Scythes, stabat in nuncupato horreio, ante domū Crateri, quæ nunc est Myrelei, & prope

manus æreas, propéq; modium æreum, modium autem fuisse iustum mensuram, quo pleno frumentum emeretur & venderetur Valentinianum Regem lege sanxisse, ut numismate duodecim modij venderentur nemine contradicente, quendam nautam hoc non facientem dextra manu mulctatum fuisse. Hinc manus æreas ibi statutas esse, modium æreum positum fuisse in fornice Amastriani inter duas manus æreas à Valentiniano: alij tradunt ex eo, quod Valentinianus sanxisset, ut modius non ad regulam, sed ad cumulum venderetur, cuidam contrafacenti manus præcisas fuisse. Georgius Cedrinus loca Amastriani fuisse, inquit, appellata à quodam vili homine, cuius patria esset Amastrum ob paupertatem Constatinopolim profecto, siue ab infamia, quod omnes malefici & homicidæ ibi persoluerent pœnas; nomen turpissimum adeptum fuisse execrâdorum causa Paphlagonum. Idémq; scribit ibidem templum fuisse maximū Solis & Lunæ, Solis quidem in curru albo, Lunæ verò vt sponsæ ductæ in quadriga mariti, Phidaliæ opus. Infrà autem iuxta fundamenta sedisse in thro no sceptrigerum populis præcipiente regnantibus obediendum esse, ibidémque iuxta solum fuisse Iouis statuā ex marmore albo, similis iacenti in lecto, opus Phidiae. Quod si Crateri antè nominata domus fuit Crateri Sophistæ, in ea fuit eius suggestus versibus Iuliani Aegyptij celebratus. Præterea nona regio continebat thérmas Anastasiānas, quas Marcellinus ait appellatas ab Anastasia sorore Constantini: Sozomenus narrat Marcianum Grammaticum docuisse filias Regis Valentis, Anastasiam & Cárōsam, ab earumque nominibus

būs appellata balnea, vsque ad suam ætatem Constan-  
tinopoli fuisse.

*De tertia valle, & decima regione, de domo Placidia, &  
regia Placidiana, de aquæductu Valentianu, &  
thermis Constantianis, & de Nymphæo.*

## C A P V T I X.

**D**E C I M A M regionem vergere ad Septentrio-  
nem, & sitam fuisse in valle tertia, eiusq; latere  
orientali, & in promontorij supra tertiam val-  
lem eminenti dorso, per quod ab Occidente ad ortum  
aquæductus, tam fornicati supra terram, quam conca-  
merati subterranei feruntur, ex regionum vrbis descri-  
ptione liquet, tradente nonam regionem pronam o-  
mnem, & in Nothum deflexam, extensi maris littoribus  
terminari: decimamque in aliud ciuitatis latus à nona  
regione platea magna velut fluuiio interueniente diui-  
di, esseque tractu planiorem, nec usquam præter mari-  
tima loca, inæqualem longitudini eius, latitudine non  
cedente contineri templo sancti Acacij, thermas Con-  
stantianas, domum Augustæ Placidæ, Nymphæum  
maijs, aliisque plura, quorum nulla nunc extant, neque  
quantumlibet diu & diligenter vestigarim, à nemine vi-  
uentium intelligere potui, in qua parte regionis deci-  
mæ fuerint, duntaxat nonnulla excerpti ex mortuorum  
scriptis. Ex quibus deprehendi erratum esse in libello  
antiquæ descriptionis regionum tradente decimā con-  
tinere thermas Constantianas, quas nullas fuisse Con-  
stantinopoli inuenio, sed duntaxat Constantianas, qua-  
rum meminit Sozomenus Salaminius loquens de his,

qui quod Ioanni Chrysostomo fauissent ex Constanti-  
nopoly effugiebant. Sentiētes, inquit, populi impetum,  
postridie templum magnum reliquerunt, & Pascha ce-  
lebrarunt in publico balneo multæ multitudinis valde  
capaci, nominato à Constantij Regis nomine. Suydas  
dicit Elladium Alexandrinum tempore Theodosij par-  
ui scripsisse Ecphrasin thermarū Constantianarum.  
Socrates tradit Valentem Regem muros Chalcedonis  
iussisse eueriti, & lapides ad Conſtantinopolis publicum  
balneum ædificandum transportari, cui nomen esset  
Constantianæ. Additque in vno lapide, ex his, qui trā-  
sportati essent, incisum fuisse oraculum, quod iam inde  
ab antiquis temporibus in occulto fuerat, tunc manife-  
stum factū esse, significans cùm in vrbe foret abundans  
aqua, tunc quidem mīrū balneo fore vſui. Sed infi-  
nitæ gentes barbarorum in terram Romæorum excur-  
suras, multæ mala patraturas, tandemque & ipsas peri-  
turatas esse. Socrates addit oraculum quale fuerit,

Ἄλλ' οὐδὲ μὴ νῦν φας Δροσοφίῳ νῆσον χερέλιν

τορπορίαις σκηνήσις θυσιάς λαζαρέως εγνατιας,

καὶ τέχθω λαζοῖο πολύτονον ἔστι γέλιαρ.

Δῆ το τε μένεια φῦλα πολύτονορέων αὐθρώπων

ἄγρια μαρμαίροντα λακτιώντας ἀλκης.

Ἴσρος λεπτηρόοιο πόρου δέξαντα σωὶς αὔχητος

Θρηκίνις οὐδὲ βαντα σωὶς ἐλπίσιος μανομένησι.

Ἄντοιχη διέβιο τέλος, καὶ πότισμον ἐπίστατο.

Zonaras & Cedrinus similiter hoc vaticinium ponunt:  
sed eo loco, quo Socrates dicit Δροσοφίῳ, scribunt iōpli,   
aliásque voces ponunt differentes, nempe pro λαζοῖο, λα-  
ζοῖοι: pro ἄγρια μαρμαίροντα, ἄγρια μαργαίροντα; pro λακτηρόοιο,

λικη

*Λιμενοπότα.* Socrates sic interpretatur oraculi versus. Hoc  
 vaticinium, inquit, contigit postea, cum Valens aquæ-  
 ductum construxisset, aquamque copiosam urbi præ-  
 būisset, tum barbatæ gentes invaserunt agros Romæo-  
 rum. Hoc vaticinium alio modo potest interpretari,  
 postea enim quam Valens aqueductum in urbem indu-  
 xisset, Clearchus urbis praefectus ex aqueductu deriu-  
 tum maximum ἐθεῖον construxit in foro nunc nuncu-  
 pato Theodosij, quod voce populari decantatum est  
 aqua abundans, in quo festum hilarem vibs egit. Hoc  
 que esse predictum à vaticinio, οὐ χρέω τε πόμπης σησί-  
 ένη γε νυστέφεται λατ. ἀγένες. At quædam secundū vaticinium  
 paulò post facta sunt, cum murus Chalcedonis cuerte-  
 retur Byzantij, & Nicomedenses, & Nicenses, & Bithy-  
 nenses obsecrabant Valentem Regē, ut desisteret euer-  
 tere muros. Rex iratus vix suscepit eorum preces, itaque  
 ut se à iuramento exsolueret quo se obstrinxerat demo-  
 liturum, muros Chalcedonis simul demoliti iubebat, &  
 simul implere demolita alteris lapidibus longis, & nūc  
 licet videre in quibusdam muti partibus, ut maximis  
 & admirabilibus saxis structura vilis superedificata fue-  
 rit à Valente. Similiter Zonaras & Cedrinus dicunt Va-  
 lentem multatam Chalcedonios, quod tutati fuissent  
 Procopium suum hostem ex ruinis murorum Chalce-  
 doniae saxa traduxisse ad structuram aqueductus, quem  
 Zonaras appellat Valentem, Cedrinus modò Valétem,  
 modò Valétiānum: quo copiosam aquam in urbem  
 induxit, tum ad usum alium, tum ad balnea: ex quo ur-  
 bis praefectus effecit in Tauro Nymphaeum urbis ma-  
 gnitudine dignum, solennique festo indicto omnem  
 popu

populum conuiuio exceptit: ac non multo pōst (vt prae-dictum fuerat) barbarę gentes in Thraciā incursarunt, quæ postea deletæ sunt. Aquæductus Valentinianus ad-huc extat excelsis fornicibus, à cliuis quarti collis ad cli-uos tertij collis, pergens per decimam regionem, cuius non meminisse antiquam vrbis regionum descriptio-nem mirarer, cùm meminerit horreorum Valentini-a-norum, nisi etiam permultorum sua ætate extantiū mo-nimentorum non meminisse scirem, regnante Constan-tino Eeonis filio Iconomacho anno à Christi humano Natali die septingentesimo quinquagesimo nono tan-ta fuit siccitas, vt ne ros quidem de cœlo caderet, ex-a-ruerintque Constantinopoli cisternæ & balnea, & fon-tes, qui prius iuges fluebant, quod intuens Constanti-nus Imperator, aggressus est renouare aquæductum Va-lentinianum; quem cùm vsque ad Heraclium incolu-mis is permansisset ab auaribus dirutum, restituit acce-sitis fabris ex diuersis locis ab Asia quidē, & ponto mil-le ædificatores, & ducētos albatores, à Græcia quingen-tos figulos laterculorū, ex Thracia quinq; millia ope-rariorum, & baiulum, & ducentos fabros tegularū: qui-bus omnibus præfecit principes, executorēsq; operum, ac patricium vnum. Itaque opere perfecto, aqua introi-uit in vrbem, discurrens per confinia nonæ regionis, & decimæ. Multi enim aquæductus per dorsum sex collū discurrunt subterranei, & vnu supra terram Valenti-nianus, quem qui scripserunt de rebus gestis Androni-ci tradunt per magnum forum euntēm, & ferentem a-quam dulcem, & puram Andronicum Regem renoua-uisse, & auxisse, addidisseque ei fluuiū, quem nominant

Hydr

Hydralem: ad cuius fontem turrim & Palatium construxit, quo æstate recrearetur, ex eodemq; fluuio aquā duxit in yrbis locum, quem vocant Blachernam: sed turrim Andronici odio Isacius successor euerit. Procopius dicit Justinianum Acacij ædem exolescētem restituisse, & columnis vndique albis illam circūdedisse, similibusq; marmoribus ædis solum constrauisse, ædemque lapidum candore vestiisse, ut omne templum niibus tectum videretur. Porticus autem ædi adiectæ sunt duæ, quarum altera vergēs ad forum columnis circundata est. Iam antedicta verba Procopij desunt Codici ædito, itaq; eo studiosius addidi. Acacij templum Georgius Cedrinus ait fuisse in loco appellato Heptascalō, alij scriptores dicunt diui Acacij ædem appellatam in Scala, quam iam nulli ybi fuerit, cognoscunt: sed qui diligenter inquirere volet, dabo ei hanc notulam. Inuestiget domum maximam, quam Cariam historiæ appellant, ex eo, quod nux esset in area illius: vnde aiunt Acacium martyrem suspensum interiisse, & delubrum inde ei consecratum fuisse, quod aliqui putant in Neorio situm fuisse, ex eo, quod legerint apud plerosq; scriptores Acacij imaginem ex calculis vitreis inauratis factam, positam in templo ad Neoriū sito fuisse. Sed hic Acacius alias est, quem non modò Historici, sed etiam Grammaticus Suýdas tradunt, Episcopum Constantinopoleos fuisse regnante Leone Macello adeò ambitiosum, ut multi Acacij imagines ponerent in tēplis etiamnum viuentis. Inde existimatū Dōxomanem, iam verò Placiðæ domum vidi in prima regione, itaque vide an rectè legatur in hac decima regione domus Pla-

cidiæ, an potius legendum sit Placillæ, an Placidæ: nam Agathius meminit regiarum Placidæ, siue Placidi his versibus, quos cum inscriptione mox addam:

Eis ἐνότα τιτανεῖσθαι τοῖς ταλακίστοις τοῖς τηλεσικοῖς.  
 Θωμάρι ταπεινοῖς θεούς περιφέα λιπέμονοῖς  
 Αὐτοῖς οἱ τέλοι τάγμα μεταρχόμενοι  
 Θεωσθίνες ἀγχίσα συνωεῖσθαι δρόμοις αὐτοῖς  
 Εἰκόνι χῶροι ἔχοι γένεα λειρωνίς  
 Άντος γαρ ζαθέοις θρόνος ὑψώσε μελάθροι  
 πλάθη σε ζύγος, ἀλλὰ μὲν θωτεῖς.

Post Scironides petras, quas ante dixi fuisse in latere septentrionali collis tertij, Dionysius Byzantius in planicie maritima tertiae vallis, & quarti collis, dicit esse littus longum non deterius villo optimorum ad capturam piscium: nam maximè profundū est etiam iuxta oram maris, & quietum, ubi olim locus Cycla nominatus, ex eo, quod Græci barbaros ibi interclusissent: ubi etiam est ara Mineruæ dissipatoriaæ, designans dissipationem barbarorum interclusorum. Cycla locum sequitur Melias sinus pescationi aptus si quis alter, elatis promontorij lingulis, atque utrinque saxis occultis conclusus, nunc in hac valle sinus non est yetustate obrutus, & exædificatus, quod non modo ex sinu Melia, sed etiam ex Strabone coniicere liceat, cum ait sinum Ceras ideo appellari, quod multis recessibus velut cornu ceruinum ramosus sit, nunc recessus illi non sunt, nisi per pauci. Zosimus, qui scripsit historiam temporibus Arcadij & Honorij, testatur sua ætate tantam fuisse Constantinopoli multitudinem incolarum, ut non modo imperatores

muros

muros vrbis longius Constantinianis muris promouerint, sed etiam non paruam partem maris ambientis vrbem obruerint palis circunfixis, & ædificiis supra palos impositis, quid ex tēpore Arcadij & Honorij, & quantum obrui potuit, ex tot & tantis ruinis vrbis projectis, in mare Meliam sinum, inquit Dionysius, excipit locus appellatus *λανθάνων*, à terra inter paucas apta ad hortensem culturam: post hortum sequitur locus Apsasius appellatus, ex ea re quam diximus in Bosporo.

## L I B E R . Q V A R T V S.

*De undecima regione, & de quarto & quinto collibus.*

### C A P V T I.



N D E C I M A M regionem vix agnouifsem ex vrbis regionū descriptione, quæ eam dicit spatio diffusam liberiore, nulla parte mari sociatam esse. Verūm eius extensionem tam planam, quam etiam collibus inæqualem: nisi addidisset illam continere in se martyrium Apostolorum. Quod etsi hodie non extat, tamen ex memoria senū Constantinopolitanorum, inuestigauit fuisse in dorso quarti collis deuexo in iugū tertiae vallis prope officinas Ephippiorū, & sepulchrum Mamethi Regis: quo cognito, assequor regionem undecimam in quarti collis fuisse dorso, eiisque lateribus tam vergentibus ad boream, quam sitis in eius tergo: hancque regionem attigisse vrbis muros terrestres undecimam regionem diuidentes à decima quarta regione, quæ spatio interiecto diuisa erat ab vrbē muro pro-

prio vallata, quam in sexto colle extra Constantiniana mœnia infra ostendam, inclusamque postea fuisse à minore Theodosio, Constantiniani muri traduntur ab Eugenij turri perrexisse usque ad templum diui Antonij, & ædis Marianæ, quæ nuncupabatur Rabdos, inde assurrexisse usque ad Exacionion terrestres, murū, quod dicunt appellatum fuisse ex eo, quod extra muros terrestres esset columna sustinens Constantini magni statuam. Recentes scriptores tradunt Constantinum excitasse ædem diuinæ Trinitatis in loco nuncupato Exacionio, nunc nominatum ædem diuorum Apostolorū, qui, si rectè existimo, Constantini muros fuisse construētos in confinio quarti collis & quinti, prope Exacionion. Georgius Cedrinus ait terræmotu horribili cecidisse partes urbis ad Exacionion sitas, ut muros urbis, ut templo decora, ut splendidas domos, iidem authores recentes non sibi constantes alio loco dicunt porticus à miliario pertinuisse ad Taurum usq; & Bouem æreum, & portas Ioannis Hippodromi, quæ distant à templo Apostolorū plus mille passibus Romanis, tantundemq; fere à muris à Constantino positis: id quod coniici fortasse potest ex Sozomeno. Theodosius, inquit, contra Eugenium educens exercitum, egressus unum miliare extra Constantinopolim in æde diui Ioannis Baptistæ, quam ipse construxerat in Hebdomo suburbio, adeò precatus est, ut sibi exercituīq; feliciter exitus belli eueniret: ita enim Græcus habet Codex Sozomeni, οὐδεὶς θεὶς λαυράνων πόλις ἐκστημένη μηλίῳ γρύονει νοσούσας θεῷ τοῦ τῆς γύναικες ἐκκλησίᾳ ἦν ἡδὲ τοιχοῖς τῷ βασιλισκῷ ἀπέστατη τε αἰσθίαν αὐτῷ ηὔτη σφαλεῖ, καὶ φω-

ματοις

καίοις γρεάτος τῇ ἐκβασιῃ οὐ πολέμος. Qui nesciunt Hebdomū esse suburbanum Constantinopolitanū,interpretarentur septimum miliare Theodosium extra vrbem egressum: at Hebdomum suburbium esse ex eodē Sozomeno liquet, cùm alibi dicit Theodosium caput Ioannis Baptistæ ex vico Costao nuncupato, qui Pātichio Chalcedonis vicinus erat, transtulisse, & posuisse ante Constantinopolim in loco Hebdomo nūcupato, quem nos suburbium olim fuisse, nunc verò intra muros vrbis esse in sexto colle declarabo: infra quod si colūna, à qua dicunt appellatum locum Exacionion fuit, illa,quæ in dorso quinti collis bene excelsa vndique procul longè eminere supra omnes domos paulò ante videbatur, facile intelligeremus muros, quos posuit Constantinus non processisse vltra hanc columnam distantem à templo Apostolorum circiter quatuor stadia. Hāc columnam transferri vidi in ædificationem ædis, quam Rex Soleimanus construere aggressus est. Cuius scapus est marmoris Pyrropœcili, altus circiter sexaginta pedes, eius perimeter est tredecim pedum & dodrantis capitulum Corinthium quidem, sed marmoris albi. Eius stereoma & stylobates, & basis sunt etiam marmoris albi, stereoma altum, vt id scalis ascendere habuerim necesse, stylobates altus quatuor pedes & nouē digitos, plinthus pedem & sex digitos. Græci & Turci vtrique sua lingua hanc appellabant columnam Virginis, quā puto fuisse illam celebratā recentiorum scriptis supra collēm positam, sustinentem Veneris statuam lapideam, quæ virgines suspectas de stupro discernebat ab integris: nam si integræ & puræ ad eam prope accessissent,

incolumes discedebant, si corruptæ, inuitæ, & nolētes se denudantes sua pudenda ostendebant. Cūm regionū vrbis descriptio ait vndecimam regionem nulla parte mari sociatam fuisse, existimare oportet planitiem sitam inter sinum Ceratinum, & radices collis quarti extra vrbem fuisse, cūm etiam eadē descriptio regionum dicat vrbis latitudinem continuissē pedum sex millia centum quinquaginta, hoc est, vnum miliare, & ducen-  
tos triginta passus, latitudo autem Isthmi pergens per collem quartum & septimum, per quos antiquus murus pergebat, excedit præscriptam latitudinem. At Zosimus antiquus historicus tradit Constantinum magnum muris vrbem cinxisse, qui omnem Isthmum à mari ad mare interciperent. Itaque oportet in decima regione ponere planitiem sitam inter sinum & radices quarti collis.

*Dē templo Apostolorum, & sepulchro Constantini ma-  
gni, de cisterna Arcadiaca & Modestiacā, de Pala-  
tio Placilliano, & Boue æreō.*

C A P V T I I.

**E**VSEBIVS scribit Constantinum magnum templum Apostolorum ædificasse in altitudinem immensam, idque vestiuisse omni genere marmororum variorum, & fulgentium ab imo solo ad tectum, quod totum tenuibus lacunaribus auratis ornauit, tegulisque æreis texit multo auro perlitis splendorem eiacylantibus etiam in eos, qui vel procul illas intuerentur. Structura templi superior ex ære & auro eminenti expressione elaborata cancellos & fenestras habens,

habens, templum circundabat. Circa templum aula illustris erat in aërem purum & apertū patens, cuius porticus dispositæ in quadrum circundabant aream sub dio expositam. Luxta porticus distendebantur regiæ ædes, & balnea, & *αιαναυπήσεις*, aliisque permulta domicilia æditimorum, aliorūmq; ministrorum templi com modè ædificata. Hæc omnia Pius Rex in memoriam Apostolorū Seruatoris nostri posteritati tradidit, duodecimq; ibi loculos velut stellas sacras memoriæ Apostolorum consecrauit, atque arcam, in quam ipse post mortem includeretur; in medio Apostolorum posuit, vtrinq; stipatam sex Apostolis. Socrates adiungit corpus Constantini aureæ arcæ impositum, in urbem Constantinopolim tulerunt eius necessarij, & sepelierunt in templo Apostolorum. Zonaras Eusebium videtur non legisse, cùm ait id sepultum in eæde Apostolorum in porticu, quam ad sepeliendum patrē Constantius condidisse traditur. Secundum viam latam, quæ tendit per dorsum promontorij ab æde Sophiæ ad portam Adriopolitanam prope locum, vbi fuisse templum Apostolorum antè dixi, hodie monstratur solium ex Porphyretico marmore factum, sed vacuum, & carens operculo, longum decem pedes, altum quinq; pedes & semisemi, quod Græci & Turci dicunt esse magni Constantini: sed quām verè, ipsi viderint. Mihi verò dubium videtur ex Eusebio & Socrate, tradentibus in arca aurea situm fuisse, nisi fortasse arcam auream in solium illud Porphyreticū incluserint. Zonaras dicit Theodoram uxorem Iustiniani ædem nuncupatam Apostolorum construxisse. Fuerat, inquit, ibi ante Apostolorum templum

plum à Constantino ædificatum, non quale nunc est, sed minùs pulchrum, & multò inferius. Procopius iam inde ab antiquis temporibus ait fuisse Constantinopoli templum omnibus Apostolis sacrum, vetustate iam dilutum, ac casui obnoxium, quod Iustinianus totū demolitus non modò renouare, sed & pulchriùs, & maius efficere studuit in figuram crucis: cuius pars recta ad orientem & occidentem Solem existit. Transuersa verò altera ad vrsam & vētum austrum, muris quidem vtraque extrinsecus septa, intrinsecus verò circumornata columnis supra, infrāque stantibus. Euagrius videtur ignorare à magno Constantino id constructum fuisse, cùm ait id à Iustiniano conditum fuisse, qui profecto, ut pleraque alia non primus condidit, sicut afferit Procopius adulans rhetorum more: sed renouauit vetera, aut collapsa restituit, aut incensa reædificauit. Huius ædis nulla restant vestigia, iam ne fundamentorum quidem: nisi fundamenta quædam Cisternæ, quæ aquam suppeditabant ædi Apostolicæ, in cuius quidem cisternæ solo sunt officinæ, & taberna Ephippiorum circiter ducentæ, vbi fiunt, & venduntur non modò Ephippia, cæteraq; equorum ornamenta Turcica: sed etiam vasæ ex corio ad hauriendam aquam scitè facta, tum pharetræ, arcæ corio tectæ. Supra hanc cisternam ædes Mæmetana cum Xenodochio sita est in planicie, quā Mæmethes, qui urbem coepit ex ruinis cùm aliarū ædium Christianismo sacrarum, tum ædis Apostolorum viciæ ædificauit ad similitudinem ædis Sophianæ; ex lapide quadrato: testudinéque semicircula texit lateritiō opere facta, plumbo tecta, vt sunt omnia Turcica ædificia

ficia publica : vestibulōque ornatissimo eam illustrauit quadrato, tam lato, quām ædes ipsa , marmoreis pauci-  
mentis nitēti, & porticibus in quadrum dispositis:qua-  
rum arcus sustinentes concamerationem earundem co-  
lumnæ ingentes exquisitissimi marmoris sustinent. In  
medio vestibulo, seu atrio est Enneacrunos, desiliens in  
magnum craterem marmoreū circa ædem, ingens area  
partim parietibus, partim longis ædificiis cincta, quo-  
rum partem possidēt sacerdotes, & literarum doctores,  
partem orientalem hortus muris clausus, in quo medio  
est sepulchrum Mamethi Regis, quod constructum est  
in figuram cylindri, velut delubrum hemisphericū ex  
marmore candidissimo: tectum plumbo, fenestrī can-  
cellatis, & porta cum vestibulo ornatum. In huius me-  
dio solo est solium Mamethi holoserico tectū, solum  
stratum stragulis Attalicis, in quibus desident perpetui  
flamines, sodales illud noctes & dies seruantes. Extra a-  
ream viam duntaxat inter media Xenodochia ingen-  
tia sunt lapide quadrato similiter ædificata , areas in  
medio habentia , & porticus columnis marmoreis cir-  
cūdata. Xenodochiis adnexi horti magni, muris clausi,  
denique ædis hæc cum circunuicinis ædificiis clauden-  
tibus Ariam , & cum Xenodochiis continet in ambitu  
circiter sex stadia. Sub horum ædificiorū claustro idem  
Mamethes thermas construxit totius vrbis maximas in  
solo cisternæ antiquæ , quam arbitror aut Arcadiacā,  
aut Modestiacam, quās regionum vrbis descriptio po-  
nit in vndecima regione. Hæ thermæ duplices & gemi-  
næ sunt , nempe viriles & fœmineæ, inter se quidē con-  
iunctæ, sed portis diuisæ contrariis, quibus ingressus non

patet ex thermis alteris in alteras thermas: describam  
dumtaxat viriles, cui similes sunt fœmineæ. In primo  
aditu habent Apodyterium, ex quo patet introitus in  
Tepidarium, ex Tepidario in Caldarium, quibus tri-  
bus membris thermæ constant inter se aditu cōiunctis,  
sed tecto & pariete diuisis in rectum ordinem disposi-  
tis. Apodyterium est ædificium quadratum lapide qua-  
drato constructum usque ad cōcumerationem rotun-  
dam opere lateritio factam, cuius ambitus interior con-  
tinens ducentos & quadraginta pedes, & octo digitos,  
circundatur suggestu lapideo latè plus sex pedes, alto  
tres pedes. Paries Apodyterij à pavimento ad imas ra-  
dices concameratioñis altus triginta septem pedes. In  
medio Apodyterij solo marmoribus strato Crater ma-  
gnus marmoreus in ambitu continens triginta septem  
pedes, altus tres pedes plenus aquis salientibus. Ex Apo-  
dyterio duabus portis patet aditus in Tepidarium edi-  
ficium in ambitu interiori continens centū pedes, con-  
stans quatuor arcubus sustinentibus tectum hemispher-  
icum efficientibus octo cellas, quarum unam dimidio  
cæteris minor habens à tergo latrinas, in quas totius bal-  
nei aquæ confluunt ad eas purgandas. In huius pariete  
fistula aquæ defluit, qua Turci, ut solent, ab excremen-  
tis redditis lauantur. Ex his octo cellis sunt sex singulæ  
habentes labrum, sed ita dispositæ, vt ex duobus arcu-  
bus singuli in medio habeant unam cellam, ex qua ad  
dextram & sinistram ingressus patet in aliam cellam.  
Alij duo arcus sic cellas habent, vt is, qui est versus por-  
tas, ex quibus dixi aditum Apoditerio in Tepidarium,  
habeat cellam tam magnam, quam ipse amplius est, in  
quo

quo labra sunt ubi in pavimento marmoreo pannos  
Turci lauant. Quartus arcus substructo muro diuidit  
Tepidarium à Caldario. In medio Tepidarij est Crater  
cum Siphonibus salientibus. A Tepidario una porta  
aditum præstat in Caldarium tertium membrū, quod  
constat octo arcubus sustinentibus hemispherium, effi-  
cientibus octo cellas extra magnū hemispherium re-  
cedentes circundantibus Caldarium in ambitu conti-  
nens circiter nonaginta pedes, habens solum marmore  
stratum, quod medium efficit velut suggestū octogo-  
num in circuitu continentem quinquaginta septem pe-  
des & dodrātem; altum duos pedes & quatuor digitos,  
quem circundat alveus discurrens inter octogonum &  
pavimentum, quo aditur in cellas, tam altum, quam o-  
ctogonum. Cellæ quatuor interiores positæ in quatuor  
angulis, quoquo versus sunt latæ vndecim pedes & tres  
digitos, usum præstantes Laconicorum, quorum sicco  
calore sudor elicetur, eadem est mensura duarum cel-  
larum extra duos arcus recedentium. Aliæ sex cellæ se-  
micirculæ, quas efficiunt sex arcus, sitæ sunt in ambitu  
hemispherici Tepidarij largæ inter imas pilas arcuum  
vndecimi pedes, latæ quinque & dodrantem. Singulæ  
cellæ habent labrum marmoreum, præterea in una est  
solium marmoreum magnum in parietibus Caldarij &  
Tepidarij, & cellarum, nullæ fenestræ sunt, sed dunta-  
xat in tectis hemisphericis, quæ tota ferè plena sunt fo-  
raminibus, quæ clauduntur vitreis supra tectum emi-  
nentibus, lampadis inuersæ similitudinem gerentibus.  
Extra thermas est hypocausti præfurniū, largum duos  
pedes & semissem, totidem altum. Perenni igne milia-

rium æreum inuersum calefacentis, & flamarum vaporem eiaculantis in cuniculos rectos, & transuersos subterraneos calefuentes paumentū thermarum superimpositum. Riuus ductus ab agro suburbano non longè à præfurnio, canalem efficit largū sex pedes. Ex hoc deriuantur cuniculi siue tubuli discurretes per medios parietes circum thermas, quorum vnu transiens supra patinam miliariam calidam aquam intromittit salientem in labra epistomiis clausa, alter supra concamerationem primi canalis transiens frigidā in eadem labra ministrat altioribus fistulis, quas epistomiis clausas reserant, quoties lauantes calidam temperare volūt, sed de vsu lauandi Turcorum, & de ratione ædificandi balnea separato loco tractandū est. Nunc redeo ad institutam regionem vndecimam, quæ Palatum Placillianum continebat, cuius Procopius meminit: Cùm, inquit, Regem Iustinianum Theodora Regina consolabatur his verbis, Habemus regias alias, quæ Helenæ appellantur, & Placillianæ à Placilla vxore magni Theodosij, quem vt Iustinus Sophiam coniugem illustrauit regiis Sophianis nuncupatis, ita verisimile videtur Placillam nobilitasse Palatio Placillano, quam vehementer amasse Theodosium toti orbi patefecit Theodosij ira, qua ille exarsit in Antiochenos, quos in Laudensium tradidit potestatem, quod Placillæ statuas in foro suo positas euertissent ob nouum vectigal impositum. Non addam iam cur Chrysostomus Andriantes scripscerit. Potest etiam legi Palatum Flacillanum, à Flacilla, de qua Claudianus,

*Sola nonum Latys vectigal Hiberia rebus*

*Contu*

*Contulit Augustos, fruges æraria miles  
 Undique conueniunt, totoque ex orbe leguntur  
 Hæc genera, qui cuncta regant, nec laude virorum  
 Censeri contenta fuit, nisi matribus æquè  
 Vinceret, & gemino certatim splendida sexu  
 Flaccillam Mariamque daret, pulchrämque Serenam.*

Bos æreus in undecima regione fuit, sed in qua parte, coniicere possemus ex magna cisterna, quam recentes Historici tradunt conditam fuisse prope Bouem æreum à Niceta Eunicho temporibus Theophili Regis, si hæc extaret: aut si extat, eius nomē retineretur: aut si forum extaret, quod nonnulli scriptores appellant Bouis forū. Ioannes Tzetzes in sua historia idem esse dicit forum Bouis & Bouem locum ex æreo Boue sic appellatum. Is qualis fuerit, intelligitur ex Zonara, Phocæ, inquit, tyranni corpus infelix combustum fuisse ad locum nuncupatum Bouē, vbi caminus fuit ex ære factus figuram Bouis maximi gerens, ex Pergamo aduectus. Cedrinus scribit in hunc Bouem inclusum martyrem Antypam exustum fuisse. Quanta autem crudelitate laborarint aliquot tyrani Constantinopolitani, qui maleficos hoc tormento excruciant, ex Tauro Agrigentinorū ostenditur, quem Phalaridi tyrano fecit Perillus à Plinio vocatus, ab aliis rectius Perilaus, Atticus faber ærarius mutitus hominis pollicitus igne subiecto, primus illū expertus cruciatum iustiorem sequitia artificis: cuius opus, ut Plinius ait, nemo laudat, & diu olim seruatum est, ut quisquis illud viderit, odio persequeretur artificis manus. Quæ causa artificē incitare potuerit, ut caminum effingeret in formam Bouis, non aliam veriorem repe-

rio, quām vsum linguae Græcæ, quæ caminos appellare  
 solet Boues bonis lateribus, & robore præstātes. Vt enim  
 camini habent præfurnium in latere velut portam, ita  
 Perilaus portam in latere Tauri effecit. Bouem hunc æ-  
 reum traductum Conſtātinopolim fuisse ex Sicilia; aut  
 Italia, potiūs quām ex Pergamo, coniicio ex direptioni  
 nibus regum Constantinopolitanorum, qui totum or-  
 bē spoliarunt vt suam nouam Romam ornarent. Iam  
 verò vbi hic Bos æreus fuerit, à permultis ciuibis per-  
 cunctatus sum, sed à nemine intelligere potui: quāuis  
 non ignorent Bouem quendam fuisse Conſtantinopoli  
 æreum, quamuis à maioribus suis, quasi per manus ora-  
 culum de hoc Boue æreo traditum iactitare soleant.  
 Quamuis eius interpretationem suis temporibus attri-  
 buant rectius, quain Ioannes Tzetzes vir quidem eru-  
 ditus, qui in sua varia historia ante trecentos & septua-  
 ginta annos scripta ita id interpretatur. Oraculum, in-  
 quid, Conſtantinopoli iactabatur eiusmodi, ΒΟΣ ΒΟΗ  
 π ιού ταῦρος ἡ θηλων. Bos inugiet, taurus lugebit. Ex  
 hoc Conſtantinopolitani imaginati sunt fore calamiti-  
 tates, & metus, vt innumerabiles exercitus Alemanno-  
 rum, atque aliarum gentium contra Conſtantinopolim  
 venturi essent, omnésque, quod expectarent vrbis euer-  
 sionem, direptionemque obstupefactierant, atque in-  
 somniis perturbabantur. Tum vxor Megaletærarchi  
 perterrefacta prænuntiatione exercituum illorum in-  
 numerabilium, & peruulgatis versibus fabulosè com-  
 positis, effigente animo ea, quæ metuebantur, existima-  
 uit se videre per insomnium illa, quæ in sermonem ho-  
 minum venerant. Conſtantinopolim primò quidem ha-  
 bere

berc murum lateritium, circa verò Bouis forum, siue ad Bouem, locum visa est videre exercitum, atque copias armatas, circa Taurum hominem mœstum, percussum manuum & lugubri voce dolorem testantem. Hoc insomnium mulier conspicata præsignificare extremam calamitatēm impēdere vrbi arbitrata indicauit Tzetzæ, qui interpretatus est murum lateritium prædicere frugis abundantiam, atque annonæ copiam Constantinopoli. Scitis, inquit, qui adestis, vbertatem annonæ, quæ tum fuit, illud verò exercitum, & multas copias armatas circa Bouem esse, atque mœstum hominem ad Taurum sedere, dixit finē esse oraculi perulgati: illius dico, quod prænūtiat Bouem clamaturum, & Taurum eiulaturum. Sed non ut imaginati sunt ij, qui metus cogitant, sed finem esse ad vtilitatem omnibus nobis ciuibus. Itaque audi Augusta, & doce etiam alios, & dic  
Tzetzes ita me docet, Bouem nos Græci fœminam Bo  
uem nuncupamus quanquam interdum Taurum, &  
Vitulum Bouem appellamus, Taurum autem propriè  
Bouem mārem nōminamus, Taurum autem hunc Ita  
lum vocant Latini: Bos igitur nostra nempe vrbs Con  
stantini ex Tauris Italis Romanis condita omni gene  
re armorum plena, & commeatibus, & exercitibus clas  
sicum canet contra hōstes, Taurus verò Italus exercitus  
Latinorum expallescet multo metu, & lugebit, si Rex  
non seducatur potentis sermonibus. Arguta quidē hæc  
Tzetzis interpretatio, vt hominis adulantis Reginæ, &  
sibi facile persuadentis, quæ cupiebat: vt est ingeniosa  
hominum imbēcillitas ad se circumscribendū. Sed lon  
gè verior erat illa, quam redarguere Tzetzes conatur,  
peruul

peruulgata oraculi interpretatio, quæ tum per animos  
Constantinopolitanorum peruerterat, exercitum Latini-  
orum expugnaturum esse Constantinopolim, vt reue-  
ra paulò post expugnauit, diripuit, incendit, vrbisque  
tyrannos alios ex Tauri summa coluna Theodosij præ-  
cipitauit, alios ad Bouem æreum combusserat. Similiter  
idem Tzetzes argutulus videri cupit coniector alterius  
oraculi, quod ipse narrat & interpretatur, sed frigidè &  
ridiculè: vt postea docuit exitus, οὐαὶ τοῖς ἐπαλωφεῖσι  
χριστιανοῖς. id est, Væ tibi Constantinoli, septem colles  
incolenti, mille annos non ages. Id oraculum fuit alte-  
rum Constantinopolitanis, vt illud quod antè dixi, Bos  
clamabit, & Taurus eiulabit. Postquam, inquit, illud  
ipsum pulchrè & commodè dissoluissim meæ interpre-  
tationi, alterum obiectum est: scilicet, O Constantino-  
polis, quæ septem colles incolis, non mille annos ages.  
Sic interpretatus sum, non esse intelligendum, vt vulgo  
intelligunt οὐαὶ aduerbum luctuosum non esse vnā par-  
tem, sed duas partes orationis, nempe & negationem, at  
& significare siue: & ita aptandas esse, siue ὁ Constanti-  
nopolis mille annos non ages. Sed intra mille annos eti-  
euerteris, tamen non vae, & luctus tibi, sed gaudiū erit,  
vt maior extruaris, vt amplius splendeas. Dissolueris  
enim ad bonum eorum, qui te dissoluent. Occultè adu-  
latur principibus ciuibus factionū de imperio conten-  
dētiū: nam si de hostibus externis intelligeret urbem  
dissoluturis, delira esset illius interpretatio, sed quoquo  
modo intelligat, delirat. Nam siue à ciuibus, siue ab ex-  
ternis dissoluta est, non gaudium fuit Constantinopo-  
li, neque modò diuinis oraculorum prænuntiationibus  
prædi-

prædictum est Constantinopolim mille annos non duraturam, sed etiam Astronomorum præscientia. Quidam, sicut ait Suydas, historiarum monumentis prodiderunt Constantinum magnum postquam urbem absoluisset vocasse Astronomum nuncupatum Valétem, illius temporis hominum (qui Astronomiæ darét operam) præstantissimum, eique præcepisse, ut urbis sydus natalitium & horoscopum obseruaret, ut nosceret quot annos esset permansura. Valens in sexcentos & nonaginta annos ipsam duraturam esse vaticinatus est: at hi iam multò antè præterierunt. Itaque, inquit Zonaras, oportet Valentis prædictionem mendacē esse, artémq; Astronomiæ aberrare ab horoscopo, aut illos annos Valentem dicere conuenit, in quibus politici mores obserabantur, & tranquillitas, & Senatus honorabatur, & Constantinopolitani ciues florebant, & legitima erat regij principatus administratio, non tyrannis dominantium, communia existimantium propria sua bona, hisque ad suas libidines explendas abutentium. Iam verò ut absoluam oracula, quę à magnis viris tradita sunt de hac urbe, venio ad Zosimum antiquum authorem, si cum Ioanne Tzetzza & Zonara conferas. Ille enim, inquit, Constantinopolim in tantam magnitudinem creuisse, ut nulla urbs alia esset cum ipsa conferenda, neque magnitudine, neque fœlicitate: sed tamen ait, cùm diu multūmq; considerasset nullam ex deis prædictionem maioribus nostris datam esse de Constantinopolis incremento in meliorem fortunam, multos Historicos, multaque oracula perlegi, ac cùm in his dubitationibus longum tempus consumpsisset, incidit tandem in

oraculum Sibyllæ nuncupata Heritrex, siue Phaellis, siue Phaennus Epirotidis: nā & hæc diuino afflatu percita oracula edidisse dicitur, cui obtemperantem Nico medem filium Prusiæ, & ad ea accommodantem, quæ sibi utilia viderentur bellum suscepisse contra patrem Prusiam Attalo obtemperantem. Oraculum autem Sibyllæ habet sic,

Ἄντειος θρησκευματίας τόποις φύσις περιβάλλεται.

Αὐτής εἰς τὸν πόλιν μέγαρον γαμήλια στοά.

Ἐν τούτοις τοῖς πόλιν μέγαροι χώρας.

Γαῖας δὲ αρχής μόχθων πέπονται, τοῦτο σὲ φημί

Σκηνῆς χρεις τιμᾶσιν ἐπαγγέλλεται μέλλει σημρόν,

Ἐκ δὲ θρόνων τέσσεριν οἴοις λειψάνων αὔρας ἔχεται.

Κενήσεις δὲ σύνδεσμος λύκου γαμήλια στοά.

Οὐδὲ ἔθελον τι γέρεας ἐστιν οὐδὲ γούριον αὐχνήτης θεός.

Τόπος βιθυνῶν γαῖας λύκοις οἰκησθεῖται.

Ζηλὸς ἀνθροστήναστι ταχὺ δὲ ἀδιβήσεται.

Ἄρχην αὐθούστης οἱ βιθυνῶν ἔδειτο λειτουργοὶ

Τεισμάκαρος ἐφετμάκος ἢ πάντας αὐτόλυκος πήγενος λειτουργοῖς

Ὕπανθεύκης οἵτις γέρεας τοιούτης τοιούτης θεός.

Οὐκ ἔτιστι γῆς οἱ ταπτός νόοις πέλλει.

Ἀναρδεῖσθαι αὐθανάτων λογίων θυντεῖς σύνδαιμοντες

Οἰδεῖμεν, θρησκευματίας τόποις φύσις περιβάλλεται.

Οὐκ ἔτι τηλέτη: τείρας ποιῶντα λειπόμενον καὶ τῆς

Φρεσταῖς: προκατέτηται πάπερος ταλαιπωρίας ἐπισιναῖσι;

Ἐλκος: καὶ μέγαρον οἰδέναι ταχὺ δὲ φύγειν αὐτούροντος.

Hoc oraculum, inquit Zosimus, ut ita dicam, reuera ostendit, & ænigmatische dicit omnia futura Bithynis malab tributorum postea ex ipsis exactoru grauitatem, & præsignificat, ut principatus celeriter perueniet ad viros,

viros, qui Byzantis sedē incolunt, ac si longo pōst tempore hæc prænuntiata non acciderint, ne quisquam putet excessisse: omne enim tēpus breue Deo semper consistenti, & futuro: & hæc quidem, inquit, ex oraculi verbis, & rerum euentu coniectavi, sin alia sententia oraculi cuiquam videatur, eam sequatur: deinde ut confirmet suam opinionem de hoc oraculo scribit, ut Constantinus magnus eiūsque filij summis tributis Bithyniam, & totū orbem oppresserint, ut vrbes desertæ manferint. Ioannes Tzetzes nobilis Grammaticus, & Historicus, multis seculis post Zosimum oraculū aliter interpretatur, edoctus tempore rērum inuentore. Quidā, inquit, hoc oraculum dicunt esse Sibyllæ, alij verò Epirotidis Phaenus. Epirotis, inquit, Phaenno tot antē seculis prædixit facta paulò ante nostram ætatem, quomodo Regem Romanum vincent Persæ, suprāque collum eius calcabunt velut seruituti addicti, & suus populus & Proceres quomodo hunc ab imperio deiiciēt, & quomodo Persæ obtinebunt omnem Bithyniam, & Scythæ quomodo bellū conflabunt, & suscipiēt contra genus Romanorum: Ηπι οὐγετα τάτη σοματί στεγμένω. Supradictum oraculum, quod de Turcis vaticinatur. Cæteros eius, inquit, versus prætero, dicam paucos,

Δὴ τότε βιθυνῶν γαῖαν οἰκήσεσσι ζωὸς ἀδιφροσώποι

Κακὸν ἡ ἀδιβήσεις αὐθοκες οἱ βύζαντος ἐδοκετανατέσσιμοι.

Oraculum hoc etsi antiquissimum, tamen in tot vrbis ruinis nunquam adeò liquidè patuit, quam nunc sub imperio Turcorum. In supercilio quarti collis vergente ad Solis ortum visitur templum Pantocratoris illustrē memoria recentium scriptorum, cuius parietes in-

teriores vestiti crustis marmoreis varij, quod duplices porticus habet, & plura tecta hemispherica tecta plumbo, quorum maximum sustentatur quatuor columnis Pyriopœciliis, quarum perimeter habet septem pedes: alterum Hemispherium sustentatur quatuor arcubus, quos fulciunt quatuor columnæ marmoris Thebaici. Est item in quarti collis latere meridionali, columna par, & similis ei, quam dixi in Exocionio paulò antestantem nuper traductam in Basilicam Regis Soleimani. Habet in basi circulum illum laureatum, radiatum, similitudinem crucis labaricæ gerentem, qualis in Xerolophi columna cochlide Arcadij videtur. Ad radices quinti collis est duplex murus intra se claudens vicum domorum, quem nunc vulgò appellant Phanarium, ex eo, quod vna nocte ad lucernam constructus fuerit instante obsidione. Vbi ex Dionysio arbitror fuisse locū, qui Mellacopsas appellabatur, cur ita appellaretur ostendi in Bosporo. In dorso quinti collis est ædes Regis Selini cum Xenodochio, eiisque sepulchro: ibi etiam prope est cisterna ingens in pratum conuersa, spoliata columnis & cameris.

*De sexto colle, & decimaquarta regione.*

C A P . V T   I I I .

**V**RBI S descriptio regionum, tradit decimam-quartam regionem licet in urbis parte numeretur, tamē quia spatio interiecto dimissa esset, muro proprio vallatam alterius quodā modo speciem ciuitatis ostendere, esse verò progressis à porta modicum situ planam, dextro autem latere in cliuum surgente usque

usque ad murum ferè plateæ spatium nimis pronā continere in se Ecclesiam, Palatum, Nymphæū, Thermas, Theatrum, Pōtem sublicium, siue ligneum. Quispam fortasse, qui Constantinopolim non vidit, ex hac descriptione facile putauerit sciri posse, in qua parte sit decimaquarta regio, præsertim iam vndeциm cognitis, & tertiadecima, & duodecima, quammox cognoscendis: at cùm nulla extent, quæ traduntur in ea fuisse, ne pons quidem sublicius, neque aqua, quæ hoc ponte traiiceretur facile cognoscatur, disceptatio relinquitur inquirendi in quo loco fuerit: nam nescio, quæ illa porta fuerit, à qua dicit progressis modicum planam, quod verò ait dextro latere in cliuum surgente, facile intelligetur, si scirem quid appellet dextrum latus. Iam verò in quinto colle fuisse hæc non videtur, ex eo, quòd dicit interiecto spatio diuisam, quo exiguo diuisa fuisset, inconsultumque fuisset, iam muro proprio distinguere à propinquis vrbis muris. Huc accedit, quòd nullus pons fingi potest fuisse in quinto colle, neque in sexto aut septimo collibus vrbis, neque extra vrbem ullus pons extat, neque vallis intercedens intra quintum & tertium collem pontem ullum habet, neque aquam, nisi cogitemus sinum aliquem, qui nūc obrutus sit habuisse, qui ponte transiretur. Iam si existimamus ultra sextum collem, vbi vicus hodie Aiwasarius nuncupatus, facilius quidem constabit illic pontem fuisse, quo traiiceretur sinus Ceratinus. Vbi prope fundamenta pilorum pontis videntur, at verisimilius videtur collem. sextum vicinum habitatum fuisse propter commoditatem viarum à Thracia, priusque vicinum, quām longinquum

censendum inter regiones vrbis, præsertim cùm pleris  
que scripserint sextum collem habitatum fuisse subur-  
bio Hebdomo appellato, quod aliaq; suburbana ædi-  
ficia, ut intra vrbem includeret, propinquitas loci inui-  
tavit Theodosiū minorē ad promouēda vrbis mœnia.

*De Hebdomo suburbio Constantinopoleos, & triclinio  
Magnaure, & Cyclobio, & de statua Maurity, eius-  
que armamentario, de loco nuncupato Cynegio.*

## C A P V T   I I I I .

V B V R B I V M Hebdomum appellatū in sexto  
colle fuisse, qui nunc est intra vrbem, ostendit  
ædes diui Ioannis Baptistæ, quam etiam nunc  
Græci vulgò vocant Prodromi, ea in latere ad Solis or-  
tum pertinente sita est, à Turcis maxima ex parte diru-  
ta, vbi aliquot columnæ marmoreæ extremā rapinam  
metuētes supersunt, sed paucę ex multis ablatis. Quām  
autem illa sumptuosa fuisse, cùm alia vestigia indicat,  
tum cisterna Boni nuncupata (ex eo, quòd eam Patri-  
tius appellatus Bonus condiderit) paulò supra eā ipsam  
sita longa trecentos passus, columnis & concameratio-  
ne spoliata, in qua nunc horti virēt. Sozomenus ait Re-  
gem Theodosium maiorem caput Ioannis Baptistæ ex  
vico nuncupato Coslao, qui vicinus erat Panticchio lo-  
co Chalcedonis, traduxisse & posuisse ante vrbem Con-  
stantini in Hebdomo nominato, maximūmque & pul-  
cherrimum Deo ibidem excitasse templum. Idem tra-  
dit Theodosium cùm educeret exercitum contra Eu-  
genium ex vrbe Constātini egressum, ut sibi exercituīq;  
bene & feliciter exitus belli eueniret à Deo precatum  
fuisse

fuisse in æde, quam in honore Ioannis Baptiste in Hebdomo ædificauerat. Procopius nimium rhetoricè adulatur Iustiniano, quem instauratorem huius ædis tradit ædificasse eam in suburbio appellato Hebdomo. Zonaras ait regnante Constantino Pogonato Agarenos graui classe urbem obsedit, quæ stationem habebat à promontorio Hebdomo sito ad Occasum usq; ad Cyclobion. Similiter historiæ alia tradunt à promontorio nuncupato Hebdomo ad Occasum pertinente, siue à domo Magnaura usque ad Palatum Cyclobion spectans ad Orientem stetisse classem Agarenorū, ex quibus obiter colligo Magnauram fuisse in Hebdomo. Cedrinus Magnauræ solarium rotundum scribit condidisse Philippicum Regem, illucque in atrio suam statuam armamentariūmque collocasse. Alij scribunt Mauritium Imperatorem Magnauræ triclinium ædificasse, in eiusque atrio posuisse suam statuam, armamentariūmque ibidem constituisse, in triclinium Magnauræ hi versus extant incerti Poëtae:

Οὐραλέως καὶ λέπιναρη, τόνδε δέ μοι βασιλῆσσα  
Αἰχυλού διλειθερερη ἀπὸ σφροῖο λαχέντισσα  
Ἄνδρας αὖτε ἄρακλης σώμα λευταῖσίνω γένει.

Cisternam Magnauræ, quæ erat in Palatio Heraclius obruit, quam, ut ait Cedrinus, Macedonius Rex purgavit, in pristinūmque statum restituit. Quidam si minus vere, tamen aptè tradunt triclinium Magnauræ nominatum, ex eo, quod Anastasius Rex cùm ibidem ob horrendam tempestatem ventorum & tonitruum, & fulminum extingueretur, clara voce dixerit: Magna perimus aura. Pulcheria Theodosij minoris soror ab admistrata

nistratione imperij remota secessit, & apud se vixit in Hebdomo. Nicephorum Phocam, Zonaras, inquit, appropinquantem vrbi à populi factione Praesina appellata exceptum magno applausu, eumque in Hebdomo coronatū à Patriarcha Constantinopolitano. Cur verò id suburbium nominetur Hebdomum, existimo à septenario numero suburbiorū, quæ nomina retinuerunt etiam inclusa in urbem. Procopius tradit Iustinianū in regione vrbis, quæ appellaretur secunda, ædē diuæ Annæ ædificasse, ignotus scriptor patriæ Constantinopolitanæ rationem affert, cur appelletur secunda. In loco, inquit, appellato secundo, stabat Iustiniani Rhinometri statua, hanc demolitus est Bardas Cæsar Michel auus Theophili, & confregit. Appellatus est secundus locus ex eo, quod Iustinianus in exilium proiectus in Chersonem à patritio Leone rerum potiente, vbi cùm decem annos exul māsisset, profectus est ad Terbelum Regem Bulgarorum, cuius filiam nomine Theodoram duxit, cīque exercitus datus est, quem duxit contra Constantinopolim ad repetendum suum principatū, quem ciues cùm noluissent recipere, ingressus est per cuniculos aquæductus in urbem, ad locum vbi restabant fundamenta columnæ suæ, quam aduersarius euerterat: & secundo regnum adeptus. Secundā columnam ibidem restituit, ædémq; ibidem diuæ Annæ ædificauit, ex eo que locus appellatus secundus. At, vt iam dixi, Procopius tradit magnum Iustinianum eam condidisse in regione secunda, quam ante Theodosium minorem, qui muros vrbis promouit, existimo suburbium fuisse septimi collis, hoc est, duodecimæ regionis ex Cedrino, & aliis.

Fue

Fuerunt, inquiunt, terræmotus horribiles, qui murū vrbis in Exacionio euerterū, & templa magnifica, & domos splendidas in porta vrbis aurea victoriæ signum prostrauerunt, & in secunda regione ad diuam Annam loca tremuerunt. Hæc pluribus dixi, ne quis *λαντράριον χώρας* putet esse in numero regionū, quas antiqua descrip̄tio tradit quatuordecim fuisse vrbis. Procopium mirror in tot ædificiis vrbis describendis nunquam earum meminisse, cùm Iustinianus in suis cōstitutionibus me-minerit. Inter Palatium Constantini, & portam vrbis Adrianopolitanam, extat ædes in septimo colle, quæ et si iam tot secula sit intra vrbem, tamen etiamnum *χειρός χώρας* appellatur, ex eo, quòd olim esset extra vrbē ex tribus partibus, vt mos est Græcarum ædium sacrarū: porticu cingitur, parietis eius intrinsecus vestiti crustis marmoris varij quadratis, ita inter se coniunctis, vt distinguantur ab imo sursum versus modulis astragallorum, aliorum baccatorum, aliorum teretium sine bac cis. Supra quadratas crustas discurrūt tres fasciæ, & tres velut astragali, quorum duo teretes supremus quadratus velut regula, supra fasciam denticuli, supra denticulos folia Corinthia, deniq; marmor sic mensulis distinguitur, vt in commissuris eluceat labor Corinthius: sed is plenior appetet in æde Sophiae. Iam verò ex his, quæ post addam, cognoscetur Hebdomū suburbium fuisse in decimaquarta regionum vrbis continente in se Palatium. Nunc ex tot antiquis Palatiis nullius nomē extat, nisi Palatij in septimo colle siti, quod etiamnum appellat Constantini, ex cuius ædificiis restat vnum cum aliquot columnis, & cisterna, in qua elephanti stabu-

Iantur. In planicie littorali posita ad radices sexti collis  
vergentis ad ortum solstitij aestui, est porta Palatina,  
sive Cynegion appellata, ubi Platani extra portā. Pro-  
pe portam extant intra murum tres arcus magni, nunc  
substructi, olim patentes, per quos ingrediebantur tri-  
remes in portum manufactum intra muros clausum ad  
commoditatem propinqui Palatij, nunc obrutum, &  
conuersum in horti culturam. Cynegion celebre est scri-  
ptis recentium, ut etiam Suydas non alienum putarit in  
suum Lexicon hāc historiam inserere. In Cynegio, in-  
quit, appellato proiiciebantur mortis condemnati, erāt  
quædam illic statuæ. Theodorus Anagnostes eò profe-  
ctus cum Imerio Chartophylace vidit illic statuam par-  
uam quidem longitudine, sed crassitudine magnam,  
me autem contemplante, inquit Imerius. Contempla-  
re, quis condidit Cynegion. Cui respondi, Maximinus  
condidit, Aristides dimisus est, statim cecidisse colum-  
nam, & affixisse Imerium, ut euestigio moreretur: ego  
metu perculsus ad templum fugi, & quod acciderat de-  
nuntiaui. Id autem hominibus minimè credentibus, iu-  
reiurando asserui, domestici defuncti, & quidam Regis  
ministri, ad locum mecum profecti sunt, qui cùm ad-  
mirarentur casum viri, & columnæ, Ioannes quidam  
Philosophus dixit se inuenisse ab animalculo præcla-  
rum virum interitum, à quo persuasus Philippus Rex,  
hoc animalculum in eodem loco terra obrui iussit. Iu-  
stinus tertius Tyberium & Leontiū, qui triennium im-  
perauerant è vinculis eductos per forum & theatrum  
simul iunctos rapi ab equis, atque ad eius pedes detra-  
ctos cùm eorum ceruices calcasset, in Cynegio spectante  
populo

populo interfici iussit. Id theatrū, per quod dicit simul iunctos raptos, existimo fuisse theatrum venatorium: nam, ut Romæ fuit θέατρον λεωφυλακών. Ita fuit Byzantij ex Procopio, qui tradit Iustiniani auaritia theatra, Hippo dromos, Cynegesia maxima ex parte omissa fuisse.

*De Blachernis, & de Triclinio Blachernæo, & Palatio,  
aquæductu, & de multis locis antiquissimis.*

C A P V T V.

**A**NTIQV A regionum descriptio dicit quidem decimamquartam ædem sacram cōtinere, sed non nominat, neque meminit Blachernarum, quamuis ita nominarentur antequam Seuerus Byzantium euertisset, ut pōst declarabo, quæ extra urbem es- sent non modò eo tempore, quo scripta est illa regio- num descriptio, sed etiam viuente Iustiniano, quē Pro- copius scribit ædificasse templum virginis Mariæ ante mœnia vrbis, in loco appellato Blachernis. Miretur hoc templum, inquit, ingressus, ingentem quidem molem citra vllum periculum constitutam, cernens ipsam ma- gnificentiam ab omni insolentia alienam. Puto Iusti- nianum hoc templū refecisse, nam Zonaras tradit Pul- cheriam Marciani vxorem templum in Blachernis æ- dificasse, & Mariæ virgini dedicasse. Pomponius latus hoc à Theodosio conditum tradit, Cedrinus testatur Iustinum nepotem Iustiniani templo Blachernarum duos arcus addidisse. Cùm ex antedictis Procopij con- stat Blachernas extra urbem esse, tum ex Agathio. In- stantibus, inquit, Barbaris permisso Iustiniani omnia templa extra urbem sita, quæ à Blachernis initium su-

D D 2

munt, vsque ad pontum Euxinum spoliabantur armamentis, & intra urbem seruanda traducebantur, hodie prope Xylo portam & angulum urbis occidentale inter radices sexti collis, & sinum ædis sacræ intra urbem sitæ, quam virginis Mariæ sacram dicunt fuisse, eiq; fontem sacrum adhuc scaturientem ostendunt Græci, Blachernamque locum nominant, vestigia extabant, cum venissem Byzantium, quæ funditus nunc ferè effossa sunt, & deleta. Ex imo cliuo sexti collis eminenti supra templum Blachernæum prodiit aquæductus duabus fistulis, eius aqua salit, quarum altera clauditur epistomio, altera perennis fluit, hunc ex Hydrale fluuio antè dixi Andronicum Regem conduxisse in regionem Blachernæ, ubi anteà aqua fluuiatilis nulla erat. Anastasius Rex magnum Triclinium ædificauit in Blachernis, quod etiam in ætate Suydæ dicebatur Anastasiacum, Tibrium Regem construxisse publicum Blachernarū balneum. Zonaras, & alij scribunt. In Blachernis regium Palatum fuisse etiam nunc ætate Zonaræ, atque multò infra usque ad Manuelem Regem ex historia liquet recentiorum, vnde verò locus Blachernas appelletur. In suo anaplo Bosporico docet Dionysius Byzantius, à quo loca descripta à quinti collis radicibus, ad extremum angulum urbis, & collis sexti, paucis repetā. Post locum, inquit, qui nominatur Mellacopsas, hunc antè dixi fuisse sub radicibus quinti collis, duo loca sunt omni tempore anni punctionem ad depressiones extremas, quas efficiunt lingulæ collium, & ad sinus profundos quietos à ventis largientia, quorum alter Ingenidas dicitur ab heroe Indigena, alter Piræicus, à Pirœo Atheniensi,

niensi, vel ut alij dicunt, ab antiquo quodam incola: in quorum medio locus est nominatus Cittos à copia hereræ ibi facilè prouenientis. Piræico loco continuus est Camara locus procliuis, & ventis obnoxium littus, itaque multum à mari percutitur. Inde supra Thalassa: finis totius sinus Ceretini vbi est initium influentium in sinum fluminum, nominata enim siue ob illorum vicinitatem corruptentium naturalem maris aquam, siue quòd immobilis, & minus affecta ventis, ac potius ab influxu fluminum, assiduam, mollémque materiam afferentium efficiente mare cœnosum, vbi tamen est copia piscium, huius maris marcidi primus locus appellatur Polyrrhetius à viro Polyrrheto. Post hunc Vateia scopia à mari profundo, tertius Blachernas nomen barbaricū à quodā ibi regnante adeptus, vltimus Paludes.

*De ponte, qui est ad diuum Mamantem, & de eius Hippodromo, & Leone æreo, de Mauritij Regis sepulchro.*

## C A P V T V I.

**M**O N Historici modò, sed etiam Grammaticus Suydas, tradunt ad diuum Mamátem pontem suisse duodecim fornicibus constantem, multæ enim aquæ eò defluebāt, vbi etiam Draco ærus statutus erat, propterea quòd illic serpens aliquando habita esse existimaretur, vbi multæ virgines prægnantes fiebant. Basiliscus enim quidam, qui amauit hunc locum, quique ex cohorte Numeriani Cæsaris fuit, illic habitauit, & templum excitauit, quod postea Zeno euertit. Constantinus Iconomachus Andream Calybitē memorabilem virum apud Blachernas in Hippodromo

diui Mamantis flagris interfecit. Zonaras narrat Mau-  
ritium Regem sepultum fuisse in templo diui Maman-  
tis prope murum, quem ædificauit Pharasmanes eunu-  
chus, Iustiniani cubicularius. Cedrinus dicit templum  
Mamantis esse prope portam nuncupatā Xylocercon,  
alij tradunt Crunnam Bulgatorum Regem Constanti-  
nopolim circuisse à Blachernis ad auream portā, quam  
cùm capere se posse diffidisset, cucurrit ad diuum Ma-  
mantem, Palatium illic situm incendit, & Leonem æ-  
reum positum in Hippodromo simul & Vrsum, & Dra-  
conem, & electa marmora, cùm reuerteretur exporta-  
se. Sozomenus loquens de his, qui expulsi sunt propter  
Chrysostomum, ex vrbe egressos scribit conuenisse in  
locum situm ante vrbem, quem Constantinus Rex in  
Hippodromi spectaculū purgauerat, & muris ligneis  
circundederat, quem arbitror postea appellatum Hip-  
podromum diui Mamantis. Zonaras addit Leonē Re-  
gem metu incendij, quò vrbs conflagrabat exiuisse ex  
vrbe, & plurimum mansisse ad diuum Mamantem. Ce-  
drinus Theophilum Regem dicit certamina equestria  
exercuisse ad templum martyris Mamatis, in Steno si-  
tum. Ex antè aceruatim collectis patet diuum Maman-  
tem fuisse ad Blachernam, pontemque illic fuisse, id  
quod confirmat Ioannes Tzetzes in sua varia historia,  
cùm ait ex Abydi angustiis vsque ad pontem Blacher-  
narum Hellespontum appellari. Ex quo liquet pontem  
illum fuisse vbi pilæ cernuntur lapidesque antiqui pontis,  
sed non extra aquam eminentes, nisi aliquando æstate  
sitæ inter angulum vrbis Blacherneum, & suburbium,  
quod Turci appellant Aibasariū, hunc illum iam pro-  
nun

nuntiare possumus esse, quem antiqua descriptio regionum vrbis appellat ligneū, & ponit in decimaquarta regione, in qua diximus fuisse suburbium Hebdomum. Hoc vnum adueire ex Suyda, pontem diui Maman-tis habuisse duodecim fornices, itaque lapideum tum fuisse, aut Suydam loqui de alio templo Maman-tis alibi sito.

*De septimo colle, & duodecima regione, & de columna  
Arcadij.*

C A P. V I.

X C O L V M N A Arcadij, quæ etiamnum extat in septimo colle nuncupato Xerolopho diuiso à sex collibus valle lata, colligo fuisse duodecimam regionem, quæ portam auream à ciuitate petentibus in longum plana omnis consistit, sed latere sinistro mollieribus cliuis deducta maris confinio finiebat: continebat in se portam aureā, porticus Troadeas, forum Thedosiacum, portum Theodosiacum, & columnam intra se gradibus peruiam, quā Arcadius Imperator excitauit in Xerolopho, etiam nūc in nostram etatem nōmen retinente, & supra ipsam collocauit statuam suam, quæ cecidit regnante Leone Conone terramotu, quo vehementer concussum est Byzantium, & quo multa templa, & domus ceciderunt, multitudoque hominum oppressa est. Cedrinus declarat hāc columnam Arcadij ex omnibus partibus similem columnæ Theodosij in Tauro positæ, habet stylobatem, basim, & capitulum, eius scapus cum spira & capitulo constat lapidibus viginti & uno. Præterea supra capitulum duo lapides existunt, stylobates constat quinque lapidibus omni

omnibus adeò coniunctè inter se cōmissis, vt si vel ter  
ræmotu, vel vetustate nunquā concussa fuisse, ex vno,  
eodemque lapide tota columnæ constare videretur. Hi  
lapides alij supra alios impositi, & coniuncti tanquam  
spōdyli intus excavati totum columnæ ambitum vnū,  
& perpetuum præstant fenestellis illustrem, & gradus  
efficiunt. Vnus enim quisque lapis partem graduum ef  
ficit, & ambitum scapi velut murum, incœpi numerare  
à lapide supremo fastigiante columnam vñq; ad imum  
gradum. Supremus igitur lapis continens portam, qua  
scanditur supra capituli abacum, altus circiter trede  
cim pedes, & dodrantem. Concameratus, & conuexus  
tegit totam columnam, porta alta sex pedes & duos di  
gitos, larga pedes tres & dodrantem: secundus lapis sex  
pedes altus continet supremum gradum positum supra  
abacum capituli. Tertius altus quinque pedes & qua  
tuor digitos, continet abacū, & totum capitulū. Quar  
tus, altus quinque pedes exceptis duobus digitis. Quin  
tus altitudinem habet quinque pedum minus duobus  
digitis. Sextus quatuor pedum & dodrantis. Septimus  
quinque pedum & digitorum duorum. Octauus qua  
tuor pedum, & quatuor digitorum. Nonus sex pedum.  
Decimus quinq; pedum. Undecimus quatuor pedum,  
& quatuordecim digitorum. Duodecimus quatuor pe  
dum, & dodrantis. Decimustertius quinque pedū. De  
cimus quartus quinque pedum, & digitorum duorum.  
Decimus quintus quinque pedum & semipedis. Deci  
mus sextus quinq; pedum & semissis. Decimus septimus  
quinque pedum, & decem digitorum. Decimus octauus  
sex pedum & semissis. Decimus nonus quinque pedum,  
& di

& digitorum quatuor. Vigesimus sex pedum & semipe-  
dis. Vigesimus vnuſ, qui initium scapi facit, ſex pedum,  
& digitorum quatuor. Infra ſcapum lapides continen-  
tes ſpiram, ſtylobatem ſunt ſex, quorum ſummus altus  
quaternos pedes & dodrantem, ſecundus totidem, ter-  
tius quatuor pedes, quartus pedes quatuor, & ſemifem,   
quintus totidem, ſextus & infimus quatuor pedes. Sin-  
guli ſupradicti lapides ex ſe gradus faciūt, & ambitum  
velut murum diſtinctū fenestris quinquaginta ſex, gra-  
duis autem circiter ducenti triginta tres ſunt duorū ge-  
nerū. Alij enim per anfractus, alijs cochleæ in modum,  
ſtylobates ascenditur quinque anfractibus normatim  
aſſurgentibus, vnuſquifq; anfractus areolam vnam ha-  
bet, qua ascenditur ex uno anfractu in alterum. Primus  
anfractus habet gradus ſex, ſecundus totidem, tertius  
octo, quartus nouem, quintus totidem, omniū infimus  
vicinus limini infero ianuæ, altus dgitos decem, largus  
pedem vnum, longus pedes duos, & nouem dgitos. Si-  
miles ſunt totius quinti anfractus, cuius area quadrata  
quoquo versus lata duos pedes & nouem dgitos. Post  
quinque anfractus eſt initium ſcapi, cuius gradus primi  
alti decem dgitos, largi iuxta murulum ſcapi pedem,  
in medio pedem & dodrantem, longi pedes duos & no-  
uem dgitos, vltimi alti nouem dgitos, ſcapus colum-  
ne interior habet ambitum viginti octo pedum, crassi-  
tudo muri, quo velut thorace gradus clauduntur, eſt  
duorum pedum & trium digitorum, in ima columna,  
at in ſumma pedis & dodrantis. Iam ſi quis me curio-  
ſum dicet, quod ſingulos lapides mensuſ ſim, curioſio-  
rem dicet illum, quem Thucydides probat, quod muri

hostilis lateres numerasset, vt altitudinem deprehenderet: ipse exteriorem ambitum metiri non sum ausus, ne demissum perpendiculum Barbari deprehenderent altitudinem, necesse habui intus latens dimetiri interiores singulos lapides, ex quibus innumerum subductis deprehenditur colunæ Cochlidis altitudo, id quod videtur primùm extare supra terram, sunt duo gradus compositi ex multis lapidibus. Deinde sequitur tertius gradus, is est lapis altus tres pedes & quatuor digitos, latus quoquouersum triginta tres pedes & semipedē. Supra lapidem, qui efficit tertium gradū stylobates constitutus constans quinque lapidibus, quorum incipiens à lumine portæ est altus quinque pedes & semissem, in quo quidē lapide est plinthus planus altus tres pedes quinque digitos. Torulus quinque digitos, Apophygis cum regula dodrantem, altera regula superior duos digitos, corona scalpta alta dodrantem. Sophorus egregiè scalptus trophæis ex triplici latere, nam latus ad septentriones pertinens, continens portā, non est insculptum. Coronis stylobatica inclinatur velut tectum, in qua ima est primū regula, deinde Astragalus baccatus, tertio loco Echinus, quarto Astragalus intortus ut funis, reliqua pars usque ad summam curuaturam folia ligata in modum manipolorum, recta quidem, & in se curuata voluta. Stylobates emittit velut abacum, in quo fasces coronario opere laureati bini in singulis lateribus, quorum maior incuruatur usque ad imam partem abaci. Item in lateribus eiusdem coronati abaci summi existunt septem pueri nudi, tenentes fascem laurcum. Ex unoquoque abaci angulo eminet aquila, supra stylobatis aba

abacum coronarium existit plinthus columnæ minus proiectus foliis adumbratis, supra plinthum torus laureatus alligatus vittis flexuosis. Toro superest apophygis, deinde incipit scapus columnæ sculptus pugnis variis, sculptura procedit in modum columnæ, quæ Romæ Traiano sacra est inter elices binas cochlearæ more surgentes. Summus scapus nempe Trachelium est striis rectis distinctus, capituli ima pars apophygis, deinde echinus, tertio loco abacus proiectus extra scapum duos pedes, & digitos quatuordecim. Abacus quoquouersus patet in latitudinem decem & septem pedum, & dodrantis, supra abacum existit porta, & velut conus columnæ altus portâ continens, altior decem pedibus. Hanc Tuscanam columnam dicere possumus cum basis, & capitulum sint elaborata opere Tuscanico.

*De statuis, & antiquissimo tripode Apollinis in Xerolopho statutis.*

C A P . V I I I .

 V Y D A S sribit Xerolophon primò quosdam Thēma appellasse, ex eo, quod in eo essent quindecim Cochlearæ, & Diana statua, & Seueri cōditoris, & Themation, tripus vbi hostias immolabat Seuerus, vbi multa oracula aliquādo edebantur, & puella virgo immolabatur. Priscianus, quem mihi in memoriam reuocauit Benedictus Aegius antiquitatis acer inuestigator tradit Oeles solitos fuisse interponere F, digamma, quod ostendunt Epigrammata, quæ egomet legi in tripode vetustissimo Apollinis, qui extat in Xerolopho Byzātij, sic scripta, θημοφων, αεφων. Item alio loco Aeoles solēt inter duas vocales eius-

E E 2

dem dictionis digamma ponere, quos nos in multis sequimur, ὁ Φίς, ouis: ἀφθ., dauos: ἀφόη, ouum: & quòd hoc verum est, ostendunt Epigrammata vetustissima, quæ literis antiquissimis scripta in multis tripodibus legi, & maximè in tripode Apollinis, qui est Constanti-nopoli, in loco quem ξερόλοφον vocant: sunt autem scrip-ta sic, Αποφωγ., pro Αποφόων: λαφοκόφων, pro λαφοκών. Ad-dunt alij fuisse etiā in Xerolopho iuxta basim colum-næ Arcadij columnam Theodosij minoris, & Valenti-niani, & Marciani, quę terræmotu ceciderunt. Zonaras dicit Symeonem Bulgarorum principem crudelem, & nunquam quietum contra nationem Chrobatorū exer-citum duxisse, à quibus cùm victus esset, exercitūmque amisisset locorum difficultate, interea quidam Regi Constantinopolitano significauit statuam supra forni-cem in Xerolopho collocatam, spectātem ad Solis occa-sum, designare Symeonem Bulgarum, ac si quis co-lumnæ caput abscinderet secuturum Symeonis inter-i-tum. Itaque Regis iussu caput columnæ abscissum est, & interitus Symeonis ex violento stomachi dolore co-gnitus est Regi Constantinopolitano diligenter obser-uanti illius tempus interitus. Iam verò portus Theodo-siacus fuit in hortis, quos hodie appellant Blancham, muro vndique clausis, & sitis in maritima Propontidis planicie, subiecta sub radices septimi collis, cuius ostiū vergebat ad Solis ortum æstiuum, à quo moles exte-batur ad occasum æstiuum: supra quam nunc muri a-structi existunt. Vrbis moles adhuc extat larga duode-cim pedes, longa sexcentos passus meos, quos conficere soleo in ambulando, portus obrutus est, latissimos hor-

. tos

tos habens oleribus cōsitos, & paucis arboribus: ex quibus, vt Fabius ait, non pendent vela, sed poma. Horti irrigui sunt ex lacubus, quos habēt intra se perennes, vestigia nimirum antiqui portus. Cuius circuitum excessisse milliarium ex mole, & situ loci deprehendo, in favibus portus adhuc nauium capacibus extra murū urbis etiamnum videtur turris vndique mari circundata, & saxa reliquæ ruinarum. Scriptor ignotus patriæ Constantinopolitanæ tradit primò nuncupatum Thema, vbi Cochleas quindecim diximus fuisse, deinde forum Theodosiacum appellatum: mihi potius videtur fuisse Arcadiacum, à proxima Arcadij columnā: nam forum Theodosiacum vero propius videtur fuisse prope portum Theodosiacū, cùm ex architectonica ratione, quæ præcipit forum faciendum esse iuxta portū: tum ex nomine conditoris Theodosij, qui forum suum commodius efficere non potuit, quām iuxta sui nominis portum, quem arbitror etiam portum Eleutherij prius appellatum fuisse, si vera tradunt, qui dicunt Constantiū magnum saxa fluctibus obiecisse à mucrone primi collis vsque ad portum Sophiæ, & portum Eleutherij conditum à magno Constantino præsidente operi Eleutherio Patritio, statuāmque Eleutherij statutam fuisse marmoream in eo portu, marmoreum calathum ferentem humeris, & palam etiam marmoream tenentem manu, Palatiūmq; Eleutherij ædificasse Hirenā, eiūsque filium Constantinum, atque ab hoc Palatio vsque ad Amastrianum Hippodromum fuisse à magno Theodosio conditū, quem euertit Hirena. Zonaras scribit Hirenā, cùm ab administratione imperij remota

fuisset à filio Constantino in domo sua, quam ædifica-  
uerat in Eleutherij partibus vixisse. Porticus, quas re-  
gionum vrbis descriptio appellat Troadeas, alij vocat  
Troadesias, qui dicunt Conſtantinum magnum muros  
promouisse usque ad porticus Troadesias, portam au-  
ream, quam cōtinebat duodecima regio. Troadeas ap-  
pellatas arbitror, quod continerent quippiā eiusmodi  
quale Plutarchus tradit continuuisse porticum Variam  
nuncupatum. Aiunt, inquit, in porticu olim appellata  
Plesiaitia, nunc verò Pœcila Polygnotum pictorem  
Troadeas pingentem Laodicæ faciem in imagine El-  
pinicæ fecisse. Nunc ex nomine, quod mutatū est non  
agnouissem, nisi ex fonte portæ vicino collegisssem, quē  
etiamnum appellant *χρυσοπηγὴ*, à porta aurea nomen  
retinentem. Is adhuc perennis scaturit, & religiosè bi-  
bitur à Græcis, qui omnes fontes iuxta templā sítos sa-  
cros habent, & nominant. Iam templū non extat, quod  
Procopius describit: Duo templā, inquit, Deiparæ Iu-  
stinianus construxit ante muros vrbis, vnum in regio-  
ne appellata Blachernis, alterū in loco nominato *ταύρη*,  
vbi est sylua magna cupressorum, & pratū floridū,  
hortūisque tempestiuos & formosos fructus producēs,  
& fons sine strepitu emittens aquam quietam & pota-  
bilem. Hęc quidem templā ante muros vrbis fecit illud  
quidem ad littus maris, alterū prope portas aureas nun-  
cupatas. Quae quidem templā addit Procopius circa fi-  
nem murorum esse, ut ambo sint inexpugnabilia vrbis  
præsidia. Ex quibus coniicio tempore Iustiniani angu-  
lum vrbis, quem vocant Septem turrium non fuisse in-  
tra vrbem. Sed murum terrestrem à porta aurea angu-  
lum

Ium fecisse vrbis longè interiorem, ut ex studio monasterio colligere licet suburban olim, quod nunc intra vrbem est penitus, quām angulus Septē turrium, idem Procopius ait Iustinianum ingrediēti portam auream à dextra parte templum diuæ Iæ vetustate collapsum ingenti sumptu restituisse. Iam non modò ex antedictis portam auream assequor vicinam fuisse septimo colli nuncupato Xerolopho, verùm etiā ex Zonara, qui tradit regnante Leone multa templa, multasque domos terræmotu cecidisse, Arcadiique statuam in columna Xerolophi positam, & in porta aurea Theodosij maioris statuam, & muros vrbis pertinentes ad continētem campestrem. Cedrinus ait eodem terræmotu ad portam auream cecidisse Victoriae statuam: alij addunt eodem terræmotu quinto Kalendas Nouembbris factō ædificia sacra profanaque permulta cecidisse, populūmque multum extinctum fuisse, & simulacrum, quod stabat supra Attali portam magni Constantini vñā cum ipso Attalo. Longè igitur errant, qui putat portam auream esse, quām nunc Oriam vocant, sitam in parte vrbis septentrionali, quam antè dixi portam Neorij, cùm ex antè scriptis liqueat esse in parte vrbis vergente ad Solis occasum æstiuum portam auream, tum ex antiqua vrbis descriptione regionum, quæ tradit vrbis longitudinem à porta aurea usque ad littus maris directa linea pedum quatuordecim millia septuaginta quinque continere. Cedrinus tradit elephantos collocatos in porta aurea similes esse illis, in quibus olim Theodosius sedens vrbem ingressus est. Quibus adiungunt horū elephantorum statuas in aurea porta statutas ex æde Mar-

tis Atheniensis deportasse Theodosium paruū, qui construxit vrbis muros vsque ad Blachernas. Cedrinus dicit Regem Macedonium ædificasse magnū templum Mocij martyris, & ædem diuæ Annæ in loco appellato Secundo. Procopius scribit hoc vtrunque templum Iustinianum ædificasse, vidi reliquias tépli Mociani prope cisternam sitam in dorso septimi collis, amplā, non minorem, quam antè scripsi, construxisse Iustinianum, neque paucioribus columnis sustentatam, quibus nunc spoliata spectatur, solum nomen retinens. Mocia enim nominatur, quam non modò Historici, sed etiā Grammaticus Suydas dicit Anastasium Dicorum condidisse. Vide an moneta, quā in hac regione ponit antiqua regionum vrbis descriptio sit ædes Iunonis monetæ, an Aerarium: nam reges etiam hodie in regione septimi collis dicuntur castello Septem turrium uti pro Aerario Suydas affert statuam Iunonis sustinuisse æreum fornicem ad similitudinem forficis capillos tondentis, sed in quo loco, non explicat: itaque ea, quæ adduxi de moneta, sint obiter dicta.

*De columnis, quæ nunc extant in colle septimo.*

C A P V T    I X.

**A**EDES sacra Studios appellata ab Studio principi ciue Constantinopolitano, is, vt ait Suydas, hanc condidit cū illustri monasterio. Studij meminit Iustinianus in nouis cōstitutionibus, cùm ait duas lecticas, quibus mortui efferuntur, in sacro thesauro sitas Studij præclaræ memoriae, & Stephani magnifica memoria. Studium intelligit monasterium ita nuncu

nuncupatum, quod nunc non extat, ædes extat translatæ in religionem Mametanam, in cuius vestibulo sunt quatuor columnæ cum trabeatione egregiè elaborata, in interiori parte ædium vtrinq; columnæ sunt septem virides, nigris maculis velut fragmentis alterius generis lapidum insertis distinctæ, quarum perimeter est sex pedum & sex digitorum. Denique earum ratio capitulorum, epistyliorum opere Corinthio elaborata eadem est, quæ columnarum vestibuli. Supra illas sex existunt totidem columnæ in parte ædis superiore. In area ædis Studianæ est cisterna, cuius lateritias cameras sustinent viginti tres columnæ excelsæ Corinthiæ, extra urbem fuit monasterium Studianum olim, nunc est intra urbem, iuxta viam, qua itur ex columna Arcadij ad portam Septem turrium, quas claudit murus urbis habens portam nunc obstructam, olim patentem, cuius Parasades sunt duæ columnæ Corinthiæ marmoris maculoflavi, venis viridibus distincti, sustinentes octo columellas efficientes tres arcus, in latere portæ sinistro existunt sex tabulæ marmoreæ, singulæ habentes latera clausa columellis aliis teretibus, aliis quadratis, continentes statuas eminenter expressas affabré sculptas, nudas, clavis pugnantes, quarum superiores habent supra se cupidines velut præcipites ad volandum, in latere dextro sunt item sex tabulæ cinctæ similiter columellis. In prima tabula inferiori iuuenis tenens organum musicum iacet supinus, tibiis implexis, supra ipsum impédet imago guncula velut Cupido, supra Cupidinem mulier: in tabula superiore est statua nuda tenens clavam erectam, pelle leonis brachio inuoluto, canes ducens manu sini-

stra. Supra ipsam eminet Leæna turgens vberibus. Alia tabula continet duos agricolas ferentes calathos vuis plenos. In alia tabula est eques alatus, equi frenum retinet mulier. A tergo sunt mulieres duæ, in summa parte tabulæ, alia mulier recubat, è regione huius iacet iuuenis. Hæc addidi ob tabularum antiquum opus summo artificio factū. Præterea vidi in septimo colle cùm alias Mameticas ædes, tum quatuor præcipuas habentes vestibula marmorea columnis marmoreis ornata, duas quidem in latere orientali, quarum duæ habet sex columnas in vestibulo bene proceras & crassas, duas quidem marmoris Thebæi, quatuor verò obscurè virètes marmoris Miscellanei. Altera est prope columnam Arcadij nuper facta ab vxore Soleimani Regis cum Xenodochio luculento, & Gymnasio profitentium literas Turcicas, & Arabicas, in quibus numeraui plusquam sexaginta columnas varias. In dorso collis spectantur aliæ duæ ædes, quarum vna habet balnea adiuncta, & Gymnasia literaria. In ædis vestibulo sunt sex columnæ Thebaici marmoris, quarum ambitus est septē pedum, & velut calcaneum æreum, bases quidem, & capitula Turcico labore exculta, sed scapi antiquissimi, præsertim duarum cingentium aditum ædis, habentiū Hypotrachelij subtilius reliquo scapo Hypotrachelij ima pars æqualis scapo habet annulum teretem, supra annulum est alter annulus latus depresso: deinde superest Hypotrachelium depresso reliquo scapo, ut est hominis collum subtilius inter caput & thoracē: nullāmque vidi aliam Byzantij habentem Hypotrachelium, tantoperè accedens ad rationē Vitruuij, tradentis Hypotra-

potrachelium columnæ Doricæ contrahendum, ita ut  
in tertio libro de Ionicis est scriptum. Alia ædes Mame-  
tana est in eodem colle, in cuius vestibulo sunt sex co-  
lumnæ bene excelsæ: in Gymnasij atrio sunt quatuor-  
decim, totidem in porticu vicina.

*De regione tertiadecima vrbis Sycena appellata, & de  
coppido Galata, siue Pera.*

C A P V T X.

**A**L A T A M oppidum fuisse partem Constan-  
tinopolis ostendit antiqua descriptio regio-  
num, Nouæ, inquit, Romæ tertiadecima regio  
est Sycena, quæ sinu maris angusto diuisa societatē vr-  
bis nauigiis frequentibus promeretur, tota lateri mon-  
tis affixa præter vnius plateæ tractum. Stephanus ait vr-  
bem Sycas contra nouam Romanam esse sitas appellatas  
sua ætate Iustinianas: cur autem ita appellarentur non  
explicat, sed si ex eo, quod Iustinianus eas ædificiis or-  
narit, aut collapsas restituerit, his enim de causis vrbes  
solent mutare nomina. Miror Procopium non memi-  
nisse horum ædificiorum, cum totius sinus Cornu nun-  
cupati ædificia à Iustiniano ædificata, vel restituta exa-  
ctè describat, nisi fortasse erratum sit in Procopio scri-  
bente Iucundianas pro Iustinianis: cum ait regias sub-  
urbanas Iustinianum renouasse in æreo loco, & loco,  
quem Iucundianas vocant, aut si in Procopio mēdum  
non est, erratum videri potest in Stephani Codice ha-  
bente Iustinianas pro Iucundianis, at Stephanus longè  
ante Iustinianum scripsit. Itaque, si vitium est, Stepha-  
ni non est, sed Hermolai Grammatici Constantinopo-

leos, qui Comm̄taria Stephani redegit in Epitomen, quā Iustiniano dedicauit. At verò Iustinianæ potius, quām Iucundianæ nominandæ videntur Sycæ ex collatione multorum Codicum non modo Procopij, sed etiam Iustiniani editorum, & manuscriptorum. Iustinianus in suis nouis constitutionibus illud, inquit, manifestum est, si maius interuallum sit, & plures sint Decani feretro inseruientes, & plures scholæ propter fere tri pondus pauxillum quiddam ipsis dandum esse. Deinde paulò infrà addit sibi similiter videri, si funus effertur intra nouos vrbis muros, & traiectū *την ιστινιανην* *τοις συκαις*, hoc est, Sycarum, siue Iustinianarū, quoniam non longè distant, neque opus est maiore tempore, aut labore ad illuc proficiscendum, sin autem extra muros huius fœlicis vrbis funus ducitur, siue vltra alios traiectus, quām traiectum Sycenum funus effertur, prætero cætera. Vbi aduerte *τωρασσα* Latinè vertendum esse traiectum, non autem terminum, vt habet Latina interpretatio. Ex antedictis patet oppidum Sycas nominatas esse trans sinum, & contra Constantinopolim, sed contra quam Constantinopolis parteī non declarat Stephanus: at ex antiqua regionum vrbis descriptione assequor, tradente regionem sextam à foro Constantini usque ad traiectum Sycenum porrigi, hoc est, Perræum, siue Galatinum nunc appellatum, & ne videar contemnere, recentes afferam. Ex his nonnullos, qui tradunt Absimiarum Ducem hostium obsidentium Constantinopolim se recepisse in portum Sycæ, sitæ è regione Constantinopolis. Euagrius scribit capita Longini, & Theodori à Ioanne Scytha Constatinopolim missa,

ex con

ex contis appensa ad nuncupatas Sycas in vltiore litore opposito Constantinopoli sitas, Regis iussu erecta fuisse iucundum spectaculum Byzantinis. Idem addit Vitalianum vsque ad nuncupatas Sycas incursionse fecisse, contra quem habentem in Sycis stationem mittitur à Rege Anastasio Marinus Syrus pugnaturus. Ambae igitur classes se præparant, vna ad puppim Sycas, altera Constantinopolim habens: primùm remos inhibebant, deinde post excursiones, & leues pugnas vtrique factas, prælium nauale commissum est circa loca appellata Vitharia. In fugā se coniessit Vitalianus magna ex parte virium suarum amissa, vt nemo hostium deinde in Bosporo inueniretur. Nec me mouet Strabo, qui videtur extra sinum Sycam ponere. Ex promontorio, inquit, fretum Bosporium in quinque stadia strigente vsque ad portum sub Syca positum esse triginta stadia, ex Syca ad Byzantiorum cornu quinque stadia, quæ non discreparent ab his, quæ antè dixi, si intelligeret Byzantiorum cornu, vt Plinius intelligit promontorium ipsum Bosporium, in quo Byzantium situm est. At Strabo declarat statim subdens cornu esse sinū longum sexaginta stadia. Itaque aut erratum esse Codicis Straboniani arbitror, aut ipsum Strabonem errare cùm ex antè scriptis, tum maximè ex Dionysio Byzatio antiquiore, & suæ patriæ scriptore, tradente Sycodem locum esse iuxta sinum Cornu appellatum, in eo loco vbi hodie extat Galata, vt planiùs declaraui in Bospori circumnavigatione. Longè etiam errant Perotini, qui dicitare solent Ianuenses primos cōditores esse Peræ oppidi, cùm multis antè seculis condita fuerit, quam Ia-

nuenses Péram emissent, vel nauatæ in bello opere loco mercedis accepissent ab Imperatore Constantinopolitano. Cùm Iustinianus ponat Sycas intra vrbis muros, & Agathius muris clausas tradat, cùm ait aduentu hostium tantum terrorem iniectum fuisse ciuibus Constantinopolitanis, vt Iustiniani Régis milites armati insisterent muris Sycarum, vt promptè obsistere hostibus possent. Quid quòd Stephanus Sycas appellat vrbem, quam postea recentes scriptores, sed antiquiores, quam Ianuenses Galatam accepissent, castellum Galaticum vocant, tradentes classem Saracenorum stationem à Magnaura ad Cyclobion habuisse. Post autē duos dies cùm vehemens ventus flaret ad castellum Galatam usque ad Clidion appulsam partem classis exustam fuisse igne, quem Imperator ex Acropoli iacularetur. Zonaras narrat Michaëlem Imperatorem, cùm terra & mari ob sideretur in hanc desperationem venisse, vt catenam contenderet ab Acropoli ad oppidulum in contrario littore positum. Adhuc Galatæ porta est, quæ appellatur catena, ex eo, quòd ab Acropoli usque ad eam portam catena extenderetur. Autam vero à Ianuensibus non semel, sed iterum ostendunt muri sapientius promoti adhuc extantes ab Oriente duplices, ab Occasu triplices, designantes varia vrbis incrementa. Iam videre licet antiquas Sycas in media Galata muris clausas, sitas contra regionem sextā, & traeiectum Sycenum totas affixas lateri montis, quales describit regionum libellus vrbis, præter vnius plateæ tractum, quem subiacentium sub eundem montem littorum tātūm præstat æqualitas. Oportuit hāc plateam latam fuisse centum

tum passus Romanos. Nam tanta hodie superest inter montem & sinum planities, & maior fortasse: quoniam tot post annos dilatata fuerit, ut quotidie videmus excrescere ex projectione purgamentorum, quae, ut desideant in profundum, retinentur sub lycis arcas lignas stabilientibus, quas fistulis defigunt incolæ studio augendæ planicie littoralis, & oræ maritimæ efficiendæ proprius portuosa. Verum ut planius intelligatur ubi olim Sycena regio fuerit, Galatæ situm, ut nunc est, describam.

*Descriptio Galatae, & de templis Amphiarai, & Diana, & Veneris, & theatro Syceno, & foro Honoriano.*

C A P V T X I .

**S**Y C E N A regio iam vulgo nominata Galata, siue Pera, rectius nominanda Peræa, ut Iosephus Iudæam transiordanam nominat Peræam, & trans Euphratem Strabo regionem appellat Peræam. Cur autem appelletur Galata, Constantinopolitani omnes iam prædicant, ex eo, quod illic olim lac vendetur, aut mulgeretur, decepti nominis allusione: nec dubito si scirent Galatam appellatam olim Sycā, quin etiam auderent eam dicere à ficuum lacte ita appellatam esse. Suamque tum aberrationem à vero tueri possent autoritate Dionysij Byzantij, scribentis Sycam appellatam à multitudine, & pulchritudine arborum ficuum ibi prouenientiū. Quantò rectius coniectassent, si à Galatis populis eam Galatam nominatam fuisse arbitrati essent, adducti Ioannis Tzetzæ ciuis Constantinopolitani, & diligentis Grammatici varia historia abhinc

hinc ferè quadringentos annos conscripta, quæ tradit Brenum Gallum Ducem Gallorum, quos Græci Galatas appellant, profectum Byzantium illinc traieceris: indéq; Byzantij locum appellatum fuisse Peram ex traciectione Galatarum, à quibus postea arbitror etiam Galatam appellatam. Hæc autem sita est partim in colle, partim in planicie subiecta sub ipsum collem, quæ duæ valles efficiunt, vna ab Oriente, altera ab Occidente, vtraq; longa circiter vnum miliare. Collis dorsum procedit à Septentrione ad Meridiem, latum ubique non minus ducentis passibus, tam longum, quam valles, quibus utrinque clauditur: deinde coniungitur cum reliqua continetis planicie, collis meridianum latus, & planitiem sub ipsum subiectam continentem Galatam, circumscriptis sinus Ceratinus, Isthmumq; & peninsulam ferè semicirculam efficit: ut si lineam duceres ab ore & faucibus sinus ad medium recessum, quem sinus Ceratinus insinuat in vallem, quæ collem Galatinū ab occasu claudit: inclusum videres intra semicirculum, quem designaret ducta linea Galatā accendentem ad figuram arcus intenti, nisi eius Cornu vergens ad occasum dimidio largius quam orientale esset, & minus longum. Galatæ circuitus muro circundatus patet quater mille & quadringentos passus, latitudo varia: nam media est sexcentorum passuum, quorum viginti intercedunt inter sinum & muros. Iam vero planities procurrens inter sinum & collem, dilatatur in ceturum octoginta passus, clivus vero in quadringentos. Latus Galatæ orientale patet in latitudinem primò quadringentorum passuum, deinde contrahitur in ducentos sexaginta passus. Latus

pertit

pertinens ad Occasum extra veterem Galatam sitū habet mollem cliuum, & ferè totum ad Meridiē, tendentem præter exiguum procliuitatem subsidentem ad Solis occasum iuxta muros veteris Galatæ sitā: cliui enim collis Galatini dupli ci deuexitate inclinantur, vna in valles, altera in sinum. Vnde fit, vt vrbs sit prona triclini procliuitate, vna à Septentrionibus ad Meridiem, altera ad ortum Solis, tertia ad Occasum. Decliuitas per medium Galatæ latitudinē decurrens tendit à Septentrionibus ad Meridiem, ita prona, vt in multis locis cliui gradibus mollientur, vt domus ex parte infera scalis ascendantur, ex supera adeantur plano pede usque ad primam contignationem: latus verò tam vergens ad Solis ortum, quād ad occasum duplē deuexitatem habet, vnam à septentrionibus ad meridianum cardinem, alteram ad Orientem, aut Occidentem: vt non modò viæ rectæ, sed etiam transuersæ procliuitatem habeant, sed orientale latus procliuius in utrāque deuexitatem, occidentale molles cliuos habet tam rectos, quād transuersos, deniq; Galata sic prona est, vt si eadem altitudine omnes domus essent. Superiores contignationes aspectu maris fruerentur, ex eisque velut ex theatris naues ultra citrāque traiicientes spectarentur, neque modò Galata, sed tota ferè Constantinopolis maris aspectu frueretur, si lex à Zenone constituta, & à Justiniano sancita seruaretur, iubens intra centum passus neminem posse Constantinopoli impedire maris aspectum, neque rectum, neque obliquum. Plana vrbis pars discurrens inter imos collis cliuos & sinum, nusquam minus stricta ducentis passibus, in cornibus largior est, &

GG

quidem alicubi patet in longitudinem quadrigen-  
torum passuum, oppidum triplo longius, quam latius, la-  
titudo tendit à Septentrionibus ad Meridiem, longi-  
tudo ab Oriente ad Occasum, latus occidentale latius  
quam orientale, & ferè eadē latitudine qua media vrbis:  
nam per longitudinem quingentorum passuum nus-  
quam minus lata quingentis passibus orientale latus  
cōtrahitur molliter, quoad eius extremitas in formam  
cunei reducitur, vbi lata est ducentos sexaginta passus.  
Totum littus, quod circuit Galatam, portuosum est, na-  
ues admittens usque dum contingent oram maritimā.  
Inter mœnia & sinum intermissum est spatium, vbi ta-  
bernæ & officinæ mercatorum & cauponæ frequentes,  
& vacua interualla ad exonerandas naues. Portas ha-  
bet maritimæ sex, quarum tres traiectum frequentem  
habent ad Constantinopolim. Ita enim cōtra Constan-  
tinopolim iacet Galata à septentrionibus, ut primo, se-  
cundo, tertio collibus, & valli primæ & secundæ Con-  
stantinopolitanis sit aduersa, præ se habens sinum &  
Constantinopolim, à tergo suburbana ædificia. Nam  
supra Galatam multæ domus suburbanæ partim in col-  
lis Galatini dorso, partim in eius lateribus triplicibus:  
nam Galata non attingit summum verticē collis, imo  
ex summa vrbe, vbi est excelsissima turris, adhuc restat  
extra urbem ascensus trecentorum circiter passuum, ple-  
num ædificiis, inde iugum planum tendens à Meridie  
ad Aquilonē, largum circiter ducentos passus, longum  
duo millia passuum, per quod medium discurrit via la-  
ta vtrinq; ædificiis cincta hortorum & vinetorum, ne-  
que est vlla pars amœnior: ex qua eiūsque lateribus vi-  
detur

detur sinū Ceratinus, & Bosporus, & Propontis, & septem colles Constantinopolis, & Bithynia, & semper niuosus Olympus. Denique ædificia non modò in colle Galatino, sed etiam in collibus & vallibus circunuginis sitis in littore Galatino posito contra Constantinopolim, tot colles & valles habente, quot Constantinopolis, ut iam longè dimidio maiorem, quam sit Galata urbem efficere possent, ac si centum annos fœlicitas imperij Byzantini durauerit, altera Constantinopolis futura est Galata. Qui scribunt Byzantem conditorem Byzantij templum Amphiatai ædificasse in Syca, aberrant quidem à rei veritate, sed non procul. Nam Dionysius Byzantius tradit post locum Sycenum fuisse templum Amphiarai ædificatum à Coloniæ deductoribus, quorum princeps erat Byzas. Amphiaraum cùm cæteri Græci, tum Megarenses honorabant Deum, ut haberent, sed Amphiarai templum, & si non esset in loco, quem Dionysius appellat Sycenum, tamen eius appellatio dilatata fuit, postquam Sycena vrbs condita fuit, ut etiam intra Sycas Amphiarai, & Diana Luciferae, & Veneris Placidæ templa inclusa fuerint, ut plane demonstravi in tractatione Bospori. Sed horū iam nulla restant vestigia, neq; illorum, quæ tradit antiqua regionum vrbis descriptio in regione Sycena fuisse, neq; hominum ullorum memoria viuentium recordatur vestigiorum, vbi illa fuerint, imo non modò eorum memoriam, sed ne nomen quidem Sycenæ regionis quisquam iam, qui vel audierit, vel legerit, reperitur. Theatrum tamen & forum Honorianum duxaxat ex architectonica ratione coniicere licet, fuisse illud quidem in

imis cliuis, ut solent esse omnia theatra, quorum vestigia vidi in Græcia. Forum verò in planicie vicina portui, vbi nunc Xenodochium ædificatum est in fundamentis templi diui Michaëlis, quod integrum extabat, cùm venissem Byzantium, eoque aquæ vberiores adducentæ sunt inuentis cuniculis antiqui aquæductus subterranei. Deniq; nihil antiquæ Sycenæ iam apparet, nam columnæ, quæ antiquæ visuntur in aliquot templis Galatinis à Ianuensibus foris exportatae dicuntur, quorum nonnullæ antiquo opere elaboratae sunt. Cisterna diui Benedicti spoliata cameris, & columnis circiter trecentis concamerationem sustinentibus, conuersa in horrorum culturam iam alentium templi æditimum indicat opus fuisse antiquæ opulentia. Ex antè scriptis cognoscere potes, quæ monumenta Constantinopolis olim habuerit; quæ verò ædificia publica nunc habeat à Turcis, & qua ratione sint nonnulla à Turcis ædificata, separato volume essent tractanda. Nunc summatim pauca exponam: Aedes Mametanas continet plus trecentas, quarum sumptuosissimæ à regibus, & regū purpuratis ædificatae, sed omnes tectæ plumbeis tegulis, marmoribus, & columnis marmoreis ornatæ ex spoliis Christianarum ædium, ut hæ prius ornatæ fuerant ex veterum deorum spoliis. Balnea & thermas habet publicas supra centum, quarum quinquaginta magnæ & geminæ, & ferè tales quales descripsi à Mametho Rege ædificatas. Xenodochia & publica hospitia longè supra centum habet, quorum illustria aquas salientes in medio atrio habent ex agris suburbanis ductas, sed præcipue excellunt reges Turcorum in aquis ducendis

intra

intra vrbem. Eusebius quidem laudat Constantinum, In mediis, inquit, foris videoas fontes boni pastoris insignia habentes, his, qui sacras literas norunt explorata, Danielem, scilicet & leones ex ære factos laminis aureis fulgētes. Valens & Andronicus magnis sumptibus flumina procul ab vrbe perduxerunt, partim arcubus adhuc extantibus supra terram, partim opere subterraneo, cæterique reges ingentes piscinas, & lacus subterraneos, quos cisternas posteritas appellavit permultas in omni vrbis regione ingentibus sumptibus ædificarunt, metuentes obsidionem à vicinis hostibus. At Turcica Constantinopolis iam adeò longinquos habet hostes, ut cisternas, aut diruant, aut in alias vsus conueiat quam aquarum, atque copia aquarum salientium fruatur perductis ex omni agro suburbanio etiam longè remoto: nullum enim est celebre templum, nullum Xenodochium, nullum publicum hospitium, nullæ thermæ nobiles, quæ non habeant aquas salientes in media area. Prætero bassarum, cæterorūmque purpuratorum domos, omitto Regem ipsum, cuius claustrum, occupans vetus Byzantium, passim perennes fluuios haber longè extra vrbem adductos, prætero lacus, & castella vbique in foris, in viis creberrima non modò largos potus largientia, sed etiam ex vsibus hominum exeuntia, immunditias vrbis in mare euerrūt, & impuriorē spiritum & causas grauioris cœli auferunt, quibus vribes haberi solent infames. Prætero nunc narrare, ut omnia ædificia Constantinopolitana sint facta ex ruinis incendiorum terræmotuum humilia, ut non multa habeant duas contignationes, lapide cæmentitio, aut latere non

modò coēto, sed etiam crudo refecta, excipio domos Galatæ à Ianuensibus conditas, & domos aliquot purpuratorum regiorum. Christiani Græci suas sexcentas ædes sacras amiserunt, ex quibus nullam retinent nobilis præter ædem monasterij, vbi habitat Patriarcha, reliquæ aut funditus euersæ, aut in usus religionis Māmetanæ conuersæ sunt: nam quas habent ædes iam sacras circiter septuaginta obscuræ sunt, Franci circiter decem habent, Armenij septem, Iudeorum verò synagogæ plusquam triginta, vix capientes multitudinem maximæ nationis. Ex antè scriptis facilius fortasse cognoscet absens, monumenta antiqua, quæ tradit antiqua regionum vrbis descriptio, quam sine his præsens videoas Constantinopolim, quod experietur, qui similia inuestigare post me conabitur, quod ut quiuis proptius possit, adiungā statim de regionibus nouæ Romæ Constantinopolitanæ (incerto authore, sed illo tamen antiquo) libellum scriptum ante Iustiniani tempora.

### *Regio prima.*

**P**RIMA regio continet domū Placidiæ Aug. domum nobilissimæ Marinæ, thermas Arcadianas, vicos, siue angiportus viginti nouem, domos centum decem & octo, porticus perpetuas duas, balneas priuatas quindecim, pistrina publica quatuor, gradus quatuor, curatorem vnum, qui totius regionis solitudinem gerat. Vernaculum vnum, velut serum in omnibus, & inter nuntium regionis. Collegatos vigintiquinque è diuersis corporibus ordinati, qui incédiorum solent casibus subuenire. Vicomagistros quinque, quibus per noctem tuendæ

tuendæ vrbis cura mandata est , quos P. Victor , ac siue Sextus Ruffus vocat , vernaculos fuisse in antiqua Roma , hic in noua Roma appellat denuntiatores . Collegiorum non meminit , neque Ruffus , neque Victor , omnes meminerunt Vicomagistrorum , quos distinxisse videtur Constantinopolitana descriptio in collegiatos , & Vicomagistros , Latinius quidem Vicorum magistri appellarentur ex inscriptione adhuc extante in Capitolio antiquæ Romæ :

Imp. Cæsari diui.

Traiani Parthici fil.

Diui Neruæ nepoti.

Traiano Adriano.

Aug. Pontif. maximo.

Tribunic. Potestat. x x.

Imp. i i. con. i i i. P.

Magistri Vicorum x i i i .

### *Regio secunda.*

**S**Ecunda regio ab initio theatri minoris , post æquatatem sui latenter molli subleuata cliuo , mox ad mare præcipitiis abrupta descendit , continet in se Ecclesiam magnam , Ecclesiam antiquam , Senatum , Tribunal purpureis gradibus extructum , thermas Zeuxippi , Theatrum , Amphiteatrum , vicos siue angiportus triginta quatuor , domos nonaginta & octo , porticus magnas quatuor , balneas priuatas tredecim , pistrina priuata quatuor , gradus quatuor , curatorem vnum , vernaculum vnum , collegatos triginta quinque , Vicomagistros quinque .

*Regio*

*Regio tertia.*

**T**ertia regio plana quidē in superiori parte, vtpote in ea circi spatio longius explicato, sed ab eius extrema parte nimis prono cliuo mari vsque descendit, continet in se eundem circum maximum, domū Pulcheriæ Augustæ, portum nouum, porticum semirotundam, quæ ex similitudine fabricæ Sigma Græco vocabulo nuncupatur, tribunal fori Constantini, vicos septem, domos nonaginta quatuor, porticus magnas quinque, balneas priuatas vndecim, pistrina priuata nouem, Curatorem vnum, Vernaculum vnum, Collegiatos viginti & vnum, Vicomagistros quinque.

*Regio quarta.*

**R**egio quarta à miliario aureo collibus dextra, læruāq; surgentibus ad planitem vsque valle ducente perducitur, continet in se idem miliarium aureum, Augusteum, Basilikam, Nymphæum, porticum Fanionis, liburnā marmoream, naualis Victoriae monumen-tum, ecclesiam siue martyrium sancti Memnæ, stadia, scalam timasi, vicos triginta quinq;, porticus magnas quatuor, balneas priuatas septem, pistrina priuata quinque, gradus septem, Curatorem vnu, Vernaculū vnum, Collegiatos quadraginta, Vicomagistros quinque.

*Regio quinta.*

**R**egionis quintæ non modica pars in obliquioribus posita locis planicie excidente perducitur, in qua necessaria ciuitati ædificia continentur, continet in se thermas Honorianas, cisternam Theodosiacam,

Pryta

Prytaneum, thermas Eudoxianas, strategiū, in quo est forum Theodosiacum, & obeliscus Thebæus quadratus, horrea olcaria, Nymphæum, horrea Croadentia, horrea Valentiniana, horrea Constantiaca: portum habet Probosphorianum, scalam Chalcedonensem, vi- cos viginti tres, domos centum octuaginta quatuor, porticus magnas quatuor, balneas priuatas vndecim, pistrina publica septem, pistrina priuata duo, gradus nouem, macellos duos, Curatorem vnum, Collegiatos quadraginta, Vicomagistros quinque.

*Regio sexta..*

**R**egio sexta breui peracta planicie, reliqua in deuen-  
to consistit, à foro que Constantini scalam usque  
sive traiectum Sycenum porrigitur spatiis suis, conti-  
net in se columnam purpuream Constantini, Senatum,  
eiusdem loci Neorium portum, scalam Sycenam, vicos  
viginti duos, domos quadringentas octuaginta qua-  
tuor, porticum magnam unam, balneas priuatas nouem,  
pistrinum publicum vnum, pistrina priuata decem &  
septem, Curatorem vnum, Vernaculum vnum, Colle-  
giatos quadraginta nouem, Vicomagistros quinque.

*Regio septima.*

**R**egio septima in comparatione superioris planior,  
quamuis & ipsa circa lateris sui extremitatem ha-  
beat in mare declivior. Hæc à parte dextra columnæ  
Constantini usque ad forum Theodosij continuis ex-  
tensa porticibus, & de latere aliis quoque pari ratione  
porrectis, usque ad mare, velut seipsum inclinat, & ita

deducitur. Habet autem in se ecclesias tres, hoc est Hirrenem, Anastasianam, & sancti Pauli, columnā Theodosij intrinsecus usque ad summītatem gradibus peruiam, equites magnos duos, partem eiusdem fori, thermas Carosianas, vicos octoginta quinque, domos septingentas undecim, porticus magnas sex, balneas priuatas undecim, pistrina priuata duodecim, gradus sexdecim, Curatorem unum, Collegiatos octoginta, Vicomagistros quinque.

*Regio octaua.*

**O**ctaua regio ex parte Tauri nulla maris vicinitate cōtermina, angustior magis quam lata, spatia sua in latitudinem producta compensat, continet in se partem fori Constantini, porticum sinistram Taurum usque, Basilicam Theodosianam, Capitolum, vicos viginti unum, domos centū octo, porticus maiores quinque, balneas priuatas decem, pistrina priuata quinque, gradus quinque, macellos duos, Curatorem unum, Vernaculum unum, Collegiatos decem septem, Vicomagistros quinque.

*Regio nona.*

**R**egio nona prona omnis, & in Nothū deflexa, extensi maris littoribus terminatur, continet in se ecclesias duas, Cenopolim & Omonœam, horrea Alexandra, domum nobilissimæ Arcadiæ, thermas Anastasianas, horreum Theodosianum, vios sexdecim, domos centum & sexdecim, porticus maiores duas, balneas priuatas quindecim, pistrina priuata quindecim, pistri

pistrina publica quatuor, gradus quatuor, Curatorem vnum, Vernaculum vnum, Collegiatos triginta octo, Vicomagistros quinque.

*Regio decima.*

**R**egio decima in aliud ciuitatis latus à nona regio  
ne platea magna, velut fluuio interueniente diui-  
ditur, est verò tractu planior, nec usquam præter mari-  
tima loca inæqualis, longitudini eius latitudine non ce-  
dente, continet in se ecclesiam, siue martyrium sancti  
Acatij, thermas Constantinanas, domū Augustæ Pla-  
cidiæ, domum Augustæ Eudoxiæ, domum nobilissimæ  
Arcadiæ, Nymphaeum maius, vicos viginti, domos sex-  
centas triginta sex, porticus maiores sex, balneas priua-  
tas viginti duas, pistrina publica duo, pistrina priuata  
sexdecim, gradus duodecim, Curatorem vnum, Ver-  
naculum vnum, Collegiatos nonaginta, Vicomagi-  
stros quinque.

*Regio undecima.*

**R**egio undecima spatio diffusa liberiore, nulla par-  
te mari sociata est, verùm eius extensio tam pla-  
na, quam etiam collibus inæqualis, continet in se mar-  
tyrium Apostolorum, palatum Flaccilianum, domum  
Augustæ Pulcheriæ, Bouem æreum, cisternā Arcadia-  
cam, cisternam Modestiacam, vicos octo, domos quin-  
gentas tres, porticus maiores quatuor, balneas priuatas  
quatuordecim, pistrinū publicum vnu, pistrina priuata  
tria, gradus septē, Curatorem vnu, Vernaculum vnum,  
Collegiatos triginta septem, Vicomagistros quinque.

*Regio duodecima.*

**R**egio duodecima portam à ciuitate petentibus in longum plana omnis consistit, sed latere sinistro, mollioribus clivis deducta maris confinio terminatur, quam mœnium sublimior decorat ornatus, continet in se portam auream, porticus Troadeas, forum Theodosiacum, columnam itidem intra se gradibus peruiam, monetam, portum Theodosiacum, vicos vndecim, domos trecentas sexaginta tres, porticus maiores tres, balneas priuatas quinque, pistrina priuata quinque, gradus nouem, Curatorem vnum, Collegiatos decem & septem, Vicomagistros quinque.

*Regio decimatertia.*

**T**ertiadecima regio Sycena est, quæ sinu maris angusto diuisa, societatem vrbis nauigiis frequentibus promeretur, tota lateri montis affixa, præter vnius plateæ tractum, quam subiacentium eidem monti littorum tantum præstat æqualitas, continet in se ecclesiam, thermas Honorianas, forum Honorianum, theatrum, naualia, domos quadringentas triginta vna, porticum maiorem vnam, balneas priuatas quinque, pistrinum publicum vnum, pistrina priuata quatuor, gradus octo, Curatorem vnum, Vernaculum vnum, Collegiatos triginta quatuor, Vicomagistros quinque.

*Regio decimaquarta.*

**R**egio sanè quartadecima licet in vrbis quartadecima numeretur parte, tamen quia spatio interiecto diuisa est muro proprio vallata, alterius quodammodo speciem

speciem ciuitatis ostendit. Est verò progressis à porta modicum situ plana, dextro autem latere in cliuū surgente vsq; ad medium fere plateæ spatiū nimis prona, vnde mare vsque modioris hæc, quæ ciuitatis continet partem, explicatur æqualitas, continet in se ecclesiam, palatium, Nymphæum, thermas, theatrum, lusorium, pontem sublicium, siue ligneum, vicos vndecim, domos centum sexaginta septé, porticus maiores duas, balneas priuatas quinque, pistrinum publicum vnum, priuatum vnum, gradus quinque.

*Collectio Ciuitatis.*

**C**ognita vrbe per partes, fas est etiam situm occludere iam vniuersitatis aperire, vt magnificentiæ unicum decus, non solùm videatur opere & manu confectum, sed etiam conspirantibus elementis naturæ felicitate munitum. Prudentia ergo diuina tot futurorum hominum domiciliis consulente longo tractu in promontorij qualitatem spatiofior terra faucibus pontici maris opposita, sinuosis portuosa lateribus, angustior latitudine circumflui maris tutela vallatur. Hoc quoque spatiū, quod solum apertum maris circulus derelinquit, duplice muro acies turrium extensa custodit. Intra quas septa ciuitas continet in se omnia sigillatim memorata, quæ nunc ad infirmioris memoriae qualitatem summatim collecta referemus. Habet ergo vrbs Constantinopolitana palatia quinque, ecclesiæ quatuordecim, domos diuinæ Augustarum sex, domos nobilissimas tres, thermas octo, Basilicas duas, forra quatuor, Sénatus duos, horrea quinque, theatra duo,

Iusoria duo, portus quatuor, circum vnum, cisternas quatuor, Nymphaea quatuor, vicos trecentos viginti duos, domos quatuor millia trecentas octaginta octo; porticus quinquaginta duas, balneas priuatas centum quinquaginta tres, pistrina publica viginti; pistrina priuata centum viginti, gradus centum decem & septem, macellos quinque, Curatores tredecim, Vernaculos quatuordecim, Collegiatos quingentos sexaginta, Vicomagistros sexaginta quinque, columnam purpuream, columnas intra se peruias duas, Colossum vnum, Tetrápylum aureum vnum, Augusteum, Capitolium, monetam, scalas maritimas tres. Habet sanè longitudo urbis à porta aurea usque ad littus maris directa linea pedum quatuordecim millia septuaginta quinque, latitudo autem pedum sex millia centum quinquaginta. Quòd autem quatuordecim regiones non contineret, nisi quatuor mille & trecetas octuaginta octo domos, intelligere oportet domos principum ciuium maiores, ut Sex. Ruff. & P. Victorem tradentes quatuordecim regiones Romæ domos continere circiter mille & septingentas quinquaginta quinque, interpretari necesse est illustres & capaces: cùm vtraque Roma vetus, & noua maxima esset, & frequentissimè habitaretur. Nam, vt præterea veterem Romanum, profectò noua Roma Constantinopolitana adeò frequens erat eo tempore, quo hæc regionum urbis descriptio conscripta est, vt etiam, qui habitarent apud vias lataς & forta, angustè habitarent: adeoque connexa fuisse ædificia, vt vix locum sub diò apertum inueniretur, vt cœlum quis aspicere posset, suburbanaque ædificia latissimè usque ad Silym.

Silymbriam, & mare ponticum continuarentur, ma-  
risq; non exigua pars ambientis vrbem obrueretur de-  
fixis sublicis ædificia sustinentibus. Hæc idem monu-  
menta & longè plura olim fuerunt Constantinopoli,  
quæ nunc nulla extant præter columnam purpuream;  
& Arcadianam, & ædem Sophiæ, & Hippodromum  
spoliatum; & cisternas aliquot. Nam quæ fuerint By-  
zantij antiqui antequam euersum fuisset à Seuero mo-  
numenta, nemo scribit, quamuis plurima coniiceret li-  
cet, florentis diu heroicis temporibus cum ingenia o-  
mnium atrium erant in pretio, cum Rhodus tria mil-  
lia signorum habebat non prestantior Byzantio, ex cu-  
iis muris tanta arte constructis, quantopere interiora  
nitèrent existimare possumus. Hoc duntaxat scimus,  
Datium, Philippum, Seuerum; Byzantij monumenta  
vallis, & Byzantios ipos cum omnia cōsumplissent,  
tamen Seueri militibus restitisse lignis, quæ ex ædificiis  
detrahebant, & statuīs, quas in hostes proiiciebāt. Qui  
autem à Constantino reædificati Byzantij tot monu-  
menta perdiderunt, partim autem Attici, partim sum-  
matim perstringam. Primū imperatores dissidentes,  
deinde incendia creberrima non modò fortuita, sed  
etiam ab hostibus tam externis, quam dissidentibus va-  
riarum factiōnum partibus iacta, quorum nonnulla  
tres, alia quatuor dies exurere non cessarunt, non modò  
apta ad comburendum, sed etiam ex marmore statuas  
& signa, atque omnēm structuram ex quaūis materia  
constructam, velut quippiam accommodatum ad exu-  
rendum aceruos ruderūm exagerantia instar collum  
ex omni genere materiæ accumulatorū, priorem alpe-  
ctum

Etum confudentia, ut ne illi quidem, qui ipsa construxissent agnoscere possent, quid, vel ubi ea ipsa prius fuissent. Neque modo ab hostibus antiqua monumenta euersa sunt, sed etiam ab imperatoribus etiam Constantinopoli amicissimis, inter quos primus Constantinus magnus, quem Eusebius scribit templa deorum diruisse, vestibula vastasse, tecta detraxisse, eorum statuas æreas sustulisse, quibus tot seculis gloriabantur, easq; in omnibus foris Constantinopoleos proposuisse non ad honorem, sed ad ludibrium, totamque urbem sui nominis impleuisse æreis operibus summa & antiquissima arte elaboratis, ut eas spectatores ludibrio haberent, aureas autem deorum statuas, argenteasque è medio sustulisse, reliquasque ex pretiosa materia factas spoliassse, statuas vero ex ære factas reliquisse abiectas. Deinde auget Eusebius, quam infestus Constantinus fuerit Gentilium monumentis, ut ex toto imperio ea deleri curarit, ut lege edixerit Gentilium templa euerienda esse, quam etiam ipse Eusebius iis infestus fuerit, quam etiam reliqui scriptores Christianæ religionis, percipitur ex eorum scriptis: nempe tam acerbos fuisse in deorum monumenta, quam Mametani nunc sunt innostrates statuas non modo mediocres, sed etiam illi Coryphæi Basilius, Gregorius, qui non modò in monumenta lapidea deorum sœuierunt, sed etiam in eorum libros, qui de eis lasciuè scripsissent. Quid aliquis commemorem imperatores Constantini successores omnibus notos, qui adeò infensi imaginibus fuerunt etiam Christianæ religionis, ut non solum ipsas euerterint, sed etiam earum pictores, sculptores, factores insectati sint,

vt ex

vt ex earum insectatione, velut alij Parthici ex Parthia, deuicta, sic hi Iconomachi nominati. Sileo terræmotus non modò illos scriptis celebratos, quibus sub Zenone, Iustiniano, Leone Conone, Alexio Côneno vrbis non modò præclara ædificia funditus eversa sunt, sed etiam tota ferè vrbis, eiisque mœnia corruerint, vt ea in antiqua sede consistere vix perciperetur, nisi Bosporus & Propontis, antiqui Constantinopolis limites æterni locum, in quo olim fuerit, circumscripsissent. Prætereo vastas vrbis regiones post longa incendia, & bella diu iacuisse desertas inopia ciuium, deinde promiscuè ædificari cœptas nulla cura habita vicos dirigendi, sed omisso discrimine ædificasse in ruinis incendiorum, & terræmotuum, ea fuit causa, vt non modò sicut de Roma incensa Liuius inquit, veteres cloacæ, sed etiam aqueductus & cisternæ per publicum ductæ, nunc priuata passim subeant tecta; formaque sit vrbis occupata, magis quam diuisæ. Prætereo regum Turcicorum claustra ingentia medium vrbem occupantia, regionumq; purpuratorum septa integras vrbis insulas claudentia, & vias publicas occupantia, vel longè auertentia, fundamentaque non modò supra terram extantia, sed etiam substructiones subterraneas abditissimas sagacissimè inuestigatas funditus demoliuntur, ac nisi vidissem per id tempus, quod ego egi Byzantij permulta templæ, & palatia adeò penitus à fundamentis imis deleta, & Turcicis strueturis postea referta, vt recognoscere nequirem pristinum eorum situm, non tam facile coniecisem, quid demoliri potuissent ab vrbe capta,

quam quotidie, et si ædificiis publicis ornare student, tamē horridior est, atque obscurior, interdiu, quam olim noctu, in qua pernoctantium lumen claritudo, sicut Marcellinus ait, dierum solita imitari fulgorum ædificiorum splendorem illustrabat. Nunc diei fulgor casarum obscuritatem detegens reddit obscuriorum. Vnde fit, ut si vel Constantinus, qui illam restituit, ornavit, vel alij, qui eam auxerunt, reuiuiscerent: antiquorum ædificiorum situm non agnoscerent. Quid ego externus, quem non antiquorum ædificiorum vestigia, non statuae, non inscriptio[n]es, non numismata, non habitatores studiosi antiquitatis me informarunt, qui alienissimi sunt ab omni antiquitate, sed potius inquirentem impedierunt, ut nihil metiri, nihil percun-tari liberè ausus sim, non modò à Barbaris, sed ne à Græcis quidem, quibus nihil à literis alienius, nihil nomini Latino infestius, quod ut caninum mordent, dente canino detestantur, execrantur, neque offa vlla eos mitigare queas, sed multo succo vuæ, quos ut impleueris, nisi crebras invitationes feceris, nisi Græco more ex-clamaueris te bibere, operam & vinum perdideris: neque tamen ab eis quicquam reportaueris, nisi leuia quædam, nisi morem bibendi, quem solum retinent ex moribus antiquorum Byzantiorum. Ad has incommoditates id accedit, quod ex antiquis scriptoribus Græcis non adiuuari potes ad Constantinopolis cognitionem: non enim Dionysius Halicarnasseus, non Liuius, non Strabo, non Vitruvius, non Varro, non alij infiniti, ad cognoscendam nouam Romam sicut anti-

quam

quam mihi auxiliati sunt, non Blondus, non Fulgosius, non alij plerique mihi digitos ad fontes intenderunt, non ignotus scriptor patriæ Conſtantinopolitanae quicquam me docere potuit: ille enim meras nugas habet, & duntaxat docet quis ædes sacras ædificauit, sed in quo loco sitæ fuerint, non docet, qui si reuiuisceret, earum positiones ignoraret: adeò omnia immutata sunt, ut non modò, quæ supra memoriam viuentium antiqua dicere possumus, sed etiam quæ sunt supra singulos cursus ætatis antiqua dici possunt. Sic enim quotidie vastantur, ut senex nesciat, quæ puer vidit, neque modò ædificia antiqua deleta, sed etiam locorum nomina, quæ illa tenebant, amissa sunt, aliisque barbara successerunt, & planè Scythica, inaudita. Sic enim hæc gens suam linguam amat, vt omnium locorum, quæ inuaserit, statim immutet nomina, aliisque imponat noua incognita, non pristinorum nominum interpretationem habentia, sed quiduis aliud potius significantia: nondum enim se rerum potiri putant, nisi nominum potiantur, sic enim Græca & Latina ſucepta habent, vt timeant vel à nominibus ipsis. Quid igitur inuestigasti? exigua profeſto vestigia cum ex hominum memoria tum ex scriptis authorum quidem tempore recentium, sed vſu antiquorum: quicquid enim est supra memoriam nostram, dicere antiquum possumus in recognitione locorum. Ex illis paucis velut ex vnguibus leonem, deprehendi quatuordecim regiones potius, quam ex earum descriptionibus non propriis, sed communibus, & ambiguis, aut


ex vestigiis ædificiorum, quæ illæ continebant, & memòria paulò post extinguetur, si Turci valebunt: itaque fiet, vt ne me quidem multò diligentiores postea vlla vestigia reperiant regionum vrbis, ciùsque monumentorum, quibus si succurrere magis, quām anteuertere conatus sum, & vendicare ab interitu proximè peritura, siquidem fortasse errauerim, excusandus sum, & mea mora Byzantina diuturnior, quām voluisse, non accusanda, sed damnanda fortuna, in quam me coniecit Francisci Regis mors, cuius nutu in Græciam accesseram non diu vt desiderem Byzantij, sed vt conquerarem Codices Græcorum antiquos, vt non vnius Byzantij, sed multorum locorum situs describerem, vt iuuarem, si quid possem literas. A quo conatu depulsus, veritus sum redire priusquām quippiam conatus esse, quamobrem venisse. Itaque meo tenui vectigali Asiam, Græciāmque peragrare conatus sum, vrbésque nobiles describere: quod addere volui, ne quis putet redditum meum retardatum, vel ab aliqua myro Byzantia, vel ab Asiaticis delitiis, quas omnes exopto his, qui maluerint mēam fortunam calumniare, quām probare studium, ad quod non vtilitas, non existimatio, cùm domi meliora, & illustriora præstare potuissent, in animi tranquillitate, & salutari corporis ratione, non Leonis Byzantij, non Pasiadis facetiæ me retinuerunt, sicut nec me retinuit pronuntiandi vehementia Byzantij Pythonis, quem Demosthenes etiam apud inferos horrere dicitur, non Barbarorum voces asperæ, truculentæ, quæ etiam non modò tardigradas beluas

beluas concitare possent, sed etiam Byzantium ipsum Pythonem ad relinquendam patriam me extrudere potuerunt ad redditum celerem nescio, siue fato, quod me in hos errores ærumnosos meliora sentientem rapuit, & scientem, & prudentem in omnia ferè pericula coniecit, siue constantiæ causa, siue rei honestas ad ea me impulit confirmata Platonicorum iudicio, tradentium nullum esse modum vestigandi veri, nisi inueneris, & quærendi defatigationem turpem esse, cùm id quod queritur sit pulcherrimum.

F I N I S.







PETRI GYL  
DE BOSPORO  
THRACIO

L I B R I    III.



L V G D V N I,  
APVD GVLIELMVM ROVILLIVM,  
SVB SCVTO VENETO.

M. D. LXII.

Cum priuilegio Regis.

## *Extraict du priuilege du Roy.*

**P**A R grace & priuilege du Roy est permis à Guillaume Rouille Libraire de Lyon , d'imprimer, ou faire imprimer vne foys ou plusieurs , ce present liure intitulé, *Petrus Gyllius de Bosporo Thracio, en Latin & en Françoy*. Et fait defences de par ledict Seigneur, à tous autres Libraires, Imprimeurs, & personnes quelconques, de non imprimer, ne faire imprimer, vendre, ne distribuer, en ses païs, terres & seigneuries, ledit liure, si ce n'est par le consentement dudit Rouille. Et ce iusques au temps & terme de douze ans , à compter du iour & date , que sera paracheué d'imprimer ledict liure, sur peine d'amende arbitraire , & de confiscation des liures qu'ilz auroyent impriméz. Et afin qu'aucun ne puisse pretendre ignorance du présent priuilege , ledict Seigneur veut & entend , que l'extraict d'iceluy estant mis au commencement desdictz liures , serue pour toute notification , sauf en demander copie audict Rouille ( si bon leur semble) & ce à leur despens. Car tel est son plaisir, nonobstant oppositions & appellations quelconques , comme plus à plein est contenu & declaré par lesdites lettres de priuilege , sur ce donnees à S. Germain en Laye , le vinthuietiéme iour de Decembre , mil cinq cens cinquante huit.

*Par le Roy, Maistre Jean Nicot, maistre  
des Requestes de l'hostel, present.*

Signé, Guillaudet.

ILLVSTRISSIMO,  
ET AMPLISSIMO DO-  
MINO, D. CARDINALI  
Armaignacio, Patrono &  
Mœcenati suo

ANTONIVS GYLLIVS S. P.

**V**ETERIBVS non solum is fuit mos,  
Card. ampliſ. eis, qui insignem ob cau-  
ſam perpetuitatem meruiffent, ſtatuaſ  
erigere, ſed ſummi etiam ipſi viri ſui cor-  
poris ſimulachra in publico collocata, con-  
ſpici voluerunt, nominis gloriae ita conſu-  
lentes. Quod etſi ambitionis ſpeciem aliquam habere videre-  
tur, non uſque adeo tamen fugiendum, ſed ut virtutis monu-  
menta quæque præclara cēſeo: ita illud multo perennius, quo  
ingeniorum quam corporum effigies relinquuntur. Si quidem  
ſtatuae & imagines vel vi conuulfæ decidunt, aut vetustatis  
ſitu decoloratæ vanescunt: volumina verò (quæ ſpirantia ſunt  
hominum ſimulachra) nullo modo conuelli, aut ſenio poſſunt  
obliterari: imo ſanctiora & durabiliora fiunt ipsa vetuſtate.  
Quæ cum animo perpendere, danda mihi fuit opera, ut Gyl-  
ly clientis tui, & patrui mei nomen cum tuo ſempiternæ me-  
moriae traderetur, qua te optimo iure dignū censemus, in quo  
& vita religio & doctrina eniter: quibus haud dubie vita co-  
ſtat, quod ex mortalium commercio, eas ſi ſuſtuleris, omnia:

futura sint incondita, nec minus obscura, quam si Solem & Lunam demas. Pythagoram nanque ferunt, inter alia sua documenta admonitos voluisse discipulos, in primis, ut Deum religione colerent: animum vero disciplinis. Quorum dogmatum, ut tu cultor es, quantum pietas patitur, obseruantissimus, ita Christianae persuasionis scriptorum assiduus lector, & imitator, ut nulli clarissimorum videaris secundus: nec minus eruditione, quam Cardinalatu memoratus. Verum hoc unum scio, apicem & primatum hunc; non opes, non nobilitate (quae vel sola te commendare poterat) tribuisse tibi, sed religionem illam doctrinæ coniunctam: quibus sic te adornatum videmus tanquam alexipharmaco quodam. Hinc factum est, ut te consilio pollente in legationibus obeundis & Franciscus & Henricus Reges vni sint: maximas enim res apud summos Pontifices, & ubi visum est, tuo consilio, autoritate, prudentia, gloriose confere: neque ab his solùm in sapienti numero habitus es, verum & à summis pontificibus Romanis, & illustrissimis principibus. Hac ratione tanto apice & meritisimo, honestatus es: quo sane ante dignus eras, quam acciperes. Quippe viris præcellentibus hoc inest, non ut tam studeant aliquid suscipere, quam mereri. Tam præclaris animi dotibus illud accedit, quod literatos diligis, ac foues: illorum benevolentiam expetis, munib; cœcilias. Etenim qui tuus in omnes studiosos semper fuit propensissimus animus, huc eundem in Gyllium multis ab annis perspectum habui, maxime cum illo vita functo, te vero legationem regiam obeunte apud sumimum pontificem Paulum quartum, illius lucubrationes una cum ipso deperditas nolueris, quas in tui viuis gratiam Romæ cōscribebat; suorum ut errorum prope Ulyxeorum, tibi rationem aliquando redderet, fata nisi in contrarium ei obstitissent. Quin & ex tua singulari huma


humanitate, benevolentia haud insueta, te in Galliā redeunte  
post expletum munus, inter cætera id tibi curæ fuit, ut illinc  
eius conscriptiones, vel fragmenta potius asportaretur, ne quis  
eos labores tuo nomine dignos sibi vendicaret. Igitur quod ad  
Gyllium spectat, si quid vtilitatis hinc percepturi sunt studio-  
si, tibi acceptum ferent, ut qui tanti semper feceris bonas lite-  
ras, ab alijs pauci aestimatas. Itaque cum tu nec clientis indu-  
stria, nec ille tanti mæcenatis liberalitate unquam abusus sit,  
sed eodem animi consilio uterque publicæ & cōmuni omnium  
vtilitati prospiceret, tu quidem ex animi generositate virtuti,  
ille ingenio seruire desiderauit. Ita rem habere satis in hūc us-  
que diem id ostendit, cum doctrinam doctōsque vacuis à ne-  
gotijs regijs, adiungis tibi, atque concilias. Hinc est, quod longè  
maior laus sit tibi tribuenda, quam cæteris principibus (absit  
verbo inuidia) in cuius cubiculū permulti libri ingressi sunt,  
qui veri & virtutis viam tradidere. Quæ omnia cum mihi,  
beneficia experto, constarent, ne ab aliorum nostri temporis  
instituto recedere viderer, qui cum sua scripta in lucem pro-  
ferunt, vel ab alijs exarata, haud sine inscriptionis tutela &  
patrocinio ea in vulgus emittunt, præclarum hunc morem mihi  
retinendum putavi, ut a spicijs, ductu que tuo fælicissimo tan-  
dem exirent ea, quæ Gyllius conscripsit de Bosporo Thracio, &  
de Constantinopoli, longè melius ab ipso tot annos lustratis,  
quam sint à cæteris, qui hoc idem tentarunt suis libellis. Fe-  
cit denique tua benignitas, ea fide & conditione in manus no-  
stras hæc peruenirent, ut una cum Aeliano de Animalium  
historia, & libello Demetry Constantinopolitani, de curatio-  
ne accipitrum, ab ipso è Græco in Latinum factis, prælo sub-  
iijcerentur. Qua in re æquissima ipse mihi deesse nolui, deligēs  
tuam celsitudinem, cuius fidei & patrocinio hæc opera com-

misterem : neutquam aberrans à proposito patrui vita fun-  
eti , qui studia sua in tua fide , tanquam in sinu tuto , sua-  
uissimè conquiescere cupiebat , quorum etiam illi semper  
autor fueris. Porrò autem qualecunque munus literato-  
rium istud fuerit , Cardinalis illustrissime , & amplissime ,  
(erit enim meæ in te obseruantæ pignus , & grati mei  
erga te animi argumentum ) sic æquo animo am-  
plectaris , quo huius generis solitus es. Quòd si  
tuæ amplitudini placere iudicauero : fiet ,  
ut in his , quæ à te desiderari in-  
telligam , voluntati tuæ à me  
pro viribus satisfiat .  
Bene vale.

— A D P. G Y L L I V M.

Appellant Itali vulgò sua lilia Gylli ,  
Nec male se nomen sic posuisse ferunt .  
Gyllius inde tibi est aptum cognomen : ut in quo  
Dogmata sub niueis moribus eniteant .

I N D




**INDEX CAPITVM**  
**H V I V S T R A C T A T V S**  
**D E B O S P O R O**  
**T H R A C I O.**

L I B R I P R I M I .

	E ORIGINE Bospori, & de eius multis nominibus.	caput 1.
	De Bospori principio & fine & eius longitudine.	c p. 2.
	De latitudine Bospori.	cap. 3.
	De figura Bospori, & de eius decursu, certo quidem, sed multiplici.	caput 4.
	De Bospori sinu, Cornu nuncupato.	cap. 5.

L I B R I S E C V N D I .

De Bospori ora Europea, ciusque locis intra Constantinopolim.	cap. 1.
De ora sinu Ceratini cingente urbis latus uergens ad Septentriones.	cap. 2.
De flumine Cydari & Barbysa ex anaplo Dionysij.	cap. 3.
De locis appellatis Mandris, & Dryi, & de luco Apollinis, & ponte Philippi, & de cubis Canopi.	cap. 4.
De Isthmo Ceratini recessus, de sepulchro Hipposthenis: de sycis, & delubro Amphiarii.	cap. 5.
De adibus Diana lucifera, & Veneris placida, & de loco Ostreode, & Meropo, & ara Apollinis.	cap. 6.
De Aiantio & Palinormico, & templo Ptolomei, de Iasonio, & luco Apollinis, & de alijs antiquis locis.	cap. 7.
De Rhodiorum portu, & de Archio loco.	cap. 8.
De fene marino, & parabolo, & de calamo & Bythio.	cap. 9.
De uico Michaelio, & de promontorio appellato Estijs.	cap. 10.
De locis nominatis Chelis.	cap. 11.
De promontorio Herameo, & rapido cursu Bospori: de Pyrrhia Cyone: de Bospori summis angustijs: de ponte Darij.	cap. 12.
Nei παλαιών περιόδων: de petra Phidalia, & portu mulierum, & de loco Cyarode.	cap. 13.
De sinu Leosthene.	cap. 14.
De Commarode, & Bacchijs petris, & Thermemeria, & de portu Pitheci, & sinu appellato Pharmacia.	cap. 15.
De se	

De faxis, & canticibus littoris excelsi, prærupti, præcipitatisque, & de clauibus ponti;	
de petra nominata Dicæa.	cap.16.
De sinu nuncupato Profundo, de fluvio eiusdem nominis, & Saronis ara: de agro nomi-	
nato Calo:	cap.17.
De promontorio Simeo, & sinu Scletrina: & de aris Apollinis, & matris deorū.	c.18.
De Milco promontorio, & fano Byzantiorū: de Serapio, & templo Phrygiæ deæ.	c.19.
De Chrysorrhoa fluvio: de secturis metallorum: de Pharo antiqua.	cap.20.
De portu Ephesiorum, & de Aphrodysio: de portu Lyciorum, & de Myrleanorum	
domicilio.	cap.21.
De Gypopoli, & de aulis Phinei, & Amyci Bebrycis.	cap.22.
De petra Dotina.	cap.23.
De Panio promontorio Phari, & de Cyaneis petris.	cap.24.

### L I B R I   T E R T I I .

De scopulo nuncupato Colona, & de Rebante flumine.	cap.1.
De promontorio Ancyreo, & de ancora Iasonis.	cap.2.
De Pyrgo Medeæ, & de insulis Cyaneis Asie.	cap.3.
De promontorio Coracio, & de Pantichio, & de scalis nuncupatis Chelis.	cap.4.
De fano Louis, & Neptuni, & de aris duodecim deorum.	cap.5.
De Argyronio loco, & Nymphæo, lecto Herculis: & de Moucoporide portu, & Lau-	
ro insana: & de portu Amyci.	cap.6.
De sinu Catangio: de promontorio, quem Dionysius appellat ὄξυππεν, & portu Phri-	
xi: de promontorio Lembo nuncupato, & de Insula exigua.	cap.7.
De Naumachio, & Ciconio: & de promontorijs nuncupatis παρεγίαις: & de duobus	
Dicis.	cap.8.
De Chrysopoli, & loco appellato Bone, sive Damali.	cap.9.
De fonte nominato Heragora, & templo Veneris: & de æde Synodi Chalcedonensis:	
de Chalcedone.	cap.10.
De portu Eutropij, & Heræo promontorio, & de antiquis regijs ædibus, appellatis	
Heralis.	cap.11.
De insulis suburbanis Byzantij, & Chalcedonis, & primum de insula Prota, & de	
Oxia & Platæ.	cap.12.
De insula Antigono, & de insula Pityode.	cap.13.
De Chalcidite insula.	cap.14.
De insula Principis.	cap.15.

P E T



# PETRI GYL<sup>L</sup>II DE BOSPORO

THRACIO,

LIBER PRIMVS.



V M N O V A M Romam Constanti-  
nopolitanam sim descripturus, mihi  
prius describendus videtur Bospo-  
rus princeps creator Byzantij melior  
& præstantior, quām Byzas huius vr-  
bis conditor: quanuis hic optimus &  
Deo simillimus fuisse traditur, quo vrbis iam tot secu-  
la carere potuit, & situs loci alium conditorem inue-  
niasset, vt postea deserta inuenit Pausaniam, deinde fun-  
ditus euersa Constantinum: at Bosporo ne punctum  
quidem temporis carere potest, supra quem Constan-  
tinopolis sita est. in cuius obscuritate illustranda, si lon-  
gior ero, id attribuendum erit obscuræ caligini tot se-  
culorum, quæ Bosporum Thracium cimmerico longè  
obscuriorem effecerunt, & magis clausum, quām esset  
ante Iasonis transitum, tenuerunt, vt huius non modò  
caput ex tanta caligine extaret, hoc est cyanæ petræ,  
sed ne eiusdem quidem plus centū loca antiqua olim  
memoriæ prodita ab antiquis scriptoribus, quæ latue-  
runt in tenebris abhinc ferè ruinis Seueri, quorum ca-  
ligo discuti non potest, nisi Phineo cæco, qui nobis ve-

lut Iasoni transitum Bospori demonstret, oculos restituero, id est, Dionysio Byzantio antiquissimo Bosporici anapli scriptori, iam tot annos in cæcis tenebris iacenti lumen attulero, qui licet hominū in magna luce versaretur, tamen crassâ adeò caligine circunfusus est, ut non videretur, nisi quis simili studio, quo vti conatus sum, eius caliginē discuteret. Ita enim eius nomina antiqua ignorata sunt, vt nulla iam dudum nota sint, quæ illustrare ob huius freti excellentiam conabor, quod præstat omnibus fretis. Gaditanū quidem strin git duos orbes, sed incipientes, sed vinculo lato sexaginta stadia: at Bosporus duos medios orbes nodo astringit non latiori quatuor stadiis: adde, quòd Bosporus est commodior, hic enim vtroque orbe accolarum multis commerciis coniunctorum frequentatus, portæ habet dispositionem ob communionem mutuam, aliquando ponte iunctus ab his, qui pedibus ex una continente in alteram transire mallent. At Gaditani freti rarus est usus ob inusitatam Libycorum communionem cum Europeis, & ob longinquam externi mariis nauigationem. Thucydides laudat Siciliam, quòd freto viginti stadiorum disiungitur à continenti, sed id duntaxat insulam iungit Italiae, infame non modò scopolis monstrosis & voraginibus, verùm etiam beluis, quibus Bosporus caret, chalcidicum fretum mirabile: sed ob sui euripi inconstantiam ponte quidem iungentis insulam continenti, at non longiori spatio octoginta passibus, quibus patet in longitudinem, in latitudinem circiter quadraginta, qui hominum manus obrui potest: reliquum chalcidici euripi Euboicū fretum

fretum longū & difficile, non enim alia infestior classi statio est. Nam & venti ab utriusq; terræ præaltis montibus subiti atque procellosi fretum hoc torquēt: Bosporus autem semper portuosus, & nauigabilis. Prætereo isthmum Corinthiacum, qui ut fretum admisisset, duos tamen sinus breues coniungeret, qui non magna nauigationis circuitione iungi possunt: at Bosporus coniungit duo maria, quæ nulla nauigationis circuitione iungi possunt: nisi Bosporo, quem sapienter Euripides clauem nominat ponti, rectè physicam rationem fecuti Poëtæ finxerunt, Bosporum minimè peruum, eundemque transire, sine Phineo rege Bospori, Iasonem non potuisse, significantes pontum inuitò rege Bospori adiri non posse. Rectè Hesiodus ait Phineū excæcatum fuisse, quod nauigationem cyanearum & ponti, Phrixo indicauisset. Omitto Bosporum Cimmericum triginta stadia latum & vadosum. qui etsi valde profundus esset, tamen hostes non arceret, sed auxiliaretur hostibus. Conglaciatus enim, pontis vicem præstat, cuius campi minus mansueti, quam illius montes. Prætereo Hellespontum longè latiorem, & sinu Byzantiaco carentem, de quo rectè Constantinus iudicauit: cum post habitu Hellesponto Constantinopolim in Sigéo promontorio inchoatam eminenti in fauces Hellesponti transtulit ad Bosporum: prætermitto reliquos triplicis orbis limites, pontum Euxinum mare internum, Tanaim, Nilum, quorum nullus contra hostes tam tutus, quam Bosporus. Illa enim maria latissimè patent. Tanais gelu concretus pons est barbarorum. Nilus longissimus uno loco, custoditus infinitis

locis transiri potest : Bosporus vna clave duos orbes, duo maria aperit, & claudit. Pisciū copia excellit Masilia, Tarentum, Venetia, sed omnia superat Bosporus: quò velut per portam duplicitis maris pisces transire solent. Autumno & verè tam certa lege naturæ, quām solent grues bis quotannis internum mare peruolare, tātāque multitudine, vt primo cuique magnum piscium numerum capere & ferire liceat: neque modò ab vsu piscandi instructi, sed etiam totius pīcationis rudes, atque adeò pueri, & fœminæ capere possint domi desidentes ex fenestra calathis demissis, hamisque ab esca nudis etiam imperiti piscandi, pelamides capiant tot & tantas, vt toti Græciæ sufficient, aliisque nationibus. Et ne numerem infinita genera piscium, tot gregalis generis capiunt, vt uno reti permulta nauigia impletāt, ostrearum bonitate excellentium tantam multitudinem, cùm aliis temporibus largitur Bosporus, tum maximam tēporibus, quibus perlóngis Græci vesici nō solēt piscibus sanguinis participibus, vt quotidie videas fora multa redundare ostrearum aceruis, hamiarum ignotorum pīciū Romæ & Venetiis. Suauissimi cibi crebros greges videre licet in Bosphoro, eorundē quoque pugnas cum delfinistales spectare, quales traduntur à scriptoribus. Quòd si Bosporani non tantopere terrenis carnibus abundarent, si piscibus delectarētur, vt Veneti, si liberè piscari possent, ac non pro tributo medium pīcationis partem dare cogerentur, & reseruare non haberent necesse regi omneis pelamides ex ponto descendentes, profecto omnia fora Byzantina piscium multitudine implerentur. Græci ex antiquo

tiquo quodam proverbio extollunt Hellepontiorum piscium copiam. Sic enim inquiunt, cùm quis temerè ea, quæ abundant, aliunde affert ut rara, dicere solebant, noctuam Athenas, aut buxum in Cytorū, aut pisces in Hellepontum, quo multo præstantior Bosporus, per quem primò pisces, passionibus ponti pingues facti descendunt: deinde ex his, qui Bospororum piscatorum insidias effugerunt, latiorem transiunt Hellepontum. Quid quòd sua dulcedine superat cætera maria, & suæ dulcedinis fœcunditate contendit cum mirabilibus fluuiis, inter quos excellit Nilus Aegypto quidem fœcuditatem dans, sed non tam suis nativis aquis, quam cœli & terræ siticulosæ natura, id quod deprehenditur ex riulis fontium Arabiæ, Africæ, Mediæ, Babyloniae: hi enim sicut Nilus vicina loca, quæ alluere possunt, fertilia efficiunt. Vnde Byzantiis agris Libyæ tam eximia fertilitas, ut terra agricultoris fœnus reddat cum centesima fruge? nisi ex vicinis mediocribus fluuiis saxorum mole primùm retentis, deinde per fossas diuisis? Quot in Gallia delitescunt flumina, quæ si per arenas mediam ferè occupantes partem orbis transirent, non mediocrem arenis fœcunditatem darent? Bosporus sua dulcedine piscium multitudinem Niliacis arenis numerosiorem alit, non modo à se procreatorum, sed etiam ab utroque mari, tum mellis & ceræ, frumenti & vini, cæterarumque rerum copiam largitur non modò Bosporanis: sed etiam infinitis nationibus longinquis, atq; adeò ipsi Nilo Aegyptioque permulta impertitur. Iure igitur Bosporus vulgo dicitur, Autumno aureus, Vere argéteus, rectius

appellantus Chrysorrhoas, quām quisquā alius, etiam si esset Chrysorrhoas Damascenus. Hic enim vnius Damasci agros irrigat duntaxat, præterea nihil fert, innauigabilis. Iam quispiam cœlum Bospori damnabit, vt caliginosum, Apolloniūmque afferet, cùm scribit Argonautas ex alta specula insulæ Cyzici prospexitse ἀερόη τούτη Βοσπόρος οὐκέτι δέ τι θυμιχλῶθεν. Id enim non ex Bosporici cœli natura, sed ex longo interuallo accidit, quo amplius octoginta millia passuum à Cyzico abest Bosporus. Loca enim longinqua, & si cœli natura lucida sint, tamen ex longinquo interuallo prospexit obscura videntur. Erit aliis, qui non probabit Bospori oras, vt asperas & planè thracicas: at hæ miti amœnitate certant non solum cum omnis maris littoribus, sed etiam cum ripis nobilissimorum fluminum. Nilus quidem suam amœnitatem ex una ripa ostentat, ex altera deformat, patefaciens exustos, & latissimè retorridos campos. Vidi Penei ripas, quas amœnas efficiunt illa nobilia Tempe Thessalica in nemorosa conuale inter Ossam & Olympum sita, per quæ media Peneus viridis labitur, amœna, vt dicuntur, sed angusta: & brevia vndique, montibus in altitudinem immensam elatis coarctata, vt terror adsit prætereuntibus, qui augentur, si Liuio credimus, strepitu Penei agreste quiddam resonatis. Vidi item ripas amœnas aliquot flumen. Mediae, hæ enim sunt illa decantata Tempe medica, virore quidem plantarum manu satarum lata, sed vndique montibus asperis arenaceis, qui natuvis arboribus carent; circundata: veruntamen nulla amœniora spectauit valle, per quam defluit Bosporus vtrinq; cinctus

Etus collibus molliter assurgentibus, vallibus leniter  
pronis utrisque partim nemorosis, partim vitiferis &  
frugiferis, partim amoenitate viretorum, floribus, her-  
bis, arboribus etiam fructuosis enitentium, inter quæ  
excellunt horti Regij: quos singulos quid aliud esse di-  
cam, quam Thessalica illa Tempe amoenissima, sed  
longè amoeniora, nisi ea Lapithæ Centauri velut dra-  
cones Hesperidum hortos custodirent, procūlque spe-  
ctatores arcerent. Sileo riuos perennes & perlucidos  
circiter triginta hinc atque illinc delabentes in Bospo-  
rum, prætereo fontes gelidos. Quid vnum iam com-  
memorem Nymphæum Chalcedoniorū situm iuxta  
Bosporum à permultis antiquis commemoratū, cùm  
valles Bospori plusquā quinquaginta nihil aliud sint,  
quam Nymphæa virore nemorum & pratorum, topia-  
rio & coronario naturæ opere spectabilia. Ora autem  
maritima collucet plus triginta sinibus portuosis ad  
marginem usque profundis, inter quos excellit sinus  
Chrysoceras, hoc est Cornucopiae. siquidem aurum o-  
mnium rerum copiam largitur. Collucebat olim ab  
initio Bospori ad finem ædificiis continuis, quæ lon-  
gis bellis euersa iterum excitantur, ut ab initio sinus  
ceratini iam littus ad promontorium Estias, littus pa-  
tens in longitudinem circiter decem miliarium exæ-  
dificatum sit ferè continuis ædificiis, non modò in sic-  
co, sed etiam media ex parte in mari substructis non  
modò ad hominum habitationem, sed etiam ad sta-  
tionem scapharum, atque excipulas piscium: quæ o-  
mnia patitur mitis Bosporus. Non enim fremebundo,  
æstu effervescit in ædificiorum fundamenta, sicut ex-

tera freta, quæ littoribus fracta, spumarum fenuorem  
in ædium pavimenta furiose iactant, & fremitu terri-  
bili murmurantis maris littora plangentia maritimas  
vrbes vexant, sed lenis urbem & suburbana alluit, ne-  
que sese effert extra littus, quanuis humile & planum.  
Itaque Iasonem duodecim diis apud Bosporum sa-  
crificasse, templumque condidisse arbitror, iudicatem  
non modò hominum, sed etiam omnium deorum do-  
micum esse Bosporum. Apollo quidem sex templo  
habuit iuxta Bosporum antiquissimum in urbe Chal-  
cedone, nullis oraculis cedens, duo Byzantij, unum in  
Xerolopho, cum tripode antiquissimo, alterum cum  
luco laurorum iuxta finem sinus cornu, quartum, iu-  
xta eundem sinum, quintum in promontorio nuncu-  
pato Metopo, sextum in suburbano vico appellato  
Daphne à profundo luco laurorum Apollini conse-  
crato, qui in Olympia, ut Mercurium cursu secum cer-  
tantem præuerterit, ita periclitaretur certans in medio  
Bosporo cum Mercurio, qui semper præfuit promon-  
torio Hermæo, obidente maximas Bospori angustias,  
cuius radices cum sustinerent Darij pontem, eiisque  
sedem in saxo excisam, ostenderunt Mercurij ingenio  
Darium Asiam Europæ quasi compedibus alligasse.  
Iustius apud Bosporum perenni certamine Iuno, Ve-  
nus, Pallas contendunt: quæm vbi semel contendisse di-  
cuntur. Dulcis Venus mare (vnde nata est) dulce osten-  
tat excellere. Iuno colles vberes profert, & promonto-  
rium Bosporum, in quo fuit ædes Iunonis acræ. Pal-  
las arces Byzantias proponit non iudici Paridi iuueni  
pastori, sed Ioui antiquissimo imperatori, & Neptuno,  
præsid

præsidentibus Bosporo, cuius portas Neptunus seruare traditur, & claves ponti custodire, adiutore filio Byzante fabro clavis ponticæ, hoc est arcis Byzantiae conditore, in qua antiquum Neptuni templum fuisse scribit Dionysius. Iupiter Vrius, imperatorque quandiu multumque Bospori angustias tutatus sit, declarat famum Louis Vrij, in hunc diem nomen retinens: declarat eiusdem statua in Bosporo sita, quæ, cum tam multa bella ex ponto emerserint, seruata est, cum interim sua signa Iupiter pateretur ex Macedonia, ex Græcia auferri. Cum Lucullus ex ponto auferret colosum Apollinem, tamen illam, etsi in toto orbe pulcherrimè facta haberetur, attingere non ausus est: nec arce prius cessit, quam Christus ei successit verus Iupiter Vrius, & Imperator: adeò ille Bosporū amore prosequutus est, quem non nihil augere potuit, id quod sempiterna nomini memoria Bosporus testatur se transuexisse Io, quam Iupiter amauit, Bosporiq; accola Semystra edocauit Ceroessam Louis & Ious filiam matrem Byzantis, qui condidit Byzantium. Acrius sicut & commodiùs in Bosporo, quam in Olympia de Orbis imperio Iupiter cum Saturno colluctari potuisset, nec modò deorum hominumque pater, sed etiam mater deorum Bosporum accoluit, suisque ædibus arcem oppositam arcii Louis Vrij illustrauit: neque modò dij deæque inter se, sed etiam secum de pulchritudine Bospori certant, in quo mari Venus dulcior, quam in dulciore ponti, cuius aqua potui pecorum vtilior, quam dulcium fluminum. Itaque accolentes pontum omnia pecora ad mare ducunt, ut ex eo bibant, ubi Venus placidior,

quām in placido Bosporo , vbi Veneris placidæ ara in  
sinu auricoru nuncupato , eiusdémque templum in  
suburbano proximo Chalcedoniæ : & in portu Lycio-  
rum , vbi etsi Bosporus frigidus , tamen Vénus frigere  
non potest compressa collibus Bacchii & Cereris fera-  
cibus. Iuno circa Bosporum duplex & gemina , nempe  
vtraquæ continens certat non solùm de similitudine ,  
sed etiam de paritate collium , vallium , fontium , frui-  
gum , fructuum : vbi Pallas vrbium , arcium tutrix , ar-  
cem architectari potuisset commodiorem ad fetinendu-  
m vtrunque orbem , quām in Bosporo ; vbi Pallas  
Bospori primas sibi partes deberi contendat , quām in  
árce Byzantij , quò primùm egressi Coloniæ deducto-  
res Mineruam coluerunt , arámique Mineruæ ecbasiæ  
ibi erexerunt , & Palladæ adiutrice statim pugnarunt  
tanquam pro terra patria , nempe Byzantio , quod lu-  
men est clarissimum Bospori. Habuit item altera aram  
supra Bosporum , quam Megarenenses coloniæ deducto-  
res Palladis dissipatoriæ appellarunt ab hostibus Bar-  
baris dissipandis. Diana item , & Ceres , & Bacchus con-  
tendunt ornare Bosporū. Ecquodnam aliud tam bre-  
ue spatium sex templo habuit illustria Diana , quām  
Bosporus in cuius exordio fuit Diana fanum adeò ce-  
lebre , vt idem fanum ab aliquibus dicatur Diana , ab  
aliis Iouis. Nusquam Diana sua retia marina tendit fe-  
licius , quām in Bosporo , in quo medio fuit ædes Dia-  
nae dictynæ. Finis Bospori habuit templū Dianae Or-  
thosiæ , & ædem Persephone in prömontorio Bospo-  
rio: itēmque in opposito littore delubrum Dianae Lu-  
ciferæ , atque in Bospori portu Lyciorum nuncupato  
templ

templum Dianæ phosphori. Sed quid tam multa de diis? cùm possem Bosporum suis variis & propriis laudibus efferre, nisi hæc pauca præloqui voluisse, non tam ut laudem Bosporum ex iudicio Deorum, quām ut Bospori nomina antiqua summātum informē usurpata atque appellata ab aris, templis, cæterisque Deorum ruin monumentis. Itaque Bosporum deorum domicilium appellaui, quod in eo omnium maiorū deorum aræ, ædēsque multæ & celeberrimæ fuerunt. Iure igitur nonnulli Bosporum, sacrum ostium appellarunt: iure Iason duodecim diis fanum consecravit propterea, vt mihi videtur, quod omnes dij ad eum ornandum contendisse videntur cōtra Solstratum, qui Bosporum asserit Neptuni opus esse: mihi potius ab orbe condito ipsum patefecisse videtur architectus ille summus, qui elementa creauit & distinxit, quomodo Neptuni fortuita vi Euxinus pontus tam scitè Bosporū aperire potuisset? in quo nihil fortuitum videtur, sed summa ratione factum, ut vix vlla humana mens maiore artificio excogitare posset commodiorem ad nauigandum: aut si quis tentaret Bospori os aliter fingere, ille esset, qui in alia corporis parte os hominis, quām est, commodius esse debuisse, frustra probare niteretur. Primum suum introitum inter cyaneas largum viginti stadia, montibus cinctum velut brachia distendit in complexum introeuntium, deinde sensim per longitudinem duorum miliarium usque ad promontorium Myrleanum coarctatur in angustias miliarias, post in longitudinem quinque miliariorum: quoniam rectus procedit, multos sinus portuosos efficit, atq; ad finem

vsque magnis anfractibus, & crebris sinibus pergit flexuofus vsque ad moenia Byzantij, cuius mucrone velut rostro scinditur in duas partes, quarum rapidior & maior in Propontide in progreditur paulatim, oris recedentibus, vsque dum inter Chalcedonem & Byzantium dilatatur in quatuordecim stadia, similiter pari introitu ascendentes excipiens in pontum, ut excipit descendentes ex ponto. Altera pars sinum efficit, cornu nuncupatum. sed quid plura de Bosporo? sine quo Byzantium nunquam extitisset, aut vulgaris vrbs remansisset, cuius conditor & genius Agathodemon Bosporus iure dici potest & debet, sine quo non modò viuere cum dignitate, sed ne nasci quidem potuisset. Et ne habeam inculcare, quæ postea dicam de Byzantio, id ferè omne Bosporo acceptum referre oportet, quod laudis tribui potest Byzantio.

*De origine Bospori, & de eius multis nominibus.*

C A P V T I.

**B**O S P O R I Thracici origo est pontus Euxinus. supra pontum est Maeotis, quam matrem & nutricem ponti diuulgauit hominum sermo, iam ab vsque antiqua memoria traditus, Maeotidis finis Tanais, limes Europæ & Asiae Maeotidem Cimmerico freto excipit pontus, auctus Maeotide, & multis magnisq; fluminibus per Thracium Euripum exit in Propontidem. Et vt magni lacus fluuium aliquem emittere solent, ita pontus emitit in mare Aegæum velut flumen maximum, in principio angustum, in medio amplum, in fine strictum. Finis appellatur Hellespontus, medium verò lacus similiu-

militudinem gerens Proponis, principium Bosporus. Hunc multis nominibus scriptores appellant: Græci quidam αὐλῶν. Pomp. Mela, canalem, alij Euripum Thracium. Herodotus modò ponti os appellat, modò αὐχεῖα. Laurentius vertit collum, poterat purè & Latinè reddere fauces pontici māris: Græci nostræ ætatis λασθάνοι nominant. Turci eodem sensu Bogazin:fauces, inquit Liuius, σφυρὶ vocant Græci, Bosporum quidam recentes scriptores stenon nuncupant. Pomp. Mela etsi interdum totum fretum nominat fauces, tamen partem vltimam Bospori positam inter Chalcedonem & Byzantium propriè appellat fauces, reliquam oris partem vocat os. In Bospori, inquit, faucibus oppidum in ore Templum est. Oppidi nomen Chalcedon, Templi numen Iupiter, vbi distinguit fauces ab ore, idq; aptè: siue existimat pontum, ut omnes existimant, exire in Aegæum velut per meatus cuiuspiam animalis, nempe primò per Bosporum, quasi per os & fauces subire in aluum, hoc est in Propontide: deinde per Helle-spontum, tanquam per vesicæ fauces delabi in Aegæū: siue putat mare Aegæum exire in pontum, id quod putare videtur, sed falso, ut paulò infrà ostendam. Tum enim, reuera, Aegæum à Propontide velut ab aluo eiceretur in pontum per fauces & os Bospori. Non igitur minus rectè Threicias fauces Bosporū appellabimus, quam Lucanus Hellepontum appellauit. Cicero Bosporum nunc introitum ponti, nuncos, atq; angustias dicit. Similiter Aristides Bosporum appellat ἀστελλὰς τῷ πόντῳ. rectius Philostratus ἐκβολὰς οὐ πόντος. Cùm Bosporus sit ponti exitus potius, quam introitus Pomp. Mela an-

gustias introitumque maris venientis, nos fretum: Græci  
 ci ὡρθοὺς appellant. Procopius restrictius hunc præfi-  
 nire videtur in libro inscripto πρὸς τὴν αὐτούς, quem  
 scripsit contra Iustinianum, contráquē eius vxorem  
 Theodoram. Byzantium, inquit, vtrinque fretum ha-  
 bet, vnum in Hellesponto circa Sestum & Abydum, al-  
 terum in ponti Euxini ore, vbi fanum nominatur: in  
 Hellesponti freto tributum quidem minimè exigeba-  
 tur. Praefectus verò à Rege missus in Abydo sedebat  
 perscrutans, si qua nauis ferens arma sine Regis permis-  
 su iret Bysantiū, aut si quis Byzantio soluisset, qui non  
 ferret literas & signa hominum, quibus hæc cura man-  
 data esset. Non enim fas quenquam ex vrbe Byzantio  
 enauigare sine dimissione virorum operam dantium  
 magistratui appellato magistro non dimissorum. Simi-  
 liter si quis ad Barbaros mearet, apud fanū Iouis præsi-  
 debat, qui perscrutaretur, si qua ex Romæorum ditio-  
 ne ferret, quæ ad hostes efferre non liceret: nihil tamen  
 huic præfecto exigere licebat ab his, qui illac nauiga-  
 rent. At ex eo tempore, quo Iustinianus accepit impe-  
 rium in vtroque freto, constituit tributum publicum,  
 & stipēdio quidem vtrique freto præfectos afficiebat.  
 Verūm edicebat, vt omni vi quām pluriimas pecunias  
 inde auferrent. Prætereo cætera, quæ Procopius colli-  
 git contra acerbam exactiōnem à Iustiniano vtrique  
 freto constitutam, hoc vnum duntaxat ex his percipe,  
 Procopium Bospori & Hellesponti summas angustias  
 strictè nominare fretum, vt Titus Liuius fretum Chal-  
 cidici Euripi vocat summas angustias canalis Eubœā  
 diuidentis à Bœtia: certis & propriis etiam aliis voca-  
 bulis

bulis Bosporum scriptores nominant. Ptolemæus os occiduum ponti. Apollonius Argonauticorum poëta σκολίς τόπος σένοπτος appellat. Arrianus fretum Mysium à Mysiis populis, cùm id Mysij accoleret: deinde Thracium à Thracibus accolis. Potuit etiam appellari Bithynicum, & Mygdonium, & Bebrycium, cùm Bithynia, quæ claudit Bospori latus dextrum, Asiaticumq;. Fuerit etiam appellata Mygdonia & Bebrycia. Herodotus nominat Bosporum Chalcedoniæ. Strabo os Byzantiacum. Ioannes Tzetzes appellat Bosporum Damaliten sua ætate nuncupatum, vulgo Prosporium. Aristides ianuam ponti vocat, imitatus Pindarum, qui fretum Gaditanum portas dicit Gaditanas. Ora enim similia portis habentur: inde fluminum exitus ostia dicuntur. Plinius fretum Gaditanum appellat limen interni maris. Euripides clauem Ponti nuncupat Bosporum. Vnde autem vocetur Bosporus, et si omnibus clarum, à bouis meatu: tamen dubium controversumque inter vetustissimos scriptores est, quænam bos illa fuerit, & quæ transierit, quod non tantopere querendum putare, nisi hoc perspicuo facto, planè intelligere non possumus, ubi locus appellatus Bos siue Damalis, ubi Chrysópolis. Poëtæ tradunt Inachi filiam mutatam in bouis speciem, ira Iunonis fretum hoc transisse, ex eoque Bosporum appellatum fuisse. Polybius addit trasfuisse ex Europa ad locum sua ætate nuncupatum bouem. Arrianus ex quorundam sententia adiungitaliā, bouem fuisse, quæ huic freto nomen dederit, quam dicit Phrygibus vrgentibus incolumē transisse fretum, positum inter Chalcedonem & Byzantium, ducemq;

illis extitisse, quibus diuinum oraculum datum erat, vt bouem transitus ducem facerent, cui obtemperantes incolumes transierunt, huiusque meatus monimentum tradit esse bouem æream, excitatam à Chalcidonensibus, locumque illic esse, qui usque ad suam ætatem forsitan ex hac appellaretur Damalis. sed ubi fuerit locus Bos siue Damalis dictus, postea suo loco ostendā. Dionysius Byzātius affert quosdam tradere bouem cœstro stimulatam ad promontorium, in quo postea conditum est Byzantium delatam traieciisse meatum medium, ex eoque hunc Bosporum, illud Bosporium nominatum fuisse. Alij verò testantur ideo sic nuncupatum, quod omne fretum appellare olim solerent Bosporum, nonnulli scribunt accolas, siquando olim hoc fretum traicere vellent, rates alligasse adiunctis bus, atque ita traieciisse. Ex eoque nomen adeptum fuisse. Nymphae tradit Acarionē historiæ mandasse Phryges traicere volentes nauem ædificasse bouis caput in prora habentem. Hæc quidem ex antiquissimis scriptoribus attuli, vt cognoscatur num verè recentes scriptores tradat, inter quos Ioānes Antiochenus, qui scribit à Byzante conditore Byzantij bouē in hoc fretum immisam traieciisse ad Chrysopolim, ex eoque Bosporū appellatū fuisse, cum Byzas nepos fuerit Ious, quæ antequam Byzas nasceretur, hunc canalem traicerat.

*De Bospori principio, & fine, & de eius longitudine.*

C A P V T I I .

**H**ERODOTVS Bosporum Thracium scribit longum esse centum & viginti stadia, sed loca vnde incipit, & desinit, non explicat. Polybius

bius similiter longum esse dicit, & loca quibus terminatur, nominat, nempe ex parte ponti fano nuncupato ex parte Propontidis, Chalcedone. sed fani nomen non declarat, Iouisne, an Dianæ, an Neptuni: nam horum trium fana ponuntur in ponti introitu. Sed Menippus, & Arrianus in suis periplus Bithyniæ id fanum nominant Iouis Vrij, & ponunt in Asia, eandem Bosporo longitudinem dantes à fano Iouis Vrij ad Chalcedonem. Similiter Pomp. Mela oram Bospori Asiaticam persequens tradit templum in ponti ore positum authore Iasone ædificatum, cui nomen esset Iupiter. ex eoque templo dicit, ut ingens pontus sese aperit: quem Herodoto teste, ut videret Darius apertum, profectus est ad Cyaneas à Græcis Planctas nuncupatas, vbi in fano sedens contemplatus est pótum mirabilem, ex quibus dubium cuipiam yideri possit an fanum Iouis fuerit in Cyaneis petris: cum etiam Dionysius Orbis terræ scriptor tradat ex ore Bospori Thracij (vbi fama est petras Cyaneas errantes per altum inter se concurrisse) mare multum aperiri. sed ingens pontus non modò ex insuli Cyaneis sese aperit, verùm etiam ex fano Iouis, quod etiam hodie ἡ Græci appellant, posito intra Bosporum distante ab insulis Cyaneis quadraginta stadia atq; adeò pontus patescit à loco Bospori longè interiori distante à Cyaneis plus sexaginta stadia, quem Dionysius Byzantius appellat clauem ponti: vbi dicit pontum eminentibus promontoriis extum incipere aperiri, nullo impediente amplius verū aspectum maris, Symplegadásque appellatas olim fuisse flexiones multiplicium promontoriorum. Itaque Cyaneas

petras esse non modò insulas nuncupatas Symplegadas, sed etiam rupes cingentes littora Bospori, & radices promontorij, vbi hodie spectatur fanum, ex quo Darius contemplari potuit pontum longe latèque. At fanum nuncupatum alibi, quàm vbi hodie extat, non fuisse videtur ex Strabone, Distant (inquit) fanum Byzantiorum, & fanum Chalcedoniorum à Cyaneis insulis viginti stadia, quorum alterum fuit Iouis Vrij, alterum Serapidis. Quamobrē in sinu, quem Græci huius ætatis appellant Dios sacra, fanum Iouis fuisse videri potest. Præsertim cùm supra id, quod nunc vocat Βόσπορος, Bosporus pergit angustus vltra duo miliaria, nimirum usque ad Dios sacra, sed ut ibi aliqua Iouis ara fuerit. Tamen templum Iouis Vrij terminus Bospori ab authoribus celebratus illic non fuit, & erratum esse in Straboniano Codice, vel ex ipsius Strabonis verbis liquet, cùm ait apud templum Byzantiorum, & Chalcedoniorum fretum strictissimum esse totius Bospori, id quod non est apud sinum nuncupatum Dios sacra, tum magis ex Arriano tradente Cyaneas quadraginta stadia distare à fano Iouis Vrij, vbi idem totius Bospori os strictissimum esse dicit, ibidemque esse ostium ponti addit. Philostratus, & Dionysius Byzantius dicunt esse quatuor stadiorū, at obiicitur Polybius scribens fanum Iouis distare ab Europa duodecim stadia, obiicitur etiam Procopius, tradens Asiam atque Europam circum Abydum, & Sestum prope inter se accedere, iterumque circa Byzantium, & Chalcedonem usque ad petras Cyaneas olim appellatas, vbi fanum nunc ita appellatum. In his enim locis decem stadio-

rum

rum interuallo, eoque minus utraque continens separatur ab altera. Quibus obiectis respondendum est: non intelligere Polybium de latitudine Bospori, sed de distantia fani ab Europa: fani enim arx sita fuit in supercilio promontorij, ubi etiam nunc castrum est, quod vulgus etiam Græcorum nominat ἱσπόρη, id est fanum, aut si intelligit fanum iuxta litus Bospori situm, codicis Polybiani erratum esse, aut ipsum errare dicemus, Procopium prorsus à vera mensura aberrare, siue inteligit de interuallo inter Cyaneas sito, inter quas fretū intercedens ex Strabone, & meo iudicio patet in latitudinem viginti stadiorum, siue intelligit Cyaneas cavae, cingentes Bosporum, & promontorium nuncupatum fanum, ubi scriptores longè antiquiores dicunt duntaxat quatuor stadia lata esse angustias supra quas eminent duo castella, alterum ex Asia, alterum ex Europa, quæ Græci usque ad hanc diem vocant ἱσπά, ubi antiqua fana fuisset cum ex antedictis assequor, tum ex meis oculis & pedibus: quibus infra ostendam ab ultimis Bospori faucibus inter Chalcedonem, & Byzantium sitis, ad castella ἱσπά esse centum & viginti stadia, quorum situs ostendit nullum locum in Bosporo tam aptum esse ad obsidendas Bospori fauces, quam locus, ubi hodie ἱσπόρη dicitur eiusmodi, qualis à Polybio describitur fanum esse locum natura munitissimum situm in ponti ostio, quæ Byzantij ingenti pecunia mercati fuerunt oportunitate loci pellesti, ne ullam cuiquam commoditatem relinquerent in pontum, vel ex ponto nauigandi, nisi id cum voluntate faceret Byzantiorum. Is locus si ad superiorem ponti introitum

intercurrentem inter Myrleium & sinum nūcupatum  
Dios sacra fuisset, vbi Bosporus largior, & multo rapi-  
dior, & vndique ferè rupes præruptæ, nō tam ipsi alios  
impedissent, quām semetipso non habentes neque  
commodum accessum, neque portum. Adde quòd ho-  
stibus commoditatem reliquissent muniendi promon-  
torium quod fanum etiamnum appellatur natura mu-  
nitissimum. Ad cuius radices fretum est angustissimum  
totius Bospori, adde etiam hoc prömotorium plenum  
ruinis retinere adhuc vestigia veteris oppidi, in cuius  
summo etiam nunc extat castrum muris cinctū, quod  
Turcorum præsidio diligenter custoditur, oppositum  
oppido Europæ similiter in ruinis iacenti: quod cum  
Byzantij tenerent sitū è regione fani Asiatici ab Stra-  
bone nuncupati Chalcedonici, perspexerunt commo-  
dissimum esse vtrunque tenere ad occupandas introi-  
tus pontici fauces angustas vtrinque portum habētes,  
olim cathenis claudi solitas, quæ usque ad hunc diem  
in arce fani Asiatici seruari dicūtur. quod distat à pha-  
ro huius ætatis quadraginta stadia, cui vicinas insulas  
Cyaneas infrà ostendam, ex quibus pleniùs liquebit fa-  
num hodie nuncupatum esse illud Iouis Vrij fanum  
antiquissimum, quod Polybius, Herodotus, Menippus  
posuerunt finem Bospori. Quos miror non ulterius po-  
suisse saltem duo miliaria, usque ad sinum Dios sacra  
appellatum, quod usque canalis Bosphorus pergit angu-  
stus, vbi non multo latior alicubi, quām ad angustias  
fani, quum etiam rectius finem Bospori ad Cyaneas  
insulas posuissent: ut Dionysius Byzantius, ut alij ple-  
rique. Inter quos Strabo. Cyancæ, inquit, in ore ponti  
sitæ

sitæ duæ perparuæ sunt insululæ, quarum altera Europæ propinqua, altera Asiae, diuisæ inter se freto lato vingtistadia. cui consentit Dionysius orbis terræ scriptor. Sed siue Bospori initium sit à Cyaneis insulis, siue à fano Iouis, longitudo, quam Strabo attribuit Bosporo, dissentit ab aliorum longitudine: nam si initium sit à Cyaneis insulis, quas Strabo dicit distare à fano vingtistadia, non conuenit cum Arriano, neque cum meo iudicio. Illas enim Arrianus dicit distare quadraginta stadia à fano, à quo si Bosporus incipit, Strabonis mensura iusta non est: quam ponit hoc modo: Cùm inquit, ex angustissimo freto intercedenti inter duo fana processeris decem stadia, obuiam sese offert fretum coarctans Bospori fauces in quinq; stadia: cùm ab angustiis fanorum ad alteras angustias, quæ sunt ad Hermeum promontorium sint amplius quinquaginta stadia. Id quod ipse mensus sum. Et Herodotus confirmat. Darius, inquit, ponte Bospori transitum coniunxit ad eum locum, qui est medius inter fana, & Byzantium, locumque ubi pons iunctus est, continuatis nauibus. Polybius appellat Hermæum promontorium, à quo usque ad Byzantiorū cornu nuncupatum Strabo non absurdè quadraginta ponit stadia, si rectè dimensus sum, & priusquam dimetirer, collegeram ex Sozomeno. A promontorio, inquit, nuncupato Estiis ad Constantinopolim nauigatio est circa triginta stadiorum, à promontorio Hermæo ad promontorium Estias recta nauigatio excedit miliare. Ex quo patet à fano Iouis ad cornu Byzantiorum stadia esse amplius nonaginta. At ex Strabonis mensura essent duntaxat sexaginta.

ginta, cùm à Byzantio ad fanū ex antiquioribus Stra-  
 bone scriptoribus stadia constet esse centum, & vigin-  
 ti: à quibus mensura codicis Pliniani etiam ab Hermo-  
 lao emendati dissentit. Bosporus, inquit, d. pass inter-  
 uallo Asiam Europæ auferēs abest à Chalcedone xii.  
 m. d. pass. Inde fauces primæ viii. m. ccl. pass. vbi  
 Phinopolis, si errores ibi non sunt notularum numera-  
 riatur, ut esse longitudinis non videntur Hermolao,  
 certe mihi errare videtur ponēs xii. m. d. pass. à Chal-  
 cedone ad angustias Bospori largas d. pass. siue eas in-  
 telligit esse in Hermæo: ut intelligere videtur alio lo-  
 co. Angustiæ, inquit, Thracij Bospori appellantur lati-  
 tudine d. pass. quā Darius pater Xerxis ponte transue-  
 xit copias. At, ut iam dixi, Strabo ab angustiis Hermæi  
 promontorij ad cornu Byzantiorum ponit quadragin-  
 ta stadia. Herodotus ab his angustiis ad Chalcedonem  
 miliaria designat circiter septem, & quingētos passus,  
 cùm locum vbi Darius pontem fecit, medium esse di-  
 cit inter fanum, & Byzantium: vnde fauces primæ non  
 abessent à Chalcedone octo miliaria. Siue Plinius in-  
 telligit angustias fani, tum enim magis fallitur. Nam  
 ex Polybio à fano ad Chalcedonem sunt centum &  
 viginti stadia. Quòd autem addit ab his angustiis ad  
 fauces primas, vbi Phinopolis est, viii. m. ccl. desi-  
 gnat fauces prope Cyaneas, cùm dicit ibi esse Phino-  
 polim, quam alio loco dicit esse iuxta Bosporum: ab-  
 errare videtur. Nam siue à promontorij Hermæi an-  
 gustiis intelligit, sunt amplius xii. miliaria ad Cya-  
 neas, siue à fani angustiis, quas Arrianus tradit distare  
 à Cyaneis quadraginta stadia. Sed quid diutiùs me  
 torquet

torquet Plinij inconstantia, qui alibi non veretur scribere Cyaneas distare ab ostio M. xiiij. ab Europa. M. D. quæ profectò non distant ab Europa plus octoginta passibus Romanis: neque ab ostio, etiam si eius initium sit à fano Iouis amplius quinque miliaribus. Verùm illi non ferendi ignorantes initium, & finem Bospori, quos designat Eustathius. Thracicum, inquit, Bosporum alij dicunt esse angustias Anapli nuncupati. Ego verò postea ostendā Anapolum esse prope Estias promontorium, deinde adiungit Eustathius diligentius perfectiusque tradere qui dicunt supra Chalcedonem esse os ponti, vbi etiam sunt maximæ angustiæ: nempe designat angustias, quas dixi vnas apud promontoriū Hermæum, alteras ad fanum Iouis. In quo errore cognoui esse nonnullos Byzantios illic extimates Bosporum dicē ex eo quod boues vltò citróque transire solitos sæpe viderint. Plinius similiter angustias Bospori propriè Bosporum appellare videtur, Cùm ait, Bosporus D.P. inter uallo Asiā Europæ auferens abest à Chalcedone xij. M.D.P. inde fauces primæ. Nam quod Xenophontis codices tam editi, quam nondum editi habent Chrysopolim Asiaribem extra ponti ostium sitam esse, sic enim græcè est, ἐφω τοι σόματος, sed existimo legendum εἰσω, vel εἰσω τοι σόματος, cùm omnes Geographi intra Bosporū constituūt Chrysopolim, quæ in penitiore Bosporo est: quā Chalcedon, & Byzatiū vrbes ab omnibus principibus geographis in Bosporo cōstistutæ. Itaq; miror Herodianū scribere Byzatiū sitū esse in angustissimo Propontidis freto, quē facile pateret, si dūtaxat dixisset sitū iuxta Propontidem. Quod for-

casse etiam Herodiani ætate Byzantium aliqua ex parte, sed minima ex tribus Propontidem attingeret. At ex ea parte fretum angustissimum non est, ac potius nullum fretum est, sed lata Propontis, nescio an imitatus sit Polybium, qui Hellespontum appellat Propontidis angustias. Varro Propontidis fauces dixit, ubi Xerxes pontem iunxit. At hi etsi poterant appellare pontis secundas angustias & fauces, tamen recte appellarunt Propontidis. Nam influit in Hellespontum Propontis, at non item in Bosporum; quin nusquam Bosporus rapidor fertur aduersus Propontidem, quam circa Byzantium. In eodem errore est Eustachius, ponens Chalcedonem in Propontide, sic enim interpretatur Dionysij versum, χαλκιδες μητε πρωτα ποτα σουα γαστρα, τοτει πριν σουα, ηγου πριν τη πρωτοτιθα, cum potius interpretari Bosporum debuisse. Similiter labitur Priscianus sic eudem versum latine reddens: Sunt Chalcedonij primi post ostia ponti, contra Herodoti Polybij. Strabonis, & reliquorum summorum scriptorum sententiam, qui intercedens fretum inter Chalcedonem & Byzantium appellant Bosporum. Dionysius Byzantius antiquissimus Bosporici Anapiscriptor promontorium, in quo situm est Byzantium appellat Bosporum, ex eo quod bos illa, quæ nomen dedit Bosporo, ex hoc promontorio transierit in Asiam. Sed quam interdum Geographæ negligentes fuerint, etiam insignes Grammatici cum ex aliis perspexi, tum ex Eustachio, & Prisciano, tum maxime ex Ioanne Tzetze, qui Bosporum Thracium appellandum esse Hellespontium, & totam Propontidem Hellespontiam prescribit, magis quam docet.

cet. Sed quām arroganti licentia , ex ipso loquente cognosce. Bosporus , inquit , apud nos appellatur Thracius ; & Helleponius , is , qui communis consuetudine Prospchorion vocatur. Disce etiam Helleponum , unde , & quo usque tēdat. Ex Abydi angustiis , & ex omnibus mediis interiectis , usque ad pontem Blachernarum Hellepōtus appellatur , Bebrycium mare in medio possum circumcludens , mareque Heracleæ Thracicæ . Quis autem maris scriptor de Bosporis duobus scripsit , & de Helleponto , è turba multorum Historiorum haud scio , tamen Tzetzem ne nientiri in huiusmodi rebus existimes , sed exactius dicere omnibus historicis , & magis memoriter , quām quisquam viuentium : Quis talem grēculam vanitatem , vel potius abas- gicam ferat ? Profitetur se nescire quis è multis historiis scripsit de Bosporo . Et cùm hæc nesciat , tamen assueranter affirmat se omnium optimè scire , quis sit Bosporus , & Helleponus . De quibüs cùm nihil doceat , sed Tyrannice præscribat paucā , & in his paucis à seipso dissentit . Helleponum enim dicit appellari omne mare , quod intercedit inter Abydi angustias , & pontem Blachernarum , hoc est totam Propontidem , & partem Bospori . cur Helleponum finit pontem Blachernarum ? Cùm prius definierit Bosporū Thracium appellari Helleponiū etiam in mediis angustiis , ubi Darius pontem iunxit . Quid causæ hunc mouerit , cur tam temerè Bosporum præscripsit , dicam ne , an iusserit Helleponium esse appellandum ? Non reperio nisi forte in Homero legerat πλεύτης ἐλλήνων οὐ . At Eustathius exponit Helleponum angustum esse inter

Sestum & Abydum: latum verò ad Sigæum, & Rhœtium promontoria. Dionysius Alexadrinus Aeolidem regionem sitam esse dicit supra magnum Hellespontum; vnde aliqui interpretati sunt Hellespontum sibi partem vicinam maris Aegæi vindicare, partemque Propontidis, at propinquam, alij Tzete similis πλατύνη μέγερη Ελλήνας οὐδεποτέ minus rectè interpretati sunt totam Propontidem, vt ostendam in tractatione Propontidis. Nam Eustathius cùm uno loco ait Propontidem esse os ponti, corrigendus esset, nisi alio loco resipiscere videretur, cùm inquit, exactius, & emendatius dicunt, qui tradunt os ponti esse supra Chalcedonem, vt tradunt omnes Historici, Geographi, Poëtaeque. Dionysius Alexandrinus, & Apollonius Rhodius, qui omnes, vt partiti sint Hellespontum, & Propontidem alias dicam: vt verò Bosporum terminarint, iam dixi, cuius de initio, & fine. quid certissimum habeam, si quis meam sententiam forte requiri: Dico non modò ex capitibus, sed etiam ex pedum sensu, initium Bospori à Cyaneis non à fano mihi videri intuenti à promontorio Phari, cui proximæ sunt Cyaneæ insulæ Europeæ ad promontorium Asiæ contrarium, propinquum Cyaneis Asiaticis pontum, coarctari in fretum latum viginti stadia. Ut tam rectè ibi Bosporus vocari debeat, quam à Chalcedone, ubi finitur. Nam vt spatiū, quod intercedit inter Chalcedonem, & Byzantium, dilatatur in stadia circiter viginti, deinde sensim in septem stadia stringitur, sic inter Cyaneas fretum interiectum latum est viginti stadia. Deinde sensim stringitur usque ad Myrlianum promontorium in angustias paulo latiores angustiis.

gustiis fani. sed de Cyaneis copiosius dicitur. Iam de initio Bospori loquor, quod à Cyaneis duci assueranter affirmo. Ergo; dicet quispiam, errarunt Polybius, Herodotius, Menippus, atque alij plerique antiquissimi, & eruditissimi, qui Bosporum fano Iouis terminarunt: errasse non dico, sed ita intelligendos censeo, cum id spatij, quod intercedit inter fanum, & Cyaneas Insulas suburbanis duorum fanorum solo frero diuisorum plenum esset aedificiis, hæc omnia tunc fana fuisse nun cupata, ut nunc eadem loca vocant ιπατη, atque ipsum os ponti ab arcibus fanorum ad Cyaneas vulgus vocat ιπατη. Ita enim malo intelligere tantos autores, ut eos reuerear, potius quam accusem negligentiam. Quamuis Polybius, id interuallum situm inter fana & Cyaneas excludere ab ore ponti videtur, cum ait, à Cyaneis ad fanum Iouis Vrij, ubi est ostium ponti, quadraginta esse stadia. Quid enim necesse erat definire, esse os ponti, ubi est fanum, cum etiam id sit, ubi sunt Cyaneæ? Similiter Strabo sentire videretur, cum ait, Cyaneas inter se diuisas esse freto lato viginti stadia, tantundemque easdem distare à fano Byzantiorū, quod est strictissimum totius Bospori Thracij, quodque etiam est ostium ponti, nisi prius dixisset Cyaneas Insulas in ponti ore sitas esse. Itaque Polybium similiter, ut Strabonem sentire dici conuenit, potius quam accusare negligentiam metiendi Bospori veram longitudinem, quæ si à Cyaneis incipit, longior est quadraginta stadiis, quam si exorditur à fano. Non ut mihi soli videtur, sed & Arriano scribenti, à Cyaneis ad fānum Iouis Vrij esse quadraginta stadia, à fano ad portum laurus insanæ quadra-

ginta à Daphne Byzantium octoginta stadia. Quare miror Dionysium Byzantium scribentem Bospori longitudinem centum, & viginti stadia patere, cum Insulis Cyaneis is Bosporum terminet. Nisi arbitrer ipsum secutum aliorum iudicium, ponentium initium Bospori in fano, potius quam suum: aut fortasse erratum est Codicis transcripti à nescio quo, existimante in Dionysio ita legendum, ut in aliorum scriptorum Codicibus Bospori dimensionem legerat. Iam cum ex antedictis liqueat, totius Bospori longitudinem esse centum, & sexaginta stadiorum, longè errat Sosimus Historicus, Bosporum tradens longum trecenta circiter stadia. Et promontorium fanum nuncupatum in ore ponti situm, distare à Chalcedone ducenta stadia, siue intelligit medium & directū cursum Bospori, siue eius oram terrestrem, quam ipse, quo ad fieri potuit, meis passibus mensus sum, motus tanta authorum dissensione, quæ me currentem incitauit, ut pedibus scimel, & nauigatione iterum, & saepius Bosporum perlustrarem. Atque ita metirer à fine Bospori ad promontoriū Bosporium plus minusve sex stadia esse, à Bosporo promontorio ad Metopum, fauces sinus Ceratinij mensus sum oculis totidem stadia patere, à Metopo ad fanū pedibus profectus secundum litus Europeū ambulaui circiter triginta nouem millia passuum meorum, qui deductis flexibus & sinibus aduerti absonam non esse mensuram eorum, qui à fano ad ultimas Bospori fauces inter Chalcedonem & Byzantium sitas nuinerant centum & viginti stadia: inde usque ad Pharum, ubi Cyanea Europa oculo quantum aestimare potui, recte Arrianus numerat

merat quadraginta stadia, pedibus metiri non potui ob præruptum littus rupibus præcipitibus. Quamuis littus totum circuire tentauerim, constanti quidem nixu, sed inconstanti mensura, ut enim pedibus manib[us]que ad virgulta adnitens ascenderam, confessim obiecta rupe præcisa & directa, mihi cum periculo descendendum erat. Sed satis supérque de Bospori longitudine, atque de eius principio & fine, quem aliqui ponunt, vbi principium existit, habentes rationē nauigantium ex Propontide in pontum, magis quam naturalis principij Bosporici incipientis à ponto, & desinentis in Propontidem. Quod nihil mihi aliud esse videtur, quam ostia fluminum appellare initia. Eorumque fontes finem: ut Cæsar ostia Rheni vocat capita, alij scriptores flumen, fontes nominare solent capita.

*De latitudine Bospori.*

C A P. III.

**A**RIA Bospori latitudo est, ne quis forte seducatur, Herodoto, aliisq; simpliciter præfiniētibus Bospori latitudinem quatuor aut quinque stadiis, ea enim intelligenda est angustissima, ut profecto est duobus locis. Primus est ad fanum Iouis, vbi Arrianus & Strabo aiunt. Bosporum angustissimum: Philostratus & Dionysius Byzantius idem sentiunt, atque definiunt largum quatuor stadia. Alter locus est ad Hesinæum promontorium, quæ Strabo, & Pomp. Mela dicunt latum quinque stadia. Polybius similiter sentit, additique strictissimum esse oris pontici. Dionysius Byzantius ait: Quatuor stadiorum has utrasque angustias fune mensus essem, nisi suspiciosi

d 3

accolæ me deterruissent. Sed tamén quantum oculis iudicare poteram, mihi videbantur, eadem fere latitudine dimidio quidem arctiores, quam Hellesponti; tametsi Lucanus Hellespontias aut arctiores, aut non minus arctas designare videtur his versibus,

*Threiciásque legit fauces, & amore notatum  
Aequor, & heros lachrymoso littore turrens.* L. Bac. 35.19  
*Quà pelago nomen Nephelias abstulit Helle,* Ling. Graec. 35.10  
*Non Asiam brevioris aq[ua]e disternat usquam* Ling. Graec.  
*Fluctus ab Europa, quanuis Byzantion arcto strinxat*  
*Pontus, & ostriferas dirimat Chalcedon a cursu.* Ling. Graec.

Hæ Bospori sole angustiæ sunt notatae literarum monumentis. At pescatores nostræ ætatis alias ponunt angustias. Vnas quidem à promontorio Europeo nuncupato Estiis, ad littus Asiaticum, quod vulgo vocatur Cecrium, easque pescatores nonnulli testantur tam angustas esse, quam ad Hermeum promontorium, alias angustias definiunt pescatores inter promontorium Argyronium, & Milton. Quas tam angustas inquit, quam ad fanum Louis. Evidem ipse alias animaduerti angustias inter Coracium promontorium, & portum Lyciorum. Alias inter promontorium Clidium, & littus contrarium vicinum Vico Stauro nuncupato. Reliqua Bospori latitudo varia est, sed vix usquam excedit duodecim stadia, nisi ubi in aliquos sinus dilatatur. Atque ubi principium est inter Ovaneas latum viginti stadia, & finis inter Byzantium & Chalcedonem, quem Polybius dicit patere in longitudinem quatuordecim stadiorum. Antoninus Pius in suo itinere traiectum ait à Byzantio ad Chalcedonem esse quatuor mille passuum.

suum. Plinius Chalcedonem scribit distare Byzantio septem stadia: Idem alio loco, Pelamidū, inquit, omnis captura Byzantij. Magna Chalcedonis penuria m. pass. interfluentis medijs Euripi: sic enim legebatur ante castigationem Hermolai. At: is legendum censet D. aut D C. & Strabonem affert id interuallum tradere ~~ωγτε-~~  
~~σάσιον~~: quasi verò duntaxat de loco Bospori angustissimo intelligi possit. Quasi verò, ut Plinius ait, ex eo loco territi piices saxi aspectu miri candoris peterent Byzantium: At locus ubi fuit hoc saxum non fuit in Euripi angustiis quinque, aut quatuor stadiorum: sed, v. infra ostendam, in traiectu lato plus minusve mille passibus. Ac enim quantum oculis aestimare potui, Euripus intercedens inter Chalcedonem & Byzantium, non attingit duo de viginti stadia Dionysius Byzantius canalem Bospori intercurrentem inter promontorium nuncupatum Bouem siue Damalim, & contrarium promontorium Bosphorium nominatum, in quo Byzantium situm est, scribit latum esse septem stadia.

*De figura Bospori, & de eius decursu, certo quidem,  
sed multiplici.*

C A P. I I I I.

 V AE Bospori figura, quive decursus an continuatus à principio ad finem decurriere per seueret, an interdum intermittat defluere, qui flexus, qui sinus, vtrum canalis per planitatem, an inter montes: rapidus ne sit locorum angustiis, an obiectionibus promontoriis, quodnam eius littus præceps, & præruptum, & quod planum: iam declarare conabor. Bosphorus non rectus procedit, sed flexuo

flexuosus, ut scribit Apollonius Rhodius & Herato-  
sthenes, σκόλιος, at quo modo: non scribunt. Progreditur  
enim non Meandri more, aut aliorum fluminum, quæ  
recuruis & tortuosis flexibus feruntur, non aptis ad na-  
uigandum: sed ita ipsum natura incurauit, ut subinde  
ad parallelas promontoriorum eminentias fractus, per  
multosque anfractus retentus, sedatione mearet, aptior-  
que ad nauigandum decurreret, yndique motibus cin-  
ctus. Vnde sit, ut non modò tringinta portus nobiles ha-  
beat, sed totus fere portuosus sit, qui si planicie cingere-  
tur, aut rectus pergeret, valde ad nauigandum incom-  
modus esset. At per anfractus portuosos, amplios per-  
gens ad formam normæ ad nauigandum commodissi-  
mus habetur. Ut enim normalis fabrilis constat regulis  
duabus, ita iunctis capitibus duobus, & diuaticatis al-  
teris capitibus, ut rectum angulum efficiant: ita Bospori  
decursus ex ponto exiens à positione cœli media in-  
ter Orientem solstitialem, & Septentriones ad Hyber-  
num occasum recto cursu procedens amplius duo mi-  
liaria primum latus anguli normalis efficit ad sinum  
Bathycolpon nuncupatum, à quo flexus ad Orientem  
Hybernum recto itinere pergens in longitudinem pau-  
lo amplius duorum miliariū alterum latus normæ com-  
plet. Exinde alio facto angulo normali accedit ad pro-  
montorium Hermæum circiter tria millia passuum Ro-  
manorum ad occasum versus. Inde à septentrionibus  
ad meridianum cardinem à regione cœli media inter  
Septentrionem, & ortum solstitialem ad occasum Hy-  
bernum peruenit Byzantium: vnde à Septentrione ad  
Meridiem rapitur in Propontidem. In summa, ab initio  
ad finem.

ad finem septem facit anfractus non modò Bosporicus canalis, sed littus etiam vtrinque canalem cingens. Hi septem anfractus alterni retundunt alternas septeninas rapidas confluentis percussionses, & retinquent in contrarium littus. Primus decursus effluentis Bospori ab initio rectus defertur in Europam ad locum appellatum Petram Dicæam. Alter in Asiam ad locum Glarrium nuncupatum. Tertius in Europam contra Hermæum promontorium. Non igitur decursus Bospori à ponto ad Hermæum promotorium similis est ob similitudinem, vt Polybius ait, locorum vtrinque Bosporum attingentium. Cùm iam viderimus ob similitudinem duos decursus confici ultra promontorium Hermæum diuersos à communi decursu Bospori. Id quod ego iterum, & sèpius vidi, & pescatores testantur, atque Dionysius Byzatius inter Dicæam petram, & promontorium Hermæum ponit ὅπερα τούτη προσβάλλει, promontoria ita nuncupata à vehemeti defluxu Bospori Quartus decursus defertur in Asiam promontorium vulgo nominatum Moletrinum. Quintus in Europam, ad promontorium, & à quo violenter reiectus, ita fertur in Asiam vt exiliter deinde repulsus ab Europa iactetur fluens iuxta Asiam primò ad utrumque promontoriū, claudens vicum Chrysoceramum, postea ad promontorium dictum Bouem, siue Damalim. A quo septimus repulsus rapidus fertur ad promontorium Bosporium, siue Byzantium nuncupatum. Cuius mucrone dicius defluit in duas partes, quarum rapidior præcipitat in fretum ad Propontidem versus. Altera debilior exilit in sinum Cornu appellatum. Hi septem decursus flu-

Etuum adeo impetu rapido feruntur, vt remos præter nauigantium vi rapiant, molasque versare valeant: vt nouem locis moletrina constitui possint. Neque tantum molas, sed & naues remis, & velis impulsas retardent, & longè retro interdum conuertant: atque adeo pisces ipsos, & cancros à celeritate nominatos equites iter terrestre inire cogant. In cæteris locis defluxus Bosporici feruntur similes ob similitudinem locorum ex vtraque parte canalem attingentium. Quibus similibus vtriusque continentis contractus fluuij in modum descendit. Vnde autem fiat, vt hi septem decursus defluxionis Bosporicæ sint rapidiores cæteris fluctibus, & effervescentes in terram, cum littus attigerint, referuerescant, & reuoluantur idem tidem. Profectò id fieri existimo, non tam locorum angustiis, vt quidam putant, quam anfractibus promontoriorum obiectorum, quibus vt refractus retardatur, sic angustiis procliuior, incitatiōrque labitur. si enim angustiis locorum id fieret, rapidior esset apud fanum Iouis. At ibi rapidus non est ob directum canalis alueum. Nam primus anfractus, & ultimus patentes in latitudinem circiter miliaris, non tam angustiis vtriusque continentis refringuntur, quam obiectione promontorū fluctus relictientium in contrarium littus, vt ab Hermæo promontorio tanquam iectu quodam repulsus in opposita Asia loca recidat, illic rursus reuertens, ad promontorium Estias fertur, à quo refractus incurrit in locum Bouem. Tantóq; impetu hi anfractus retorquentur, vt non modò yndarum partem maiorem & violentiorem deorsum detrudat: sed etiam debiliorē, & communem Bospori decursum sursum

sursum versus recurrere cogant. Vidi etiam reflante vento reiectos fluctus à promontorio Bosporio per vertices ferri ad Estias versus promontorium, vbi collectatio quedam vorticosa videtur contrariorum fluctuum, aliorum descendenter, aliorum ascenderentur. Sic enim undarū cursus fertur contra promontorium Bosporium, ut & fluuios ingredientes sinum nuncupatum cornu, & fluxum Bospori illuc reiectum exire non permittat: sed cogat eos ascendere ultra tria miliaria, id quod percipitur etiam oculis vulgi, cum flumina sinum cornu ingressa turbida ex multis pluviis, non possunt subire cursus fluxus delati à loco Boue nuncupato ad promontorium Byzantium. Vbi videntur aquæ turbidæ ascenderentes amplius stadia quindecim diuisæ à decursu fluxus clari & cerulei descendenter à promontorio Estiis. Ad quod decursus rapidus quidem defertur, sed paulo infra multis vorticibus circumfertur ob reiectiones aliorum promontoriorū. Itidem fluxus ad promontorium Asiae, quod vulgo vocant Moletrinum, & si assiduo, & rapido cursu deiicitur, ut eius murmur circumsonans audiatur. Tamen paulo infra varie & multiplicitate reuoluitur ob repulsiones contrariorum fluctuum. Itaque duplaci cursu ferme usque ad fanum Iouis fluxus Bospori mouetur, uno quidem deorsum versus depulsus à locorum angustiis & reiectionibus promontoriorum, alteri sursum reiecto à violentia fluxus descendenter, & cohercito sinibus, & flexibus. In summa, quos dixi promontoriorum & fluctuum anfractus septies cursum communem Bospori sustinent, & violenter cohercent, ut cogant ipsum retrosum currere. Ni-

mirum primus decursus contra petram Dicæam olim  
nuncupatam delatus retundit fluxum Bospori commu-  
nem in Bathicolpon sinum ita nominatum, vsque ad  
Scletrinum sinum. Secundus, à promotoriis Asiæ, quo-  
rum vnum appellat Dionysius ὅξυφρεψ, alterum τριφρεψ:  
repulsus decursum repellit communem in sinum Sol-  
tanicum dictum, vsque ad promontorium Turicum  
nominatum. Tertius, à promontorio Hermæo reiectus  
reiicit in sinum Phidalię, vsq; ad Commarodes. Quar-  
tus, à promontorio Moletrinario in sinum Anapli ap-  
pellatum, vsque ad promontorium Amanolum. Quin-  
tus, à promontorio appellato Estiis in sinum οὐρανὸν, ad Neocastrū vsque. Sextus, & septimus refracti à Da-  
malico & Bosporio promotoriis, reiiciunt defluxum  
debilem ad loca superiora, ad promotorium Estias ver-  
sus. Hæc quidem multa attuli, vt planius percipientur  
Hipparci per pauca verba, sed multi momenti. Is enim  
narrat Bosporum, & si solum defluxum habeat, & non  
refluxum, tamen μονάς τῷτε ποιεῖται, hoc est, mansiones fa-  
cere, stare, subsistere. Ex ante dictis iam facile cognoscimus Maeotim esse matrem ponti, & pontum Bospori patrem, & propontidis. Et Hellesponti, contra Procopium scribentem duo maria Aegæum, & Euxinum  
nominatum Pontum coire inter se ad Byzantij partem Orientalem, contra etiam eos, qui assertere audent illo-  
rum originem esse à freto Gaditano. Per quod dicunt  
mare ingrediens nusquam desinere, quoad in Colchos  
peruenierit. Nam quod, vt ipsi etiam fatentur, effluxus  
ponti velut fluuius descendat ad urbem Byzantium, di-  
cunt nihil ad rem referre; omnibus enim fretis affectio-  
nes

nes accidere solitas esse, quæ nulli rationi perspicuæ videntur, quas nemo vñquam explicare potuit, ne Aristoteles quidē ratiocinationis naturalis princeps. Qui huiusce rei causa ad Chalcidē Eubeoꝝ profectus Chalcidici freti, quod Euripum nominant, rationem naturalem exactissimè scrutari volens, cùm diu multūmque huius cursus instabiles, & vagos considerasset, miterè mortuus est. Maxima pars scriptorum tradit hunc Euripum septem cursus in die definire, totidēmque referre. Quid Cicero inquit Chalcidico Euripo in motu idētidem reciprocando putas fieri posse constantius? T. Liuius contradicit, ventosque affert, ab utriusque terræ præaltis móribus subitos, ac procellosos deiici, fretumque ipsum Chalcidici Euripi ciere, eiúsq; motum non septies die (sicut fama fert) temporibus itatis reciprocari: sed temere in modum venti, nunc huc, nunc illuc verso mari, velut monte præcipiti deuolutum, torrentem rapi. Evidem in Chalcidem cùm venissem, Liuij sententiam probare non poterā, cùm nullo flante vento certis temporibus contemplarer modò ferri ab ortu Solis, modò ab occasu tanto impetu, vt ventos contrarios, & plena nauigia contra nauigantia secum asportaret: molásque multas ab eo versari vidi aliquot horas ab ortu ad occasum Solis, aliquot ab occasu ad Orientem. Cùm autem ipse à moletrinariis, qui ex molarum motu accessum, & recessum omnium maxime animaduertere habent necesse, percunctatus esset, quoties, & quot horas nunc huc, nunc illuc conuerterentur molæ, responderunt communiter, intra viginti quatuor horas cursum quater mutari solitum esse: sex horis ab yna

parte accedere, totidem ab altera recedere. Cùm autem adiungere inciperent, esse quædam tempora, cùm has certas vices non obseruaret: & ipse nimium attetò vultu, & animo excipiens illorum sermonem, & rei veritatem scire cupiens, quænam essent illa tempora inquirere aggressus, deprehensus à quibusdam Coryceis, & repente correptus, ut explorator aliquadiu in custodia retentus sum. Iam in freto diuidente Italiam à Sicilia multa præter rationē fieri solent. Videtur enim ex mari Adriatico fluxus illuc accedere, & ex mari Thirreno: sed hoc repente crebros vortices à nulla nobis perspecta causa ciere, & naues perdere perspicitur. Propterea quæ à Poëtis dicuntur à Charibdi, absorberi. Qui vero dicunt in freto siculo multa fieri præter rationem, iidem putant plurima eiusmodi præter rationem fieri in omnibus fretis, ex proxima vtrinque terra, cuius angustiis aiunt cursum fluxus in quasdam necessitates cogi, rationem non habentes, quamobrem etsi fluxus à fano, Louis ad urbem Byzantium videtur ferri: tamen nemo, inquiunt, recte afferet mare Aegeum, & pontum illuc desinere, quorum opinionem confirmare videntur piscesatores nostræ ætatis piscari in Bosporo soliti. Hi enim testantur Bosporum immensos gurgites, & voragini habere. Neque omnino totum Bospori fluxum abire Byzantium, sed eius quandam partem superam, & summam hominum oculis perspicuā ex ponto deferri Byzantium versus, alteram vero partem inferam attingentem vadum contra decursum superi, & summi fluctus procedere, id quod ipsi se colligere dictitat ex eo, quod postquam retia deicerunt in profundam altitudinem, semper

semper ab imo fluxu asportata feruntur sursum ad fānum versus. Vidi tempestatibus nauigia demersa nusquam extitisse, neque eorum vectores, quod argumento est fretum hoc quosdam abyssos & voragini habere: in quārum altitudinem contrariis fluctibus praeципita agantur, ea quae demerguntur. Sed de his ut quisque volet, iudicet: ego tamen pontum per Bosporū in Propontidem non modò decursus perpetuos medijs aliuci tenere, sed etiam ad certos anfractus conuersiones perpetuas sempiternasque cōficere cùm ex antedictis peripcio, tum ex illis causis, quas ut probent paludem Maeotidem exsiccandam esse, & pontum conuersum iri in paludem, quidam afferunt nimirum multitudinem fluminum exaggerantium, differētiam vadourum: ex his enim causis pontus mihi potius assiduo decursu defluxurus per Bolporum, quam aut Maeotis in terram, aut pontus in paludem conuertendus esse videtur. Dicunt enim permeantium in alueos flumen multitudine cùm humor cōtinenter augeatur, nec aliunde existum habeat, necesse fore excrescat, ut tādem effterri per ostia cogatur: propterea cōque cōni, arenāque, & reliquę materię multitudine, quā continenter innumerā annis defluentes in Maeotidem, & pontum deuehūnt adeo alueos Maeotidis, & ponti complendos esse, ut superflueret humorem, & per ostia exire futurum sit necesse, tandemque Maeotidem in terram, & pontum in paludem conuersum iri. Nam quòd ad Maeotidem pertinet, Ariostoteles tradit eius vadum exaggeratione eorum, quae assidue deferūtur à fluminibus excreuisse, ut naues sua extate multò minores, quā anno ante sexagesimo quæ-

stus

stus gratiam in Maeotidē ingrederentur. Maeotis enim, vt Polybius ait, iam repleta est, & altissima eius pars quinque, vel ad summum septem vlnis altior non est. Miror intra sexagesimum annum maiorem exaggerationem factam esse, quām ab hinc ætate Aristotelis, & Polybij. Nam nautæ nostræ ætatis testantur similiter adhuc habere septem vlnas, quid quod ratione, qua demonstrare conatur pontum ex accumulatis fluuiorum coaceruationibus replendum esse. Eadem probare possemus mare internum ex ponti perpetuo influxu exaggerandum esse. Nam quòd dicunt vadum ponti minus altum, quām maris Aegei, idcirco tardius pontum existimo paludem fore, quām si magna altitudine esset, nam vt fluminum lubrici congelatus assidui ponticum vadum sublimius reddiderint, sic pontus in sublime elatus declivior delabitur in Aegeum, & quantò hinc, atque illinc fit pressior, atque angustior, tantò celerior in Bosporum deuoluitur. Quòd si in minorem altitudinem Aegeum mare deprimeretur, quām pontus, eò putarem pontum exaggerationem fore, repulsante Aegei vado eminentiori. Adde, quòd antequam pōti os aperatum esset, facilius exaggerari debuit pontus, cùm vndique circumclusus esset montibus, at tum infinitis seculis exaggeratus non est. Eo minus exaggerabitur, cùm habet exitum, per quem continenter rāntum possit efferi, quantum infertur, ac si vadum magis alleuaretur, tamen palus non fieret, vt enim illud extolleretur, ita pōtius assurget, præsertim infinitis fluminibus auctus, & eminentibus montibus clausus. At maris natura est, vt sua vi spirabili reiiciat ea, quæ ingerantur. Neque eadem.

eadem maris ratio est, quæ fluminum, quantum pertinet ad exaggerationem. Illa enim in ostiis suam vim ostendunt, sed suos aggeres paulo ultra ostia promouent, vel sua imbecillitate, vel repellente vi ponti. Ac tantum abest, ut ostiorum exaggerati congestus ponti vada efferant, ut pontum, si fortasse paulo angustiorem reddere possunt; eò violentiore facere debeant ad trāf-mittendam fluminum materiam reiectam, atque vehementiorem ad vada excauanda in maiorem altitudinem; cur tot lacus immēsa profunditate vndique influentibus, nullis manifesto effluentibus, paludes non efficiuntur? Cur sinus Bospori nuncupatus cornu, tanta altitudine est: in quem cùm duo flumina deuehant assiduam terræ aggerationem, & purgamenta Constanti-nopolis, vtrinque proiificantur, non tot annis aggeratur? pr̄sertim rapido cursu Bospori fluxum sinus retardante & impediente: quia tanta est Bospori rapiditas, ut sensim ea extrudat in Propontidem. Quare ut ex his rationibus pontus obruendus esse non videtur: ita Bosporus maiori impetu effluere videtur per Bosporum. Quò enim magis ponticum attolletur, eò facilius deferetur, quàm si id in altam profunditatem deprimetur, quàm si abyssos haberet, per quas penetrans in tar-tarum Platonicum secū aquæ partem deportaret, quas si, ut Oceanus vnde recedunt & accedunt omnia flu-mina, haberet, profectò minus efflueret in Bosporū: ex eo etiam colligitur Bosporū existere ex ponti accessu, & non Aegæi maris, quòd illius aqua dulcis sit, ut pótū longè dulcioris mari Aegæo ob copiam fluminū pon-tum siveuntium. Dulcem pontum Arrianus probat ex.

eo, quòd pecora circumuicina cius aquam bibant, ipse Bosporum etiam percipio similiter dulcem esse. Quòd totus aliquando conglaciauerit tempore Copronymi tyranni, anno enim à Christo concepto septingentesimo, & quinquagesimo sexto, hyems fuit perfrigida acerrimáq;, & gelu maximum, vt ponti Euxini ora maritima in latitudinem centum milliarium glacies rigore in lapidis duritiem conuersa sit: glaciésque à summo mari ad profundū crassa extiterit triginta cubita. Præter hæc cùm eiusmodi glacies fuisset niue tecta, creuit viginti alia cubita ita mare, vt cōtinenti assimilaretur, & pedibus calcaretur hominū, cæterorūmq; animalium mansuetorum & agrestium à Zicchia ad Danubium, & reliqua ora maritima usq; ad Mensembriam. vt Bosporum Thracium vltro citróque transirent iumenta onusta, & boues plastra onusta trahentes, deinde Februario mēse glacies in plurimas sectiones collibus & Insulis multorum iugerū similes, & pares disrupta, & ventorum vi Byzantium per Bosporum acta in Propontidem, & in Helleponsum, in quibus essent animalia mansueta & agrestia viua, & mortua gelu constricta: ex his glaciei sectionibus quædam in Acropoli Byzantij impacta contriuit gradus, quibus ē mari in urbem ascendeatur; alia glaciei sectio ingentis moleis ad murum allisa illum magno impulsu concusssit, vt non modò muri, sed etiam domus vicinæ labefactarentur: atque alia pergrandis glaciei moles à manganis ad Bosporum portum, hoc est primum collem olim Byzantium, nunc Regis claustrum cinxit. Cuius altitudo muros superabat. Evidem ipse vnam, & alteram hyemem

mem Byzantij frigidam sensi, semelque & iterum vidi Bospori sinum nominatum Cornu ab ostiis fluminum ad Galatam conglaciasse, non quidem glacie, quæ sustineret homines, sed tamen tanta, ut scaphæ vltro citro que commeare non possent, nisi remis ante glacies frangeretur: sed hæc hactenus gene atim de Bosporo. Nunc per partes singula eius loca tam antiqua, quam noua proferam, tum promontoriorum, & vallium situs, & fluiorum ortus, & perennitates, & portuum commoditates, & sinuum felicitatem, è quibus primū tractabo sinum Cornu appellatū, Bospori nobilissimā partem.

*De Bospori sinu Cornu nuncupato.*

C A P. V.

 V' M E X ponto Bosporus ad Byzantij accessit promontorium Bosporium appellatum, huius promontorij rostro in duas partes scinditur, quarum maior & violentior inter Chalcedonem & Byzantium per fretum pergit ire ad meridiem, altera debilior cursum suum inflectit ad occasum in sinum, quem efficit Bosporus intercedentem inter Constantinopolim & Galatam: hunc sinum Procopius scribit indigenas appellare Cornu, à Ceroessa matre Byzantis: qui Byzantiū condidit. Dionysius Byzantius similiter Cornu nuncupat, & rationem huius nominis affert à similitudine, quam habet cum cornu. Strabo appellat cornu Byzantiacum, & declarat, cui cornu similis sit, nempe ceruino, nam in multis sinus perinde, quasi in ramos quosdam diffunditur. Plinius, eiusq; simiolus Solinus, promontorium, in quo

f 2

situm est Byzantium, vocant modò Chrysoceras, in modo Auri cornu. Marciānus Capella ceras Chryseon, arbitror Capellam, & Solinum secutos Pliniani Codicis erratum, aut Plinium ipsum errare, id quod vel ex Plinius verbis percipi potest, cùm ait ex ea causa Byzantij promontorium Auri cornu appellatū esse, quod Thunni aspectu saxi albi in littore Asiac siti repente territi semper præcipiti agmine promontorium Chrysoceras petant, cùm ea de causa potius sinus appellādus sit Auri cornu, præsertim ciuib[us] Byzantinis ita sinum suum appellantibus, è quorum numero est Dionysius Byzantius, cui potius, quām Plinio fidem adhibere debemus, & Straboni, quos vidisse constat Ceras Byzantiacum. At Plinium fortasse decipere potuit ambiguitas Polybij, scribentis Bospori fluxum repulsum à loco Asie nominato Boue ferri Byzantium, à quo inquit scissi Bospori parua pars in sinū suum delata definit Cornu nominatum, maior verò fertur per meatū. Aut si Plinius deceptus non est ex eo, quòd fortasse Polybius sit in eadem sententia, poterimus utrumque appellare Cornu. Cùm permulta promontoria à Geographis cornua appellentur, vt Cyprus cerastris à multitudine promontiorum, præsertim cùm Byzantij promontorium multos Colles habeat, quibus curuata in tria cornua Constantinopolis tricornis rectius, quām triangula appellari poslit. sed illi ferendi non sunt, qui tabulis etiam iterum & sèpius editis tradunt cornu Byzantium esse promontorium Galatæ, situm contra Constantinopolim. Sinus initium faciunt duo promontoria, unum à Meridie appellatum Bosporium, alterum à Septentriónibus

nibus Metopum olim dictum. Tria enim promontoria triangulum efficientia inter se , distantia plus minúsve milliare supra Bosporum eminent. Duo quidem ab Europa in faucis sinus impendent, scilicet Bosporum & Metopicum, tertium ab Asia Damalicum appellatum: à quo Bosporus tendens ad occasum fleſtitur ad Meridiem, ex quibus cognoscitur Procopius errare, tradens à Sycis nūcupatis fretum cornu nominatum incipere. Ostia cydari , & Barbisæ fluminum sinui cornu finem constituunt , cuius longitudo ab ortu æſtio procedit circiter octo stadia ad occasum hyemalem , deinde ad occasum æſtuum, inde fleſtitur ad Septētriones, quem iure ceras Chryſeon appellauit antiquitas: cùm & pisco ſus, & portuosus maximè ſit, vno ore multos intra ſe portus amplectens, vniuersos uſque ad marginem littoris profundos montibus circumdatos efficientibus octo flexus, quatuor quidem à latere dextro ingredientium , in quo eſt Galata primum flexum in longitudinem circiter bis mille paſſuum collis Metopicus, & Galatinus leuiter incuruant, vt nusquam hic flexus latior ſit centum paſſibus. Secundus flexus fit à colle Galatino , ita eminenti in ſinum ceratinum , vt ille ex tribus partibus eò alluatur , collisque Galatini latus vergens ad occasum hunc flexum efficiat longè intus recedentem, vt ſi ab intimo flexu rectam lineā duceret ad collem Metopicum, eminentem supra oſtium ſinus intra lineam, includeres totum oppidum Galatam, & maximam partem ædificiorum ſuburbanorum, partim eminentium ſupra Galatā, partim in collis iugo ſitorum. Huius flexus maxime portuosí recessus longior , quam

nauale longissimum triremium regiarum in circuitu eiusdem explicatū, altero tanto latiore reddit sinum ceratinum, quām patet inter Constantinopolim, & Galatam. Terminatur Macrone vireti Regij inchoante tertium flexum minus curuum, sed eadem ferme circuitus lōgitudine. Post quam sinus inflexus ad septentriones, quarto flexu mediocri accepto finitur ostiis Cydari, & Barbyſæ. Iam verò sinistrum sinus latus, in quod eminent sex colles Constantinopoleos, similiter quatuor flexus admittit vrbis, primus collis adeo eminent in sinus ostium, vt totus vltra alios colles in altum projectus sit, & tanquam de industria immissum brachium protegat sinus à ventis, secundus, & tertius colles interiorū recedunt ad Meridiē versus. Reliqui sic eminent in septentriones, vt duos recessus duorum arcuum similitudinem gerentes accipiant Quorum primum exprimunt radices primi, & quinti collum eminentes. Alterum quinti, & sexti in sinus projecta, hos duos recessus tertius maximus flexus intra se includit. Adeo enim extra cæteros sinistri lateris colles eminent, primus collis efficiens angulum vrbis ab ortu Solis, & sextus inflectens alterum vrbis angulum ab occasu, vt si lineam ab horum alterutro. mucrone duceres ad alterum mucronem intra lineam, includeres sinus Ceratinum, & Galatæ planitiem maritimam. Id quod diuino munere tributum tuetur sinus, atque defendit à ventis. Quartum recessum extra urbem recipit sinistrum latus, vbi sinus ipse, & colles circumscriptentes inflectūtur ad Septentrionem magno naturæ beneficio. Ne ab occasu venti incurvare directi possint in longitudinem sinus.

Vnde

Vnde fit, ut ex omnibus partibus excipio fauces circū-datus collibus perpetuo dorso coniunctis, quos inter & si intercedunt crebræ valles, tamen dorsum non penetrant, & breues sunt. Aut si vna aut altera oblonga est, in valliculas desinit flexuosaſ, inter quas interiectus aliquis collis in earum fauces eminet. Strabonis longitudo, quam sexaxinta stadiorum attribuit sinui ceratino, congruit fere cum mea dimēſione, Procopij longè difſentit à rei veritate, tradentis ſinus ambitum contineare quadraginta stadia: lōgiùs verò aberrat Laonicus Chalcondylus ſcribens Byzantij portum secundum urbem intus procedere ad ſtadia octoginta, ſinus altitudo varia. Nam ab oſtio ad medium ſinum nusquam minor dicitur viginti paſſibus, vbi multis locis excedit triginta, alicubi quadraginta, aut amplius. Cūm autem ultra Byzantium proceſſit uſque ad oſtia fluminum, partim vadosus eſt, partim palustris, ut nauicularum cursus dirigatur palis fixis ſignantibus partem nauigabilem. Primo enim ſyrtes, deinde paludes, & permulti Euripi circumdantes plusquam triginta Insululas. Illius ſimiliter latitudo varia eſt in fauibus plus minus ſex ſtadiis, patet. Deinde paulatim stringitur uſque ad medium Galatam, vbi in ſtadia paulo plus tria coarctatur: quæ arctiori cathena claudi poſſint, quam latior eius alueus inter Acropolim & Galatam ſitus contra hostium naues olim conſtrigi catheňis ſolitus, neque modò tormentis bellicis ſaxa emittentibus ex utroq; littore, ſed etiam machinis ignem liquidum profoundentibus hostiles naues ab his aditu arceri, atque etiam exuri igne ſpeculari poſſe demonstrauit Pœlus, quem dicunt ipecula

cula ignifera , quæ ipse fabricatus esset, ex muro Constantinopolis appendisse contra naues hostiles, quæ his speculis igneis ex solaribus radiis cōceptum in se ipsas proiectam conflagrarent , atque vectores. Quod olim Dion Archimedē excogitasse narrat obsidentibus Syracusas Romanis, denique sinus vbi latissimus est , sex stadia non excedit. Nec dubium est, quin olim latior esset, plurēsque recessus haberet, quām nunc habet, coarctatus emisiliis purgamentis assiduis, & substructionibus ædificiorum. Ne quis miretur , si minus cornu ceruino similis sit, minūsque in multos sinus perinde, vt in ramos quosdā, vt Strabo ait, scindatur, in quos irruentes pelamides capiātur. Nam cùm ex Sublicis, quas crebras vidi, immitti & defigi in littore sinus in substructionem ædificiorum, atque ad oram maris efficiēdam magis portuosam , tum ex Dionysio Byzātio percipio, alios recessus, aliāmque oram olim fuisse, quām nunc est: tum ex Zosimo , qui ante mille annos scripsit, & que adeo urbem excreuisse hominū multitudine , vt etiam in foris angustē habitarent, vt non parua pars maris circum urbem in terrā conuersa esse palis in circuitu defixis ædifica sustinentibus. Verūm vt ex his sinus alicubi coarctatus fuerit, profectò non minus profundus factus est, atque adeo magis portuosus, vt nauis appulsæ puppis mare intueatur, prora verò terræ assideat: velut utroque elemento inter se certante, ytrum magis possit urbi inseruire. Hic sinus omnes portus maris commoditate applicandi præstat : in cæteros enim, omnis portus vi remorum aut ventorum applicatio fit : in illam sine ventis, sine remis, naturalis & perénis Bospori cursus

cursus naues inducit, & reducit. Postquam enim naues ad huius ostium aditumq; accesserunt, deinde absque gubernatione eunt, & sua sponte ad portum appelluntur: totus enim sinus portus est. Et hæc quidem ab initio Bospori ad finem deorsum versus generatim dixi, nunc oram maritimam per partes describā à fine littoris Europei sursum versus ad initium, quod est ad Cyaneas. Inde deorsum Chalcedonem usque imitatus Anapolum Dionysij, quem potissimum sequor, Menippique & Ariani, aliorumque Periplos in declarandis nominibus locorum antiquis, quæ cum res publica Byzantiorum floreret, in usu erant ante Seueri ruinas.

## LIBER SECUNDVS.

*De Bospori ora Europea, eiusque locis intra Constantiopolim sitis.*

C A P V T I.

**B**OSSORI latus Europeum in angulo desinit, quo vrbis latus Orienti expositum flectitur ad occasum, & Propontis incipit efficere latus vrbis Meridianū. Simul & ab eodem flexu vrbis latus ad ortum Solis spectans incipit procedere ab occasu ferme brumali ad ortum solstitialem in longitudinē plus minus miliarij usque ad tigna in speculam sublata piscatorum regiorum. Deinde amplius quatuor stadiis pergit à Meridie ad Septentrionem ad promontorij Bosporij rostrū usque, quo Bosporus scinditur in duas partes: quarum maior cingit vrbis latus vergens ad Orientem, id est vrbis frontem, & primam peninsulam.

g.

promontorij partem: in qua olim fuerunt illustria loca nuncupata mangana, & Arcadianæ Thermæ. Et primæ regionis pars, quæ continebat domum Placidiæ Augu stæ, domum nobilissimæ Marinæ, porticus perpetuas duas, gradus quatuor. In hac etiam vrbis frōte fuit pars secundæ regionis, quæ ab initio theatri minoris pot est qualitatē latenter molli subleuata cliuo, mox ad mare præcipitiis abrupta descendebat, continebat in se templum magnum, & antiquum, senatum, tribunal, ther mas Zeulippi, porticus magnas quatuor, nunc contineat claustrī regij partem sitam in latere primi vrbis collis pertinente ad Solis ortum, quem quidem collem circuit ultima pars Bospori propriè à Dionysio Byzantio appellata promontorium Bosporium, in quo situm fuit antiquum Byzantium. De promontorio inquit, quod Bosporium appellamus, per uulgatur sermo, bouē cœtro stimulatum ex promontorio Bosporio transnatale in Asiam. Idem Dyonyssius alibi ait, parum abfuisse, quin Byzantium conderetur in loco nuncupato Semyltra à nutrice Ceroessæ matris Byzantis, nisi coruus rapuisset ex media flamme partem victimæ, eamque in promontorium Bosporium tulisset, quod signum securi coloniæ Megaricæ deductores Byzantium condiderunt in promontorio Bosporio. Idem alio loco, dum loquitur de Metopo loco ita appellato: Ostreodē inquit locum excipit Metopon appellatum, ex eo quod vrbis aspectui obiicitur. Nam intuetur ipsum promontoriū Bosporium, quod Nicephorus historicus appellat promontorium aquilonare. Prospiciebatur inquit classis Latinorum iam præter nauigans Byzantij aquilonare promonto

montorium, vbi duæ turres constructæ existunt ex lapidibus albis, & expolitis, vbi etiam Demetrij martyris constitutum est templum, videbatur autem Latinis laboriosus flexus ob maris vertices, & velut labyrinthos quosdam, qui illic semper fieri solent ad similitudinem Scyllæ, & Carybdis, quas Græci decantant in fredo siculo esse. In hoc promontorio Dionysius ponit arā. Mineruæ Ecbasiæ ex eo nominatæ, quod huc egressi primum Coloniæ deductores statim tanquam pro patria terra pugnassent. Similiter Cyzici fuit ara Apollinis Ec-basij Argonautæ; inquit Apollonius, cùm nauem extravrbem appulissent Cyziceni illos interius nauem appellere suaserunt in portum vrbis, vbi Ecbasio Apollini in littore aram excitarunt ex eo, quod nauis Argo in Dotioniam egressa fuisset. Deilochus templum esse dicit, non Ec-basij Apollinis, sed Iasonij Apollinis. Socrates dicit id templum appellari Cyziceni Apollinis, quam Dionysius appellat Ec-basion, Mineruā possemus etiā appellare Ec-bateriam, ut Syphnei Diana appellarunt.

*De ora sinu Cératini cingente vrbis latus vergens ad septentriones, & de eius antiquis locis.*

## C A P V T . II.

**M**ONIA vrbis à propontide usque ad mucronem promontorij Bosporij alluūtur extremitis faucibus Bospori nullo spatio à mœnibus & mari intermisso, nisi paulo antequam perueniatur ad Bosporium mucronem ducendorum passuum in longitudinem: vbi nauale exiguum regiorum Lemborum, quibus enauigare Rex solet in

agros suburbanos, & machinæ bellicæ. Inde à mucrone promontorij Bosporij, vnde incipit ora sinus Ceratini claudens latus vrbis cōuersum ad Aquilonem usque ad finē vrbis, mœnia non attingunt mare: sed spatium relinquunt. Quod quale sit, & quantū, quibūs rebus occupetur, dicam per partes. Id spatijs, quod est in summo mucrone, patet in latitudinem alicubi circiter viginti passuum, sed latiorem medium, nempe circiter octoginta passuum, vbi est porticus tecta plumbo, sustentata duodenis colūnis marmoris ophitis, laqueata lacusculis auratis, & persica arte pictis, exiguo vireto cincta præ se habet Bosporum: à tergo portam ferream, qua patet aditus in claustrum regium. Hæc aperta nauigantibus retegit viam decumanam Regij horti moliter assurgentem ad Regis palatium, ab hac porticu usque ad vrbis portam Oriam appellatā, ora intermissa inter murum Régios hortos claudentem, & littus magnis saxis præmunitum inclusa tenetur à Rege consita malis punicis, cæterisque plantis: in qua media est mediocris recessus maris opere abductus in tectam statu- nement nauigiorum, quibus cultores regiorum hortorum vtuntur ad vehenda Regi necessaria. Iuxta est domus amœna præ se habens mare, à tergo portam, qua patet aditus in regios hortos. In hanc domum secedere solitus regiis hortis præfectus negotiatur cum vrbis incolis. Hæc ora priusquam esset conuersa in claustra regia, continebat domos piscatorū, & forum piscarium, cùm verò Byzantiorum respublica floreret, duos portus intra murum cathenis clausos habuit, quorum brachia sustinebant turres valde eminentes. Fuit etiam portus

Phospho

Phosphorius ab Stephano commemoratus. Fuit Neorium, fuit scala Timasi, ut in tractatione vrbis pleniū monstrabitur. Pro porta quam vulgo vocant Oriam corruptè, quasi olim Neorij portam, spatium iacet vacuum ad exonerandas naues accommodatū, patet ducentos quadraginta passus in longitudinem: in latitudinem verò ante portam centum passuum. Paulò vltra portam in quinquaginta stringitur, vnde traiectus est ad Chrysopolim, & Chalcedonem, vbi etiam oræ maritimæ præfectus tribunal habet, vbi item domus portorij Turcici, ut in contrario littore Galatino est altera domus constituta ad exigendum portoriū Francorum. Post hoc interuallum est forum piscarium, ex quo magnus traiectus patet ad Galatam, quem antiqui appellabant traiectum Sycenum. A tergo est vrbis porta piscaria nuncupata, qua ascenditur ad magnum forum, quod Turci nominant Bezesten. A porta piscaria ora maris frequens suburbanis in longitudinem quadrinagentorum quinquaginta passuum continuatur ad portam fructuariam, quam Turci appellat Gemicapi, vbi omne genus fructuum tam recentium, quam conditorum, & frugum esculentarum venarium, mercatus habetur: vnde magnus traiectus existit ad Galatā. A porta fructaria ad portam lignariā ab aceruis lignorum venarium constructis in ampla area ante portam Explicata appellatam, intercedunt ducenti passus iuxta litus, pleni ædificiis, & variis tabernis: aliis obsoniorum, fructuum, aliis aliarum rerum. Inter ædificia & murum vrbis excurrit via lata silicibus strata, & iuxta muri crepidines constituta sunt aquæ castella, quorū alia perēni

fistula aquam largiuntur, alia operculis ad tempus referantur. A porta lignaria in longitudinem trecentorum passuum inuenio domos perpetuas exceptis viis intercurrentibus, alias vbi ligna materiaria venduntur, alias vbi capsae fiunt. Deinde succedit spatium trecendorum passuum ab ædificiis vacuum solam viam sili- cibus stratâ, & Escharidas à Græcis dictas, in quas subducuntur nauigia, & palos defixos, ad quos illa alligan tur, continens aquasque salientes extra muros ex aqueductibus urbis claras & liquidas, partim potabiles, partim resilientes in Euripos, marmoreos ad panos lauan- dos: deinde breui spatio exædificato succedit porta farinaria, à Turcis vocata Vmcapi. Ante portam est area lata, vbi frumenta & farinæ venduntur. Est etiam ædificium magnū, plenum saccis farinæ quadratis, laneis. Iuxta naues stant frumentariæ permultæ, & scaphæ plurimæ, traiicientes in vleriora suburbana. Est item ædes Mametana plumbo testa, cum turri excelsa, vnde exclamare preces presbyter, & euocare solet incolas vi- culi suburbani siti ante hanc portam, ex qua ingressus patet in viam assurgentem per medianam vallem, tertio & quarto urbis collibus clausam. Hæc quidem etsi per- uulgata, tamen negligenda non censui, vt facilius perueniatur in notionem antiquorum locorū, quæ à promontorio Bosporio ad portam farinariam ponit Dionysius Byzantius. Supra etiam inquit, promontorium Bosporum templum est Neptuni antiquū, apud quod fuit lapis in mare eminens, quem Byzantini in locum ornatiorem supra stadium transferre conantibus non permisit se transferri, siue amans locum mari vicinum, siue

siue ostendens parui momenti esse pietati diuitias. sub  
templo Neptuni intra vrbis murum, in locis, in plani-  
tiem explicatis erant stadia & gymnasia. At ex maris  
parte erat nauigatio in sinum ceras leniter fluens, pri-  
mam promontorij Bosporij conuersionem, circumfle-  
xionem, quæ excipiebat tres portus, quorum medius sa-  
tis profundus à cæteris ventis tegebatur, ab Africo tu-  
tus omnino non erat: deinde turiis bene magna rotun-  
da continent iungebat vrbis mœnia. Primus post mœ-  
nia campus erat peninsulæ ceruicis sensim descenden-  
tis ad littus, & ne v̄ib⁹ esset Insula prohibentis. Post erat  
templum Telluris super mare, cuius quidem fastigium  
tecto carens significabat antiquam terræ libertatem.  
Eius parietes, quibus claudebatur, erant facti ex lapide  
expolito. Paulò supra Telluris ædem erant templa Ce-  
reris, & Proserpinæ paria, in quibus picturæ multæ pri-  
scæ felicitatis insignes reliquiae, & statuæ exactæ artis,  
nihilo summa arte elaboratis inferiores erant. Item in  
abscessu maris duæ ædes Plutonis & Iunonis, quarum  
solum nomen extat. Illud enim Persæ exusserunt in ex-  
peditione Cyri contra Scythes, ea vlciscentes, quæ By-  
zantina ciuitas commisisse cōtra Rēgem acculabatur.  
Plutonis templum Philippus Macedo inopia materiæ  
demolitus est, locorum verò nomina remanserunt. Hic  
enim Plutonis acra, ille Iunonia acra dicitur, ubi quot-  
annis victimam primo anni die mactat gens Megari-  
ca. Hæc quidem Dionysius, qui cùm ait Iunonis & Plu-  
tonis ædes fuisse ἦπι ἀπόκεστη η δαλάνης, videri potest  
acram significare oram maris, potiusque promonto-  
rium, quod nullum sit in hac oræ parte, nisi Dionyli  
tempo

temporibus mare attingeret radices secundi collis. At nunc ab huius radicibus, simûlque à mari intermissa est planities. Ac si ætate Dionysij non attingeret mare radices secundi collis, possumus interpretari ἡ πόλεσιν την θαλάσσην, ad recessum abscedentem à mari. Nam Iunonia acra mihi fuisse in cliuis potius secundi collis, quam in ora maris, sub ipsum subiecta videtur ex Coloniæ Byzantinæ deductoribus partim Megarēsibus, partim Corinthiis, qui magna religione colebāt Iunonem acream appellatam ex eo, quod statuta esset in acropoli Corinthi. Fuit etiam non longè à Corintho altera Iuno acrea in promontorio sita, cuius meminit T. Liuius. Promotorium inquit, est aduersus Sycionem Iunonis, quam acream vocant, in altum excurrens. Post acram Plutonis & Iunonis Dionysius ponit Scyronias petras nuncupatas à Corinthiis participibus coloniæ deductæ Byzantium, qui his petris nomen imposuerunt à similitudine loci difficilis, qualem habebant petræ Scyroniæ, sitæ inter Megaram, & Isthmum Corinthiacum. Ex his Dionysij verbis has petras etsi nunc non extantes, olim excisas ad molliendos vrbis cliuos, tamen extitisse ad imas collis tertij radices ostendam in descriptione vrbis. Nunc redeo ad continuandum spatium inter sinum & mœnia situm, quod reliqueram ad portam Vncapam, ultra quam in longitudinem quadrin- gentorum passuum ora sinus procedit, occupata aut ædificiis, aut aceruis coctorum laterum venakium, partim integrorum, partim in puluerem contritorum ad testacea & signina opera conficienda, inde domus pescatorum usque ad portam Blacherneam tenent oram sinus.

sinus patentem in longitudinem ter mille, & quadrin-  
gentorum sexaginta passuum, quorum primi octingenti  
finiuntur porta Iubalica nuncupata, contra quam est  
medius flexus naualis regij siti in contrario littore. A  
porta Iubalica ad portam vulgo appellatam Agiam à  
vicina æde diuæ Theodosiæ trecenti sexaginta passus.  
ab Agia porta ad secundam portam Phanarij sexcenti  
passus. Phanarium est pars vrbis oræ maritimæ, quam  
murus vrbis claudens duas portas habet, in quas emi-  
nent cliui quinti collis, quibus finitur flexus sinus pri-  
mus inchoatus à promontorio Bosporio, & incipit se-  
cundus flexus finitus radicibus sexti collis. Quicquid  
est muri inter portas Phanarias, caret turribus, sed est  
duplex murus, alter in littore, alter in cliuo collis quin-  
ti: uterque cingit locum nominatum Phanariū. A por-  
ta Phanarij, cuius è regione est finis naualis regij, pro-  
cessi octingentos passus, usque ad portam appellatam  
Palatiam, contra quam in ulteriore littore est finis vire-  
ti regij, & initium frequentis vici, quem Agiam para-  
sceuen Græci vocat. Ultra portam Palatinam progres-  
sus circiter centum viginti passus, animaduerti tres ma-  
gnos arcus astrictos vrbis muro, & substrictos, per  
quos olim Imperatores subducebāt triremes in portum  
opere factum, nunc exiccatum & conuersum in hortos  
cōcauos præ se gerentes speciem portus obruti. Ab his  
arcubus discedens trecentos passus offendit spatium in  
centenum passuum longitudinem ab edificiis vacuum:  
Vbi attingit muros mare vadosum, ut facile sit super  
id edificare: post octingentis passibus confectis, perue-  
ni ad portam Blacherneam, qua finiuntur domus pisca-

torum ex media parte fundatæ in terra , ex altera parte  
substructæ sublicis in mare vadosum defixis. Inter su-  
blicas locum relinquunt portuosum, quo nauigia písca-  
toria subducútur in stationem sub domos píscatorum.  
Písces velut in latibula & pásqua refugientes, capiuntur  
retibus appellatis hypocis suspésis ex tigno , hoc genus  
píscationis tanquam domesticum exercent fœminæ.  
Viri autem procul píscantur : neque ad hanc píscatio-  
nem opus est magnis instrumentis, sed duntaxat uno ti-  
gno sine stipite , siue arboris trunco , siue nauis exole-  
scente malo , siue antenna habente infimum caput in-  
tra domum píscantis subníxum , alterum suprénum  
extra domum eminens leniter pronum. Ex cuius sum-  
mo capite appensam hypocam fune per trochleam tra-  
iecto demittunt in aquam fœminæ fenestris insisten-  
tes, & subtrahunt aliquantò post, cùm fœminis licet es-  
se otiosis à ceteris negotiis domesticis: aut si nihil aliud  
negotij habent, sedent in tabulatis prominentibus, vel  
mœnianis nentes aut sarcíetes, aut omnino animi cau-  
sa otiantes, speculantur písces retia subeuntes, ad eósq;  
subtrahendos assurgunt , & remissis hypocis, ad officia  
domestica redeunt. Cùm hanc píscationem spectarem,  
videbar intueri tale quippiam, quale etiam fieri vidi in  
palude prasiade, quam accolentes supra defixas subli-  
cas in media palude tabulata collocant sustinentia ca-  
fas, uno ponticulo aditum habentes ex cōtinenti. & fo-  
res inter tabulata compactas deorsum ad paludem ver-  
sus deferentes , in quibus degunt. Puerorum paruulo-  
rum pedes fune alligant, metuentes ne in paludem de-  
labantur. Tanta est in hac palude písciū copia, vt quo-  
ties

ties quis ianuam reserauerit, ex eaq; calathum aut spor-  
tam demiserit vacuam, paulo post retrahat pisciū ple-  
nam. Paulò vltra portam Blachernæam obiicitur mu-  
rus transuersus, à mœnibus vrbis sinuque intermissum  
spatium secans, habens portam, ex qua sexagenis passi-  
bus confectis, alter murus transuersus obducitur primo  
muro similis, abhinc centum passus vrbis finitur angu-  
lo uno, ex tribus, grandibus vrbem triangulam efficien-  
tibus. Ab hoc angulo ad portam Neorij via lata patet,  
silicibus constrata secans spatiū, quod dixi ambire mu-  
ros, contractū quidem, sed variæ latitudinis. Nam ante  
vrbis portas plerasq; latius est quinquagenis passibus.  
Id minutatim excutere volui, vt pateant loca facilius  
antiqua, quæ Dionysius Byzætius de scribit à tertio col-  
le ad sextum collē. Post, inquit, Scyronides petras, quas  
antè dixi fuisse olim ad radices tertij collis, longum lit-  
tus ad piscatum, atque ad vadi altitudinem nullis litto-  
ribus etiam optimis deterius: nam ex paucis usque ad  
marginem profundum est, & mare placidum & quietū,  
& littus aditu facile, nuncupatum Cycla, ex eo quod in  
hoc littore Græci barbaros circumclusos deuicissent.  
In eodem littore ara consecrata est Mineruæ dissipato-  
riæ, designans ex circumclusione multitudinis dissipati-  
onem. Hucusque Dionysius. Cycla & ara Mineruæ  
dissipatoriæ fuerunt in maritima planicie subiecta sub-  
vallem vrbis tertiam, quam efficiunt tertius & quartus  
colles, Cyclobium à posteris appellatum arbitror ex  
Zonara, cùm ait: Imperatore Constantino pogonato  
Agarenos graui classe vrbem obsedisse, quæ stationem  
habebat à promontorio Hebdomo sito ad occasum us-

que ad Cyclobion. Similiter alij Historici tradunt ab Hebdomo promontorio, atque à domo Magnaura ad occasum pertinentibus usque ad palatum Cyclobion, spectans ad Orientem, stetisse classem Agarenorum. Quid sit Hebdomum promontorium, ostēdam in translatione vrbis. Deinde Dionysius: Cycla, inquit, Melias sinus excipit, piscofus quidem si quis alias: in omnibus enim omnes superat promontoriis prominentibus, & cautibus sub aqua delitescentibus utrinque conclusus. Hic sinus à quodam Heroë indigena nuncupato Melia nomen adeptus, ut plurimum nunquam fallit piscatorem. Cùm ex his verbis Dionysij, tum ex eius anapli ordine sinum Meliam existimo alibi esse non potuisse, quām in tertia vrbis valle cincta utrinque promontoriis tertij & quarti collis, quæ etsi iam intra muros vrbis clausa est, tota exadificata & sicca, tamen eam olim recessum maris fuisse, posteaque exiccatam, & terra aggeratam fuisse ad suscipiendas domorum sedes, vero proximum videtur, cùm ex eo, quod eius longa planities ad libellam ferè æquata, supra mare parū eminet, tum ex illis causis, quas suprà demonstrauit, cur Bosporus minus nunc sit sinuosus. Post Melianum sinū Dionysius ponit locum nominatum *ληπόν*, aitque nomen adeptum esse ex terra inter paucas, ad culturam hortorum idonea, maris verò lucrum aduentitium acquisuisse. Non enim mare olim ibi indagabatur, sed otiosum manebat, cùm tamen piscibus diuersoriū præbere soleat. *Ἄρτειον* ab Arcadio nominatum in hoc loco situm est, & Iupiter *Ἄρτες* colitur, ita vocatus à Dionysio, nisi Codicis erratum sit: cùm tamen à Callimacho in

cho in iambis Apesas appellatus sit, sicut Stephanus scribit. Non Ioui Apesanti sacrificauit equas arcadias. Pausanias supra Nemeam inquit, Apesas mons, in quo Perseum primum Ioui Apesantio rem diuinam fecisse tradunt. Statius Papinius de eo sic dicit:

*Mons erat audaci seductus in æthera dorso,  
Nomine Lernei memorant Apesanta coloni.  
Gentibus Argolicis olim facer.*

An Byzantius Λαύρη sit ex his, quos adeptus est avus Demosthenis Gylon appellatus, assequi nō possum ex Aeschine tradente Gylonem figulum auum Demosthenis, cùm hostibus prodidisset Nympheum ponticum, quod tum Atheniensium erat, mortis condemnatum ab Atheniēsibus, effugisse, & peruenisse ad Bosporum, & illic accepisse donum à tyrannis, nominatis Λευκοῖς: neq; declarat Aeschines, neq; quisquam alias, an apud Bosporum Thracium, an Cymerium, hi horti fuerint, an tyranni illi essent Byzantij, qui tum ab Atheniensibus defecerant, & potentibus ciuibus tyrannicè gubernabantur, an Nympheum prope Heracliam ponticam consanguineam Byzantiorum, nempe coloniam Megaricam situm Glyconis proditione adepti sint. Post Apsasion Dionysius ponit promontorium plurimum super alia promontoria eminens, vētorum violentiam excipiens. Huius promontorij eminentia abrupta abit in mare, & haud firma prēterit profundum mare. Nam promontorij pars inferna sectionem petræ in multam auulsionem abrumpens exigua coniungitur continenti dissoluendæ, & quam mox ruinam edituræ similis: vnde similitudo aspectus illi nomen dedit. nam Mellah

pocoplas nominatur. Ex hac Dionysij descriptione, & ordine narrandi alibi esse non potest hic locus, quam ad radices quinti collis, vbi paulò antè dixi, nunc esse locum Phanarium nūcupatum. is etsi opere excisus est iam ante tot secula, tamen adeò natura rupibus præruptis & præcipitibus existit, vt nondum penitus excisus sit, quin adeò alicubi præcisus, vt ob directos cliuos ædificia non habeat: & si qua pars habet, ea casuris similia videntur. Inde Dionysius post locum inquit, qui appellatur Mellapocoplas, duo loca sunt, omnibus anni temporibus piscium captum largientia à summissionibus promontoriorum, & remissione maris in hæc loca refusi, altè sinuosi, placati & tranquilli. Horū locorum unus appellatur Ingenidas, alter dicitur Pireicus, vt multorum hominum habet sermo, à Piræo Attico: vt quidam dicunt, à quodam antiquo Heroë indigena. Inter hæc duo loca est Cittos locus ita dictus à multitudo hederæ ibi facile prouenientis. Pireico succedit continuò Camara accluuis, & ventis expositum litus, quod multam mari refractionem excipit. Ex his, quæ iam dixit Dionysius, & postea dicet, Ingenidam & Pireicum, & Camaram fuisse existimo partim in radicibus sexti collis, partim in ima planicie vallis quartæ clausæ quinto & sexto vrbis collibus, sinum efficientibus in medium vallem insinuatū: sed temporibus Dionysij longè penitus insinuabatur, nunc minus in vallem recedit tot seculis aggeratus substructionibus vrbis. A radicibus sexti collis sinus incipit esse vadosus ex parte vrbis ob breuia, & syrtes, ex altera parte profundus, deinde vtrinque vadorum frequentia nauigatio palis

palis defixis regitur, vt à flexu, quo incuruatur ad Septentrionem vsque ad ostia fluminum, sit palustris & lutulentus, vt vento agitatus turbidus fluat, frequentibusque Insulis sit aggeratus, quas habet amplius quadraginta syluis cannarum tectas, infirmas, vt etsi in aliquarum parte siccis pedibus insisteret queas, tamen in alia cœnosa nequeas. Prima Insulula incipiens à radicibus collis siti inter flumina, diuidens eorū ostia, producitur in passuum longitudinem circiter sexcentorum, reliquæ diuisæ exiguis Euripis parum altis & cœnosis, qui dudum obruti essent cœno, delabente ex proximis ostiis fluminum, nisi excrescentes Insulas ad fingendos lateres rescinderet laterum figuli. Hi vbi palam in terram palustrem defixerunt, sese totos demergunt, ne capitibus quidem supra aquam extantes, vt palam frusto terræ exciso onustam extrahere queant. Insularum Euriyi piscoi sunt, latibula piscibus præbentes, qui cum hyeme alij capiuntur, tum æstate Mugilum copia supra storeas exilientium ad id præparatas, vt Venetiis solent supra rates ad horum pescatum accommodatas. Nunc in his Insulis cerui non sunt, vt olim erant, propter proximam vicinitatem vrbis, proptérque propinquos vtrinque colles antiquis nemoribus spoliatos, quibus olim vestitos fuisse ostendam ex Dionysio Byzantio: nunc quam pulchrè describat hanc Bospori partem palustrem, subiungam. Locum, inquit, nuncupatū Camaram, quem ante dixi fuisse ad radices sexti collis, exceptipit οαπηρε δέλασσα, id est, marcidum mare finis totius sinus. Iacet enim in fundo sinus nuncupati cornu. Inuenit hoc nomen, siue à vicinis fluminibus in se exentibus

tibus, nativas aquas maris corrumpentibus, siue ex eo nomi reperit, quia immobile ventis agitari non potest ob vadorum aggerationem, quam deferut ostia fluminum continuam & mollem, palustre efficientes mare, in quo etiam pisces capiuntur. Primus huiusc maris marcidi locus appellatur Polyrrhetius à viro Polyrrhe to. Post hunc locus est nominatus Βαθέα σκοπία, hoc est profunda specula ab altitudine maris. Tertius vocatur Blachernas à quodam Rege ibi regnante. Hęc quidem Dionysius. De his paludibus intelligit Nicephorus historicus, cùm ait, Aduentante clasicè Latinorum Regis Constantinopolitani, triremes subductas fuisse circum fluminis ostia, vbi & sinus finis & fluminis, vbi exagerata multa arena & materia vtrinque stringens os, & vix angustum quendam aditu difficilem meatum intermittens, non modò magnis triremibus, sed & dicrotis, & vacuis nauigiolis ob breuia & vada. Ex Dionysij verbis postremis percipitur, quæ fides adhibenda sit recentibus scriptoribus Blachernas tradentibus ex eo appellatas fuisse, quòd ibi sinus palustris sit, proptereaq; obrutum fuisse dicunt illis temporibus, cùm Marcianus & Pulcheria magnum templum Blachernarum ædificarunt. Verūm et si obrutus fuit, & Græci vulgo in hunc diem locum palustrem appellare soleant Βλαχηρόν, vnde illi putant Blachernas vocatas fuisse: tamē Dionysio antiquissimo scriptori potius credendum censeo. Is deinde subiungēs: Maris, inquit, marcidi ultimus locus appellatur paludes, ex eo, quòd in illo subsideat tulenta flumen secessio. Non enim illius vadum arc na, sed cœno teatum est, neque nauigiis, nisi perparuis nauig

„ nauigabilis est. Inde cœnū sublime vsque ad exitus flu-  
 „ minum, quorum vterque fertur separatus ab altero : in  
 „ exitu ambo coniunguntur, & velut per vnum ostium  
 „ exeunt in sinum cornu. In mediis paludibus boum nu-  
 „ tricibus sunt prata vberes pastiones largientia, etiam  
 „ ceruis : hos Deus designauit cum deductoribus Colo-  
 „ niæ consilium potentibus, vbi conderent vrbem, appell-  
 „ latam Byzantium, ita respondit:

„ ὄλβιοι οἰκέτες τόλιψ ἀνέρσει οἰκήσασι,  
 „ Ἀκῆς θρησκίης ὑγρὸν ταξὶ ἄπειρον σόμα τέντε,  
 „ Ἐνθα ἵκθυς, ἐλαφός τε νομὸς Βόσκεσσι τὸ ἀνταρ.

„ Hæc quidem dicta sunt de re, quæ accidit. Cerui enim  
 „ tempore hyberno ex sylvis descendentes depascunt pa-  
 „ lustrem arundinem: pisces verò maris, & fluminum par-  
 „ ticipes in tranquillitate sinus Ceratini delitescunt pi-  
 „ gri, in vbertate pabuli deglutiūt vadī radices. Hæc qui-  
 „ dem Dionysius. Mihi verò potius oraculum videtur,  
 „ hunc locum non intellexisse, sed promontorium Bos-  
 „ porium, vbi extremum os Bospori, ut postea admonuit  
 „ Apollo, colonię deductores deceptos illo loco, qui cùm  
 „ ad has sinus extremas paludes pararent condere By-  
 „ zantium, coruus rapuit vietimæ partem, eámque defe-  
 „ rens ad promontorium Bosporium, declarauit oracu-  
 „ lum præsignificare Bosporium promontorium, quod  
 „ definit extremum os Bospori, vbi cùm essent nemora,  
 „ & oīæ maris palustres compascuæ, iisdem pastionibus  
 „ vescebantur cerui, & pisces. Verùm vt ab initio litoris  
 „ Europei vsque ad finem vrbis, quæ olim loca antiqua  
 „ habuerit, quæ ve nunc noua habeat Bospori ora, decla-  
 „ rauit: ita deinceps vsque ad Cyaneas declarare ab vrbis

fine constitui. à quo quidem fine in longitudinem bis mille passuum progressa ad flexum, quo sinus tendens ad occasum incuruatur ad septentriones, maritima planities continuatur cum ima vallis planicie, in bis mille passuum longitudinem, & latitudinem quadringentorum patente, & paulò quidem amplius: quā vallis insinuatur in plures quām quindecim valliculas alias rectas, alias transuersas, omnes in unum collum dorsum desinentes natura fauente quieti sinus. Hęc planities, siue maritima, siue in vallem insinuata, tota ædificiis ferè occupata est, suburbanis vicum efficientibus, partim in planicie, partim in collibus positum quatuor milia passuum circuitu complexum. Non enim ubique ædificia inter se continentia, sed sparsa vagantur. Totus à Mechmetanis vicus habitatur. Itaque vñdecim ædes habet ceremoniæ Mechmetanæ. Earū cæteris præstant tres, ad quarum maximam Turcorū Rex sacrificium, quod Corbanum vocant, facere solet, cùm quippiam arduum aggreditur, iuxta ædis vestibulum, ornatum duodecim columnis marmoris Thebæi. Situm est sepulchrum Hemispherio Cylindraceo, clausum nescio cuius hominis, quem Turci valde sanctum habent, & perpetui sodales Flamines custodiunt, circuluentibus noctes diésque amplius septuaginta funeralibus cereis, tectum purpura, hunc Turci vocat Aibasarium, à quo vicus nomen adeptus est. Sæpe ab his Flaminibus percutatus sum, quis sanctus esset Aibasarius, à quibus nihil aliud assequi potui, nisi Aibasarium appellari Mechmetanæ religionis vñ ex assertoribus, inter quos numerant tanquam principem Arium, Græcus nescio quis

quis mihi confirmabat esse sepulchrum reliquiarum Iob, sed nihil ex monumentis literarum proferebat, in quibus duntaxat legi Arcadium Imperatorem ossa Samuelis prophetæ à Iudæa Constantinopolim transluisse, tam hilariter obuiā illis procedente populo, quam si Samuelem viuentem cernerent. Quidam afferunt Aibasarium vicum appellatum ab Agio Basilio, sed nullum ex literis producunt testimonium, mihi potius locus hic sacer fuisse videtur, diuo Mamanti, ut literatis testimoniū ostendam in descriptione vrbis. Ab hoc vico usque ad ostia fluminum ora sinus in septentrio-nes flexa aliquantum spatium procedit hortis frequēs, & ædificiis paulò ultra castellū aquæ defluentis ex collis valde proni medio cliuo, ubi sacer fons perennis fluit, quem circūdant fundamenta antiquæ ædis, quam vulgus Græcorum appellat diuam Photinem: cùm ta-men in hoc loco, aut non longè remoto fuisse videatur ædes diui Cosmæ & Damiani ex Procopio, cùm ait ad finem sinus in loco arduo, & vehementer sublimi tem-plum diuis Cosmæ & Damiano iam ab antiquis usque temporibus constitutum fuisse: quod statim videtur ab ingredientibus sinum Ceras. Iustinianus Imperator ha-bitus medicis iam vicinus ad moriendum, diuorū pre-cibus seruatus, ut illis gratiam referret, templum illis sa-crū immutata pristina forma, quæ ignobilis erat, & ornamenti expers, pulchri & magnificè instaurauit, & luminum splendore illustrauit id templum. Si forte ac-curatiū exquirere velis, vide Anthyimi martyris qđem, quam Procopius ponit è regione in littore ulteriore. Iam autem à fonte diuæ Photinæ ad ostia fluminum,

& promontorium Semystræ ambulaui circiter mille passus. Cur verò vocetur Semystra, & quibus nominibus appellantur flumina, Dionysius Byzantius docet.

*De flumine Cydari & Barbyſæ ex anaplo Dionysij.*

C A P V T I I I .

**L**V M E N , inquit, Cydaris venit ab occasu aestiuo, Barbyſes verò à Borea vento. Barbyſen alij dicunt educatorem Byzantis, alij navigationis ducem eorum, qui cum Iasone, & Mineis nauigarunt ad Colchos, quidam Heroëm indigenam fuisse, vbi flumina delata ad obuium promontorium crassum inter se coēunt in mare exeuntia : ibi ara est Semystræ, à qua locus nomen inuenit. Semystra nutrix fuit Ceroëſſæ matris Byzantis. Io enim cum Iouis arte in vaccam conuersa, iráque Iunonis cœstro alato stimulata multas terras percurrisset, apud hunc locum parturiendi dolore affecta. nam erat diuini seminis plena, infantem fœminam peperit. hanc tollēs Semystra laetat, & nutrit gerentem insigne transformationis maternæ, cornuum enim typi ex fronte eminebant, vnde appellatur Ceroëſſa: ex hac & Neptuno genitus est Byzas, vir similiter ut Deus honoratus, à quo Byzantium conditum est. Semystra locus parum abfuit, quin viibz efficeretur, nam ibi duces Coloniae vrbē condere constituerant, nisi ex media flamma coruus rapuisset partem victimæ, eāmque in Bosporium promontorium tulisset. Hoc ab Apolline ostentum coniecerunt Græci à pastore edo&cti, qui ab specula intuitus erat, vbi coruus victimę rapinam deposuisset, securique signum cond

condiderunt Byzantium in promontorio Bosporio. Hucusq; dicta sint ex Dionysio, quæ iam inde ab antiquissimis temporibus perulgata, si quis me otiosior altius consideret, non sine physica ratione inueniet locum cornigeram peperisse Ceroëssam iuxta fluorum ostia, hoc est cornua, iuxtaque sinum Cornu nuncupatum: è quibus aqua dulcis prodiens supra saltem sinus, & freti summam aquam fertur velut altera loco, sinnusque Ceratinus agnoscetur verus filius Ceroësse & Neptuni, id est, aquæ dulcis & saltem, veriorque quam quisquam Byzas deprehendetur conditor Byzantij. Iam quale sit promontorium, ad quod dicit Dionysius flumina exire in mare, profecto obtusum, & ut ille ait, crassum in altitudinem editum amplius mille passuum, quorum septingenti inferiores sunt decliniores, quadrangenti superiores minus proclives. Iugi ceruix, qua promontorium adnectitur dorso motis, latior non est triginta passibus, angustata duabus vallibus, una à Meridie, in qua summa depressa est fossa conseruatrix niuum, suis labris sustinens ligneum tugurium fastigiatum in mucronem metæ, cuiusmodi plurimæ circa urbem videntur: altera valle promotorij stringitur à Septentrione, in qua ima est sacer fons, quæ Gæci Agiasma appellare solent. Promontorij radices partim attингunt ripam Cydari, partim impendent in planitiem à ripa & promontorio intermissam, latitudinis trecentos, longitudinis plus minus quingentos septuaginta passus habentem, circuitu complectentem circiter mille & quingentos passus. Secundum hanc medium est coitus Cydari & Barbyse fluminum, quorum yterque paulò

supra eandem planitem fluit ab altero separatus promontor o longo & acuto : id existimo esse, quod Dionysius Drepanum vocat. A tergo, inquit, Semystræ, paulo supra fluminum ostia initium circumflexus in alterum latus sinu ceratini efficit promontorium Drepanum inflexum, cuius cacumen acutum appellantur Bulon, hoc est, Bubulcum, grata memoria prosecuti indicem, ex hoc loco speculatum urbis conditorem curuim. Ex his Dionysij verbis aduerte, quem is appellat Barbysem, Suydam, reliquosq; recentes scriptores scribere Barbyssum. Quam recte fides sit penes emendatos codices. Barbyse nomen adeò iam ignotū est etiam accolis, ut aliter appellare Byzantini nesciant, quam Chartaricon fluuum ab officina ostiis fluminum propinqua, ubi chartæ contusæ explanatur: rustici, qui accolunt eius fontes, hunc nominant Pectinacorion à vicino ita nuncupato illius fontibus vicino. Longus est circiter quindecim miliaria: lenis adeò fluit, ut in neutrâ partem moueri videatur, adeoque profundus, ut pontibus etiam tota æstate transeat. Eadem est eius latitudo, spatio ferme decem miliariorum, in quo quidem spatio Euripi ab eo deriuati omni anni tempore præcipites versusant molas moletrinorū sexdecim. Fluit per medium vallem planam & pratensem, ut à fontibus usque ad ostium sit perpetuum pratum, cuius maximam partem Rex posidet. Quæ quanta sit, coniectare etiam absens potes ex quadringentis agricultis Christianis, quos, cum illuc profectus essem, offendit uno ordine dispositos herbâ secantes, quibus præerant Turci quinque equites, octo pedites opus urgentes, totidem quadrigas

drigas fēno onustas inueni, singulas vno pare bōunī tra  
etas, quatuor rotis sustētatas posterioribus maioribus,  
excelsioribūsque ad excipiendas priores. Incidi item iu  
Genisarios, qui circiter trecenti emissi dicebantur ad  
colligendas fluminum & lacuum nymphāas, quibus  
Barbyſes & Cydarus abundant, quibūsque regiæ po  
tiones fiunt Regi vſitatæ, vt Christianis violentę. Sed  
redeo ad Barbyſen, primò à Septentrione ad Meridiem  
aliquot miliaria procedit, deinde varios flexus efficit,  
nunc ad ortum æquinoctialem, nunc ad hybernum,  
nunc inter ortum & Meridiem, tandemque ipatium  
quatuor miliariorum progrediēs ab ortu solstitiali ad  
occasum hybernum, exit in ſinum ceratinum. Illius val  
lis per anfractus normales ſimiliter, vt Bosporus pergit,  
quem habet parallelum, ita vt ſi is porrigeretur vltque  
ad pontum, vt quidam ipsius vallem porrigi dicunt,  
Insulā efficeret Barbyſes & Bosporus, qui ab illius oſtio  
proficiſcuntur ad eiusdem fontes. Vident illum à ripa  
dextra duos fluuios accipere, vtrosque venientes ab or  
tu Solis, tota æſtate perennes: vnum in medio cuiſu, al  
terum paulò infra ſuos fontes perlucidū, etiam totam  
æſtatem molas versare valentem, quem scriptores vo  
cant Hydram: nunc eius nomen ignorantes, alij ap  
pellant Belgradum à vico prope ipius ripas ſito: alij  
flumen nominant Camerarum à fornicibus, quibus du  
cebatur Constantinopolim. Hunc enim Andronicus  
Rex excelsis fornicibus, operéque ſubterraneo in vr  
be in perducere aggressus eſt, cum, vt cætera vrbs aqua  
abundaret, tum maxime hi, qui habitarent circa Bla  
chernas, vbi cogitabat magnum nymphēū conſtruere,

vt ibi

vt ibi habitantes copiosiore aquam haberent: at morte interceptus, opus reliquit imperfectum, quod posteri Reges absoluere neglexerunt, vt opus nimium sumptuosum, vt etiam Isacius Rex, qui Andronicum & regno, & vita priuauit, turrem & palatium, quæ Andronicus ad secessum temporis æstiui prope fornices fluminum ædificauerat, demolitus fuerit, hoc pulcherri-  
mum factum Andronico inuidens. Hac ætate prope fornices, quos dixi transuersos secare Barbysem, vicus est, quem Pyrgon vulgo appellat, etiam si iam pridem ibi nulla turris, nullum palatium sit, tamen olim fuisse Pyrgi incolæ dicunt, saxeque effossa ex fundamentis murorum se vidisse testantur incisum nomen Andronici habentia. Iam Hydralis influit in Barbysem fornicibus diruptis, quibus Constantinopolim ducebatur. Cydarus fluuius, quem vulgo Machleuam appellant, similiter, vt Barbyses forniciibus transuersis secatur, Hydram, & Barbysa partem Constantinopolim ducen-  
tibus longior quidem est, quam Barbyses, sed minor, similiterque fermè, vt Barbyses per anfractus fertur, à quo velut ferè parallelo curuo ipse curuus distat vario quidem interuallo, sed perpetuo collino inter fornices utriusque patente in latitudinem circiter quatuor miliarium, vario etiam cursu progreditur. Nam à fornicibus, ultra quas non progressus sum, vidi ipsum ab occasu ad ortum Solis tēdere, deinde flecti ad Meridiem: postremò amplius duo miliaria à Septentrionibus ad Meridiem proficisciētem influere in sinū Ceras. Quam obrem Dionysium, cùm ait Cydarum venire ab occasu æstiuo, intelligere non oportet, cùm interuallo circiter

circiter duum miliariorum ostio propinquus accedit.

*De locis appellatis Mandris, & Dryi, & de luco Apollinis, & ponte Philippi, & de cubis Canopi.*

## C A P V T . I I I I .

**P**os t' buculam; inquit Dionysius, sunt loca nuncupata Mandræ, & Drys: ille quidem à loco quieto & tecto, mari enim tranquillo al luitur. Drys verò habet lucum Apollini sacram. Post promontorium est longus sinus Auleon appellatus. Id promontorium à Septentrione clauditur valle Barbysæ, à Meridie, valle effidente sinū longum, quē Dionysius appellat Auleona, cuius ora lunata patet in longitudinem mille & septingentorū passuum, in qua media est Regis viretum insinuatum in imam planitatem vallis à Septentrionibus clausæ promonto rio elato in passus circiter octingentos, quorum imi trecenti valde declives, reliqui leniores. Dionysij atate pu to imam vallem, in qua nunc est Regis viretum, fuisse palustrem, & partem sinus Auleonis, siue Aulonis, cuius è regione in ulterione littore fuit locus nominatus Semystra. Post Auleona Dionysius dicit esse pontem Philippi Macedonis opus, quo sinus Cornu traicetur. Philippus enim in vadum saxa deiecit, eorumque multitudinem supra vadum accumulauit multis operis, ut pontis commoditate vti posset abundè ad comediatum terrestrem. Nam classe Byzantiis par non fuit, multo mari imperantibus. Iuxta hunc pontem fuit Nicaei herois ara, & locus leniter circumflexus ad capiens pisces receptaculum, & locus, qui dicitur Neosbo-

los, is est nouus iactus. Inter promontorium, quo sinus prius pergens ad occasum flectitur ad septentriones, interque vicum Aibasarium supra aquam paulum extantia videntur aestate pilarum fundamenta, quæ an sustinuerint pontem Philippi, an aliorū, iudicare non possum. Hoc unum duntaxat possum ex Dionysij verbis elicere, vel in illatum loco, vel propinquo fuisse pontem Philippi. Ante trecentos annos fuisse pontem, vel in praedicto, vel propinquo liquet ex Tzetze, ut alibi dicetur. Nam ante mille annos fuisse pontem sublicium ostendemus in antiqua descriptione regionum Constantinopolitanarum, qui omnes bellis subsecutis eueri sunt. Mechmetes Rex, qui Constantinopolim cepit, ut urbem strictius obsideret, pontem effecit à contraria continentis regione appellata τῷ λεπραρέων, ad urbem ferentem dolis ligneis inter se aptè colligatis & firmiter, ut traicere posset milites ab exercitu obsidente Sycas, ad urbemque, ut eam vindique obliteret. Iam vero in littore, quod modò descripsi à loco appellato Mandris usq; ad aram Nicei herois, percipitur ex Procopio fuisse templum Anthymi martyris, cum ait Iustinianum in cliuo arduo ad finē sinus ædificasse ædem diuorum Cosmæ & Damiani, in alteraque sinus parte templum, ubi nullum prius fuerat, dicasse Anthymo martyri secundum sinus oram, ubi maris fluxus templi crepidines alluit iam mitigatus. Non enim cum fremitu murmurantis maris ad illius saxa frangitur, sed iam mollis & lenis, tacitusque accedit ad id templum, in magnam altitudinem editum, lapidum decore, auróq; ornatum, nunc nulla extant illius vestigia, neque quisquam

quam reperitur, qui, in quo loco id fuerit, à maioribus audierit, aut legerit. quin potius omnes prorsus ignorant vllum templum in hoc littore fuisse, à promonto-rio, quo dixi sinum incuruari ad septentriones, incipit flexus longus, & molliter curuatus, finitur mucrone vi- reti regij ab Abramo Bassa consiti. Huiuscē flexus ora ædificiis plena est, & figlinis laterculorum coctiliūm & crudorum cum in multas insinuata valliculas, tum penitus in vallem diuæ parasceuæ longam duō milia- tria, cuius ima planities attingens sinus oram, lata qua- dringentos passus, deinde statim stringitur in ducētos, sensimq; angustata attollitur in cliuos. Clauditur duo- bus collibus, uno exædificato ab occasu treis tumulos emittente, qui in sinum eminentes efficiant duas valli- culas: ab ortu Solis includitur altero colle ex tribus la- teribus pleno edificiorum, vsque ad oram maris, ut me- diae edificiorum partes sublici sustineātur in sinus va- dum defixis. In summa valle olim fuit templū Pantæ- leemonis iuxta fontes riui pérennis, olim in sinum in- fluentis: nunc partim deriuatus est opere subterraneo in propinquum Regis viretum, partim in balneum, & hortos sub vallem subiectos consumitur. Ne quis mi- retur, si illum iam non videat supra terram fluere, qua- „lem Dionysius informat, describēs hæc loca. Circa,in- „quit, locum re, & nomine Aetinen, sunt cubi, Canopi, „& fontes: valde enim locus irriguus est: Cubi autē sunt „insignia Persicæ historiæ: huc enim nonnulli descen- „debant ad animorum remissionem, & ludos, ut amœ- „nitate littoris perfruerentur. Canopi nomen inuenit à „similitudine delitarum, quæ huic loco est cūm Aegy-

ptio Canopo. Cison fluuius, hanc oram secans sinui nomen dedit. Fluit perennis, sed haud nauigabilis est. Hac quidem Dionysius, quem miror ex eo, quod ait, non esse nauigabilem, cum iam tam exilis sit, ut ad irrigandos hortos totus consumatur. Itaque arbitror partim terræ motibus, quibus obnoxia est regio Constantinopatina, partim subterraneis subductionibus in regiu hortum attenuatum esse: nunc in hoc loco vicus est longus aquis abundans, quo Constantinopolitani frequentes secedere solent, ut maris & terræ delitiis fruantur, recte appellatus hic locus Cubus Canopi, siue quia Aegyptiorum Plato λυκεα inuentum esse dicit, & Canopum mollieris remissionis Aegyptiis ludus erat, siue quia Byzantij coloni Attici mores sequebantur Atticorum, unde oriundi erant. Attici enim maximo studio λυκεα amplectebantur, ut etiam in ædes sacras congregati taxillis lusitarent. Hunc locu iam Græci appellant Agian parasceuen, quem Imperatore Iustiniano diui Laurentij appellatum fuisse existimo ab æde diui Laurentij in hoc suburbano constituta, quam Procopius antea ignobilem & obscuram, tradit Iustinianu nobilem & præclaram reddidisse, in sinistra sinus parte sitam ē regione diuæ Mariæ in Blachernis nunc neutra extat: funditus enim vtraque euersa est, exceptis fundamentorum exilibus vestigiis. Procopius obscurè locutus videri potest, cum ait Laurentianam ædem in sinistra sinus parte sitam fuisse: neque addit, quorum ratione ingredientium in sinum, an egredientium: ego illam appellaui dextram, habens rationem ingredientium, & naturalis sinus principij, quod nascitur à Bosporo, non ab hostiis

hostiis fluminum, vbi sinus finitur. Ultra templum diui Laurentij Procopius scribit, Prisco & Nicolao diuis ædem Iustinianum ex integro construxisse, vbi Byzan- tij loci amore capti plurimum versantur, partim loci amœnitate ducti, partim venerantes diuorum ædem decoram, quam longè in altum Rex vim impetui ma- ris afferens constituit. ¶ De Regio nauali, & de locis antiquis, quæ olim fuerunt, vbi est nunc nauale. Post vicum suburbanum Canopicum sequitur viretum re- gium, quod olim partem fuisse Canopi existimo ex lo- ci situ, & ex auditione senum testantium, priusquam id consitum esset, Constantinopolitanos frequentes eò secedere solitos ob loci amœnitatem, amplius decem stadia circuitu complectitur. Eius media pars posita in maritima planicie, altera in colliculis & valliculis syl- ua cupressorum, arborumque fructiferarum adumbratur, vt regia domus arboribus circumdata à præternaui- gantibus non perspiciatur, distinctum est viis & herbis consitum eo ordine, quo cætera vireta, quæ cupressos non obliquis ordinibus in quincuncem dispositas, sed secundum vias habent directas in ordines rectos. Vire- ti ora maritima, parietibus clausa media, angulatum mucronem agit, procurrentem in sinum, velut linguam cùm natura, tum magis opere productum: ex quo ex- tremo ædicula in sinum eminet velut specula sublicis sustentata, quibus velut clatrī pisces subeunt in pisci- nam proximam. Huiuscmodi ædicularas vndique fe- nestras Turci Sardaca appellare solent, quæ vel in lo- cis eminentibus, vel vndique patentibus, vt in mediis domorum areis, aut in earum frōtibus velut Meniana

construere solēt, aut quadrata, aut hexagona, aut octogona, aut ligneis testudinibus, aut hemisphæriis præclarè laqueatis, & Persica pictura collucentibus, illa ædicula finitur flexus à nobis iam excursus, incipitque alter finitus sycarum promontorio: recessus intimus abductus in hunc medium flexum cuneatus est, deinde molliter dilatatur in longitudinem octo stadiorum, occupatam triremium regiarum sicco nauali loculato. Sic enim triremes centum & tredecim in aridum subductæ existunt, ut totidē ædificiis, velut loculamentis continuis separentur, clausis ab utroque latere parietibus tectum imbricatum sustinentibus à fronte, à tergo apertis, præ se habentibus sinum, à tergo murum claudentem totum nauale. is, cùm venisset Byzantium, ex crudis factus erat laterculis, post ex lapidibus cœmentitiis, atque inter loculamenta & murum additæ sunt cellæ vñibus triremium accommodatae, etiam ad ditta ædificia armamentaria plumbo tecta supra naualib[us] partem, quæ pertinet ad occasum, eminent colliculi, valliculis distincti, tecti sepulchris Turcorum & Iudæorum, à medio sinus & naualis flexu vallis nascitur pergens à Meridie ad Septentriones, cuius ima planities ad libellam æquata angustior non est quadringentis passibus, neque ubi in valliculas insinuat, latior sexcentis. Eius maritima pars attingens nauale, habitatur frequenti vico, quem vocant Caslin Bassam: à Satrapa, qui in eo loco amplas thermas construxit plumbo tectas, vario marmore constratas: reliqua vallis planities tota consita est hortis vberibus, per hanc medium fluvius, sed haud perennis fluit. Olim perenem fuisse existimo,

stimō, nunc partim permultis iugibus puteis usque ferre ad labrum plenis, partim aqueductibus & teremotib⁹ exhaustus, cursum æstuum perpetuare nequit. Vallis latus, quod efficit collis sycenus editum in altitudinem septingentorum passuum tegitur sepulchris Turchicis, quæ ornant stellæ lapideæ, & virentes syriae cypressorum: alterum vallis latus ad Solis ortum pertinens, procliūs quidem, sed non altius quadringentis passibus, continens sepulchra Iudeorum, tecta aut mensis lapideis, aut carinatis operculis. Hæc vallis cum processit quatuor stadia in longitudine, obiectu duorum collium singulorum vicos singulos habentium, scinditur in treis valles pratis, hortis, vineis cultas, quatuor duæ extremæ maiores, quæ in valliculas quatuordecim interciduntur, desinentes omnes in dorsum perpetuum, alias flexuosas, alias tortuosas, id quod efficit nauale tutius à ventis septentrionibus. Palustrem fuisse olim hanc vallem & nemorosam, coniicio ex Dionysio Byzantio. Post, inquit, cubos Canopis, est palus habens rādices sub aqua latentes, claudens sinum, ubi est receptaculum piscibus capiendis aptum, saxis concavis ad ipsos introitus obuiam procedentibus, in quæ delabuntur pisces noctis tenebris errantes. Post paludem sunt Chœragia nuncupata, à rebus, quæ ibi fiunt, nominata. quoniam apri ex montibus descendentes, ad hæc loca abacti, à venatoribus fraude capiuntur. Omne enim iunus latus vento noto obiectum, syluis plenum erat. Ex his Dionysij verbis percipio, vallem illam palustrem fuisse, nunc exiccata est, vel exædificationibus, vel agriculturis, vel puteorum copia, vel aqueductibus, atque

atque omne sinus latus vento noto expositum, ab arboribus nudum est, nisi manu satis.

*De Isthmo Ceratini recessus: de sepulchro Hipposthenis:  
de sycis, & delubro Amphiaraei.*

C A P V T V .

 **B**INDE Dionysius addit secundum locū, ad quem desinit recessus Ceratini sinus. Incipit Isthmicum promontoriū apertam iam & multam Propontidem prospiciēs, in quo sepulchrum Hipposthenis extat herois Megarensis, à quo locus nomen adeptus est, quod Isthmicum promontorium Dionysius dicit: id intellige esse collem, in quo nunc situm est oppidum, nuncupatū Galata. Nam si à primis faucibus Ceratini sinus lineam duceres ad eiusdem recessum intimum, in quo antè dixi Regium nauale esse, intra lineam includeres collem Galaticū: ex cuius iugo prospicientibus multa aperitur Propontis. Post Hipposthenem, inquit Dionysius, locus est appellatus Sycodes à multitudine & pulchritudine ficū arborum: quidam curiosiores dicunt, primām ficū arborem ibidem natam esse. Locum hunc cùm declarabo, Sycenam regionē decimam tertiam vrbis, ostendam esse Galatam, quam olim primū appellarūt Sycas, pòst Iustinianas: postremò Peram, siue Galatam. Inde Dionysius persequens suum anaplum, ponit Amphiaraei delubrum, quod Byzantij Megarensium coloni construxerunt memoria & honore prosequentes Amphiaraei Oiclei filium. Amphiaraum cùm cæteri Græci, tum Megarenses honorarunt Deū, ut haberent, atq; ab eius

ab eius solo, in quo fuit humatus, oracula peterent.

*De ædibus Dianaæ luciferae, & Veneris placidæ, & de loco  
Ostreode, & Metopo, & de ara Apollinis.*

## C A P V T V I.

**P**O S T, inquit, Amphiaraï delubrū est Syāphas locus Auletes nominatus, is vna cum aliis colonis Byzantium deductus fuerat, cui Apollinis ars reliquit nominis memoriam. Inde est Bolos, is est iactus ad piscationem hybernām percommodus loci natura, in quo est templum Dianaæ luciferæ, & Veneris placidæ: existimatur enim largiri ventorum commoditatem, eosque turbulentos placare. Deinde est locus Ostreodes, à rebus, quæ ibi fiunt, non minatus. Maris enim vadum ostrearum multitudine exalbescentium constratum fit perspicuum aspicientibus maxime in tranquillitate & quiete ventorum. Hic autem locus semper alit, quod impendatur, & in comune conferatur. Est enim luxuriosis locus generatio nis ostrearū contendens cum earū piscatione. Ostreda locum excipit nuncupatum Metopon, hoc sub asperatum vrbis subiectum est: aspicit enim Bosporium promontorium, nomen inuenit à figura. Nam ex continentis parte planum est terrenis tumulis, ex parte maris, declive & præceps: non tamē diuini testimonij expers est, etenim apud ipsum colitur Apollo. Ex his Dionysij verbis scimus Metopon esse frontem ante vrbis oculos positam, quam prius nisi cognitam habeamus, assequi nequimus, intra ne oppidum Galatam, an paulò, an longè extra Galatam fuerint templa Amphiaraï Dianaæ.

luciferæ, & Veneris placidæ, & locus Ostreodes. Cùm igitur nulla pars Europæ posita sit ante oculos Byzantij, nullaque rectè intueatur promontorium Bosporiū, nisi collis nascens prope portam Galatæ, cùm eius frōs tota subiecta sit sub aspectum promontorij Bosporij, patet illum esse, quem Dionysius appellat Metopon, Græci huius ætatis appellant acram Spandoninam, quæ quām sit in conspectu Byzantij Rex Soleimanus declarauit, cùm nullam aliam ob causam id usurpauit longo vireto, quām ut in conspectu suo colles haberet sylua virenti vestitos, & ut excluderet oculos id incolentium despicientium in claustrū sui palatiū in promontorio Bolporio siti. Quale illud iam sit, subiungam. Ex duabus partibus mari alluitur, ab ortu Solis Bolporio, à Meridie sinu ceratino, interiùs ad septentriones recepit, quām collis Galatinus, quem antiqui Sycenum appellabāt: ut velut de industria cedere videatur colli Syceno. Ne illi aspectum Solis Oriētis tollat, duobus cornibus prominet, uno in sinu ostium, altero in portam Sycenam triplici latere deprimitur, primo in vallem, qua clauditur ab occaſu, quāque separatur à colle Syceno, vineis, hortis, ædificiis plena, desinēti in planitiem, quæ ante portam Sycenam explicatur, in qua iacent globorum marimoreorum magni acerui, similiq; magna multitudo machinarum bellicarum, vnde porta nomen habet: ubi thermæ & officinæ fabriles fusiliū machinarum bellicarum. Alterum promontorij latus demittitur ad Meridiem, totum obiectum oculis veteris Byzantij valde proclue, ut eius ascensus gradibus, aut anfractibus moliatur, vñque ad mare pronū deiicitur, ut

tur, ut littus sit excelsum, præceps, præruptum: lateris media pars intumescit duobus tumulis ab infera parte præcipitibus, à supera explicatis in planitiem leniter assurgentem ad promontorij fastigium, porrectum in longam planitiem. Ora maritima sub hoc latus subiecta producitur in longitudinem mille passuum, quorum quadringentæ sycenæ portæ propinquiores patent in latitudinem quinquaginta passuum, ubi communis ambulatio suburbana platanis adūbratur, in qua olim ædes diui Constantini, cuius superficies nunc non extat. Duntaxat gradibus lapideis in fornicem subterraneam Græci descendunt ad potionem aquæ fontanæ. Constâtino sacræ: reliqua oræ maritimæ pars tota procliuis, excepta via humano opere explanata. Tertium promontorij latus, similiter valde procliue & præceps usque ad littus, vergens ad Solis ortū, intuens promontorium Asiac Damalicum, quo Bosporus contendēs ad occasum flectitur ad Meridiem. Ex antedictis apparet, Metopon esse, aut totum promontorium, aut eius partem eminentem in primas sinus fauces, quam vulgo appellant acram Spandoninam: si totum Dionysius intelligit, existimare debemus Bolum, templa Dianæ & Veneris, locumque Ostreodem fuisse intra urbem Galatam, eamque urbis partem non comprehensam fuisse intra locum Sycodem, ut non videtur ex antiqua regionum descriptione, urbis ponente in latere Galatae meridiano Sycenam regionem, quæ etiamnum cernitur in media Galata propriis muris clausa, opposita Constantinopoleos valli, in qua ima est trajectus Sycenus, Galataeque latus vergens ad Solis ortum post Syco-

dem fuisse, quod incipit ab angulo diuæ Claræ, quó si-  
nus tendens ad occasum brumalem, flectitur ad occa-  
sum ferè solstitialem, quoque finitur recessus, inchoa-  
tur à promontorio Spantonino, longus duo millia pas-  
uum, quorum octingenti intra vrbem, iactus hybernæ  
piscationi aptus videtur angulus soli expositus, à ven-  
tis septentrionibus tectus, in quo hodie spectantur duæ  
ædes lacræ, quarum vnam Franci appellant diuam Cla-  
ram: alteram Græci Photinen, quasi Phosphoron, non  
sine antiqua ratione, quoniam hîc esset ædes Dianæ  
phosphori, & Veneris placidæ, quæ etiam Phosphoros,  
ea est lucifera, nominatur. Nam primi illi propagato-  
res religionis Christianæ, quòd facilius nationes à cultu  
antiquorum deorum ad verum pietatis cultum paula-  
tim abducerent, verâmq[ue] religionem illos colere af-  
suefacerent, sub antiquis deorum nominibus noua in-  
duxerunt diuorum nomina. Suidas scribit Constanti-  
num Regem Romæorum, filium Leonis Isauri Icono-  
machi Venerem coluisse, eique humanas viëtimas ma-  
ctasse in regione vrbis Peræa, vbi diuæ Mauræ tēplum  
esset, quod is demolitus, locum effecit homicidiarium,  
quem Mauram nominauit, in quo nocte pueros sacri-  
ficabat. Existimo illam ædem primò appellatam Phos-  
phoron à Diana lucifera, deinde Photinam, post Mau-  
ram. Vide, an sit vitiatus Codex Suidæ habens sanctæ  
Mauræ pro sancta Photina. Nam cùm Iconomachus  
Constantinus imaginū cultum oppugnaret, verisimile  
videtur ædem diuæ Photinæ contumeliosè appellasse  
diuæ Mauræ: nunc nemo est, qui audierit, aut legerit in  
regione vrbis Peræa diuæ Mauræ ædem fuisse, sed dun-  
taxat

taxat Photinæ. Adde, quòd littora contraria multa de paritate & similitudine inter se contendunt, vt duæ Cyaneæ, vt duo angustiarum fana, vt alia pleraque, vt littus diuæ Photinæ fortasse. ideo ædem Dianaæ Phosphori habuit, quòd sit è regione Phosphorij portus in contrario littore siti, ex eo appellati, quia illic Diana Phosphorus lucem Byzantiis attulerit contra Philip-pum Macedonem cuniculis Byzantium oppugnâtem. Venus verò placida non commodiùs collocari potuit, quàm in hoc littore, vbi Bosporus labitur placidus & silens: in qua parte regionis Pereæ Constantinus Veneris cultor colere Venerem melius potuit, quàm in antiquissima Veneris sede. Iam cognitis ædibus Dianaæ luciferæ, & Veneris placidæ, & Metopo, iudicare possumus Ostreodem locum fuisse inter ædem diuæ Photinæ, & primas radices promontorij Spantonini, præser-tim si id totū intelligit Dionysius Metopon esse: quan-uis ostrearum piscatio frequentiùs hodie exerceatur à sycarum porta ad finem promontorij Metopici, & eò ulterius ob vadum maris purgatum & apertū, in quod sparguntur & disseminantur quotannis ostreæ integræ, non, vt olim falsò acceperam, diuisæ atq; disruptæ. Ta-men antequam esset littus subiectum sub partem oppidi Galatæ obiectum Orienti, ostrearum pescationem copiosam præbere potuit. Postea verò quàm huius littoris pars vadosa edificata est, pars quotidie, aut obrui-tur projectis oppidi purgationibus, aut frequētium nauigiorum stationibus occupatur. Piscatio ostrearum nunc minus exercetur in hoc suburbano littore, etiam-num exalbescente ostreis sua sponte prouenientibus,

non autem seminatis, ut seminantur circa promontorium Metopicum quotannis in hunc modum. Posteaquam Græci à piscibus sanguine participibus suā longam abstinentiam sustentarunt ostreis luculentis quidem, sed sanguinis, ut ipsi putant, carentibus ex locis paulo remotioribus ab urbe naues ostreis plenas ad hæc loca maritima urbi propinquiora adducunt, atque in mare palis abiiciunt ostreas integras, non disseatas, ut mendaces quidam mostrosarum narrationum fictores in Italiam sparserant & disseminauerant, ut me imprudentem deceperint, ut vix cum venissem Byzantium, prudens factus, à peritis piscatoribus dissuadere potuerim imperitorum opinionem iam dudum confirmatam. Ex illa igitur sparsione & dissemination fit, ut quotannis ostrearum genus renouetur, luxusq; morum Græcorum redintegratur. Sin autem minus totum promontorium intelligit Metopon esse Dionysius, sed solam promontorij linguam eminentem supra primas sinus fauces: tum conjectare possumus Ostreodem locum occupasse oram maritimam alluentem urbis lacus Orienti aduersum, & radices promontorij Spantoniini spectantes ad meridianam cœli regionem.

*De Aiantio & Palinormico, & templo Ptolemæi, de Iasonio, & luco Apollinis, & de alijs antiquis locis.*

C A P V T . V I I .

**S**E D' R E D E O ad Dionysium; qui à Metopo deinceps ita anapnum persequitur. Post, inquit, Metopon, est Aiantion nomen adeptum ab Aïace Telamone, quem propter quan-

quandam vaticinationem colunt Megarenses ex insti-  
tuto eorum, qui deduxerunt coloniam. Inde procedens  
præcipitum conuersum in mare; nominatum est Pali-  
normicum à secunda applicatione. Postquam enim Co-  
loniæ deductores ad eum locum naues primò appulis-  
sent, ex eoque soluissent, rursus ad eundem locum re-  
uerterunt. Paulò supra præcipitum Palinormicon exi-  
stet templum Ptolemaei Philadelphi, quem Byzantij æ-  
què ac Deum venerati sunt, quod ex eius in urbem ani-  
mi magnitudine fructum magnū accepissent. Etenim  
Byzantiis Ptolemaeus in Asia regionem, frumentique  
multas myriades, & sagittas, & pecunias dederat. De-  
inde est locus dictus Delphinus, & Charandas. causa  
nominum hæc est: Vir Chalcis nominatus, genere By-  
zantius, scientia citharœdus, nullis summis citharœdis  
inferior, cum Oithium carmen caneret, Delphinus ex  
pelago exstitit, sequens ad audiendum erexit cantilenæ  
impetum, maritimæ oræ insitens, extra mare eminēs,  
aspectum sublimem gerens, ut vehementi cantu im-  
pleretur, ob audiendi studium nihil à vadi commotio-  
ne læsus: cum autem Chalcis canere desinebat, Delphi-  
nus mare subibat, ad locumque consuetum redibat,  
Charandas pastor accola, siue inuidia, atque odio in-  
Chalcidem, siue auaritia incitatus, Delphino insidia-  
tus est sensim ad maris oram allabenti, cùmque subli-  
mem accedentem interfecit: non tamen punctione po-  
titus est. Chalcis enim suum auditorem magnifica le-  
pitura affecit, locisque nomina Delphinum & Cha-  
randā imposuit, illum donans honoris memoria: hunc  
ignominiae. Postea est acra in breue recessum insinua-  
ta, basis

ta, basis ipsius & radix petra in fundo Thermaстis appellatur. Post hanc ipsam littus noto vento apertum nominatur Pentocontoricon à nauibus quinquaginta remos habentibus ad littus id appulsis. Scytham enim dicunt nunc upatum Taurum ex suis sedibus migrantem hoc appulsum fuisse, atque ad Cretam nauigasse, Pasiphæn Minois filiam stuprasse: vnde nata fabula amoris, & prolis ex ipso procreatæ. Deinde succedit Iasonium, ex eo nomen adeptum, quod Iason nauigans ad Colchos, illuc appulsus fuerit, ubi est nemus profundæ laurus plenum, araque Apollinis: littus autem longum, omne vētis occiduis & meridianis expositum. Vbi infra ostendero Iasonium esse vicum, quem Græci hodie vocant Diplociona, Turci Bisitas, facilius percipietur Aiantion templum Ptolemæi, Delphinum & Charandam petram Thermaстin Pentecontoricon loca sita fuisse inter Metopon & vicum Diplociona. Ea ut magis perspicua fiant, prius pergo exponere situm reliquæ oræ maritimæ, quam cōtinuare intermisseram ad promontorij Metopici mucronem præcipitem & præcīsum usque ad mare, via duntaxat intermissa humano opere explanata, iactis in mare vadosum & saxosum ædificij, aut molis substructionibus, ubi finitur longus flexus à promontorio Clido inchoatus. Ab illius igitur mucrone seu rōstro passus trecentos progressus, incidi in vallem diuidentem Metopicon promotorium à colle, in quo est suburbanum Aiatis Bassæ, cuius imæ radices maritimæ porriguntur in passuum longitudinem circiter octingentorum, quorum primi quadringtonenti maritimam habent planitatem patentem in passuum.

fiuum circiter quadringēta latitudinem. Suprà impen-  
dent cliui, imi quidem præcipites, & ferè directi in alti-  
tudinem ferme centenum passuum: inde à medio colle  
ad summum verticem exiguè proni: at reliqui quadrin-  
genti planitiem maritimam non habent, sed cluos à  
mari ad supercilium collis præcipites, excipio imam  
planitiem valliculæ mediæ inter cluos interiectæ, quæ  
medium Aiacis viretū, perennibus fontibus irriguum  
secans cingitur: duobus tumulis præcipitibus & præru-  
ptis, altero eminente supra scalam commercij, ubi fun-  
damenta videntur antiquæ molis, partim sub aqua de-  
litescentia, partim supra mare extantia, quæ pescatores  
vocant Caridata: nescio an quasi fortasse Charandam  
à Dionysio nuncupatam, altero tumulo præcingitur  
vsque ad mare præcipiti atque imminentे in vallem,  
qua à septentrionibus clauditur, lata iuxta littus ducen-  
tos octoginta passus. Ipsa à septentrionibus clausa col-  
le radices præcipites agente, & propagante ad mare us-  
que latas centū passus. Ab earum initio ora maris, quæ  
tendebat à promotorio Metopico ad coeli partem me-  
diā inter Vifam & Aquilonem, flebitur ad ortum æ-  
stium. Iam vallem & collem occupat regius hortus cir-  
citu quatuor millia passuum complexus, virens sylua  
cupressorum arborumque frugiferarum, Carabolus vo-  
catus à Satrapa illius constructore: quem aiunt pescatores  
obruisse maris recessum insinuatum in imam hor-  
ti vallem, cinctam à septentrionibus colle, radices præ-  
ruptas & saxeas usque ad mare spargente. Sub his radici-  
bus Dionysius ponere videtur petram Thermastin.  
Nam, ut ipse ait, hæc acra insinuabatur in breuem re-

cessum, & post eam littus est nōto vento apertum, quæ aut excisa est: aut si nunc extat, non agnoscitur. præser-tim si Dionysius acram non intelligit esse promonto-riū, sed simpliciter oram maris, quæ tota ab hoc loco ad collis Metopici promontorium alluitur mari vado-so crebris petris supra aquam eminentibus inculcato. Earum quæ nam sit Thermaстis, internoscere difficile est, iam tot seculis ora maritima immutata, aliis saxa littorea exscindentibus, aliis imos collium cliuos expla-nantibus, aliis sinus vallium obruentibus. Hæc com-mutatio me impedit, quò minus iudicare audeam, an Palinormicon fuerit iuxta collis Metopici promonto-rium, an ad radices collis eminentis in scalam commer-cij. Hoc vnum arbitrii possum Palinormicon fuisse; secundum radices alterutrius horum collium à valli-cula regij horti, ad quam coniectavi fuisse Therma-stin petram, ora maritima, quæ dirigebatur ad septen-triones, flectitur ad plagam cœli medium, inter solsti-tialem & æquinoctialem ortum: in qua plaga longi lat-ique horti Rostanni Bassæ, & Aenobarbi regiæ classi præfecti, eiúsq; sepulchrum iuxta littus situm, circum-clusum ædicula rotunda desinente in conuexum, tegulis plumbeis tectā ædiculam area quadrata circum-septa muris, platanis, & populis adumbrata: & ne ma-ris fluctus mortuum pyratam submergant, quem vi-uum submergere non potuerunt, cùm aliis saxis littus muniuerunt, tum duabus columnis marmoris Thebæi terræmotu collapsis, à quibus stantibus vicinus vicus proximus appellatus est Diplocion, constitutus in ma-ritima planicie, cuius plurima pars patet in latitudinē quadr

quadringentorum passuum, & amplius, cum insinuat-  
tur in duas valles, quarum una diffunditur in planitem  
septingentis passibus longiorem, hortis collucentem,  
fontibusq; perennibus utrinque collinis vineis, & agris  
frumentariis cinctam, in qua est vicus Diplocion, ubi  
olim fuisse Iasonium, aramq; Apollinis, & lucum pro-  
fundae laurus coniicio cum ex eo, quod situs hic locus  
est in littore longo ventis meridianis, occiduisque ex-  
posito, ut ait Dionysius, tum ex eius ordine narrandi  
ante dicta loca, & consequentia. Locum, ubi fuit ara  
Apollinis, & magnus lucus laurorum, vero proximum  
videtur eum fuisse, quem posteri appellaverunt Daphne,  
cuius meminit Stephanus. Daphne, inquit, insana, por-  
tus est iuxta os ponti, in dextro littore constitutus nau-  
gantibus ad pontum: in sinistro vero ascendentibus ad  
anaplu extat suburbium Daphne nuncupatum, quod  
etiam appellatur Sergium ex Procopio; aliisque scri-  
bentibus, anaplu esse ad promontorium Estias, hoc  
duntaxat assequimur, Daphnen suburbium esse inter  
Byzantium, & promontorium Estias, nulliusque scri-  
ptoris traditione proprius accedi potest ad cognitionem  
Daphne, quam ex his, que modo Stephani & Pro-  
copij attuli. At vero Dionysius ad ipsius notionem nos,  
aut quam proxime perdueit. Quispiam fortasse obii-  
ciet, in hoc sinistro latere fuisse ite Daphnen Medeæ,  
quam postea ex Dionysio ostendam fuisse inter locum  
nuncupatum senem marinum, & promontoriū Estias  
in valle, in qua etiam nunc visuntur rudera ædis De-  
metrianæ, dubiumque sibi atque controversum videri  
dicit, utra Daphne fuerit suburbium Byzantij. Mihi

vero proprius videtur Byzantios Daphnen, arámq; Apollinis coluisse & frequentasse, quām Daphnen Medeæ Pharmacidis. Cultus enim deorum loca incolis frequenta efficere solet. Ut enim Antiochia Daphnen suburbium frequentans effecit nobile & maximum ob cultum Apollinis daphnici: ita Byzantiū Daphnen, arámque Apollinis frequēti cultu effecit suburbium Daphnen in planicie Diplocationis ampla, culta, vrbique vicina, mitibus & vitiferis collibus cincta potius, quām in vallicula Demetriana angusta, vndique asperis collibus circunclusa, nondum exædificata, lōgē ab vrbe remotiori, quām Diplocationis planities, in qua potius, quām in valle Demetriana fuisse suburbū Daphnen. Præterea coniicio ex historia Euagrij narrantis Mamianum insignē senatorem in Daphne suburbio construxisse Antipharon è regione balnei publici, in quo statuta esset Ammianiæna statua. Antipharon appellatam arbitror, ex eo quod sita esset contra Pharum, quam Marcellinus dicit fuisse Byzantij in promontorio Chrysocera nuncupato, quod Dionysius appellat Bosporium. Illa si fuisset constituta in valle Demetriana, non vrbi aduersa fuisset, sed prorsus ab vrbe auersa longè posita extra conspectum vrbis impeditum intermedio colle excuso Clidio appellato, Agathium historicum suburbanum habuisse in vico Daphne concilere possumus ex eius Epigrammate inscripto in hortum maritimum:

Εἶχορ ἐποι οἰάφνης ἵστρὸς λεῖτας, ἐκεῖ τόντο  
κέμπλων, ἀγράντος λάτος ἐρμοσιών,  
Συθέμε γέροντος οἰγοβούσιδον, αἵ τ' ἐν τόντῳ

Νηρέαδον ξυλιών θύεσσαν σωματικόν.  
Αμφὶ τούτῳ γάρ μαρτυρεῖται, δίκαιος ἡ λαναροχάς τοι.  
Καὶ μὲν τῷρες αὐτοῦ πόδεσσι μέσορες ἔτηκεν οὐρανόν.

Si Agathij poëmata, quæ inscripsit Daphnica, naestus fuisset, scrutatus diligenter essem, num à suburbio Daphne daphnica sua poëmata appellauerit, ex hoc Apollinis luco tripodem illum factum fuisse verisimile videtur: cuius Sozomenus meminit. Cum tempore Valentis Imperatoris, inquit, Hellines quosdam in Philosophia præstantes habitos religionis Christianæ incrementa ægrè ferentes, scire studentes, quis Valenti successurus esset omnibus vaticinationibus exquisitus: denique tripodem ligneum ex lauro confecisse, & nominibus, & verbis, quibus soliti erant, peregitse, ut comprehensione literarum secundum unumquodque elementum sub machinatione tripodis & vaticinationis significantium demonstrarent nomen Regis. Cum autem ipsi inhiciarent Theodoro Hellenicæ religionis viro in aula regia præclaro, in re militari eximio, Theodori nominis literarum compositio accedens usque ad delta decepit Philosophos, ut quam mox Theodorum regnaturum sperarent. Etenim hoc facinore patetfacto, adeò Valens exacerbatus est, ut iussit comprehendi Theodorum & tripodis artifices, imperaritque illum quidem viuum exurendum, illos verò securi fieriendos esse; adeòque Valens effreni ira exarsit, ut etiam in eos, qui Philosophi non essent, sed simili veste, atque Philosophi veterentur, cædes processerit.

*De Rhodiorum portu, & de Archio loco.*

CAPUT .V.II.

**R**O S T Iasonium lucumque Apollinis, Dionysius anapulum continuans, ponit Rhodiorum Φρεσιβολη, ad quem rudentibus nauis alligabant Rhodij, metuentes maris tempestatem. Cuius ut idem scribit, tria saxa ad suam aetatem seruata extitisse dicit, reliqua permulta temporis vetustate cecidisse. Hunc Peribolon fuisse, ut existimem eo in loco, quem hac aetate pescatores nominant Rhodacinion, non modo nominis similitudo, sed etiam Dionysij ordo narrandi antecedentia & consequentia me adducit. Hoc enim proprium habet imperitum vulgus, ut nomina locorum, quae non intelligit, immutatione literarum in alia nomina aliquid sibi notum praesertim ridiculum deficiet. Dicax enim vulgus & ridiculum esse solet, praesertim Græculum, quod omnia nomina finire gaudent hac terminatione action, quam literatissim attenuare, & diminuere intencionem, vel actionem: ut Φωκας, Φωκιος, πατησ παδιος, vel παιδιος, vulgus Φωκαιος, παιδαιος: sic φοδιωρ νεδη detorsit in φοδαιον νεων. Hæc quidem nimium fortasse minutatim excussa, sed quae indicent magnam depravationem antiquorum nominum. Iam vero quod Rhodacinion appellat, nihil aliud est, quam saxum supra aquam eminens, ad alia saxa adnitens, olim ad portuosæ molis substructionem in vadum deiecta: distat quidem aliquot passus ab ora maris, at ab Aenobarbi sepulchro passus circiter sexcetos. Post Rhodiorum Peribolon Dionysius ponit Archium nūcupatum locum campestrem, agri bonitate præditum, & vitium aman-

amahtem; collibus cinctū circunsurgentibus, ad mare  
procidentibus: per medium eorum fluuius descēdit in  
maritimam oram mollem & profundam. Hunc inco-  
luit Archias Thasius Aristonymi filius: qui cùm in hoc  
loco vrbē condere pararet, à Chalcedonensibus prohi-  
bitus est, metuentibus exædificatum locum contra se  
forè. Archias illis, qui cùm eo solum vertissent, Aënon  
dedit habitandum, locoque nomen reliquit Archium.  
Archias Thasius etsi locum hunc terra marique præ-  
stantem delegerat, tamen quòd præterita sede Byzantij  
hunc locum elegisset, non minus cæcus fuit, quam  
Archias Mégarensis, quem Pomponius Mela scribit  
cōdidisse Chalcedoniām. Archium locum, esse vicum,  
quem nunc Græci Agion phocam appellant, situs præ  
se fert constitutus in maritima planicie vallis, in valli-  
culas amplius quinque diuisæ, patētis in longitudinem  
plus minus duobus millibus passuum: in latitudinem  
iuxta māre circiter sexcentorum: fertilis vitium & ce-  
rasorum, ab utroque latere collibus cincte procumber-  
tibus ad māre, per quam medianam defluit riuus alueo  
prope oram maris profundo, utrinque ingentibus saxis  
munito: is æstate etsi perennis non fluit, tamen eius gur-  
gites perennes restant. Bonitate terræ incolæ dicunt  
hanc vallem præstantiorem & fertiliorem valle Diplo-  
cionica, iuxta vicum nominatum Agion phocam, si-  
tum in illius vallis planicie, ora maris mediocriter si-  
nuosa portum efficit assiduis nauibus frequentem. Ora  
maritima inter Iasonium & Archium media passuum  
millibus amplius duobus in longitudinem patens ex-  
planata est, partim excisis imis cliuis collium impen-  
den

dentium, non in magnam quidem altitudinem elatorum: sed præcipitem & penè directam, partim obruto oppressoque mari à seruis Aenobarbi, qui breui tempore eam totam exædificarunt, portuosamque effecerunt usque ad marginem maris magnarum nauium capacem, perpetuaque ædificia, & continuos hortos substruxerunt in mari vadoſo, marisque partem intra substructiones intermisserunt, quæ portus vicem præstat, & piscinæ crebræ piscium frequentia multorum quotidie subeuntium, exeuntiumque.

*De sene marino, & parabolo, & de calamo, & Bythio.*

C A P V T I X.

**I** O N Y S I V S loca oræ Bosporicæ sinistræ prosequens, post Archium, inquit, promontorium eminet, in altitudinem præcipitem abrumpitur discedens ad mare, fluctus maris densos & violentos, quibus crebris verbatur, excipiens. In promontorij vertice senex marinus statutus est, quem alij aiunt Nereum, alij Phorcyn, alij Proteū, quidam patrem Semystræ, nonnulli indicem nauigationis, & demonstratorem Iasoni fuisse, ducemque angustiarum Bosporiarum. Quidam vates Latiades oraculum in somnio sibi visum dedit posteris colonis Megarensium, oportere sacrificare marino seni: itaque in hoc loco publicè colitur senex marinus. Hunc senem marinum statutum fuisse in promontorio, quod nonnulli Historici, atque etiamnum vulgus Græcorum appellant Clidion, assequor cum ordine Dionysianæ narrationis antecedentium locorum & consequentium, tum.

tum situ oræ maritimæ, quæ ab Archio loco quadrin-  
gentos passus usque ad Clidion progressa nullum pro-  
montorium, nullum littus habet, cui conueniat descri-  
ptio loci senis marini, quam promontorium Clidion:  
quod ut melius noscatur, subiiciam, quale nunc existit.  
Id præceps & præruptum usque ad mare excipit suo  
mucrone fluctus, iectusque maris adeò vehementer, ut  
hi postremò ab ipso repulsi, deferantur iuxta Asiam us-  
que ad Byzantium, littusque Europeum, non amplius  
excipiat fluctus Bospori descendentes per anfractus, sed  
à promontorio Clidio velut clave claudatur, & prote-  
gatur, nomen adepto ex eo, quod Byzatinis Bosporum  
claudere & finire videtur. Bospori enim aspectus ex vr-  
be Byzantio sursum versus iuxta littus Europeum na-  
uigatibus non patet ultra Clidion, cuius cliuus medius  
in altitudinem ducentorum passuum adeò pronus est,  
ut scandi non possit, nisi anfractibus in latitudinem pa-  
tens plus minus quadraginta passuum. Inde breui cer-  
uice lata sex passus dilatatur assurgens in altitudinem  
bis mille passuum, ab Aquilone cingitur planicie insi-  
nuata in vallem Demetrianam: ab altera parte cingi-  
tur vallè, in tantam edita altitudinem, in quantam ipsius  
promontorij iugum. Sed redeo ad Dionysij anaplu.  
» Marino, inquit, seni vicinus est Αγαλόη: is est iactus te-  
» merarius nuncupatus à pescatione temeraria, incertaq;  
» ob maris asperitatem inæqualem. Fluctus enim descen-  
» dens in littus asperum, pescationes efficit temerarias, pa-  
» rum voti cōpotes, & fere frustratorias. Deinde est Ca-  
» lamus, & Bythios: ille à Calamorum multitudine, hic  
» ab alta protectione promontoriorū circunsurgentium

nominatur, in ipso est laurtis Médeæ Oetæ filiæ, plana  
ta, ut fama est: huic parallelus est collis sensim superius,  
declinans ad mare, nominatus Bacca Isidis matris deo-  
rum. Ex his Dionysij verbis consequimur Parabolon,  
Calamum, Bythiam loca esse inter Clidion promon-  
torium, & promontorium claudens vallem Demetria-  
nam ab Aquilone. Hæc duo promontoria sinum effi-  
ciunt leniter inflexū, in quo insulæ, seu scopuli, seu syr-  
tes, quarum una est vadosa & sicca, arenosa, paulum  
eminens supra aquam, statio auium marinarū. In hunc  
sinum desinunt duæ valles, minor prima est, distans à  
finucrone Clidijs quingentos passus, in quo interuallo  
olím fuit Parabolos, nunc exædificatus est. Ultra valli-  
culam septingentis passibus cōficitis, incipit maior val-  
licula, habens contra se turrim vireti regij, in littore A-  
siatico sitam, nominatā Phylacē: desinit in medium  
sinus flexum, Demetriana nominata ab æde diui De-  
metrij sita in cliuo, ubi fons diuo Demetrio sacer, exi-  
lis quidem, sed perennis scaturit, ex alto specu concav-  
ato hominum opere, in valliculæ maritima plani-  
tie porrecta in passuum longitudinem circiter octin-  
gentorum, existūt etiam nunc pauci calami, olim mul-  
ti, à quibus locus nominatus fuit: deinde Bythias, à quo  
arbitror Bytharia, quorum meminit Euagrius, cùm ait  
Vitalianum usq; ad nominatas Sycas incursionem fe-  
cisse, contra quem in tentoriis versantem ad Sycas defi-  
xis Rex misit marinum Syruim. Congressi igitur ambo  
exercitus, ille à prora habens Sycas, hic Constantinopo-  
lim, primò se continebant, deinde post leues pugnās,  
inter duos exercitus prælium nauale cōmissum est circa

Bytha

Bytharia appellata. Fugit Vitalianus læsa prora, & magna parte exercitus amissa, reliqui fugerunt, ut nulli hostes reperiretur neq; in Anaplo, neq; circa urbem. Promontorium, quod ab Aquilone vallem Demetrianam claudit, saxeum eminet in mare, in quo olim Baccam Isidis fuisse puto. Id intus recedit, neq; impedit mutuos aspectus promontoriorum Clidij, Estiarumq; ultra hoc promontorium eminentiū, flexum admittentium amplius tria millia passuum circuitu littoreo complectentem, intra se in cludentem duos sinus, Demetrianum & Michaelium diuifos promontorio Bacchico.

*De vico Michaelio, & de promontorio appellato Estijs.*

C A P V T X.



PROMONTORIO iam dicto progressus sexcentos passus, perueni ad vicum Michaelium in maritima vallis planicie situm, lata iuxta mare quingentos passus, longa sexcentos: inde supra maritimam planicie vallis mille & quadringentos passus in altitudinem erigitur, tota validè angusta & procliis circunsurgentibus collibus usque ad fluuij ripas valde pronis, excepta semita humano opere facta. Summa dilatatur in campestrem planitem, ex qua nascitur fluuius æstate exilis, sed perennis, & qui omni anni tempore fistulae quincunciali sufficere posset. Per medium vallem delabitur ad vicum Michaelium, quem Græci hodie appellant Asomaton, ab æde olim nobili Michaelis Archangeli militis incorporei, quod Sozomenus Constantinum magnum tradit, extruxisse in Estiis aliquando nuncupatis, atq; ex eo, quod

ibi Michael Archangelus apparuisse creditur, locum dicit Michaelium appellatum esse iuxta medium fretum Bospori situm in dextro latere ex ponto nauigantibus Byzantium, distantem à Constantinopoli itinere marino stadia circiter triginta quinque, terrestri circuitu septuaginta: ora maritima ab ortu ad occasum præcurrrens, in qua dixi situm esse vicum Michaelium. Circuit sinum intimum valde portuosum vsq; ad marginem magnarum nauium capacem, quem colles vndique tuerunt ab omnibus ventis, excepto meridiano, quem frangunt cursus rapidè incitati cōtra Meridiem præcipitantes: locum quem Sozomenus appellat nunc Michaeliū, nunc Estias, Procopius appellat Anapolum. Duo, inquit, erant templa Michaeli Archangelo dicata, inter se opposita, Bospori freto diuisa, vnum in loco appellato Anaplo in sinistro littore nauigantibus ad pontum Euxinum, alterum in contrario littore, quod antiqui ῥρόδες nominarunt ex eo, existimo quia littus multum proiiciatur ex hac ora, nunc autem nominatur Βέρχοι, temporis lōgitudine, accolarum inscitia deprauante nomina. Hæc duo templa cùm vetustate temporis sacerdotes prospicerent ruinas editura, & metuerent eorum casu oppressum iri, à Iustiniano deprecaabantur instaurationem amborum ea forma, qua olim fuerat. Non enim vlla ædes sacra ædificari noua, vel exolescēs reædificari poterat, nisi ex pecunia regia non modò Byzantij, sed ne vquam quidem locorum Romanī imperij. Rex his motus, vtrunque à fundamentis demolitus est, quorum alterum in Anaplo reædificauit in hunc modum: Saxis iniectis oram illam circūplexus ad teg

ad tegendum portum, littus maris in forum transfor-  
mauit. In hoc loco mare quietum communicat appli-  
cationem nauigiis, quæ mercatoris ad saxa iniecta ap-  
pellentis merces ex transitis nauium in terram expo-  
nunt. Aula post maritimum forum ante templum sita  
est, qui illic spatiantur, marmorum decore letantur, &  
aspectu maris, fruuntur communibus auris excitatis tum  
ab impetu vndarum, tum ex collibus impendentibus.  
Porticus in orbem ambit templum, solum ab Oriente  
intermittens sacrū adytum, templum mille coloribus  
variatur, tectum in tholo sublime effertur. Quis pro di-  
gnitate huius operis enunciare posset elegates colum-  
nas, & totius ædificij structuram? quis marmorum ve-  
nustatē, quibus muri & sola vestita sunt? quis auri mul-  
titudinem immensam circa omne templum velut ipsi  
innatam fusam? Hoc igitur templum in Anaplo nuncupato in hunc modum Archangelo elaboratum est.  
In contrario littore paulum à mari distat locus natura  
quidem planus, compositione verò lapidum in altum  
effertur. Hic Archangelo cōstructum est templum de-  
core quidem excellēs, magnitudine verò primum. hæc  
ex Procopio addere volui, ex eo quod in æditis codici-  
bus Procopij non habentur tum necessaria futura ad  
declarationem contrarij littoris. Horum templorum  
etiam fundamentorum substructione effoderunt, vt ni-  
hil ex his iam supersit, nisi vt in oculis erutis fossæ &  
scrobes effoscarum substructionum. Hoc loco Proco-  
pius restriictius definit Anapolum, quam Dionysius, qui  
scripsit Bospori Anapolum esse totam nauigationem ab  
vrbe Byzantio ad pontum Euxinum. Similiter Stepha-

nus Anapolum ponit in dextro Bospori latere, cùm ait Chrysopolim esse prope Chalcedonē in Bithynia, Anapolum nauiganti in dextra: idem tamen aliis locis, siue Stephani comp̄diarius Hermolaus Grammaticus restringit Anapolum. Portus, inquit, mulierū est circa Phidaliā inter Anapolum & Olosthenium, vbi intelligit Anapolum esse aut ad promontorium Hermæum, aut apud Estias. Scholiā in Dionysium scriptorem orbis incerta tradunt fretum Bospori angustissimum inter Ciconium & Anapolum: verū vbi Ciconium sit, suo loco explicabimus. Sed ne quis decipiatur inscitia illius, qui in libros Sozomeni edidit Elenchos, dum Michaelium locum, quem Sozomenus dicit esse in locis quondam nominatis Estiis, enarrat esse Sostheniū procul inde remotum amplius duodeviginti stadiis. At Estias alio loco esse non posse, statim monstrabo quād ad promontorium, claudēs ab Aquilone Michaelium finum ex Polybio. A promontorio, inquit, Hermæo, quod infrà ostendam nunc appellari Neon castrum, decursu Bospori conuertitur in Asiam oram, inde rursus in Europam ad promontorium Estias. Qui norunt Bospori decursus deferri per anfractus alternos Asiae, Europæque, planè illi sciunt illos ex Neocastro deferri in promontorium Asiae, vbi molæ versantur, inde rursus conuerti in Europam ad promontorium, quo excipitur nominatum à Græcis Mega rheuma, cingens ab Aquilone vicum Michaelium. Quale autem sit Mega rheuma, & promontorium Estiae, Dionysius Byzantius apertius declarat. Post collem sensim supinum, inquit, promontorium protenditur multum, portum insinuās

crasso

» crasso præruptoque incursu boreales maris iectus pro-  
» pulsans. Ab occasu enim portum præbet sufficienti ma-  
» gnitudine, protectum à ventis: reliqua promotorij pars  
» excipit fluctuum vim multam, audacemque, & simi-  
» lem statuæ virili: nunc enim mare miscet & conuoluit  
» in orbem, nunc impetus vndarum in contrariam par-  
» tem impellit. Multas naues vidi onustas secundo vento  
» currentes retrocessisse fluctu oppugnante ventum: ur-  
» sus verò ad saxa promontorij reuertitur impetus vni-  
» darum, & ex refractione velut auulsus & separatus à pe-  
» lago contra pelagum ipse per se currens vrgetur: vnde  
» fit; vt nautæ necesse habeant iter pedibus conficientes,  
» funib[us] naues trahete, in quas fluxus multus incurſans,  
» nautas vi agit, & retrahit in contrariam partem, me-  
» tuisque & desperatio subit. Tanquam non iterum ten-  
» tandum sit, nonnunquam fluctibus cedentibus ad ipsa  
» saxa crepidinis littoreæ contendunt contra fluctus fir-  
» mantes remos ad cautes, & vim maris inhibent auxilio  
» continētis. Postea verò quām coloniæ deductores pro-  
» montoriū Bosporium prætergressi, viderunt magnam  
» multitudinem Barbarici exercitus tenere oram mari-  
» timam, in quam descendendū erat, occuparunt locum  
» nuncupatum Estias, vacuum à custodibus, & Barbaris  
» anteuerterunt. Fuit enim illis compendiaria nauigatio,  
» at Barbaris longus terræ circuitus ob sinu. Demon-  
» strantur autem quædam semiæ, impressiones in saxis  
» cancerorum marinorum pedestri itinere rapidissimum  
» fluxum prætereuntium. Hæc quidem Dionysius rectè  
» narrat. Vidi ipse ibi saxa attrita longo cancerorum ex-  
» cursu, ac si non vidissim, à vero remotum non existē-  
 massim,

massem, cancerorum forcipibus duris posse atteri saxa, cùm assiduo pedum attritu formicas excauare silices, viámque facere videamus. Quæ de cancerorum itinere terrestri Dionysius scribit, Aelianus confirmat, sed in qua Bospori parte id fiat, non explicat. In Thracio, inquit, Bosporo fluctus rapidi ex ponto deferuntur, & angustiis diffringuntur, ut cancros contra venientes facile cuertere possint: quod ipsum cancri præsentientes, postquam eò peruerterunt, singuli in sinuoso quodam loco se tenent, simul & reliquos expectant, deinde in eundem locum congregati, adrepentes per præcipites crepidines, in siccum ascendunt, & fluctuum vim euadunt, iter pedibus confidentes. Cùm autem hanc violentiam pedibus prætergressi sunt, rursus per crepidines in mare recurrent. Aduerte noui modò hoc promontorium Estias appellari, sed etiam magis propriè maritimam planitiem promontorio clausam, ubi vicus Michaelius, quem Sozomenus sitū esse dicit in Estiis nuncupatis, cui consentit Polybius, cùm antedictum promontorium appellat τὰ Ἀστία τὰς δύος ἀκρας λαλέμενα. quæ Perotus vertit promontoriū Estiæ: rectius vertisset promontorium circa Estias, aut Estiam, nisi hunc locum Estias in numero plurium appellarent Polybius, Sozomenus, Dionysius Byzantius. Ex cuius causis, quas affert, cur appellantur Estiæ, verisimilius videtur Colonæ deductores prætergressos promontorium Bosporium, cùm vidissent maximam multitudinem Barbaricæ exercitus tenere oram maritimam, ad quam descendere ipsi constituerant, classem appulisse in sinum subiectum sub planitiem viæ Michaelici, quam applicuisse.

cuisse ad ipsum promontorium importuosum. Ex antedictis iam manifestum est, promontorium Estias esse id, ad quod defertur fluctuum vehemens incursum, quem Græci huius ætatis μέγα βούνα propriè appellant: à maximo fluctu totius oræ Europeæ, qui etsi promontorio refringitur, longeque & valenter repellitur in contraria partem, sæpe autem repulsus, sæpius rursus impellitur, vrgeturque à contrauenientibus fluctibus, ut eorundem à fronte, à tergo, à lateribus repulsorum collutatio quedam vorticosa videatur, etiam nullis flantibus ventis, qui aliquo promontorio repercuti, atque in se volutati facere solent vortices non modò in terra, sed etiam in mari. Tamen hic tanta est decursus præcipitantis Bospori, ut rapido cursu semper deorsum secundum promontorium feratur, ut nauigantibus sursum versus partim sit in terram descendendum, nauisq; funibus trahenda: partim remis adnitendum ad saxeam maris oram. Neque modò Canceris iter pedibus suscipiendum, sed etiam vidi Hamiarum piscium impetu fluctuoso gaudientium celeritatem retardari: qui etsi hamos maximè internoscere solent, tamen nusquam minus hamorum insidias deprehendunt, quam hic fluctibus impediti: itaque frequentissimi ibidem capiuntur, reliquorumque piscium greges fluxu retardati pigrè ascendunt, ut interdum ex terra, lapide, aut bacillo, aut conto eos ex nauis ferias, ac capias: ac si tot, & tantas molas versare posset, quot moletrina collocari possent iuxta promotorij radices Orienti obiectas, tamen non collocantur, ne impediatur nauigatio. Nulla enim nauis silentibus ventis sursum nauigare potest, nisi ex.

terra funibus trahatur, aut valenti remigatione impellatur. Quale autem & quantum sit Estiacum promontorium, quod tantos fluctus efficit, profecto non in magnam aut altitudinem editum, aut latitudinem protensum, sed humili, non latius quadringentis passibus, neque trecentis excelsius, neque circuitu octo stadiorum patentius, duos sinus claudens, alterum à Meridie, alterum à Septentrionibus: illud ipsum dupli valle clausum, altera Michaelica, quæ multò longior, quam promontorium ipsum: altera tam longa, quam id longum existit. Ab eius radicibus Orienti obiectis in longitudinem minus quingentorum passuum protēsis cliui saxeī attolluntur in altitudinem plus minus ducendorum octoginta passuum: inde iugum planū non excedens quingentorum passuum longitudinem: in quo constituta sunt moletrina ventis versatilia. Reliquum promontorium totum vndique proclive est, excepta ceruice plana quidem, sed quaternorum passuum latitudinem non excedente, qua assurgit in excelsū collēm triplici cliuo depresso, in passuum altitudinē elatum circiter duum millium, clausum duabus vallibus, una desinente in sinum Michaelium, altera in sinum, in quo postea Dionysius ponit τὰς χαλᾶς. In collis summo vertice extat luculenta cisterna, lateritio opere facta, perennem optimāmque etiam nunc aquam continens in mediis subtractionibus antiqui ædificij dudum diruti, vnde videtur tota ferè Propontis, & Bosporus à Byzantio ad Daphnen insanam, non impediente excelso promontorio Hermæo, quo ille excelsior existit.

*De lacis*

*De locis nominatis Chelis.*

C A P. XI.

**D**E INDE adiungit Dionysius. A promontorio Estiaco flexus iam nauigationē quietam stabilēmque efficit. Post Estias sunt χελαι nuncupatæ à similitudine figuræ: harum quidem alteræ breuiores, alteræ maiores, ambæ verò portus existunt: apud ipsas templū est Diana dictymæ. Hoc loco Dionysius scalas, siue molis brachia appellat chelas à similitudine forcipum siue brachiorum, quibus portuum moles scalæque similes esse solent, siue sint rates in mare proiectæ, siue saxa in vadum abiecta, ponticorum vicem præstantia, quæ Hellines à figuræ similitudine Chelas propriè appellarūt, posteri Græci Bathra, Latini Scalas, seu gradus nominarunt ab vsu potius quām à similitudine scalarum nauticarum. Hæ ab scandendo dictæ, nihil aliud sunt, quām trabes latæ inclinatae, in gradusq; exasperatae, illæ verò planæ collocantur, & piano pede adeuntur. Sed tamen ex illis ad naues, quia velut gradus iacit, ideo iamdudum inuetata consuetudine etiam scalæ nominantur, depravatè quidem. Nam primùm χελαι, deinde χελαι à Græcis iam ignorantibus, quid significant χελæ, deinde vulgi consuetudine, quæ literas depravare solet, scalæ: ut iam Græcorum vulgus ignoret, quid sibi velint χελæ, quid βάθρα, sed duntaxat nouit scalas. Quām autem celebres olim essent hæ Chelæ, declarant pescatores, qui ex tot oræ Bosporicæ nominibus vix paucula quædam retinentes, medium sinus fluxum Estiaco & Hermæo promontoriis clausum etiam nunc appellant chalas, quasi χελæs, cùm tamen in hoc sinu nulla portus bra-

chia, nullæ scalæ sunt publicæ, nisi breues paucis trahibus compactæ, parum in altum proiectæ, & quæ excipere duntaxat possunt parua nauigia, quibus Rex, Regisque olitores descendere solent in hortos proximos fontibus perennibus irriguos, virentes syluis cypressorum, plantisq; fructiferis, sitos partim in ima vallis planicie desinente in medium sinus flexum, partim in eius cliuis eminentibus supra sinum circuitu terrestri ter mille & septingentos passus complectentem, è quibus mille & quadringentos occupant regij horti, maritimam oram attigentes. Scalæ aut molis brachia hîc constituta non fuerunt ad protegendam portam à ventis, nam vtrinque excelsis montibus clauditur, emit tentibus quidem ex feso, quinque valliculas in sinum valde pronas, & minimè montis dorsum penetrantes. Sed quòd sinus intimus vadosus sit, ideo χαλαι astractæ sunt, vt è nauibus in alto stantibus pateret descensus ad templum Dianæ dictymæ situm in medio sinus flexu: nam descendendi alia, quæ causa fuisset, nisi templum Dianæ dictymæ, quod piscosi Bospori permulti pisca-tores frequentabant, hac quotidie sursum deorsumque transeuntes. Non enim, vt quidam existimarunt venatorum Solis retibus, sed etiam pisca-torū Diana præst. Non enim video, cur si solis venatoribus dictyma faueret, Byzantij illi veteres non ignari, vnde Diana dictyma appellata esset, eius templum secundum littus remotum à venatione posuissent.

*De pro*

*De promontorio Hermæo, & rapido cursu Bospori: de Pyrrhia Cyone: de Bospori summis angustijs: de ponte Darij.*

C A P. XII.

**M**ONS diuidens duos sinus Chelarum & Phidaliæ clausus non modò his sinibus, sed etiā duabus longis vallibus in hos sinus desinenteribus, supra cæteros oræ Bosporicæ montes ex Europa in Asiam longè prominet, & promotorium velut mucronem procul in Bosporum proiicit, vt Bospori fretum cogat in summas angustias, vt radices maritimæ usque ad littus pronas propaget in longitudinem excedentē ter mille & quadragecentos passus, cùm eius ceruix interiecta inter summas valles, quibus ipse cingitur, latior non sit septingentis passibus, eiusdem latus meridianum claudens sinum Chelium, mari quieto alluitur: orientale vero tertio anfractu ex septem decursibus fluctuum, quos ante dixi facere Bosporū, cùm totum ferè inquietum, tum maximè duobus locis, primò medium latus orientale transuerso impetu circumsonante percutitur: deinde ad eiusdem lateris finem secundum arcem oppositam arci Asiae appellatā Neon castrum, in promontorij mucrone non amplius transuersus fertur, sed rectus præcipitat rapido impetu, vt naves sursum nauigantes iuxta marginem oræ procedere cogat, & mordaciter vrgeat, vt ruffus ille canis, à quo Byzantini locum hunc nominarunt Pyrrhiam Cyonē, quasi malitiosum canem. Laus enim comæ apud antiquos erat ruffus color, sed Comœdia postea hunc in malam partem vertit, vt iam apud comicos Pyrrhiæ & Xanthiæ appellantur serui malitiosi. Post, inquit Dio-

nysius, Diana dictymæ ædem turbulentæ est, & vche-  
menter contento fluxu commota nauigatio. Loçus au-  
tem dicitur Pyrrhias Cyon, vt mihi videtur, à similitu-  
dine, quam habet mare hoc cum cane. Vt verò pluri-  
morum obtinet sermo à cane pastoritio littus hoc cir-  
cumcursante latrantéq; eos, qui violentia fluctus iuxta  
marginem littoris nauigare haberent necesse: Ibi quo-  
que meatus freti arctissimus, dirimens duas continen-  
tes. Ibidem etiam dicitur fuisse Darij transitus. Hinc  
enim Androcles Samius pontem iunxit in Bosphoro.  
Hic locus cùm alia præbet historiæ monumenta, tum  
sellam in petra excisam, in hac enim aiunt sedentē Da-  
rium spectatorem fuisse pōtis, & transeuntis exercitus:  
quam Dionysius θέρον, Herodotus τρεσσόλαρη appellat.  
Omne saxum mouisse, quo sellam Darij inuenirem,  
nisi arcis custodes non modò pedibus iter faciētes, sed  
etiam nauigantes scrutarentur, perennique vigilia hoc  
littus circumcursarent serui Pyrrhiæ acerbiores, non  
modò canibus Pyrrhiis, sed etiam odiosiores Pyrrhæis  
hominibus, de quibus olim perulgatum est prouer-  
bium, si quid mali contingere, deprecabātur Pyrrhæis  
odio omnium vicinorū execrabilibus. Sella Darij iam  
non extat excisis saxis in ædificationes, aut oppressis ia-  
cto fundamento arcis totum littus occupantis, quò Da-  
rij pons pertingebat. Herodotus non meminit sellæ Da-  
rianæ in Bosphoro excisæ, sed in Hellespōto scribit Xer-  
xi præparatam fuisse: qui postquam in media Abydo  
fuit, videre voluit omnem exercitum. Erat enī illuc in  
cliuo solium prius factum ei aptum ex albo lapide. Id  
enī fecerant Abydeni Regio mandato, in quo Rex  
sedens

sedens spectauit exercitum, & classem. Verisimile est Darium sedentem in solio, spectasse exercitum transiuntem, cum more Persico reges Persarum delectati sint conspectu exercitus sui, ut Xerxes Darij filius pugnam etiam naualem commissam ad Salaminem spectauerit etiam sedens. Ex Aeschyllo, qui in tragœdia nuncupata Persis, sic ait:

Ἐσφῆς οὐκ ἀνώμωξε Λακῶν δρᾶν θάλαττον.  
Ἐθέρη γαρ εἶχε ταῖς ὁσιός θυσεῦν σφαῖραν.  
Ἄνθηλὸν δὲθόμενον αὐγής αἰλαύνει.

Itēmque hac in re verisimile est, imitatum fuisse Xerxem patris Darij rationē, præsertim cum Darius Mandroclēm haberet Darianæ gloriæ studiosum, quem est vero proximum, in cliuo eminente supra pontem excidisse solium, cum is ponte confecto à Dario magnis præmiis affectus, ad viuum depinxerit totum pontem Bospori, & Regem Darium in regio solio sedentem: eiusque exercitum transiuntem, eaque depicta in Heræo, hoc est templo Iunonis, cum hac inscriptione suspenderit, & dicauerit:

Βόσπορον ἰχθυόγνητα γεφυρώσας ἀνέθηκε.  
Μανθοκλέους ἡρῷ μυκητόσωμον χεδίνει.  
Ἄνθροι μὲν σέφανοι πολεύεις Αρμίσιοι ἐν θάλαττον.  
Δαρέας Βασιλῆς ἐκτελέσας οὐδὲ νεψη.

In editō Herodoti Codice μανθοκλέους legitur: in quodam manuscripto αὐθοκλέους nomen Græcis usitatū est & nobile, illud ignobile, & prorsus pastoritiū. Quo loco fuerit θράσος, cui hæc dicarit Androcles, non explicat Herodotus, an id esset iuxta Bosporum, an illud, quod inter Chalcedonem, & promontorium nuincupatum.

patum. Acritas ponit Menippus in periplo Bithyniæ: an cùm Samius esset Androcles in loco Thraciæ appellato ἄρσεν à Samiis habitato, an in templo Iunonis Samiæ, quod illustre Samos Insula habebat, eam picturam suspenderit. Quod si ἄρσεν fuit in loco, vbi Darius pótē iunxit, vt verisimile videtur, miror Herodotum, cùm ait: Locus Bospori, quem pótē iunxit Rex Darius, mihi, inquit, coniectanti videtur medius inter Byzantium & fanum in ore ponti situm, cur non locum nominauerit ἄρσεν. Neque Dionysius Byzatius meminit, cùm cæterorum templorum iuxta Bosporum sitorum meminerit: at neque Hermæi meminit, cùm ex Polybio Hermæum alibi esse non possit, quām vbi est Pyrætias Cyon. Hermæū Europæ, inquit Polybius, in promontorij eminentia quadam, iuxta os ponti, inter Byzantium & fanum situm, distat ab Asia quinq; stadia, secundum locum strictissimum totius oris pontici, qua aiunt Darium ponte Europam iunxisse Asiæ, cùm trāfiret contra Scythes. Censerem in Polybio legendum ἄρσεν, potiusquām ἄρματα, nisi omnes codices Polybij, quos mihi videre contigit, haberent ἄρματα. Cur verò ita appellatum, nemo scribit, an à templo Mercurij, an à lapidibus quadrangulis Hermæis nuncupatis, quales esse potuerunt stelæ, quas marmoris albi Darius in hoc loco posuit, in vna incidens literas Assyrias, in altera Græcas. Itaque rectè potuissest Herodotus Darij stelas appellare Hermas: vt Aeschines nominat Hermas honoris causa excitatos cum inscripta laude alicuius. Sic enim ait Aeschines contra Ctesiphontem. Dedit populus Atheniensis,

nensis eis honores magnos, tres lapideos hermas statutos in porticu Hermorum, atq; in singulis inscripsit laudem illorum: deinde narrat, quid inscriptum in primo Hermorum, quid in secundo, quid in tertio, denique omnes stelas lapideas, omnes cippos Hermas appellare possumus. Tzetzes nobilis Grammaticus, & qui exactius omnibus Historicis, Geographisq; se Bosporum scire gloriatur, hunc locum non appellat Hermaeum, sed Heraeum: cum ait, Mandrocles Samius architectus, Bosporum Hellespontium nauibus iunxit siue circa Damalim, siue circa Heraeum, idque Herodotum scribere afferit. Equidem fateor Herodotum scribere, ut Androcles, quæ pinxit de ponte, & Dario, eiusque exercitu, ea suspenderit ad Heraeum: sed in quo loco id fuerit, Herodotum declarare nego. Veruntamen non absurdè, ut Tertzem puto coniectasse, Heraeum fuisse circa locum, vbi Darius pontem iunxit. ita absurdissime ambiguum ponit locum, vbi pons iunctus est, esse siue circa Heraeum, siue circa Damalim. Qui si existimasset, ut existimare debebat Herodoti verum, & diligentem Geographum fuisse: si Herodoti historiam, quam citat, perpendisset, nunquam Bosporum appellasset Helleponitiū, non confudisset tria maria, quæ Herodotus tribus nominibus diuidit in Bosporū, Propontidem, Hellespontum, nunquam scripisset Darij pōtem iunctum fuisse circa Damalim. Damalis enim, siue Bos, locus ex his, quæ antea attuli, & postea afferā, fuit in promontorio Scutarico septem stadia distante ab urbe Byzantio, vbi si pons iunctus fuisset, alterum pontis caput aut attigisset Byzantium, aut littus, ultra

Pérām situm , vbi Bosporus octo stadiis latior est. At ex multis scriptoribus scire poterat , Darij pontem fuisse in angustiis quinque stadiorum , Herodotumque animaduértere poterat , cùm ait: locus , vbi Darius pontem iunxit , mihi coniectanti videtur medius inter Byzantium & fānum. Vbi rectè scribit Herodotus , qui non vt Tzetzes se scire gloriatur , sed simpliciter dicit se coniicere: vbi reuera medius non est , si Herodotus μέση intelligit in duas æquas partes diuisum. Nam cùm Bosporus sit longus centum viginti stadia , oporteret locū , vbi pons iunctus est , distare Byzantio sexaginta stadia , cùm non distet amplius quadraginta quinque stadiis , vt non mihi soli videtur , sed etiam Straboni , qui ab angustiis usq; ad Byzantium numerat quadraginta quinque stadia : cui accedit Sozomenus , inquiens , Estias distare à Constantinopoli triginta quinque stadia . Ab Estiis ad promontorium Hermæum coniicio rectam nauigationem plus minus esse decem stadiorum : sed Sozomenus non rectè Estias dicit esse in medio Bospori freto . Iam ex antedictis deprehenduntur etiam illustres literarum monumentis , imperiti fuisse Bospori , in quorum numerum redigere possem Eustathium cum aliis locis , tum eò quòd nusquam locum , vbi pontem Darius iunxit , nominare audet , cùm illi opportunitas frequens data fuerit , præsertim vbi ait Thracium Bosporum Darium iunxisse προς ταῦτα οὐδὲν σόμα : qui si intellegit sacrum os , vt alij plerique , partem Bospori inter duo fana sitam , longè errat : sin Bosporum totum , profectò præ se fert ignorare nomen loci , vbi pons iunctus fuit . Nam quid attinebat addere circa alicubi sacrum os , po

os, potius quam circa Hermæum promontorium, ut Polybius clare dicit? Præterea alia eius loca, vbi prope modum necessitas eum adducebat, ut nominaret Hermæum; p̄ assertim vbi disputat, quæ pars Bospori existimat sit strictissima, alios ait existimare, vbi sunt angustiae circa Anapolum nuncupatum, neque declarat, in quo loco sit Anapulus, cum explicare debuisset se intelligere Anapolum circa Hermæum, aut Estias. Quod si illius sunt etiam scholia in Dionysium, quæ vidi antiquis literis scripta tradentia totius Bospori fretum angustissimum esse inter Anapolum & Ciconium, magno beneficio nos affecisset, si nobis explicuisset, vbi Ciconium, vbi Anapulus: quod vtrinque cum sit aut ad Estias, aut ad Hermæum, cur abstinet ab eruditis antiquisque nominibus? Nam Iornandi homini Gottho ignoscere tolerabili scriptori rerum Gothicarum, in quibus tradit Darium nauibus à Chalcedonia ad Byzantium tabulatis petiisse Thraciam. Iornandes Bosporum non viserat, at Tzetzes & Eustathius totam fere vitam vixerunt apud Bosporum. Laonicus Chalcondylus in historia, quam scripsit de bellis Ottomanorum regum, arcem in Hermæo promontorio sitam, quæ nunc à Græcis appellatur Neon castrum, id est noua arx, ut propriè nominat λαυκονοτίλη, quasi Bospori fauces frangentem, ita non recte eam dicit sitam esse in Propontide, cum ex iam dictis constet, illam esse iuxta medium Bosporum, sed ut à quo, & quando hæc arx constructa sit, & qua ratione, ipsum Laonicum audiamus. Ineunte, inquit, vere Mechmetes Amurati filius in Europa iuxta Propontidem, vbi ex Asia angustissimus Bospori traie-

ctus est in Europam, ædificauit oppidulum Læmocopien appellatum, hūcque Asianis Europeisque coactis, & partibus huius oppiduli tributim ædificandis datis, celeriter opus confecit. Id autem effecit, ut sibi tutus vltro citrōque traiectus esset, & vt ne occidentales homines triremibus se à transitu prohibere possent, résque in Asia innouare, magno etiam usui hanc arcem fore sibi in obsidionem Byzantij prospiciebat. Aedificauit autem turres treis maximas omnium, quas vidimus, duas quidem versus continentem, tertiam versus mare, eásque plumbo texit. Muri quidem latitudo crassa est viginti duos pedes: turrium verò crassior triginta pedibus. Post autem quam in hunc modum spatio trimestri hanc arcem ædificauit, statim excurrit solum hostium. Ineunte hyeme Turachanem misit in Peloponnesum, iterumque ineunte vere Mechmetes exercitum duxit in obsidionem Byzantij, quem traiecit angustias freti, vbi prius in Propontide arcem ædificauerat Læmocopien, quam in hunc diem Turicum præsidium vigilanter tuetur. A solis Turcis hæc incolitur. Turribus eius utuntur pro carceribus ad tuendos principes viros Christianos in bello captos. Extra arcem secundum littus ædificia continuantur in longitudinem circiter quatuor stadiorum, habitata similiter à solis Turcis, vbi ædes Mamethanæ religionis, & balnea publica, & aquæ salientes subterraneo opere adductæ. Iam ex antè scriptis liquet, pontem Darij fuisse in angustiis Bospori iuxta Pyrrhiam Cyonem, Hermæumque promontorium, sed in qua parte angustiarum, coniecturæ relinquitur eius, qui cum iudicio vidit Bosporū. Nam

inter

interuallum angustiarum ab Europa in Asiam obdu-  
ctum transuersum patet circiter quinque stadia: at sur-  
sum versus secundum decursus Bospori in longitudi-  
nem circiter trium stadiorum directum. Diuersus est  
defluxus Bospori. alicubi enim rapidior, alicubi sedat-  
tior in primo stadio pertinente sursum strictiore est, &  
sedatior: at in aliis duobus stadiis rapidior & vortico-  
sior. A porta enim Neocastri ad finientem latus ori-  
entale angulum, quo promontorium Hermæum abdu-  
citur in occasum ad sinum Cheleum, fluxus rapidus est  
& vorticosis, & minus angustus traiectus. Itaque Man-  
drocles nobilis architectus euitare debuit vortices, &  
rapidum fluxum. Ultra igitur Neocastri portam pons  
iunctus fuit, non recta via à castro Hermeo procedens  
ad castrum Asiæ, sed obliqua paulò supra castrum ad  
locum, quem iam Græci appellant Cormum, corruptè  
quasi Ciconium, quod ex Anaplo Dionysij post ostendam,  
eo loco fuisse, quem nunc appellant Cormū. Da-  
rij pontem quanuis Herodotus non aliter describit,  
quam duntaxat nauibus iunctum fuisse: tamen talem,  
qualem postea Xerxes Darij filius in fauibus Helle-  
sponti iunxit. Verisimile enim est filium secutum pa-  
tris architectos, tum ratio suadet melius fieri non po-  
tuisse à Dario, quam aut à Xerxe in Helleponti angu-  
stiis, aut à Romanis in Rheno, Eufratéque & Tigri: fe-  
cerunt hunc ferme in modum. Naves planæ à littore  
ad littus contrarium, certum interuallum distantes, in-  
ter se disponuntur, quarū proræ contra decursum con-  
fluentis directæ stabiliuntur ancoris, aut aceruis lapi-  
dum, virga aut ramo circumtorto circunclusis, in va-

dum deiectis, ex prora appensis. Supra naues trabes transuersæ immittuntur nauigia colligantes & stabiliuentes, partim inter se, ne collidantur, partim ut axes sustineant transitū præbituras: præterea duo validi funes, aut ferreæ catenæ sublimes supra nauigia ex utroque latere suspensa, una paulò supra proram, altera infra puppim succulis contentæ in littore defixis stabiliunt naues, atq; tacenti contra ventos: à tergo, à fronte, à lateribus trabes transuersæ positæ defendunt. His præscitis facilius intelligetur dubia & perplexa Herodoti descriptio, cùm ait Xerxem, ubi primus pons, qui nauibus iunctus fuerat in Hellesponto, dissolutus fuit, indignatum trecenta verbera mari inflixisse, duóque vincula ferrearum pedicarum inieciisse in mare, ut id tanquam seruum constringeret, & pro uno ponte, duos pontes ex trecentis circiter nauibus fieri iussisse, ancorisque firmari, ut immotæ manerent, atque à continenti ad contrariam continentem validis, simos funes contendisse vnguibus ligneis, hoc est, quasi succulis. Equidem ipse primum pontem puto non ancoris, sed lapidum aceruis, non catenis, sed funibus stabilitum, tempestatibus dissolutum fuisse. Itaque Xerxem duos pontes postea fecisse trecentis circiter nauibus, totidemque ancoris ferreis, duplicitique catena ferrea stabiliisse. Hocque Græcos poëtas Xerxis hostes, quibus Herodotus interdum seduci solet, designasse, cùm tragicè exagerrantes traiectum Xerxis, dicunt Xerxem dissoluto primo ponte trecenta verbera Hellesponto inflixisse, hoc est proiectione trecentarum ancorarum Hellespontum tanquam iactu percussisse, & duo vincula ferrearum pendica-

dicarum inieciſſe, id eſt dupliſem catenam, vt apud op-  
pidum nuncupatum Zeugma ex eo, quod nauibus ibi  
pons iunctus diuturnus permāſerit dupliſi catena cor-  
roboratus ferrea, quam ab ætate Alexandri ad ſuam æ-  
tatem Plinius tradit extiſſe apud Eufratē in vrbe ap-  
pellata Zeugmate, qua Alexander magnus ibi pontem  
vinxerat, cuius annulos, qui reſecti fuifſent, ait rubige-  
ne infestatos fuifſe, carētibus ea prioribus. Cūm ex me-  
dia per Mesopotamiam iter faceremus ad Syriacam  
Beroam, quam nunc vocant Calep, in arce Byrana ſita  
in Mesopotamia iuxta Euphratē, inter Zeugma etiam-  
num appellatum, & Hierapolim extabat ferrea cate-  
na, eam antiquiſſimam eſſe dicebant, quæ cūm tot ſe-  
cula illęſa permansiſſet, paulò poſt, quām hāc exercitus  
traiectus eſt, diſſoluta eſt. Alij dicebāt, metu Persarum,  
alij auaritia, ferrique attriti vetuſtatē: quo attritiſſimo,  
opera quę dicuntur damascena fieri ſolent, Turcorum  
Satrapas adductos, catenā hanc diſſoluifſe. Quę, vtrum  
eſſet illa, quam Plinius commemorat, ſcire non potui,  
peruetuſtam certè coniectauī ex annulo vno, quem vi-  
di Beroęe vetuſtiſſinam quidem, ſed penè totum rubi-  
gine carentem. Miror Pomp. Melam exaggerātem mi-  
rum, atque ingēs facinus, Xerxem ex Asia in Græciam  
peditem maria transgreſſum fuifſe, Ciceronēque in  
immensum Xerxis traiectum extollentem. Xerxes, in-  
quit, maria ambulauit, terrāmque nauigauit. Idem alio  
loco: Maria pedibus peragrauit, classibus montes. Cūm  
mare Adriaticum tempeſtuſum intercedens inter Hy-  
drontum, & Apolloniam amplius ſexagenis millibus  
paſſuum latiore Helleſponto pedestri continuare exer-  
citū:

citu:pontibus iactis primùm Pyrrhus Epiri Rex cogitauerit: Post eum M. Varro cùm classibus Pompei piratico bello præcesset; sed vtrunque aliæ impediuerentur. Rex Turcorum quoties exercitu traiicit in Asiam, paucis diebus posset Bosporū nauibus cōsternere ponte superimposito, totumque exercitum breui tempore traiiceret, sed vtriusque Continentis dominus multos dies consumere potest in exercitu transportando, quē paucis nauibus triremium similitudinem gerentibus latissimum traiicit ita accommodatis, ut plano pede in nauem, velut in pontem ex littore ingrediantur equi.

*Ἐπὶ τῷ λαύρῳ γούδῳ: de petra Phidalia, & portu mulierum, & de loco Cyparode.*

C A P V T   X I I I .

**P**osuit Pyrrham Cyonem Dionysius ponit promontorij in directam altitudinem editi oram maritimam sursum nauigantibus arduam & difficilem præteruectis, ob violen- tum coitum vtriusque Continentis repugnantem angustè præterfluenti Bosporo. Fluctus enim ebullit effervescente continuis vorticibus non minus, quam labes igne subdito effervescente, flammæque excessu ebullire, æstuosoque sonitu strepere solet. Itaque ora hæc à natura sua nominata est γούδης, hoc est fluctuosa. Ex his Dionysij verbis, tum maximè ex locis antecedentibus, & consequētibus cognosco eam oram esse, quam Græci nunc vulgo appellant φωνηα corruptè, quasi φωνηα, à vociferante sono fluctuum, qui ex contrario littore Asiatico reiecti, magno impetu in medium incur- runt,

runt, latus vergens ad Solis ortum promontorij Hermæ intumescentis in multos tumulos: quorum medio ex latere tumulus impendens in oram maritimam nun cupatam φύμα, præcipitibus, & directis rupibus propendet, usque ad littus, excepta via in rupe humano opere excavata, explanataq; Locus dictus Phonema paſsus paulo amplius mille, totos ferè exædificatos suburbanis ædificiis Læmocopiæ, distat à mucrone promontorij Hermæ: totidem abest à sinu Phidaliæ, & portu mulierum: quem ubi statim ostenderimus illum esse, nunc à Græcis appellatum Sarantocopam, sine villa dubitatione assequemur promontorium ἥσθαι aliud esse non posse, quam Phonema, cum inter Pyrrhiam Cyonem, & sinum Phidaliæ ad nullam maritimam oram tantopere fluctus resonent, quam ad medium Hermæ promontorij latus: quod et si à medio usque ad finem sui mucronis decursu Bospori incitato alluitur: nulla tamen promontorij pars tam apertis oculis, quam media percipitur circumsonare murmure circumfluenti. Ab hac enim parte fluctus refracti resonant, partimq; reuoluuntur, partim iuxta littus deorsum rapidi præcipitant, ut nautæ sursum nauigantes necesse habeant nauem remorum contentione impellere, & ne deorsum retrocedant, contorum firmitudine ad littoris crepidinem adniti hunc fluxum, quæ Dionysius tradit in medium promontorij laius effervescente. Polybius dicit in finem lateris ad frontem Hermæ promontorij incurrire: cum aut secundum alia loca decursum Bospori similem esse ob similitudinem locorum, virinque Bosporum cingentium. Cum autem incurrit in Europæ

Hermæum promontorium, vbi ostium ponti angustissimum non patet amplius quinque stadiis, vbi Darius ponto nauibus iuncto Bosporum transiuit, tum defluxus in angustias coactus, velut plaga accepta à promontorio Hermæo se vertit ad contraria Asiac loca, at plaga non accipit ab ea promotorij parte, ad quam Darij pons iunctus fuit, vbi duntaxat rapidus defertur secundum littus: sed longè amplius mille passibus à medio promotorij latere. At ferendus Polybius, ut communis historicus geographicè res ipsas describens communiter intelligit totum decum suum Bospori à medio latere ad finem usque, quem Dionysius topographicè & propriè distinguit in duos vehementes defluxus: unum appellat οὐρανὸν διώρυον: alterum Pyrrhiam Cyonem. Deinde, inquit Dionysius, promontorium prætergresso occurrit Petra à natura, non ab hominum manu facta, colore albo, alarum similitudinē aquilæ præ se gerens, & tanquam plantam pedis extedens, atque in altera in partem contrahens velut ludicum quiddam naturæ omnia imitantis, nominatur Phidalia, quam nescias, dicere ne debeas Insulam, an Continetem: illam quidem ob naturam, hanc vero ob vicinitatem. Quidam aiunt appellatam esse φαιδρίαν, ex eo, quod primùm in ea piscatio appareat: alij dicunt filiam Barbyssæ fuisse. Cùm autem complexu venereo se miscuisse cum Byzante, commotam verecundia stupri, & metu patris, se in mare proiecisse, atq; periisse. Neptunum autem progenitorem cùm misericordia adductum, tum benevolentia sui generis, continentis magnam partem abrupsisse, eamque in profundo defixisse, ac firmasse, posterrisque Insulam habitam fuisse sepulchrum Phidaliæ.

„ Sinus ab Oriente interius recedit profundus, & satis ca-  
„ pax, breui Continentis circuitu conclusus. In medium  
„ sinum descendit *χειμάρρος*. is est riuus hybernus: nam sum-  
„ ma æstate deficit. In hoc sinu est portus mulierum no-  
„ minatus, siue ex eo, quòd nihil offenditur neque à ma-  
„ ri, neque à Continenti. Non enim minus à fluctibus ma-  
„ ris tutus est, quam à vehementibus ventis, terra prote-  
„ ctus: siue ex eo ita appellatus est, quòd absentibus viris  
„ magnam multitudinem piscium hunc portum ingres-  
„ sam mulieres ceperunt. Hæc quidem Dionysius. Ste-  
phanus verò vrbium scriptor aliam rationem ad fert,  
cur Phidalia, & portus mulierum appelletur. Circa, in-  
quit, nominatam Phidaliam mulierum portus est in-  
ter Anapolum & Leosthenium, vbi dicunt Phidaliam  
vxorem Byzantis, vna cum mulieribus usque ad hunc  
locum eos, qui cum Stræbo fratre Byzantis ciuibus vi-  
ris absentibus urbem inuasissent, infecutam fuisse, ac  
viciose, indeque portum mulierum nominatum fuisse  
Suidas scribit, cùm in palatio Heraclius versaretur, ap-  
pellato Heræo, præfectusque exercitum collegisset, &  
nauigiis pontem in freti angustiis iunxit, ad littora  
sinus Phidaliæ traiecit, & per pontem Barbyssæ ad ur-  
bem accessit: præter hos nemo meminit portus mulie-  
rum, nisi Plinius. Sed ex tot portibus Bospori percipere  
ex Plinio non poteram, neq; planè ex Stephano, quan-  
uis tradente illūm esse inter Leosthenium & Anapolum,  
qui cùm non doceat, vbi Leostheniū, vbi Anapolum, du-  
bium mihi relinquebatur, quis in tam portuoso, tam  
sinuoso Bosporo esset portus mulierum, nisi tandem  
incidissem in Dionysij Anaplū, ex quo asscutus por-

tum mulierum esse inter Pyrrhiam Cyonē & Leosthe-  
nium, quem post ostendam eum esse, quem iam Græci  
appellant Sothenium, sine vlla dubitatione assero si-  
num Phidaliæ, & portum mulierum, illum esse, quem  
Græci nostræ ætatis appellant Sarantacopam, cùm in-  
ter Pyrrhiam Chionem, & Leosthenium nullus sinus  
intercedat, in quem fluuius descendat, nisi Sarantoco-  
peus ita nuncupatus à pôte ligneo, quadraginta subli-  
cis velut pilis sustentato, passus circiter trecentos lon-  
go, quo paludes transeuntur kannis plenæ. Hic sinus  
portuosior & profundior à Septentrione est, quām à  
Meridie, procedit ab ortu ad occasum, illius recessus  
interior paulò amplius octingentos passus circuitu lit-  
toreo complectitur. Definit in paludes kannis plenas,  
in quas medias descendit fluuius ex valle, quæ à medio  
sinus flexu pergit ad occasum, vtrique continetur ar-  
duis collibus vitiferis, & pomiferis: paulò supra palu-  
des in duas scinditur valles, rectam & obliquam, vtran-  
que in multas insinuatam valliculas, omnes refertas vi-  
tibus & cerasis. Ex recta valle riuus descendit perennis  
spatio millium circiter trium & quingentorum pas-  
suum: deinde assumpcio exiguo riuulo, sed perenni de-  
fluente ex obliqua valle ad dextram manum sita, de-  
fluit in paludes paruus quidem, sed tamen gurgites ha-  
bet omni anni tempore piscoſos, & fluit perennis etiam  
summa æstate, contra quām tradit Dionysius, qui pro-  
fectò hunc perennem dixisset, si tam diligenter eum  
perscrutatus fuisset, quām alios non perenniores, neq;  
maiores, quos perennes esse tradit. Inde addit idem  
Dionysius portum mulierum, continuò subsequitur  
locus

» locus *λυπάραδης*, nuncupatus à cypresso arbore. Ad hūc  
 » usque diem pescatores nomen retinuerunt. Locū enim,  
 » quo finitur flexus cœptus à Pyrrhia Cyone etsi in valli-  
 » cula situm, cypressis quidem carenti, & tota consita vi-  
 » neis, Cyparission tamen appellant, distantem à ponte,  
 » quo transiri dixi intimam sinum Phidaliæ, ciriter se-  
 » pttingentos passus. Post Cyparodem Dionysius ponit  
 » templum Hecatae super petram, quę accessu ventorum  
 » fluctibus percussa valde resonat. Circum enim ipsam  
 » fluctus concitatus diffringitur: hęc verò quantum in se  
 » suscipit, tantum reiicit sub crepidinem oræ maritimæ.  
 Pescatores huius ætatis locum maritimum situm inter  
 Cyparodem & Leosthenium sinum appellat Triviam,  
 Latino nomine, ignorantes Hecaten Græcum nomen,  
 longa Romani imperij consuetudine aliquot Latina  
 nomina usurpare assuefacti: à vallicula Cyparode qua-  
 dringentos passus progressus sum ad alteram vallicu-  
 lam, ex qua usque ad portum mulierum totum littus  
 excelsum est, atque præruptum & saxeum, in quo ferè  
 toto videntur fundamenta antiquorum ædificiorum:  
 inde amplius octingentis passibus confectis per oram  
 maritimam leniter pronam perueni ad imam tertiarę  
 valliculæ planitiem, à qua circiter ducentos passus ab-  
 est sinus Leosthenij initium.

*De sinu Leosthene.*

C A P. X I I I .



I N V S Leosthenius ab ortu Solis ad occa-  
 sum porrigitur in passuum longitudinē cir-  
 citer mille & quadringentorum: eius latitu-  
 do varia. Prima enim in ostio patet in latitu-

dinem paulò minus quatuor stadiorum: media non patentior duobus stadiis, deinde sensim coarctatur in ducentos, postremò in sinu intimo centum non attingit. ex tribus partibus excelsis collibus cingitur, itaque vnde ab omnibus ventis tutissimus est, etiā ab Oriente flātibus. nam solsticiales repellit cornu lateris dextri eminens in sinus aditum: reliquos Orientis ventos, ut debiliores facilē frangit ora Bospori Asiatica, quæ aditum collibus continetur: ac si in medium sinum vallis intimum penetrat, tamen ad portum non adspirat ventorum vis ob flexiones vallium obiectusque callium, quibus fit, ut etiā in medio sinu nauigantibus is ex parte vallis clausus esse videatur, valde portuosis est, ut nauies admittat usque ad marginē littoris ob profundam altitudinem eiusdem latus dextrum, quod situ differt à latere sinistro: nam sinistrum ab ostio in longitudinem circiter mille passuum habet littus excelsum, præceps & præruptum, inde per longitudinem quadringentorum passuum planitiem intermittit angustā quidem, sed hortis & ædificiis plenā. Dextrum latus planitiem maritimam habet, ædifica admittentem, hortosque, quod à Grēcis habitatur frequenti vico, tam ferme longo, quam ipsum latus longum est. Turci intimum recessum accolunt frequentiori vico sito in maritima planicie vallis ab ortu Solis ad occasum excurrentis, cuius imma planities in pratorum pastiones diffusa, cincta vtrinque collibus vitium, aliarūmque arborum fructiferarum feracibus: à sinu progreditur librata paulò amplius bis mille & ducentos passus, nusquam strictior cunctum passibus, neque latior ducentis, in duas inde valles diuid.

diuiditur, vtrasque tantundem fere longas, ex quibus  
riui descendunt, qui simul coniuncti, omni anni tem-  
pore perennes per medium vallis planitem defluunt in  
medium sinum intimum emitentes profluentem in al-  
ueo angustiore exiguum quidem, ut qui summa ætate  
circulum implere possit haud multo patentiorem cir-  
citu sesquipedali. Veruntamen maior esset, nisi ex eius  
fontibus opere subterraneo ad hominum potionis &  
lauacra deduceretur in vicum Leosthenium, per quem  
medium fluuius partim salsus delabitur, auctus ex re-  
cessu sinus octo passus in latitudinem patēs scaphis tu-  
tam stationem præbens: sed ut & sinus & fluuius magis  
perspicui & clari fiant, afferam ea, quæ de his Diony-  
sius scribit. Post templum, inquit, Hecatæ sequitur La-  
sthenes appellatus à viro Megarensi Lasthene, similis  
sinui nuncupato cornu. Est intimo recessu palustri, &  
promontoriorum eminentia, & profunda altitudine,  
quantum magna cum paruis licet conferre, ad introi-  
tum strictus est, procedens autem valde dilatatur: tran-  
quillus & tutus est, circundatus montibus, quibus ve-  
lut muris munitur contra ventos, in quem descendit  
quidam fluuius perennis quidem, sed nauibus inacces-  
sus. In hoc loco Amphiaraus ex oraculi diuino præce-  
pto colitur. Dionysius introitum sinus appellat recessum intimum, cùm tamen introitus rectius appellare-  
tur ostium, aditūsq; quo Bosporus ingreditur in finum,  
& quo nauigantes introeunt in portum. Sed in hac re  
ille similis videtur magnis scriptoribus, quos antè dixi  
introitum Bospori appellare exitum, ostiaque flumi-  
num vocare capita. Quem Dionysius appellat Lasthe-  
nem,

nem, Stephanus Leosthenium nominat. Leosthenes notum & nobile nomen: Lasthenes ignobilis est, & minus notum. Itaq; mihi potius Leosthenes, aut Laosthenes legendus videretur, nisi etiam Lasthenem, hoc est saxeo robore præditum dici posse ex Plinij colligi possit codice habente Casthenem, pro Lasthene. Quidam Byzantini hodie appellant Sthenion: alij Sosthenium, utrique depravatè: in eodem errore sunt recentes scriptores, inter quos est Leontius Scholasticus, aut qui hanc inscriptionem scripsit in Leontij versus:

Λεοντίος Σχολαστική εἰς ἐκόνα ορχισπίδιον ισα-

μενής γνώθει συνάγω.

Εἰπεν μὲν ἔλασθης Βυζαντίας, γνθάνεται ἐξει-

λῆχι χοροστεσίν ἄστροι, θάνατον αὔγει.

Χπόθετος θερμόφυλλον γαῖαν μορίετον: ἀμφάστραι γαῖα

Ἄντηνυσθενός ορχηστής ἕνεστρην ἀμετέρρεος.

Quod autem Dionysius Leosthenium sinum similem esse dicit sinui Cornu appellato, rectè addit, qua re similis sit, nempe profunda altitudine, circūclusione montium, recessuq; palustri: at figura dissimilis videtur. Ille enim similis cornu ceruino, hīc Bubulo, quod non de prauatè à medio retorquetur paululum in lunatū mucronem, cuiusmodi nonnulla habentur, quibus puluerem machinæ bellicæ milites gestare solent. Iure igitur Leosthenium appellare alterum Bospori cornu possumus. Nam post sinū Chrysoceras maximus sinus Leosthenius, & tutissimus portus totius Bospori maximè sinuosi & portuosi censendus est. Solus Plinius meminit portus Senum, oram Bospori Europeanam persequens hoc modo: In Bosporo, inquit, sinus Lasthenes, portus Senum,

Senum, & alter mulierum, qui ~~rectum~~ ordinem seruat, Lasthenes sinus est portus Senū, cùm inter Lasthenem, & portum mulierum nullus portus sit, præsertim si honorificè appellatus est ex eo, quòd senili consilio vti viderentur, qui ad eum vndique tutum appellerentur, siuer ridiculè ita nominatus, quòd debilis nautæ etiā nauigia infirma eò applicare possint. Dicaces enim Bosporani nonnulli, nihil cedentes Leoni, aut Pasiadi Bosporianis, quos per facetos habitos fuisse legimus. Sed hæc coniectura non minus incerta, quam Plinius incertus in persequendo recto ordine locorum. Quid si portum Senum coniiciamus esse sinum diui Demetrij, ex eo, quòd claudatur promontorio nuncupato sene marino: at hoc incertum. Quòd si ea de causa eum putemus appellatum, qua Chij portus, cuius Aelianus meminit. In Chio, inquit, ad portum nominatum γρότση, magnus cicurum est piscium numerus, quos Chij ad solatum senectutis exacta ætate affectos alit, adhuc dubium erit, in quo Bospori loco ille fuerit. Quamobrem cùm sententiam meam fluctuantem nullis ancoris retinere queat portus Senum, hunc non minus incertum, quam Plinium, qui illum introduxit, relinquo, méque ad Dionysium, velut ad Helicem nautæ, dirigo certissimum Bospori circumnauigatorem omnium senum, qui Bosporum nauigarūt iam inde à ruinis Seueri, qui Byzantium & Bosporica loca euertit, & longissima caligine circumfudit, à dextro cornu sinus Lasthenici septingentos passus progressus sum, usque ad riuum hiberno tempore fluentem per vicum magnum, quem Neochorion appellant, ex eo quòd recenter habitari.

cœptus sit: ex cuius riuo procedens, mille & quingentos passus inueni flexus angulum, quo littus pergens ad plagam Septentrionum vicinam ortui solstitiali incurvantur ad occasum solsticialem. Hunc angulum piscatores iam appellant Commarū, cum tamen iampridem huiuscemodi arbor nulla ibi extitisse dicatur, sed fuisse olim liquet ex Dionysio.

*De Commarode, & Bacchijs petris, & Thermemeria: & de portu Pitheci, & sinu appellato Pharmacia.*

C A P V T X V .

**P**O S T Lastheniū, inquit, Commarodes existit, à sylua Commarorum nominatum, mari fluctuoso verberatum. Post Commarodes consequitur littus editum, asperum, cœtésque concaue ex mari eminentes, quas antiqui Bacchias nominarunt, ex eo, quod circum ipsas concitato motu fluctus furere & bacchari videntur. Hic Demetrium Philippi ducem exercitus cum vicissent Byzantij, θρησπιας nominarunt locum à re ipsa, quæ contigerat. pugnam enim naualem illius diei magna solertia, & summo ardore pugnauerant. Sub oram autem prominentem subit, & succedit sinus, in quo est portus Pitheci, quem aiunt Regem Barbarorum hunc locum accollentium à Steropeo vnà cum suis filiis ducem extitisse traiectionis in Asiam. Huic continens est ora prærupta & præceps, deinde consequitur littus inclinās in sinum nominatum αὐλον λεπτόν, quē circuit littus & mare exiguo spatio contractum, ut continens quidem natura existat: at aspectu Insula esse videtur. Inde statim succedit

„ cedit sinus nuncupatus Pharmacias à Medea Colchi-  
„ de, quę in hoc loco reposuit Pharmacorum arculas. Est  
„ autem pulcherrimus & commodissimus ad piscatio-  
„ nes, & ad naues appellendas aptissimus. Etenim usque  
„ ad marginem littoris profundus, à ventisque maximè  
„ tutus habetur. Piscium multitudinem ad se allicit. Syl-  
„ uæ autem densæ, & profunda nemora omnis generis, &  
„ prata impendent, velut arbitror, certante terra cum ma-  
„ ri. Eius circuitus adumbratur sylva imminente in ma-  
„ re, per quam medium in sinum descendit fluuius sine  
„ strepitu fluens. Pharmaciam locum illum esse, quem  
nunc Græci appellant Therapiam, paulò infrà ostendam,  
quām declarauerim, quo iam nomine appellen-  
tur, & quo siti loco sint Pitheci portus, & sinus vocatus  
~~λιθοκαλαὸς~~. Hos cùm esse constet inter Commarodes &  
Pharmaciam, subiiciam, quale & quantum littus inter-  
iectum sit inter Commarodes & Pharmaciam: (hoc  
enim littore cognito percipiems facile, in qua littoris  
parte illi positi fuerint ab angulo flexus, qui incipit à  
loco Commarode) secundā oram Bospori præruptam  
& præcipitem mille & ducentorum passuum processus  
feci usque ad vallem, quam Græci Libadion, id est, her-  
bidum locum appellant, nunc pratensis non est, sed to-  
tus vineis consitus: fuisse tamen antea dictitant, ignari  
~~λιθοκαλαὸς~~ traduētum fuisse in Libadion vulgi con-  
suetudine soliti ea, quæ non intelligit, traducere ad si-  
milia sibi nota. Sed vocent Græci iam, ut libet, tamen  
alibi, etiam si nomine careret, esse non posse, quām se-  
cundum vallem Libadicam, percipio ex eo, quod inter  
Commarodes, & Pharmaciam nullus sinus manifestus

existit, nisi Libadicus, leniter curuatus, profundus, & portuosus vsq; ferè ad marginem littoris, duobus promontoriis præruptis, & præcipitibus interclusus. Sinum intimum attingit ima vallis Libadicæ planities lata passus circiter ducentos, in qua olim vicum fuisse apparet ex ruinis fundamentorum. Iam explorato percepto que portu Pitheci percipiūtur inter Libadicam vallem & Commarodes extitisse saxa illa, & cautes, quas Bacchias appellauit antiquitas: quæ si tot & tātæ nunc non extant, quantæ traduntur à Dionysio: id attribuendum vel auaritiae, vel inopie hominum, qui, ut exigua impensa seruorum ædificant, saxa ex litomiis non eruunt: sed agrestes cautes, non modò cæmentitiis operibus ineptas, sed etiam abhorrentes à calce, ex omnium littorum crepidinibus & præcipitiis exscindunt ad struetram vilium ædificiorum. A valle Libadica littus excelsum & abruptū paulo plus mille passus excurrit ad vallem, quam appellant Linon, sitam prope sinum Pharmaciam, cuius maritima planities ducentorum & sexaginta passuum latitudinem complet. Olim habitatam fuisse ostendunt permulta ædificiorū fundamenta. Vallem subsequitur promontorium, diuidens sinum vallis à sinu Pharmacia, quod in centenum passuum latitudinem suam radicem agit, sub qua existit Insulula, seu potius scopulus in multa saxa diuisus, in passuum longitudinem circiter centum sexaginta, ab ortu solstitiali ad occasum brumalē porrectus: distat à Continenti quadraginta passus, circundatus mari vadoso, genu tenus alto, à Græcis appellatur Catergo, hoc est triremis, à similitudine, quam præ se gerit triremis. Hoc scopulo

scopulo & promontorio super scopulum impendente ab occasu solstitiali clausus sinus, sub vallē Linon subiectus, ab ortu brumāli cinctus promontorio prēcipiti, & penē directo ille ipse est, quem Dionysius nominat *αὐλιον λαλὸν*, id quod percipitur cū ordine Anapli Dionysiani, tum situ exiguae Insululæ, qua clauditur. Adeò enim exiguo maris spatio ea separatur à Continenti, vt cùm natura sit insula, aspectu videatur Continens. Temporibus Dionysij Insulam non fuisse, sed visam fuisse patet ex eius verbis, cùm ait: Littus id, quod claudit sinum *αὐλιον λαλὸν*, adeò contractum fuisse breui mari spatio circundatum, vt cùm natura esset Cótinens, aspectu Insula videretur: nunc à Continéti abscisa est, vel temporis longa vetustate, vel potiùs hominū opere omnia saxa, vel deformissima in viles ædificationes excidentium, atque vt clariùs noscatur sinus Pharmacias esse, quem hodie appellant Therapiam, subiiciam, qualis sit ab ortu æstiuo ad occasum æstiuum, in passuum longitudinem circiter septingentorum procedit varia latitudine. Nam à faucibus ad medium in passus laxatur paulò plus trecentos: à medio ad intimum recessum astringitur in plus minus ducentos, ambitu littoreo amplius mille & quadringentos complectitur. Profundæ altitudinis est à latere pertinente ad septentriones, & nauium capax usque ad oram maris: littus Meridianum magna ex parte vadosum & præruptum, vndique à ventis tutum est: à Meridie quidem excelsis collibus, quorum ultimus efficit promontorium, quo sinum *αὐλιον λαλὸν* antè dixi seiungi à sinu Therapico: ab omnibus ventis septentrionibus atque solstitialibus

illum protegit promontorium peninsulanum, ab vnâ parte freto Bosporico, ex altera clausum sinu: vndique procliue, excepta ceruice media, & mediocri dorso, in quo statuta sunt moletriña vento versatilia: ex eodem paulò ante eminebat turris olim Pharos nauigantibus, quam à Turcis euerti vidi. Promontorij mucro in tria latera decluem radicem in passuum latitudinem agit sexaginta, editur in altitudinem centenum passuum: inde dorsum molliter assurgit. Ab Occidente, etsi sinus leniter aperitur valle: tamen hæc postquam ab intimo sinu in planitiem centenum pedum processit, in duas diuiditur valles obiectu collis, qui valles recuruat, ne directi venti deorsum descendant in sinū. Ex altera valle fluuius omni anni tempore perennis defluit in mediū sinus recessum. Aestiuo tempore existit ea magnitudo, qua fluuius Leosthenicus. Vidi eius fontē ab ostio, & sinu distantem paulò amplius mille & quadringentos passus, ab aestiuo occasu ad Solis ortum similiter aestiuum per vallem decurrit angustam, ex qua nascitur, sed non ex summa: nam ea ultra fontem altius assurgit. Iam etsi colles vallēsque sinum Therapicum cingentes, nemorosi non sunt, vt tradit Dionysius eos esse, qui claudunt Pharmaciam, sed exculti vineis, & cerasis consiti, aut ubi hæ desunt, erycis tecti, tamen sinum Pharmaciam aliud esse non posse, quām Therapicum, cùm ex antedictis intelligi potest, tum ex consequentibus locis Anapli Dionysiani, à quibus ad Cominardes nullus sinus est, in quem descendat fluuius aliquis, neque in quem conueniant cætera, quæ tradit Dionysius: nimirum solus inter sinum Leostheniū, & Bathycolpon,

colpon, paulò ultra sinum Therapiæ situm pulchritudine portus, & copia piscium excellit. Quòd autem sylva densæ, & profunda nemora non circumsepiant sinum Therapeuticum, vt Dionysius scribit circumsepire Pharmaciam, id agricultura accidit, non natura loci. Nam olim cùm eodem ex Dionysio nouerimus totum sinus Ceratini littus sylvis tectum fuisse, nunc à nemoribus nudum, videamusque oram Bospori Asiaticam, sinui Therapico oppositam, nemoribus vestitam, quis dubitat, quin littus Bospori Europeum fuerit nemorum, similiter vt Asiaticum, non ob aliam causam sylvestre, quàm quòd abhinc centum annos agricultura vacat, conuersum in saltus venationum regiarum. Sinum Pharmaciam appellaui Therapeuticum, à vico sito in eius littore, quem Græci iam dudum nominat Therapiam, ex eo arbitror, quòd vulgus Græcorum aliter venenum appellare nescit, quàm Pharmacū, quod venenatum, & expiabile nomen mutarunt in expiatum & salutare, ne nautæ portum optimum detestarentur, execrarenturque vt venenū, vt *λαθαρμα*. Erat enim Pharmacum olim tale, si deorum indignatione fames, aut pestis, aut alia quæpiam calamitas urbem apprehenderet, hominem omnium deformissimum in urbis laborantis expiationem ad victimam ducebant, ipsiq; pro hostia statuto de manu dabant caseum, offam, ficus, quem tanquam Pharmacum ubi septies scyllis, & ramis ficuum agrestium concidissent, igne ex agrestibus lignis facto, cremabant, eiisque cineres ad expiandam urbem laborantem proiiciebant in mare. Itaque non sine causa commutatum nomen arbitror, etiam intercedente

cedente regis decreto, cuius maximè intererat nobilèm portum vindicare ab infami nomine. Nam nisi regio iussu, difficile videtur pertinaciter dicacem nautarum nationem abstinere potuisse à tandiu inueterato nomine mordaci, idque perniciosum acerbūmque salutari nomine mitigasse, præsertim mulierum precibus malè audientium, ob Medeæ cistam ibi depositam, ut malè in hunc diem audiunt Thessalæ mulieres ob Cistam Pharmacorum, quam fugiens Medea abiecit in Thessaliā: neque modò nomine Medeæ, sed etiam re ipsa in hunc diem malè audiūt, ut Pharmacides. Equidem cùm perlustrarem Thessaliā, incidisseque in panegyricum totius Græciæ, maximum celebrari quotannis solitum, mense Maio apud vicum nuncupatum Moscolurum, non longè distantem à Pharsalia, perconatus sum ab hospite, num essent in Thessalia Pharmacides, qui affirmabat nonnullas esse, quæ edere credentur non minus mirabilia, quā illa, quæ de Thessaliis mulieribus tradit Lucianus.

*De saxis, & cauībus littoris excelsi, prærupti, præcipitiisque, & de clauībus ponti: de petra nomina Dicæa.*

C A P V T X V I .

H A R M A C I A M , inquit Dionysius, subsequntur saxosa littora, & præcipitia in mare impendentia, velut visionis flexamina: ex eo, quod oculis flexibilem aspectum obiciant. Aperitur enim pontus teñtus eminentibus promontoriis nullo amplius impediēte verum aspectum.

Quod



Quod enim crebrò finis esse videtur, idque rursus inuenit  
 nitur principium, postea maris latentis visio conciliat  
 fidem rei, quæ non credebatur. Illa autem saxa, & cau-  
 tes littoris nominarunt λέδας καὶ λέθρα τὸ πότερον, hoc est  
 claves, & claustra ponti. Iam prætergresso claves aspe-  
 ctus magis quam pōti adest petra in acutam verticem  
 fastigiata, nucis pineæ similitudinem gerens, quæ Di-  
 cæa, id est iusta nominatur, ex eo, quod triremibus na-  
 uigantes in pontum mercatores apud hanc petram de-  
 posuissent aurum, pacti inter se, non prius alterum illud  
 esse sublatum, quam ambo simul ad petram conue-  
 nirent. Altero pactione prætergresso, sermo hominum  
 habet, aurum delitusse, recusante petra impiam fidem  
 socij perfidi, quo usque simul ambo eò cōuenientes de-  
 positum acceperunt: petra autem præmium remansit,  
 huius iustitiae nomen. Quantopere res humanæ inter se  
 differant felicitate memoriarum & posteritatis, cum ex ur-  
 bibus & libris antea animaduerteram, quorum non me-  
 liores, sed bonum genium sortiti peruererunt ad æter-  
 nam posteritatem, tum nuper consideravi ex petra Di-  
 cæa, cuius historia usque ad hanc diem remansit in me-  
 moria & sermone Bosporanorum, cum memoria alio-  
 rum nominum longè nobiliorum funditus interierit.  
 Nunquam cognouissem petram Dicæam, nisi forte in-  
 cidisse in sermonem piscatorum de petra in littore sita  
 narrantium historiam, quam narrat Dionysius de pe-  
 tra Dicæa, quæ ubi & qualis sit, postea dicam, quam o-  
 stendero, vnde incipiunt aperiri claustra ponti. Supra  
 litus saxosum, & rupibus crebrum, quas velut radices  
 in mare proiiciunt, cliui prærupti & præcipites, à The-

rapia progressus sum quingentos passus usque ad vallem, quam Græci hodie appellant Dialithra corruptè, quasi τὰ λεᾶθη. Ab hac valle aperiri incipit pōtus, sensimque latius panditur vltierius pergentibus. Ima huius vallis planities maritima, nunc est plena vineis, olim ædificiis: ut ostendunt rudera non modò parietum, sed etiam columnarum marmorearum. Hanc ipsam vallem mille passus prætergressus exigua semita vix vnius hominis capace, transuersa inter directos & præcipites cliuos eminentes supra littus arduum & saxeum perueni ad locum appellatum Brologenem, vnde mihi reetus Bospori canalis usque ad pontum perspiciebatur, & simul tota porta ponti aperiebatur, atque pōtus ipse tantum patens, quantum porta retegebat, longè prospiciebatur recta via petere locum, vbi iuxta petram Dicæam subsidebam in cliuo, quod in altitudinem circiter centenum passuum ex mari editum erat. Inde paullulum recreatus surrexi ad considerandam petram, an esset illa Dicæa, quam describit Dionysius. Circunspexi eam passus circiter sexaginta ambitu cōplete, ipsamq; dimensus sum à latere supernos cliuos suspiciente, erigi in altitudinem duodenum pedum: à contrario latere despiciente mare, dimidio altiore esse, cum ex mari suspicitur, similis est nuci pineæ, non modò lateribus: sed etiam vertice in multos mucrones leniter fastigato, pineorum nucleorum similitudinem gerentes. Quò enim longius remotam prospicis, eo propius accedere videtur ad similitudinem pineæ nucis: nam longo ex intervallo conspicitur, etiam ultra Cyaneas ex ponto eam assequabar desinere in verticem acutum. In hanc

petram

petram cùm ascendissem, ex eius summo vertice vidi  
 foramen in altitudinem concavā deprimi penitus ab-  
 ditam, penetrans latus petræ, despiciens ad mare, quòd  
 imum velut fundum pertusum fuisse videtur ab homi-  
 nibus longa auditione opinantibus ex superno fora-  
 mine aurum penitus abditum fuisse. Iam Bosporani  
 hanc petram nonnulli dicunt esse illam, in quam au-  
 rum abditum fuit. Alij aiūt, sub hac ipsa fuisse alteram  
 petram huic similem, sitam in littore, vndeque mari cir-  
 cundatam, sed ante paucos annos, quām huc venisse,  
 à seruis Aenobarbi Turcicæ classi præfeti incitatis au-  
 ri cupiditate, quam hauserant ex sermone hominum;  
 aurum ibi delitescere, excisam in fragmentaque dispe-  
 ñtam fuisse, quam pescatores soliti erant appellare Bro-  
 logenem, adiunguntque vnum ex eius excisoribus oculum  
 amississe ex reiectione cæmentorum petræ, nomen  
 iustitiae, vsque, arbitror, ad interitum retinentis. Verū  
 vt petram exciderint, semper versabitur sermo, illic the-  
 saurum absconditum fuisse, vt longè antea versatum  
 fuisse arbitror, quām à Dionysio petra hæc diceretur si-  
 militudinem gerere pincæ nucis. Nam, vt quidam scri-  
 bunt, Lampsacum vrbē Helleponiam prius, Pythiam  
 appellatam, ex eo, quòd Phrixus thesauros hic posue-  
 rit. Thraces enim thesaurov *τυθύλω* dicunt. Ita petram  
 Dicæam primū Pythiam nominatam fuisse, quam  
 amissa antiqua cognitione Thracicæ linguæ posteri  
 ignorantes Pythyn à thesauro nūcupatam fuisse, post-  
 ea fortasse petram *σφριλοειδῆ* dixerunt esse, ex eo, quòd  
*σφριλός* sit *πυθὺς*, *ηγέρπτος* *κύντ*.

*De sinu nuncupato profundo, de fluvio eiusdem nominis,  
& Saronis ara: de agro nominato Calo.*

## CAP V T X V I I.

**A**DICÆA petra littus recedere in sinum incipit introrsus in profundum angulum, qui conuertit, circunscribitque primum anfractum Bospori: hunc sinum Dionysius appellat Bathycolpon. Prope, inquit, petram Dicæam nuncupatus Βαθύκολπος: is est sinus profundus, non tam circumscriptione sui intimi recessus per pulchri, & in profundam latamque arenam porrecti, quam magna altitudine maris. Cliui enim ardui & precipites vicini proximi sunt oræ maritimæ. Fluuius in sinu exit, cui idem, quod sinui nomen est. Hic existit Saronis herois Megarici ara, & iactus piscium sibi idoneo & maturo tempore conferta, & continent natatione primò sursum, deinde deorsum Bosporum commeantium maris altitudine deceptorum. Hunc Megaricum heroem arbitror esse illum Saronem deum marinum, qui nauticorum rerum scientiæ præesse existimatur, à quo Megaræ vicinus sinus Saronicus appellatur, cuius ara facilius ut cognoscatur, ubi sita fuerit, & qualis sinus sit nuncupatus Bathycolpos, subiungam littus, quod sub petram Dicæam succedit, à qua quingentos passus distans, imam vallis attigi planitiem, quæ panditur in passuum latitudinem quadraginta, ubi vestigia quædam ædis diuæ Eupheiniæ spectantur: in littore ultra vallem ducentos passus est fons Eupheiæ sacer, perenni riuulo scaturiens, lateritio opere concameratus. A fonte octingentos passus progressus sum ad petram mari circumdatam,

datam, paululum ex aqua extantem, quam pescatores Trapezam appellant, ex eo quod tanquam mensa plana supra aquam emineat. Ab hac Trapeza breui decurso spatio est profundæ vallis ima planities, intimum Bathycolpi recessum claudens, mōtanam finiens oram maritimam, quæ à Commarode incipit pergere ab ortu brumali ad occasum solstitialem, saxea, montosa, in quam impendent ardui cliui, per quos transuersos iter fit male tutum obliquis semitis exiguis, valde à littore altis, ex quibus permultis sine præcipiti casu ne transuersum quidem pedem discedere licet. Bathycolpos ad similitudinem quandam anguli normalis accedit, quod Bosporos prius pergens, ad occasum ferme brumalem flectitur, ad ortum hyemalem normæ similitudinem gerens, non modò alueo, sed etiam vtraque ora angulum normalē efficiens, inter Bathycolpon & promontorium in contrario littore situm, quod mucrone intus recurvato angulum Bospori interiore agit. Bathycolpos in exteriorem anguli partem incuruatur. Hic sinus etiam olim appellari potuit Saronicus, siue ab ara Saronis in eo statuta, siue à querno nemore, quo olim redimitus erat. Saronem enim antiqua Græcia querum appellabat, vnde Saronicus sinus & Saronidæ Philosophi Gallorū, alio nomine Druydæ appellati. Ara in Saronis iam constat esse in littore Bathycolpi, sed in qua sinus parte, etiam ex verbis Dionysij consequentibus assequimur. Paulò, inquit, sub promotorio Saronico situs est Λαλὸς ἄγρος, ob vtranque commoditatem terræ & maris à natura nomen habet. Usque ad hanc ætatem nomen retinet, senes enim antiqui Λαλὸς ἄγρος,

iuuenes λαλόη ἀθρόη appellant agrum, qui claudit Bathys colpon, quo cognito percipimus, aram Saronis fuisse in promontorio intercedente inter Trapezam & maritimam planitiem vallis claudētis intimum recessum Bathycolpi, in quem medium descendit fluuius Bathycolpus, à sinu nomen adeptus per latam vallem, quam Turci appellat alij Biutere, quasi magnum nemus, alij Biudere, quasi magnum fluuium, quod olim à Græco nomine transtulisse videntur. Græci iam nesciunt vbi sit Bathycolpos, sed Turcico nomine appellant Biudere, aut λαλόη ἀθρόη: is hodie qualis sit, quantūsq; fluuius Bathycolpus, ut facilius percipiatur, describam vallem continentem boni agri maximam partem, per quam medium fluuius Bathycolpos defluit in sinum sui nominis. Hæc ab ortu Solis æstiuo ad occasum æstiuum procedit, cuius ima planities librata patens septingentos passus in latitudinem; primūm à mari pergit pratensis in passuum longitudinem circiter octonum milium, cincta vtrinque collibus vitiferis, & frugiferis: inde insinuatur in multas valliculas nemorosas, ipsa tota nemorosa, circunsepta collibus sylvestribus, vbi vagantur greges ceruorum & aprorum. In valle intima ac penitus abstrusa sunt regij horti, quos irrigant riui li perennes ex summa valle in vnum alueum coeuntes, altis ripis coercitum, & dēsis arboribus circumuestitum, vt introrsus perspicere nequiremt. Itaq; fortasse primūm Bathys appellatus nomen dedit sinui, siue à profundo alueo, siue à profunda valle, recedēte in profundos saltus excelsis roboribus obscuros, ex valle Bathycolpo longè latēq; porrectos ad pontum usque, atq; ad fontes

Barby,

Barbysæ, & Cydari agrestium animalium venationibus refertos. Fluuius Bathycolpus exiguum paludem prope ostium efficit, omni anni tempore perennem: et si ipse summa æstate usq; ad mare perennis non fluit, ex eo quod partim in regis hortos, partim in prata consumitur, partim priuatur riuo manante ex summa valle desinente in vallē Bathycolpon deriuato; opere subterraneo ad usum vici Turcici iuxta sinum siti, cui vicinus est alter vicus explicatus in passuum longitudinem circiter duum millium, maxima ex parte à Græcis habitatus, totus tractus continens hos duos vicos, & vallem Bathycolpon, collésque impendentes, nunc vulgo λαχὸς ἄγρος appellatur, idque recte: abundat enim ex terra frugibus fructibusque, ex mari piscium multitudine, ut nusquam in toto Bosporo piscatio luculentior exerceatur densis piscium gregibus in hunc sinum aberrantium anniuersariis transitionibus: quas quotannis bis factitare solent, primas sursum verno tempore: alteras deorsum ineunte hyeme.

*De promontorio Simæo, & sinu Scletrina: & de aris Apollinis, & matris deorum.*

C A P. XVIII.

**A** BATHICOLPI valle trium millium & quadringentorum passuum ora maritima progressionem habet ad vicum, quem etiam nunc Græci nominant Scletrinam, situm in sinu, quem à Meridie claudit promontorium, sub quo piscatorum speculae tres in littore defixa sunt: singulæ duobus tignis constantes in excelsum excitatis, que intercipiunt & iungunt trabes crebræ immisæ ad faciem

lem ascensum speculatoribus præstandum. Id promontorium Dionysius appellat Simam. Post, inquit, οἰκλόη εἶναι Σίμας promontorium, & Veneris meretriciæ statua. Simam enim quandam habet hominum sermo valde pulchram & ingeniosam, & solerter hunc locum incoluisse. De præternauigantibus merere solitam stipendia. Veneris hanc primū existimò appellatam Simetham: deinde, ut vulgus contrahere solet nomina, Simā à Simætha meretrice Megarica, nobilitata amore Alcibiadis, & versibus Aristophanis, cùm inquit:

Πόρνης ἡ σιμαῖα γένεσθαι μεγάρεσσε,  
Νεανικὴ οἰκλόης μεθύσκοται Βοι.

Megarenses enim, qui Byzantium Coloniam deduxerunt, cùm alia Bospori loca nobilitarunt nominibus suorum nobilium ciuium, tum hoc promontorium illustrarunt sua nobili Simætha, à qua multas postea meretrices Byzantias, ut ab urbe Megara oriundas appellatas fuisse Simæthas, vero proximum videtur. Ad hæc Dionysius adiungit, Promontorium nuncupatum Simam prætergressos excipit Scletrinas sinus, nescio. vtrū ex asperitate sylvestris terre, an' ne à flumine in seipsum descendente: atque etiam succedunt aræ Apollinis, & matris deūm, & breui interuallo ad pótum nauigatio. Promontorium Simæthicum à Meridie continens Scletrinam sinum, radices maritimæ agit in passuum longitudinem quingentorum, à quibus imi cliui eriguntur in ascensum præcipitem trecentorum passuum: inde æquior ascensus existit ad verticem, quo vallis Bathycolpica diuiditur à valle Scletrina. Hæc quidem à fluminis ostio, ab ortuque æstiuo proficiscitur in passuum

suum longitudinem circiter duum millium: inde fletitur ad septentriones interuallo duorum plus minus milliarium, cuius ima planities partim pratensis & vitiifera, partim cerasis consita, quæ quantum oculis aestimare potui, non minus patet, quam quadringentos latitudinis passus, in longitudinem mille passuum. Inde vallis coarctatur, circumcurrentibus montibus arduis, adeoque procliibus, ut eius latus meridianum ascendi solitum sit longis anfractibus, vestitum: profundis syluis, ceruos, apros, aliasque feras adumbrantibus continuatis cum nemore Biutericæ vallis. Latus claudens vallem à septentrionibus præcipites quidem imos cliuos habet, superos verò lögè remissiores, præsertim ubi metallorum secturæ eminent. Flumen Scletrinas à summa valle oritur, post ex eius lateribus augetur riuulis cum aliunde manantibus, tum maximè à lateris meridiani cliuis continentibus tria monasteria soliuagorum hominum sustentata præcipuo vectigali, quod colligitur ex cerasis, inter se paruo interuallo distantia, è quorum fontibus tres riuuli, omni anni tempore perennes in Scletrinam delabuntur singuli implentes fistulam ferme quincuncialem. Sed et si multis riuulis perennibus augetur: summa tamen æstate eius alueus exarescit, ex eo quod alicubi absorbetur terra arenosa & rara in longitudinem quatuor stadiorum: deinde in longitudinem octingentorum passuum existit usque ad ostium, & vicum Scletrinam secundum mare situm, ubi exiguam paludem cannis plenâ efficiens, duobus ostiolis in mare exit, quæ ambo efficeret ea magnitudine fluminum, qua existit Pharmacicus.

*De Miltio promontorio, & fano Byzantiorum: de Serapis, & templo Phrygiae deae.* C A P . X I X .

**A**VALLE Scletrina perrexii mille passus ad vallem nuncupatam Cerasiam à cerasis, in huius maritima planicie consitis, patente in ducentorum latitudinem passuum, totam vitiferam. Ab hac progressum feci sexcentorum passuum ad alteram vallem, quæ maritimam planitiem habet non latiorem ducentis passibus, vitium tamen fracem, arborumque fructiferarum. Huic valli succedit promontoriū, quod Dionysius appellat Amilton, iam Græci nominant Tripition, nescio an à Tripode Apollinis, cuius aras Dionysius in sinu Scletrinā paulo antè posuit. Mons ipse, qui Tripition promontorium longè in Bosporum emittit, hinc clauditur valle posita contra fanum Iouis, illinc valle Scletrina, à qua sensim suas maritimas radices proiecere & flectere ad Solis ortum incipit, ut eius promontorij mucro, & Simæū promontorium efficiant latiorem sinum Scletrinam: inde paulatim ad Septentrionem flectitur in vallem Iouis fano oppositam, mille & septingentos passus circuitu mariis arenosi, & vittis quibusdam in vado distincti complectuntur promontorij Amilli radices directæ, præruptæ, præcipites, ut via nulla pateat in littore, sed in cliuis arduis semita duntaxat humano opere explanata, quæ non minori complexu maris circumveniunt, nec minus in Bosporum proiciuntur, quam radices promontorij Hermæi. Duas angustias illæ efficiunt, unas obliquas ad promontorium fani Asiatici, alteras rectas ad promontorium Argyronium in littore contrario situm,

tum, quas nonnulli piscatores dicunt proximè accedere ad angustias fani, quod obliquum habet, ac si recta è regione oppositum esset fano Iouis, angustiæ fani tribus stadiis astrinctiores, aut profectò nō laxiores essent. Sub promontorium Amilton subit vallis opposita fano Afie, diuidens collum fani Europei ab ipso promontorio Amilto, quæ post breue longitudinis interuallū, quam suam imam planitiem mare attingentem explicuit in latitudinem plus minus quadringentorum passuum, coarctatur in duas valles angustas & nemorosas obiectu collis intermedij, quarum altera claudit à septentrionibus montem, ex quo proicitur promontorium Amilton: altera superiorem collis partem fani Europei: nam inferiorem huius partem claudit planities vallis nondum in duas valles diuisæ. Collis hic triplici declinitate propendet, una ad Solis ortū, altera ad Meridiem, tertia ad Occasum. Siquidem ipsum à lateribus cingunt valles præcipites, & penè directæ, à fronte vero Bosporus, in quem ille ipse collis demittit dorsum in omnem partem procliue, eminens supra Bospori angustias sitas inter duo fana, inter se quidem opposita, & Bosporum in summas angustias cogentia; aliquantum differentia. Nam fanum Asiaticū situm est in promontorio extra cæterum littus Asiac proiectum in Bospori fretum, submittens dorsum ab Oriente ad septentriones. At Europeum fanum positum est in colle emittente dorsum à septentrionibus ad Meridiem, impendente quidem in Bosporum, sed non proieciente suas radices extra oram maris antecedentem & consequentem. Nam antecedens longè altius proiecta est à vicino pro-

montorio Amilto: consequens verò attingens vallem,  
& radices collis fani Asiatici, æqualis, & par lögè cum  
subsequenti progreditur. In collis cliuis vergentibus ad  
Solis ortum, & Meridiem oppidulum situm fuit, quod  
Dionysius appellat *πολίχνιον*, Polybius, Serapion, Strabo  
farum Europæ Byzantiorum, Græci hodie appellant  
*Ιόρδηνας φωκελίας*, ex eo, quia situm sit in ditione Europea,  
quam nominant *φωκελίαν*. Illius muri amplius decē sta-  
dia circuitu complectuntur, ut patet ex ipsorum fun-  
damentis, quæ anno, antequam hæc scriberem, ferè to-  
ta extabant, humiliora quidem paulò supra terram, at  
excelsiora in altitudinē viginti pedum etiamnum emi-  
nebant: sed eorum maritimam partem adeò funditus  
euerti vidi, ut ne substrictiones quidē reliquerint. Mu-  
ri per clios sic excurrebat præcipites, ut totum ipsum  
oppidum valde propédebat, excepta Acropoli sita par-  
tim in cliuis, partim in collis ceruice breui & plana in  
viginti circiter passus coarctata, vtrinque vallibus col-  
lemt cingentibus. Inde ceruix paulatim assurgit in ex-  
celsum verticem montis, vnde Constantinopolis vide-  
tur, in quo quidem vertice veterem Pharū fuisse postea  
ostendam ex Dionysio. Ut enim collis fani emittit an-  
gulum quoquo versus decliuē ad suas radices eminentes  
supra Bosporum, ita oppidum proiiciebat mucro-  
nem vndique procliuem, partim oblique eminentem  
supra vicum, quem nunc vocant Bostnicum à Bostnis  
eum incolentibus, partim recta impudentem supra  
angustiarum Bosporicarum portum, quem Græci ap-  
pellant Mauram molem, hoc est nigram: à ponto Euxi-  
no proximo, quem Græci iam aliter appellare nesciūt,  
quam

quām mare nigrū: contra Aristotelem, qui censet pontum Euxinum albiorem esse mari Aegeo ob fluminum multitudinem pontum ingredientium. Sed Græci nauitæ magis perspexerunt cœli conditionem, quām colorē ponti. Is enim frequenti caligine circumfundī sollet, ut non modò littora vectores, sed ne gubernator quidem in puppi stans proram videre queat. de quo rectè Valerius Flaccus:

*Illic vmbrosæ semper stant æquore nubes.*

*Et incerta dies.*

Ita enim Cimmeri longè latēque tenebras spargunt in pontum, ut Constantinopolis interdum caliginibus circumfundatur. Nostrates ex antiqua fama pontum Euxinum rectè vocant mare maius. Heroicis enim temporibus simpliciter ponticum pelagus, ut quendam Oceanum arbitrati sunt. Qui illud usque ad nauigabant, non aliter in exteriora ingredi maria credebātur, quām qui extra columnas progrediebantur. Quamobrē propriè pontum appellauere, sicut Poëtam intelligimus Homerum. Portus Mauræ molis subiectus erat sub fanum Europeum, portu naturali carens, qualem habet fanum Asiaticum. Idcirco Byzantij, cùm nollent se inuitis quenquam in pontum nauigare, oram sub Byzantiacum fanum subiectam portu carentē, quò astrictiùs ob siderent angustias, molibus munierunt, ut earum ex uno brachio in Bosporum amplius octoginta passus Romanos proiecto, catena extenderetur usque ad litus fani Asiatici, ut inuitis fanis nemo nauigare posset in pontum. Itaque adhuc commercij scalas appellant ruinosas moles etiā nunc extantes. Illic enim olim por-

torium persoluebatur. Catena etiam hac ætate afferua-  
ri dicitur in arce fani Asiatici. At moles iampridem di-  
minuta erat, sed tamen paulò supra aquam extabat. At  
nuper aquæfia quorundam Barbarorum infinita saxa  
inde asportata sunt in ædificationes suas magno dāno  
nauigantium, qui iam non vident illius eæca funda-  
menta sub aqua delitescentia. Sed quid sentiat Diony-  
sius de promontorio Amilto, & de oppido fani Euro-  
pei, ipsum loquente audiamus. Post, inquit, Scletrinam  
existunt Milton promontorium nominatum à simili-  
tudine coloris, atque contigua domus cuiusdam na-  
uarchi, & littus arduum directumque & præcipitium  
ad Solis ortum inclinatum. Circa autem ipsum est mare  
teniis distinctum, & fanum cunctum contra frontem  
fani Asiatici situm. Aiunt hîc Iasonem litasse duode-  
cim diis. Hæc fana sunt oppidula iuxta ponti ostium  
posita. Est etiam templum deæ Phrygiæ sacrum illustre  
& publicè cultum. Ex his Dionysij verbis cognoscimus  
etiam tum fana fuisse oppidula; ut ex vestigiis muro-  
rum usque ad hanc diem percipitur. Strabo fanum Eu-  
ropeum appellat fanum Byzantiorum. Asiaticum ve-  
rò fanum nominat Chalcedoniorum, ambòque dicit  
pari interuallo distare à Cyaneis. Polybius scribit, cum  
rediret Iason à Colchis, sacrificasse duodecim diis in lo-  
co fani Asiatici siti contra Serapion Thraciæ: ex quo  
patet Serapion fuisse apud fanum Europeū. Cuius non  
meminisse Dionysium, significare videtur Polybium  
& Dionysium non eadem ætate vixisse. Dij duodecim  
hi habentur, Jupiter, Júno, Neptunus, Ceres, Mercurius,  
Vulcanus, Apollo, Diana, Vesta, Mârs, Venus, Miner-  
ua. Tem-

ua. Templum Phrygiæ deæ matris deorum Rheiæ nun  
cupatae in clivis debuit potius esse, quam in maritima  
planicie, ex eo, quod montibus gaudeat, ideoque ~~de~~  
appelletur, & turrita dea: quia olim arces, quibus Rhea  
patrocinatur in montibus sitæ essent, ob loci robur  
Rheam habentem caput turritum mulieres Cilices, &  
Turcicæ, & Mysiacæ imitantur, ferentes capitis tegmen,  
turris similitudinem gerens. Itaque illius templum mi-  
hi fuisse videtur in his locis, vbi hodie duæ ædes sacræ  
sunt, altera diui Nicolai, altera diuæ Mariæ. Iasonem  
excitasse aras Rheiæ verisimile est, cum duodecim diis  
in contrario littore excitaret, præsertim Argonautis  
Rheam maximè venerantibus, ut cuius statuam con-  
stituissent in Dindymo monte eminenti supra Cyzicū:  
item aliis locis, vt apud Phasim. Arrianus ait in sinistro  
latere Phasim ingredientibus statuam fuisse deæ Pha-  
sianæ, quam ipse Arrianus Rheam existimauit fuisse  
ex figura. Nam manibus gestabat Cymbala, & leones  
sub throno habebat, in quo Rhea sedebat, vt Athenis  
in æde matris deorum, quam à Iasoni similiter statu-  
tam fuisse colligo, ex eo quod Arrianus ait in loco, in  
quo fuit Rheiæ ara. Fuit etiam ancora lapidea Argous,  
qua Iason profectus est ad Colchos. Illam vero quam  
statuit apud Bosporū, similem coniicio Phasianæ Rheiæ  
& Dindymenæ: nam Dindymena similiter leones ha-  
bebat, quam Constantinum magnum in forum Byzan-  
tinum vna cum leonibus Zosimus tradidit traduxisse.

*De Chry-*

*De Chrysorrhoa fluvio : de secturis metallorum : de  
Pharo antiqua.*

C A P . X X .



V A L L E cingente fani collē amplius mil-  
le & sexcentorum passū ora maritima pro-  
cessum facit ad vallem, in qua summa est æ-  
dicula Mariæ virginis, quam vocant Casta-  
niotam à sylua castanearum circumuigentium, in qua  
est fons sacer, perennem etiam summa æstate riuum  
emittens per vallem angustam, & iuxta ripas maximā  
ex parte inaccessam. Hic riuus ille est, de quo Diony-  
sius, postquam commemorauit fanum dæ Phrygiæ,  
sic ait: Post hæc Chrysorrhoas fluuius per angustum &  
aditu difficilem vallem à tergo positam delabitur leni  
fluxu, arenam auro similem deferens: circa hunc sectu-  
ræ sunt, & terræ fossiones, & cuniculi acti ad scrutan-  
das metallorum venas antiquorum virorum opera scru-  
tantium diuitis terre facultates. Paulò vltra flumiū sunt  
nuncupata chalcæa, locus vicinus mari fluctuoso qui-  
dem, sed tamen piscoso: nominatus est ab ære metallo.  
In summo vertice collis, secundum quem descendit  
Chrysorrhoas, existit Timæa, turris admodum excelsa,  
circumspecta, & permulto mari illustris, ad salutem na-  
uigantium excitata. Vtraque enim pōti pars caret por-  
tibus naues excipientibus. Nam maris insedati & tur-  
bulenti littus longum in neutram continentem flexio-  
nes habet. Ex hac turre faces ardentes noctu sublatæ  
perferebantur, rectæ viæ ad ponti ostium duces. At Bar-  
bari verarum facium fidem auferebant prætendentes  
ex Salmydeſſi littoribus fraudulentas faces, ut in erro-  
rem nautas inducerent, in naufragiaque subducerent.

Ora.

„ Ora enim maritima importuosa est , & maris vadum  
„ ob excessum aquarum ancoris non firmum , & paratum  
„ his , qui aberrarunt à recta via , naufragium , signis veris  
„ confusis cum falsis significationibus . Iam verò lucer-  
„ nam extinxit tempus omnia consumens , & turrim ma-  
„ gna ex parte dissoluit . Ex his Dionysij verbis cùm cæte-  
„ ra ponti littora assequimur , tum maxime Salmydeshi  
esse importuosa , Thracésque naufragiorum depræda-  
tionibus maxime deditos esse . Dionysio consentit Xe-  
nophon , cùm ait Græcorum exercitum , cuius ipse dux  
esset accessisse ad Thracēs , qui incolunt Delta regio-  
nem sitam supra Byzantiū : deinde Salmydeshum per-  
uenisse ad ea littora è mari in breuia , & quasi æstuaria  
quædam impæctas naties quamplurimæ in pontum ve-  
nientes frangi , eásque Thracēs prædari diuisis inter se  
littoribus , columnarum positione per interualla ere-  
ctorum . Nam antequam id fieret , inter eos de præda cæ-  
des plurimæ siebant . Evidem à Bosporo obiui pedi-  
bus ad Salmydeshum oram ponti importuosam , longè  
latéque apertam septentrionibus ventis , in medio iti-  
nere vidi locum , quem Xenophón appellat Delta : cæ-  
teri scriptores Delcon , siue Delconem : hodie nominat  
Dercon , id oppidum est , quod ab urbe Byzantio abest  
iter pedestre vnius diei . Ex tribus partibus clauditur la-  
cu dulci , nisi cùm tempestatibus mare incitatum exi-  
guo Euripo intromittit , à quo piscis Delcon appella-  
tur ab Athenæo commemoratus , is qualis sit , in nostris  
piscationibus informabitur . Inde rediens ad Cyaneas ,  
vidi nauem nigra caligine ponti aberrantem ab ostio  
Bospori in littus importuosum , aquilonibus impulsam

collidi, naufragosque omnes vectores, in columnes enatate in littus, Thracosque accolas opem naufragis ferre, a prædaque se abstinere: siue olim longa Romani imperij consuetudine mansuefacti, siue nunc coerciti acerba severitate dominantium. Ex antedictis iam liquet, Pharum antiquam ostij pontici non ibi fuisse, ubi nunc est iuxta Cyaneas petras, immo longè interius in summo montis emittentis collem fani vertice eminente supra vallē, per quam defluit Chrysorrhoas fluvius, vnde longè latèque patet pontus, & Bosporus, & Propontis, & Constantinopolis. Locus enim commodior neque tutior fuisse videtur ad Pharum efferendam in altum, quam hic omnibus verticibus Bosporanis excelsior, vicinus fano Europeo sub ipsum subiecto, unde defendi poterat contra Barbaros hostes Phati, quam prope fanum olim fuisse Philostratus significat; atque adeò ostendit expressa pictura, quam sub oculos postea subiiciemus, cum ad fanum Iouis perueniemus: aut si Pharus non extitit in vertice collis eminente supra latus meridianum vallis Chrysorrhoæ, certè eminuit supra latus cingens eandem vallem à septentrionibus, idque ex his, quæ postea affert Dionysius, coniectura affequimur. His, inquit, ante commemoratis locis proximus succedit Phosphorus locus, qui vel à Diana, vel à vicina antiqua Pharo cognomen traxit. Huic adiunctum & continens longum littus vocatum Ephesiorum est portus, a multis nauibus Ephesiorum huc appulsis.

Depor

*De portu Ephesiorum, & de Aphrodisio: de portu Ly-  
ciorum, & de Myrleanorum domicilio.*

## C A P V T   X X I .

**O**STI Ephesiorum portum, inquit Diony-  
sius, est Aphrodisium, formidabili rectum  
præcipitio. Hunc post, est portus Lyciorum,  
is subarenosum littus & sterile habet, in par-  
uo ambitu valde bonus & firmus, tutusque est. Super  
hoc est Myrlæum domicilium eorum, qui ob seditio-  
nem à Myrlæa in exiliū proiecti huc solum verterunt.  
Cùm ex Dionysij descriptione, tum ex his nominibus  
in hunc diem retentis perspexi Ephesiorum portū esse,  
vel eum, quem Græci iam appellant magnam Apho-  
siatin, vel eum, quem paruum nominant Aphosiatin,  
vel vtrunque angusto promontorio diuisum. Græci us-  
que ad hanc diem Myrelium appellant sinum quidem  
paruum, sed portuosum, ac primum totius Europei lit-  
oris Bosporici intrantibus ostium ponti, quo cognito,  
intelligo portum Ephesiorum aliud esse non posse,  
quam cum, quem vulgo nuncupant Aphosiatin. Nam  
à promontorio, quod à septentrionibus claudit vallem  
Chrysorrhoæ usque ad portum Myrelium nulli por-  
tus sunt, nisi Aphosiatis magnus, & paruus: hi cuiusmo-  
di sint, iam designatus sum. Littus fermè rectum pro-  
cedens, quod intercedit inter vallem Chrysorrhoæ, &  
promontorium diuidens magnum Aphosiatin à par-  
uo Aphosiati. Pedibus obire non potui, propter mare  
contingens imos montiū cliuos, valde pronos: sed qua-  
tenus oculis assequabar, octo stadia superare non vide-  
batur. Promontorium, quod à magno diuidit paruum

Aphosiatin, inter vtrunque portum patet in latitudinem passuum circiter ducitorum. Totum saxeum existit rupibus paululum sinuosis eminens in mare directis ad perpendiculum more muri, ex ea præsertim parte, quæ attingit paruum Aphosiatin directa præcisa in semicirculum, in conum velut turris in tectum fastigata: ab hoc promontorio paulo amplius mille passus usque ad promotorium ab Aquilone claudens magnum Aphosiatin, littus sabulosum procedit in formam arcuatam. In hunc valliculæ etsi desinunt, à ventis tamen non minus tutū ipsum præstant, quām colles: non enim dorsum montis penetrant, atque etiam commodiorem descensum in portum præbebant villis, quas olim fuisse in supercilio vallium apparer ex fundamentis ædificiorum, vbi fontes perennes. Promontorium, quo dixi claudi hunc sinum ab aquilonibus, excelsum est, vndique præceps, & præruptum, & quod pedibus iuxta littus circuiri nequit, ter tanto proiectius in mare, quām promontorium diuidens magnum Aphosiatin à paruo Aphosiate. Inter portum magni Aphosiatis, & Myrileium sinum, intercedunt plus minusve mille & quadringenti passus, quantum metiri potui, incedens in dorso montis per semitas pastorum, densis dumetis implicatas. Nam cliui excelsi à supercilio ad littus præcipitibus rupibus abrupti subsident, vt nulla via pateat: à Meridie clauditur promotorio toto saxeо, quod ab exteriori parte habet cauernosas rupes altè sonantes, cùm sunt tempestates, vt præternauigantes ignari putent tormentorum bellicorum sonitum esse: ab interiori parte sinum attingéte admittit cauernas, è quibus vna longa est plus

est plus triginta passus, vtrinque præcisa ad perpendicularum, cuius ima depresso tantundem patet, quantum summa labra. In hoc promontorio etiamnum extant vestigia quædam antiquorum ædificiorum, reliquæ domicilij Myrelei. In Dionysiano codice legendū puto potius Myrleium, quæam Myrleium: nusquam enim reperio Myrleiā, sed Myrlæam yrbeā Bithyniæ, postea appellatam Apameam. Myrleanus igitur sinus ab occasu insinuatur in vallem, per quam descendit fluuius in sinum ortus à vertice collis eminentis supra vallem Chrysorrhoæ, in quo dixi antiquam Pharum olim fuisse, & à fontibus pergit, à Meridie ad septentriones in longitudinem circiter quatuor miliariorum: inde ad Orientem procedens circiter octo stadia ingreditur sinum Myrleanum: omni anni tempore fluit liquidus, & clarus, quo factum est, ut sinus hic sæpe à diuersis habitatus fuerit, primùm à Thracibus Phineo Regi subditis, deinde à Lyciis: postremò à Myrleanis, vnde sinus appellatus Lyciorum, deinde Myrleanorum. Profundus est, & magnarum nauium capax, vndique ferè tutus: ab ortu Solis contra se habet sinum vulgo nominatum Dios sacra: eius saxa sunt obscurè Cyanea, vbi sunt totius Bospori viciniora ponto. Iam verò vbi fuerit Aphrodysium, quod ex Dionysio ante posui inter portus Ephesiorum & Lyciorū, id existimo fuisse proprius portum Lyciorum, quæam Ephesiorum. Ut enim Ephesij Dianam colentes verisimile est Dianam Phosphoron posuisse prope portum Bosporanum, Ephesiorum dictum: ita Lycios existimo statuisse prope portum sui nominis statuam Veneris, quam cultu eximio

prosequebantur, ut Lyciorum Reginā versibus décantatam Procli Lycij Philosophi. Prope enim Myrelium formidabilia præcipitia, quorum imā pars subſidet, & subducitur, ſumma proiicitur, ut domorum projecta tecta, quibus statua araque Veneris, ut ait Dionyſius, tegebatur. Itaque rectius interpretandum putauit Dionyſium, cùm ait: ἐπ' ἀντὶς λιμένι λυκίων μνεῖλασόν ζει. Supra hunc portum Lyciorum eſt Myrelium, quam si interpretati fuſſemus. Post hunc portum Lyciorum eſt Myrileium, nam tum Lyciorū portus eſſet magnus Aphosiatis, & Aphrodyſium fuſſet in promontorio, quod paruum Aphosiatin à magno diuidit: at ibi Aphrodyſium non tectum fuſſet formidabili præcipitio. Illud enim non ab imo subducitur, neque à ſummo proiicitur, ſed dirigitur ad perpendiculum.

*De Gypopoli, & de aulis Phinei, & Amyci Bebrycis.*

C A P V T   X X I L

**R**OMONTORIVM, quod à septentriōibus claudit ſinum Myrelium, totū ſaxeum, & parum latum exiſtit, ut quod in paſſuum longitudinē plus minūsve latitudinem paſſuum non excedat aliam ducentorum, aliam trecentorum. Ex tribus partibus mari, aut flumine circundatur, à Meridie quidem ſinu Myrlæano, & flumine. Illius mucro non latior ducētis paſſibus cingitur Bosphori angusto canali: at ab Aquilone iam latioribus primis fauibus Bosphori clauditur. Ab huius quidem promontorij mucrone progressus paulò amplius ſexaginta paſſus, vides eius latus vergens ad primas Bosphori fauces,

& pon-

& pontum rupibus excelsis, præruptis propendere directis à summo promontorij vertice ad imas radices mare attingentes, quæ recessus admittunt paruos, refertos ingentibus saxis, abruptis, ex antiqua ruina desinentes in speluncas prominentibus rupibus tectas, quarum vna vergens ad Solis ortum in omnes partes patet vigintiquinque passus: eam olim arbitror Thracum agrestium latronum domicilium naturale fuisse, priusquam ædificia incolere assuefacti essent. Olim maiores speluncas fuisse ostendunt crebra ingentiæq; laxa ante speluncas projecta; ab impenitentibus ruinosis rupibus abrupta longa temporis vetustate. Nam veteres Thracæ ex latrocincio viuentes extenorum adeò crudeles hostes fuerunt, ut de suo in externos odio cognomen dederint ponto non modò inhospitalitatis cuiusdam, sed perpetui odij sine exceptione omnem peregrinationem præcedentis, ἄξενοι omnes appellarunt, Sophocles ἀπόξενος, Lycophron λακόξενος, cùm ob eius nauigandi difficultatem, tum ob eiusdem accolias Barbaros, qui Bosporum sic clausum tenuerunt, ut Poëtis materia dederint fingendi, petras Cyaneas inter se concurrisse, easque ante Iasonem nunquam apertas fuisse. Hoc interpretari possumus utrinque latrones Bosporum totum olim Cyaneas appellatum accolentes intercepisse nauigantes in pontum, commodiorémque iuxta Bosporum sedem habere non potuisse ad obsidendas ponti portas, quam hunc locum situm in primis fauibus Bospori habentem speluncas saxeas naturales, quales tempora illa postulabant, quæ alibi in toto Bospori littore Europeo nullæ aliæ sunt, quam hæ habétes proximum

ximum fluuium perennem & potabilem , tantumque,  
quantus nullus longo interuallo reperitur: non Scletri-  
neus, qui propinquior est, non cæteri omnes littoris Eu-  
ropei maiores defluunt in Bosporum. Quamobrem mi-  
ror Dionysium hunc præteriisse, cum alios minores, &  
toto anno minime perennes haudquaquam praterie-  
rit. Hæ rupes suis radicibus ad mare adhærescentes emi-  
nent supra mare in longitudinem mille passuum præ-  
cisæ, directæ ubique inter se continentæ, excepto exi-  
guo sinu intermedio, ex quo ascenditur in iugum pro-  
montorij depresso inter rupes vtrinque eminentes mul-  
tis proiectionibus, subsidentesque multis contractio-  
nibus in multos vertices fastigias, ut castella quedam  
agrestia præternauigantibus esse videantur turribus ela-  
ta, aspectu horrido & planè Barbarico: Non uno lapi-  
de illæ constare videntur, sed multitudine lapidum in-  
ter se compactorum terra Cyanea conuersa in saxa fra-  
gilia, vetustate inter se cohærentia, Cyanæ quidem co-  
lore, sed aliquantum vario, alia enim obscuriora, alia  
dilutiora. Has rupes arces Phinei pulchrè describit Dio-  
nysius. Post, inquit, Myrileum, est Licnias forsitan no-  
minatus, siue ex eo, quod ad similitudinem cunarum  
concauus sit, siue ex eo, quia secundum imas suas par-  
tes vnde suam proiectam eminētiā dilatat. Apud  
hunc locū est collis saxeus nuncupatus Gypopolis co-  
gnomen adeptus, siue ab immanitate Thracica & Bar-  
bara, agrestique: aiunt enim hic habitasse Phineo Regi  
subiectos crudelitate plurimum eminentes: siue etiam  
appellatus est Gypopolis, ex eo, quod Vultures frequen-  
tes apud hunc locum versari gaudeant. Hæc quidem  
Diony

Dionysius. Posset item appellari Gypapolis per alpha-  
ρη τὴν γύπων, οὐδε τὴν αἰλαύων. Num verò hęc, an alia quæ-  
dam vicina fuerit aula illa, decantata quidem scriptis  
multorum antiquorum, sed recentium omnium igno-  
ratione obscurata, ad quam Phineus Iasonem, cāte-  
rōsque Argonautas excepit: ex his quae quām mox sub-  
iungentur, coniicito. Asclepiades quidem & Didymus  
narrant Iasonem nauigantem ad Colchos, cūm venis-  
set ad regionem Bithynorum, exceptum fuisse à Phi-  
neo in suam aulam. Sed hęc an fuerit in Asia, an in Eu-  
ropa, dubia videtur ex authoribus duplicem tradenti-  
bus Bithyniam, vnam Europeam circa Salmydestum.  
in Thracia constitutam, alteram Asiaticam, Phineūm-  
que omnibus Thracibus, etiam Asiaticis nuncupatis  
Bithynis imperasse: nec dubium tollunt, scribentes Phi-  
neum habitasse circa Salmydēssum, Phinopolimque  
fuisse inter Salmydēssum & Cyaneas. Vnde quibusdā  
aula fuisse videtur, in qua Phineus excepit Iasonem, vt  
mihi etiam videretur, nisi extra Bosporum ab omni-  
bus Geographis constitueretur: nisi fortasse Plinio, qui  
eam interdum constituere videtur intra Bosporū, cūm  
ait: Inde fauces primae, vbi Phinopolis oppidum fuit.  
Sed alio loco secum dissentit, cūm oram Thraciam in-  
ceptam ab Istri ostiis ad Bosporum persequens narrat  
Thynniam, Salmydēssum, Deuelton, Phinopolin. Sed  
à Bosporo Lasthenes, ex quo quidem ordine verborum  
excludit à Bosporo, Phinopolin. Quamobrem Phino-  
polis extra Bosporum sita non fuit aula Phinei, in qua  
excepit Iasonem Phineus. Nam si usque ad Phinopo-  
lim Iason nauigasset, iam prætergressus Cyaneas, non

necessè habuisset petere consilium à Phineo, qua ratione Cyaneas præteriret. Verùm aulam Phinei fuisse iuxta Bosporum inter Cyaneas, intérque aulam Amyci Bebrycum Regis, à nemine certius intelligere possumus, quām ab Orpheo antiquissimo, qui vñus ex Argonautis fuit, à quo omnes didicerunt, si quid veri de aula Phinei scripserunt: verùm in qua parte Bospori, intelligere non possumus, nisi prius cognouerimus, vbi fuerit aula Amyci. Vtrasque iuxta Bosporum, illam in Europa, hanc in Asia fuisse ex Orpheo & Apollonio assequi potuisset Plinius & Hermolaus, si diligenter utrosque perpendisset. Sic enim Orpheus ait, cùm Argonautæ p̄ eternauigassent Cyzicum Rhynchacem venisse ad Cion locum situm iuxta Propontidem, inde tum soluisse:

Ὥτε μεσάτλω ὑῶ φέρεν ἀκέας ἵππος  
 ΉλιΘ, οραεπνὸς δὲ ἡρεως ἐπνέεν δρΘ.  
 Ἐρ δὲ ἐπεσειρ αργυρνᾶς θόνας, τιφᾶς ἢ ἐγερόν.  
 Νηὸς ἔγω ποράκι θινὸς δὲ ἐκπέσματα λύει,  
 Οἵες λινερητῆρΘ ἐφημοσωάσις ἐπίθονδ,  
 Αντάρ ἐπ' ὑῶν λυχρῶν ἐποράσσαμεν αἴσην.  
 Ἔνθ' ἄμυνΘ βεβρύκεστιν ἵστριφιάλοισιν αἴσοιεν.  
 ὅσε πανομφάτις θιώς θέμιμη ὅπις ἀλεγύζων,  
 ὅσις ἀπισθίης, ἀδὲ ἀτεμφῆ μόμοις ἕγη,  
 Θήκας πονγμαχίης ἵστροπλος πειρηθίων  
 τοὺς μὲν ἄρ' οἰτωσεῖγι οραεπόρος πολυδέκης  
 λαὸς δὲ ἄρι βεβρυκῶν μέσιαι καλικῶντας ιατένηροι  
 οὐθὲ δὲ ἀφορμιδέντοις ἵστροσιν ἢ ιαμόντοις  
 βιθανῶν πέμπεις πολυχράστις, ἀδὲ γνήσιας πολυχράστις  
 επιδύνθεις πολυχράστις, ἀδὲ γνήσιας πολυχράστις

Επαρθεὶς

Ἐπωφοι ἀντιδράσεις ἐφοπλισάμεθα δέρπου·  
Ἐνθα τότε αἰνόγαιμῷ φινεὺς ἵωσθίσοι θυμό,  
Δοὺς θεατλάσως γόνος ποβλητοὶ τέτρας,  
Οὐρσίν ἑλὰν πρόσθικε γυναιῶν οἴνεια Θίλβων.

Deinde paulò infrà ait:

Ἄνταρ ἐπεὶ φινῷ ἀγωσέδαι λιπόντες  
Ἄντιψ ἵωερμέγα λαῖτης θελασσῆς θεικόμεθα  
Ἄγχος κνανέας τέτρας.  
Ἄλλ' ὅτε οὐκ πορθμοῖο οὔτε σόια, οὐδὲ οὐδὲ τέτρας  
Κνανέας πρεψε λάσλῷ πρόπτις, ἀντὶ λέπρης  
Βυνασθεν φειχθνός, οὐδὲ ἔπιπειδομ αὖτε θεινοῦ  
Καὶ τότε οὐκ προσφυγόντες ἀδέκεα τάπια διέθρας  
Ρηβανῶν πολχαῖσι μέλαιν' θεικόμεθα ἀκτίνι.

Ex his quidem percipimus aulam Phinei fuisse inter Cyaneas, intérque aulam Amyci, ad quam Pollux visitat Amicum Regem Bebrycum. Sed vtrum in Europa, an in Asia fuerit vrbs illa magna, quam dicit esse Bithynorum sitam in lato littore, Orpheus non declarat: nam si legatur

Ἐνθαδὲ οὐ ἀφοριαδράσεις ἵωται ερεσίν ἢ λαξινοῖς  
Βιθυνῶν τὸ μέγα ἄσυ ταλασθενταύλην ἀκτήν.

Videtur ostendere illam fuisse aulam Amyci, ex eo, quod Apollonius Poëta quidem Argonauticorum, sed Orphei interpres: aulam Amyci scribit fuisse in lato littore, cùm ait:

οἱ δὲ χθονὸς εἰς ἀνέχεσθαι ἀκτίνων  
Ἐπι λόποιο μαλαθρεῖαν ἔστειλον.

At potius mihi legendum videtur in Orpheo, ἀφοριαδράσεις: ex eo, quod ante Orpheus dixit, transiisse ad locum:

Ἐνθάδι ἀμυκός Βεβρύκεσιγ αὔποτην.

Vbi Pollux Amycum deuicit. Sed tamen etiamnum ex Orpheo dubium videtur, vtrum illa magna vrbis fuerit in Asia, an Europa, itēmque an aula Amyci in Europa, an Asia, an iuxta Bosporum, an in Propontide. Nam Dionysius scriptor orbis, post Bithynos, pōstque ostium ponti ponit Bebrycas. Charon narrat Lampsacenorum regionem prius appellatā fuisse Bebryciam, vnde Tzetzes ausus est totum Hellespontum appellare Bebrycium, & totam Propontidem Bebryciam, sed & Bithynos accolentes Bosporum appellatos fuisse Bebrycas, cùm ex Nymphe Heracleota colligitur, tradente Bithynos etiam appellatos fuisse Mygdones & Bebrycas: quos Strabo dicit antè Bithynos Mysiam incoluisse, oriundos à Bebrycibus Thraciae, tum Bithynos Bosporanos nuncupatos fuisse Bebrycas, liquet ex aula Amyci Bebrycum Regis, quam iuxta Bosporum in Asia sitam fuisse deprehendo ex Apollonio Orphei interprete, non minus egregio Argonauticorum Poëta, quam Geographo vero: qui vt narravit, quemadmodum præternauigarint Cyzicum usque ad Cion: inde, inquit, soluentes:

Νῦν δὲ πανηγυρίους αὔτην φέρε, νυκτίστη πάσση

Λαέβρῳ οὐδιπνέωμεν γαρ οὐδὲν ἡδί πεπλόντες

Ηὗτοι σελοφένεις, οἵ δὲ χθονός εἰς αὐτέχθεντες ἀκῆλες

Ἐκ λέλαιοι μάλα δυρεῖται ἐσέδην.

Φρεσοσαμένοις λάπποσιγ αὔτην πελίστη ἐπέκελθεν.

Ἐνθα δέ τε οὐρανούστη βοσκούσιε αὔλιστε αὔμνησιο

Βεβρύκων βασιλῆς.

Deinde postquam narravit, vt Pollux vicerit Amycū,  
vt lauro

vt lauro coronati Argonautæ cænassent, adiungit:

ἽμΩ οὐδὲ λίθος φυσερῆς ἐπέλαμψε λοιπόν,  
Ἐκ πρατέων αὐτῶν, ἡγεμόνης οὐκοῦντες,  
Δὴ τότε λυσάμενοι νεᾶς ἐκπέσματα οἰκέφνες.

Post addit, vt toto illo die afflictati tempestatibus fuc-  
rint, postridiéque peruererint ad maritimam domum  
Phinei, vt quæ Phineus dixerit Argonautis:

Γέτρας μὲν πάμπρωθύ ἀφορμήθυντες ἐμοῖο·  
Κυανέας ὄφεδος μέντος ἀλὸς γνὲ ξιαρῆσται  
Ἄντικη βιθυνῶν ἀδιστεξία γαῖαμ ἔχοντες,  
Πλώετε ρηγυμίνας τεφνλαγμάτοις ἐσόκην αὔτε  
Πηνειρῶν κυρόλων πόσταμορ σκόπελογ τε λοιπόν.

Ex his patet aulam Phinei fuisse in Europa iuxta Bos-  
porum vicinam Cyaneis, aulámque Amyci fuisse in Bi-  
thynia Asiatica: sed an iuxta Propontidem, an iuxta  
Bosporum, coniicere licet ex eo, quòd Orpheus dicit  
Argonautas ex eo soluisse circa Meridiem vento se-  
cundo: similiter Apollonius ait ex Cio soluentes totum  
diem, & totam noctem secundo vento & copioso ve-  
ntos fuisse, postridie manè vento cessante remorum vi  
appulisse nauem ad eum locum, ubi esset aula Amyci,  
ubi Pollux ex prouocatione vicit Amycum. Iam verò  
à Meridie ad posterum diem vento secundo vsos con-  
ficere potuisse amplius centum miliaria existimo ex  
mea nauigatione, qua intra vigintiquatuor horas à  
monte Arganthonio eminente supra sinum Cioticum,  
peruenit ad Bosporum distantem à Cio plus centum  
miliaria. Ex quibus etiam verisimile videri posset, au-  
lam Amyci in Bosporo potius quam in Propontide, si  
nulla essent apertiora argumenta ad probandum au-

Iam Amyci esse iuxta Bosporum. At alia permulta certiora sunt, quorum nonnulla, cùm alia ex Apollonio colligere possumus, tum iuxta locum, vbi interfectus est Amycus, fuisse νέκτης Αμύκου, quam non Apolloniū poëticē finxisse, sed reuera in hoc loco fuisse permanentem, ex Andræta Tenedio & Apollodoro infrā ostendam: quam posteri appellarunt laurum insanam, vbi Plinius dicit fuisse portum Amyci, quem Arrianus appellauit portum laurus insanæ. Eūmque tradit quadraginta stadia distare à fano Louis Vrij, octoginta ab urbe Byzantio. Ex his manifestum est aulam Amyci fuisse in medio Bosporo, aulāmque Phinei fuisse inter medium Bosporum & Cyaneas. Sed in quo loco nunc coniiciamus, vero proximū est. Cùm Phineus haberet greges boum, & ouium, equorūmque, Rēxque esset Thraciæ, habitasse prope flumen. A medio Bosporo in Europa ad Cyaneas primus est Pharmacius fluuius situs contra portum Amyci, in quo non fuisse Phineum, cùm exceptit Iasonem, Bospori latitudo ostendit, quæ haud excedens miliare, non tenuisset Argonautarum traiectum tantum temporis, quantum Orpheus & Apollonius tradunt consumpsisse ab aula Amyci ad aulam Phinei: deinceps sequitur Bathycolpus fluuius, vbi aula Phinei fuisse non videtur ex loci interuallo. Ille enim distat à portu Amyci circiter tria miliaria: non enim Argonautæ diem unum consumpsissent in tria milia confienda. Restat ut Scletrinas aut Myrleanus habuerit domum Phinei, sed uter habuerit, ex his, quæ mox afferam, coniicias. Scletrinas habuisse videtur ex his Apollonij versibus, cùm ex hospitio Phinei Argonautæ

nautæ soluissent, ait: Δώδεκα Αιωνίαρτες βωμὸν ἀλλοὶ γῆγμινε  
πάρελυ, καὶ ἐφ' ἐργα θύγτες νῦν θολὸν ἔσθαιενον ὅρεον. Hoc est, in  
littore vltiori aram erexerunt, quod infrā ostendam  
esse in eo loco, vbi est fanū Louis Vrij, cui domum Phi-  
nei propinquam fuisse antedicti Apollonij versus desi-  
gnant. Inde adiungit, ut ex eo loco, vbi fanum est, sol-  
uentes nauigarunt ad Cyaneas promontorium. Fanum  
est magis intra Bosporū, quam Myrleanus fluuius duo-  
bus miliaribus. Itaque si aula Phinei fuit ad Myrleanū,  
oportuit Argonautas retrocedere duo miliaria. Sed id  
ferri potest, nam vatis Phinei vaticinio illud templum  
excitarunt duodecim diis: verisimiliusque videtur au-  
lam Phinei fuisse prope Myrleatum fluuium, vbi fuit  
Gypopolis, quam prope Scletrinam ex Orpheo, cum  
ait, Argonautas postquam reliquissent aulam Phinei su-  
pra magnam vndam maris, accessisse prope Cyaneas:  
sed clarius ex Apollonio, cum scribit Phineum dimit-  
tentem Argonautas. A me, inquit, discedentes quam-  
primum videbitis Cyaneas, ex quibus oportuit domum  
Phinei propinquam esse Cyaneis. Adde, quod aulam  
Phinei dicit Orpheus fuisse, vbi excœauit filios, eosque  
in petras eminentes proiecit. Ex quibus videtur aula  
Phinei propinquior Myrleano, quam Scletrine, quod  
circa Myrleatum rupes sunt eminentes & præcipites,  
frequentari solitæ vulturibus, & coruis, miluisque, hoc  
est, arpiis rapacibus. In contrario littore est promonto-  
rium, quod Dionysius Byzantius appellat Coracium,  
in hanc diem nomen retinens: præterea quod nulla alia  
pars Bospori, quam circa Myreliū & Gypopolim ven-  
tos rapidiores habet. Venti enim Arpiæ dicuntur. Ho-

merus

merus in synonymia ponit θύελλας καὶ ἄρπαξ αὐτὸν τοὺς λα-  
τρυγόδεις προάστη μὲν ἀπὸ τοῦ ἀρπακέων τὸ δὲ ἀπὸ τοῦ θύεων, ὁ δὲ  
μὲν πίας ἄγειν· atque ut solemus Arpyias ἀρπακέων λιών  
appellare, ita latrones rapaces Thraces Arpias vocare  
possimus. Nam quod Orpheus dicat aulā Phinei fuis-  
se in sylvis, nunc nullæ sunt in Myrleano, sed neque item  
in sinu Pharmacia, cum olim fuisse densa & profunda  
nemora antea ex Dionysio acceperimus; sed de his rebus  
tam antiquis, quas ne antiqui quidem permulti etiam  
literarum monumentis clari benè nouisse videntur: cui-  
us curiosius relinquo iudicium.

*De petra Dotina.*

C A P . X X I I I .

**D**A V L O vltra Gypopolim (inquit Diony-  
sius) est petra Dotina nominata, non in ma-  
gnam maris altitudinem abdita, neque su-  
pra aquam extans:naues in ipsam impingun-  
tur. Petra nomen ironia, dissimulantiaque ridet nau-  
gantium ignorantiam. Δωτίνη vocant Dorienses, ab a-  
liis Græcis nominatam προίνα. Byzantius colonos Me-  
garenium lingua Dorica vsos fuisse, cum ex his cognos-  
co, tum magis ex psephismate, quod à Byzantiis de-  
cretum in gratiam Atheniensium Demosthenes citat  
contra Aeschinem: Dos, inquit, Varro, erit pecunia, si  
nuptiarum causa data, hæc Græcè Δωτίνη: ita enim hæc  
à Siculis nominatur. Iam verò ut ab urbe Byzantio ad  
Pharum & Cyaneas pedibus profectus sum secundum  
littus, ita à Pharo similiter pedibus Byzantium reuerti,  
quam proximè ad littus accedere potui. Sed primum à  
Pharo ad Myrelium non potui, quod littus præceps &  
præru-

præruptum sit, perpetuis rupibus editum in altitudinem plus minusve quadraginta passuum. Supra hoc littus existit planities, campestris, colliculis, & valliculis distincta longe latèque patens, sensim assurgens usque ad verticem collis, in quo antè dixi fuisse antiquam Pharum. Itaque à Pharo ad Chrysorrhoam iter feci per supercilia collium, per desertas pastiones plenas erycis, aliisque fruticibus, ubi nihil cultum apparet, præter exiguae arationes, non tam iniquitate terre, quam inopia agricolarum, si quā descensus patet ad littus, ut patet ad Myrelium, & ad portum Ephesiorum, statim latè rupes me impedierunt, ut ex altis littoris crepidinibus mihi saepe ascendendum fuerit ad circuendas rupes obuias, & per directos & præruptos cliuos repere quadrupedis more habui necesse. A Chrysorrhoa iuxta littus iter habere potui ad promontorii Smilton, quod præceps & abruptum non perium est, nisi in excelsis cliuis: inde ad Bathycolpon iuxta Bosporum perrexi: à Bathycolpo ad Cōmarodes exceptis vallibus via non patet in ora maritima, sed angustissima semita habetur in arduis cliuis, confragosis, & abruptis à Commarode ad Leosthenium iter confeci ferè secundum littus: à Leosthenio ad portum Phidaliæ, excipio valles, via duntaxat patet per altos cliuos: à Phidalia ad oppidum nuncupatū Sycas, siue Iustinianas via patet iuxta Bosporum: à Sycis Byzantium traiectus est brevior: quatuor stadiis, à quo quidem traiectu appellato Syceno, ad finem Bospori planities maritima Constantinopolos partem continens accessum latum, largitur etiam quam proximè ad Bosporum.

*De Panio promontorio Phari, & de Cyaneis petris.*

CAP V T . XX I I I .

**D**icitur Dotinam petram, inquit Dionysius, existit promotorium nuncupatum Panium parallelum Cyaneis, hoc est, quasi par & aequaliter contra Cyaneas situm, intercedente medio maris littore: in fine autem promontorij, parvae Insulae termini pontici maris à Continente dirempta parvo maris spatio intermedio, quod per leuibus & perparuis nauigiis permeari & transiri potest ob mare minime profundum. Sublimes autem Cyaneæ, & supra mare elatae, aspectum gerentes similem Cyano, siue à terra multiformi, siue ex refractione maris: supra Cyaneas atra existit Apollinis à Romanis statuta. Promontorium Panium totum saxeū nihil aliud est, quam Isthmus peninsulanus, ex tribus partibus mari circumdatus, ab Oriente quidem Bosporo, à septentrionibus sinu ponti scopuloſo, importuoso, patent in longitudinem circiter mille & ducentorum passuum: ab huius intimo recessu linea secans promontorij dorsum, hoc est, ceruicem Isthmi ducta ad Bosporum extenditur in passus septingentos. Cliui à summo mucrone ad ceruicem in passuum altitudinem efferuntur circiter mille & ducentorum. Contra Cyaneas emittit duos mucrones totos saxeos. Primæ quidem maior est, & rectus asurgit in medium promontorium, sub imas radices admittens breuem quendam recessum diuturnis & vehementibus fluctibus excavatum, caueris & fossulis saxeis plenum, qui exarescit, cum est mare tranquillum: cum verò est ventus, cōcitatum impletur fluctibus, sed cauer

cauernæ semper aqua plenæ remanent. Alterum verò mucronem emittit minorem & obliquum: à dorso demissam, velut pollicem porrectum in obliquam manūs partem. is mucro magis meridianus exiguum sicutum efficit, admittentem quantumtaxat scaphas. Litus autem contra Cyaneas, situm intercedens inter utrosque mucrones, longum circiter trecentos passus, in Panij supercilio eminenti supra mucronem maiore existit Pharus quasi  $\phi\alpha\nu\delta\sigma$ : vnde à Græcis huius ætatis omnia ferè nomina diminuere in  $\alpha\epsilon\tau\omega\gamma$  solitis appellatur  $\phi\alpha\nu\delta\epsilon\tau\omega\gamma$ . id turris est octogona, in culmine habet lucernam omnibus noctibus lucentem nauigatibus, vndique clausam vitreis fenestellis, plumbo, non gypso compactis, quod ostendit non Turcorum, sed Christianorum opus esse. Ex vertice Panij promontorij quoquo versum vides longè latèque pontum Euxinum, tanquam ex Panio Alexandria olim videbatur: hac etiam ætate spectatur in media Alexadria Panium quoddam manufactum, fastigiatum in acutum verticem, excelsum, collis simile, ex cuius culmine tota vndique Alexandria, simulq; hinc mare internunt, illinc Mareoticus lacus videtur. Duobus promontoriis Panio & Ancyreo finitur pontus, incipitque Bosphorus. Iuxta Ancyren existunt Cyaneæ Asiaticæ, iuxtaque Panium Cyaneæ Europeæ, distantes à Panio sibi opposito ab occasu paulò amplius septuaginta passus Romanos. tantundem enim in latitudinem patet Euripus, Cyaneas à Continente separans, quem vadousum & saxeum nudus trâsire conatus, de medio cursu reuocatus sum. Itaque consensa scapha, per hunc penetrâs aduerti Cyaneas ab occasu qui-

dem circumnauigari non posse, nisi nauigiis perparuis ob vadosum Euripum à Septentrionibus Orientéque circuiri ab omnibus nauibus posse. Cyaneæ nihil aliud sunt, quām vt dicuntur, petræ: eas enim nunquam Insulas appellant Orpheus, Apollonius, Valerius Flaccus, Herodotus, Dionysius Alexandrinus: sed duntaxat petras nominant. Strabo verò & Dionysius Byzantius vocant Insulas magis propriè: Valerius Flaccus nunc scopulos, nunc cautes, nunc rupes nūncupat. Eurypides Dydymos petras, quæ profectò nihil aliud sunt, quām duo scopuli, vnuſ Asiaticus, alter Europeus, diuſus in quinque petras vna radice nitentes, sed ab imo ad summum rimis diuſus: quarum primam Pharō viciniorem à petra diuidit fissio, rimāque alta quinquaginta dodrantes, alicubi patens in latitudinem trium pedum: in qua quidem fissione consistit saxum plaustri oneris magnitudine à prima petra gradum atque aditum iaciens ad secundam petram in fissionem proiectam ex antiqua ruina, quam summam scopuli verticem edidisse significant circum scopulum permulta abiecta saxa. Primæ quidem petræ iugum in omnes partes patet sexaginta septem dodrantes: secundæ verò dorsum planum, in quo statuta est columna, in dodrantum longitudinem panditur cētum & quinquaginta: in latitudinem verò quinquaginta. Secundam à tertia diuidens fissio paulo latior est sexaginta dodrantibus. Tantundem patet fissura tertiam à quarta sciungens, altitudo totius scopuli, quem dixi diuſum in quatuor petras, non excedit octoginta dodrantes. Ambitus superat duo milia dodrantum. Ascensus in huius iugum non patet, nisi

vno.

vno aditu, eoque per angusto, quo quadrupedis in modum irrepetitur. Scopulus et si totus saxeus, tamen ex eius dorso aliquot frutices enascuntur, ut caprifici, ut pruna agrestia, sed rariissima. Cum sunt maris tempestates, fluctibus obruitur usque adeo; ut columna alpersione fluctuum attingatur. Fuit aliquando scopulus integer, nullis rimis scissus, sed saxa circumproiecta ostendunt ruinarum editione scissum fuisse: unde factum est, ut eius radices multas cauernas & latebras habeat, partim aridas, partim mare admittentes, ubi non modo pisces, sed etiam multi homines delitescere possunt. Quinta petra longè humilior cæteris, fastigiata in duos vertices, exiguo Euripo diuisos: illius quidem radices sub aqua iuxta vadum cum radicibus scopuli, quem iam dixi in quatuor petras diuisum, continuantur, coniungunturque: sed ab hoc scopulo quadrifido separatur Euripo vadiso, pleno ingentibus saxis ex aqua extantibus, quæ ab ipsis scopulis abrupta esse videntur. Circum hos omnes scopulos similiter ingentia saxa abrupta iacent, Euripique vadum intercedentis inter Panion, & Cyaneas saxeum, & cauernosum, introspexi. Ut verò proximum videatur Cyaneas olim abruptas à Panio promontorio fuisse similiter toto saxeo. Quare non sine physica ratione ubi animaduerissent Poëtae Cyaneas terræ motu, aut temporis vetustate ruinas edidisse, & circumfractas esse, finixerunt inter se concurrisse: in quo concursu quid verius esse appetet, quam id, quod tradit Valerius Flaccus. Cyaneæ iuga præcipites illa remittunt. Nam reuera earum iuga ruinis illis remissiora sunt facta, earundemque moles illisæ. Nam quod Apollonius

ait petris Cyaneis, κοιλαὶ αὐτῆις τὸν περιάδας λαυγέοντας  
 ἀλλοὶ τρόπῳ οὐκέτεονται ex antē iam dictis non fictū esse prae-  
 scimus. Quod autem Cyaneas Asiaticas concurrisse  
 contra Europeas Cyaneas, quæ modò clausas, modò a-  
 pertas videri tradiderint, ex eoque synormadas, & sym-  
 plegadas, & planetas appellauerint, non mendacium  
 commenti sunt, sed physicam veritatem expresserunt  
 ex antiquis duabus Cyaneis, hoc est, ex duobus littori-  
 bus Bosporum cingentibus, quæ utraque antiquissi-  
 mis temporibus symplegades, & planetæ appellatae sunt,  
 id est, ut Valerius ait, errantes per altum Cyaneæ. Illæ  
 redeunt, illæ æquore certant. Ex eo, ut ait Eratosthenes,  
 quod angustum fretum, & flexuosum multis anfracti-  
 bus circum septum nauigantibus videtur tum concur-  
 rere & congregari, occultari, claudi, tum rursus digredi  
 aperiri que proximo enim accessu aperiuntur, mox di-  
 gressu rursum delitescunt Cyaneæ. Dionysius Byzanti-  
 ius ut Cyaneas constituant Insulas esse, tamen omnes  
 Bospori anfractus ait symplegadas dici posse. Neq; ve-  
 rò, inquit, Bosporus directus, sed continuus, & paralle-  
 lis promontoriis fractus: præuerunt enim, & tanquam  
 se inuicem supplantant, & propemodum se decipiunt  
 promontoria prohibentia nauigantes ulterius progre-  
 di. Vnde, ut ipse ait, mihi videntur Symplegades nomi-  
 nasse petras, quoniam ad nauigantibus modò aperiri,  
 modò claudi videntur fallente aspectu opinionem: id  
 enim quod videtur finis, statim principium esse appa-  
 ret. Quamobrem magis properè Bospori anfractibus  
 conuenit nomen symplegadum, & planetarum, quam  
 Cyaneis Insulis, quæ traduntur inter se cōcurrisse: quia,

vt Plin.

vt Plinius ait, paruo inter se discretæ interuallo intrantibus geminæ cernerentur, paululumque deflexa acie, coeuntium speciem præberent, id quod non satis probabunt nauigantes ex ponto in Bosporum. Nam Cyaneæ Insulæ adeò sunt vicinæ Continenti, vt particulæ Continentis esse videantur, neque, nisi proximè accesseris, eas à Continenti distinxeris. At vtrique latus Bospori intrare volentibus in Bosporum, modò clausum, modò apertum Bospori canalem ostendit non modò procul ex agitacione nauis, modò directa via ad os ad nauigantis, modò obliqua, sed etiam proximè, atque adeò intra Bosporum nauigantibus crebro claudi & aperiri Bosporus videtur ex crebris promontoriorum flexibus. Rectè igitur Frontinus Cyaneas vocat Bosporum. Philippus, inquit, cùm angustias maris, quæ Cyaneæ appellantur, transnauigare propter Atheniensium classem, quæ opportunitatem loci custodiebat, non posset, scripsit Antipatro, Thraciam rebellare, praesidiis, quæ ibi reliquerat, imperfectis, vt sequeretur omisis omnibus, quæ epistolæ, vt interciperentur ab hoste, curauit. Athenienses arcana Macedonum accepisse visi, classem abduxerunt. Philippus nullo prohibente angustias freti liberauit. Sic Cyaneas intelligere videtur fœdus illud illustre, quod Athenienses post pugnas nauales percusserunt cum Rege Persarum, quæ sic abiecerunt Regis animam, ἀστονθέας τῆς πολεμόνευσης εἰρήνην, ἵππος μὲν οὐδόμοις ἀστονθέας τῆς εἰρήνης απέτεχεν θαλασσής. οὐδόμοις δὲ λινανέων καὶ χελιδονίδων μακρὰ νηὶ καὶ χαλκευόλα ωκεῖν. Iam etsi ex his, quæ antè dixi de aulis Amyci & Phinei, liqueat Orpheum duas petras Cyaneas non intelligere totum

totum Bosporum; aut multiplices anfractus parallelos Bospori: tamen ex eoclare elicere non possumus, abundat intelligat Cyaneas Insulas, an etiam vtrunque littus circumuinicum Cyaneis. At ex Apollonio non solum eius æmulo, sed etiam enarratore assequimur, petras Cyaneas aut esse, quas Insulas diximus, aut rupes & cautes vtriusque littoris à Myrleano sinu usque ad Cyaneas. Sic enim Apollonius ait, ubi Argonautæ duodecim diis aram posuissent, in eo promontorio, quod etiamnum ιερόν Græci appellant.

ταῖς δὲ ἀπὸ δίπλων τείσιμαις ἐλυθεροῖς

Οἱ δὲ ὅτε θυσιολίσιο πόρος σάνωποι,

τριχέις αὐτιλάδεσιψ ἐδρύμικοι· αὐτοφοτέρωθεν,

διηνέσις δὲ ἡ ταγναρθεν αὐτοκλυζεσκον ἐλυθεροῖς

Νηκ ρόος, πολὺ δὲ φόβῳ πρετέρωσε νέοντες;

Ηδη δὲ σφύσις λέπτος αρκεσομένων τεβολῶν

Νάλεμες, οὔτε ἔβαλμε, βόων δὲ ἀλιμύρες ἄκτη,

Κυανεας, ἀκυνθίς, ταῦλης αὐτίας ἀλλήλησι,

Ἄμφω διῆς ἔωσισαν ἐπέκτυποι, ὥπτο δὲ πολὺ

Ἀλιηυ αὐτοβραχεῖσα, νέφος δὲ πόντος

Σμερδάλεον ταῦτη δὲ ποθιμέγας ἔβρεμεν αἰθέρος

κοῖλας δὲ αὐτοίς γένονται αὐτούς,

κλυζόσις ἀλὸς γῆδόμης ἔβομβεον.

Ex quibus percipimus Argonautas soluentes ex fano Iouis aliquandiu nauigasse per Bospori flexuosi angustias vtriusque asperis cautibus cinctas, iamque sonitum petrarum conflictantium Argonautarum aures vexasse, marina littora musicè Cyaneas inter se concurrentes fremuisse, cauas speluncas sub cautibus mari intus fluctuante resonasse: quæ omnia cōueniunt non modò insulis,

insulis, sed etiam cautibus & rupibus vtriusque littoris excurrentis à Cyaneis ad Myrleanum sinum, & Coracium promontorium. Ibi enim vtrunque excelsæ rupes fluctuum impetu altè resonant, & concurrisse inter se videntur, ex ingentibus saxis circum vtrunque littus sparsim in mari iacentibus. Nam verò ex antedictis perspicuum est Tzetzem nobilem Grammaticum, qui gloriatur se omnibus Geographis atque Historicis longè melius scire Bosporum Thraciū, nec scire Cyaneas, non modo quas tradunt Geographi Historicique: sed ne illas quidem, quas Poëtæ, quorum interpretem se profitetur, commemorant. Sic enim enarrat illos Lycophronis versus:

πόντοι, ἐλλησ, καὶ τε προαὶ συμπληγάδες,

καὶ οὐκέτιστοι, καὶ λακόξαι· λιβύθωρ σκύθαιοι γετῶρ.

Quas Homerus appellat planetas: Lycophron Symplegadas petras: Eratosthenes Synormadas, quas dicit apud pontum Euxinum esse, siue circum angustias. Apollonius & Lycophron ipsas quidem dicunt esse Symplegadas: verùm Lycophron videtur has ponere inter Chalcedonem & Byzantium, vt videantur esse id, quod ab idiotis dicitur rheuma. Apollonius verò videtur apud pontum Euxinum, siue apud angustiarum locum nuncupatam clauem, ipsas statuere, eas similiiter vt Lycophron scribens Symplegadas ἀξωνας, quarum una est in Europa apud Byzantium, altera in Asia apud Chalcedonem. Salmydæsus verò est mare inter Byzantium & Damalim, post angustias Bospori & fænum Iouis, est Scythia. Hæc quidem Tzetzes. At versus Lycophronis, cùm nihil dislideant ab Orpheo & cæ-

teris scriptoribus, perueſe conuertere conatur in ſenſum ab omnibus authoribus alieniſſimum. Non enim his versibus Lycophron dicit, Symplegadas eſſe inter Chalcedonem & Byzantium, vt ipſe teſtatur, neque Apollonius ponit ad Euxinum pontum, vt Tzetzes ait, neque apud clauem pōti, ſiue eam intelligit, quam ho-  
die appellant Κλεάδιον, locum vicinum Byzantio, nun-  
cupatum Senem marinum, ſiue illas claves, quas Dio-  
nyſius appellat modō Κλεάδες, modō Κλεάδεις, quas antē  
demonſtrauimus eſſe circiter medium Bosporum, pro-  
pe ſinum appellatum Pharmaciā. Sed Apollonius ipſe  
Symplegadas ponit apud partem Bospori, quain mo-  
dō explicuimus, ſic inquiens: Δύο ἀλαθροὶ εὐρόχιστοι κναίαι  
ωτέραι. Hoc eſt, in primis fauibus ponti duæ Cyaneæ.  
Neque ex Lycophrone colligi potest Salmydeſſum eſſe inter Byzantium & Damalim, ſed ad pontum eo in  
loco, quo omnes Geographi tradunt, neq; poſt fanum  
Iouis eſſe Scythiam Europeam ex Lycophrone conie-  
ctari potest: ſed eo in loco, quo ceteri tradunt, non mo-  
dō insulæ Cyaneæ in hunc diem, ſed etiam omnes ru-  
pes claudentes Bosporum à Cyaneis uſque ad fanum &  
littora circumuiicina Cyaneis ſpectantur colore Cya-  
neo: aliax obscuriore, aliax dilutiore. Planetas Thracicas  
Homerus velut quadam machina mirabili petras in  
monſtroſam longitudinem iaculante ex freto Thraci-  
co iaculatus eſt in fretum Siculum fictione architecti-  
ce, & quas poſt Iasonis transiſtum Orpheus longè antē  
ſempiternis radicibus defixerat in freto Thracio, im-  
mobiles mansuras in ſede Thracica ſemper mansuras  
explantauit, elocauit, tranſtulit in Siciliam eas effin-  
gens

gens ad similitudinem Symplegadum petrarum Cyanearum, prius ab Orpheo effictarum, aliquid de suo addens. Sed ut Thracicas Cyanas à Siculis internoscere queamus, subiungam Homericam Sicularum descriptionem:

Ἐνθω μὲν γὰρ τέτραι ἐπηρεφὲς ποτὶ δὲ αὐτᾶς  
Κῦμα μέγα ροχθὲν κυανώποτες ἀμφιβίτης.  
Πλαγκτὰς οὐδὲ τὰς γε θεοὶ μάκαροι καλέσσονται  
Οἱ δὲ μέν σκοπέλοι δὲ μὲν δραχὸν κύριῳ ἵκανον  
Οὔτενις Κορυφῆς νεφέλην δέμιην ἀμφιβεβικεῖ  
Κυανέντος μὲν, διποτέρες δράκοι, διδότων αἰθρίῳ  
Κέντρον ἔχοις Κορυφῶν, διτρίου δράκου διτρίου  
Οὐρὴ μὲν ἀμβαῖνη Βροτός φέντε, δύτε λεπταῖσιν.  
Οὐδὲν δὲ οἷς καρποῖς τελέκοστι, καὶ ποδίσιον εἴσοντες  
Γέπτρον γὰρ λίστην πολεμεῖσθαι ἀκῦμα.  
Μέστων δὲ γάρ σκοπέλων διτρίου αἰθρίου καρποῖς,  
Βρότος λόφον εἰς δρέπετες περιπλεύοντος.

Deinde ut descripsit Scyllam esse in hoc scopulo, adiungit:

Τόμος δὲ τοφοὺς σκοπέλοις χαμαλότοφοι ὄψις διλυσσοῦ.  
Πλησίον ἀλλήλων, τοῦτο δὲ γάρ στόχος κατεβαῖται.  
Ἄναρποιεῖται μέλαψη ὑδρίων.

Hæc omnia non cōueniunt Thracijs Bospori Cyanis. Nam Homerus Poëticè alterum auget scopulorum illorum: attingere cœlum acuto vertice adumbrato perenni nube, illūmque ascendi non posse tradit. At Cyanæ insulæ Thracicæ ascendi possunt: littora verò circumuicina, si Cyanæ petræ sunt existimandæ, nullis pedibus, nullisq; manibus ascendi possunt. Nam quod dicit in illo scopulo Siculo speluncā esse ex parte Oc-

cidentis, in quam abduntur Scyllæ pisces, Bospori Cyaneæ insulæ speluncas quidem habent, sed ex parte Orientis & Meridiei, in quas subeunt pisces etiam Delphini. At canes Charcariæ, qui Lamiæ, & Scyllæ nominantur, illuc non subeunt, propterea quod pontus Euxinus feris piscibus frequentari non soleat, nisi Delphinis & Phocænis, vidi tamen canem Charcariam omnium maximū, quos vñquam viderim captum apud muros Byzantij: sed is adeò rarus illic videtur, ut tanquam monstrum spectaretur, à nulloque pescatore cognoscatur. Vestigia aræ Apollinis, quam Dionysius tradit Romanos statuisse supra Cyaneas, nulla iam extant, nisi scrobiculi, seu fossulæ excavatae in petræ secundæ vertice, vbi etiamnum extat columna marmorea, cuius basis, in qua inscriptio continens nomen C. Cæsaris incisa literis Latinis exesa est temporis vetustate. Existit marmoris cädidissimi alta circiter sex dorantes, & sex digitos, cuius perimeter complectitur novem pedes, & semissem mediā. Basim cingit vitta laureata flexuosa, modò sursum versus, modò deorsum. Ex medio flexus quadruplicis vertice appensum est caput bubulum, in medio aliorū quatuor flexuum incisi sunt circuli, in quorum uno est effigies quadrupedis, in altero Solis imago: in tertio radiorum decussis: in quarto vergente ad Aquilonem nihil expressum est. Columnæ scapus non respondet magnitudini spiræ, nempe illius perimeter sex pedes circumpleteatur: summus scapus habet apophygem, & astragalum partim exesum: Capitulum tamen Corinthium integrum existit. Basim existimo reliquias aræ Apollinis cùm ex vittis laureatis, tum

tis, tum ex candore marmoris. Aræ enim solitæ erant fieri ex marmore candido, quæ non facta videtur ad hanc columnam sustinendam, sed ex aræ euersæ reliquiis iterum hanc excitasse Barbaros in honorem Cæsaris. Similiter, ut Arrianus scribit, Trapezuntios Adriani statuam statuisse ex marmore aspero factam, inscriptionemque depravatè incidisse.

## LIBER TERTIVS.

*De scopulo nuncupato Colona, & de Rhebante flumine.*

## CAPVT I.

 v c v s Q v e de littore Bospori Europeo, & de Cyaneis Europeis, quas, priusquam nauctus essem Anapulum Dionysij, præceperam ex Strabone tradente Cyaneas petras esse duas insululas in pôti ostio sitas, alteras vicinas Europæ Continenti, alteras Asiæ. Europeas facilè deprehenderam, ex eo, quòd solæ sint in longissimo tractu littoris Thracici: at Asia-ticas cognitu longè difficiliores expertus eram, ob multitudinem scopulorum: quos cùm ex vertice Cyanearum Europearum intuerer, discernere à Contineti non poteram, nisi duos Cyaneis Europeis oppositos ab ortu æquinoctiali distantes circiter sexaginta stadia. Eos igitur propius, ut explorarem, ad nauigare aggressus, repentina maris tempestate ex medio cursu reiectus sum ad fanum Iouis, unde pedibus per saltus desertos & malè fidos accessi ad ipsos scopulos mihi ex vertice Cyanearum antè prospectos, quorum alterum situm ultra

Rhebantem amnem circiter tria miliaria Græci huius ætatis nominant Atroparion: alterum situm inter Rhebantem & Bosporum appellant Crommyon, is mihi potius Cyanea Asiatica videbatur ex Orpheo & Apollo-nio, tradentibus statim post Cyaneas Rhebantem fluere in pontum: sed quod est ultra promotorium, quod fauces Bospori stringere incipit, mihi nonnullam dubitationem afferebat: verum eam extenuabat Diony-sius orbis conscriptor, cum ait: ἡδες πόντοι τῷα σουάτεσιν οὐδὲν, quod τῷα interpretarer apud, non autem prope, ut interpretandum esse postea cognoui. Quamobrem diligenter hunc scopulum sic considerare cœperā obrotundum esse & similem τῷα ληρουμένῳ, cuius ex forma piscatores putant appellatum, eius complexum ambire circiter quatuor stadia. Fastigiū planum habere sensim in cliuos deuexum, eiusdēmque latera vndique saxeа ab Oriente quidem & septentrionibus prærupta & directa, ut ascendi nequeant. At ex Meridie & Occasu mitiora, & quæ ascensiū pateant: denique totus saxeus est, et si iugum herbas habet, in quo vestigia videntur antiquorum ædificiorum. Cum est magna maris tempestas, vndique mari clauditur, & à Continenti separatur Euripo centum sexaginta passuum: cum est tranquillitas, Euripus exsiccatur, & velut ceruix fit, qua adnectitur Continenti, tota sabulosa, larga octoginta passus, longa centum sexaginta: inde ora maritima plana & sabulosa, apta panagris retibus, longa paulo amplius duobus miliaribus excurrit usque ad promontorium, quod littus tendens ad occasum ferme æquinoctiale, aëgitur ad occasum brumalem. Vbi hunc scopulum

ita.

ita explorasse, profectus sum ad Rhebantem, ut videre in amnem nobilitatum à tot antiquis nobilibus scriptoribus. Is enim à Dionysio Alexandrino Rhebas nominatur, ab Orpheo Rhebanus, ab Apollonio Rhodio nunc Rhebas, nunc Rhebeus appellatur, iam à Græcis etiam agrestibus vocatur ἥπας, quem Arrianus tradit distare à fano Iouis Vrij nonaginta stadia. Nónne auersus à Musis essem, si instituto nostro operi tam vicinū fluuium præterirem, quem prætermis̄is maioribus fluminibus tot illustres scriptores honorificè commemorarunt? Dionysius quidem scribit eius aquam amabilem & pulcherrimam esse. Eiusdem nomen tribus versibus continuis ter repetit, velut esset amnis magno sermone dignus, cùm sit paruus, cuius ostium parua duntaxat nauigia in statione admittit: non longè ab eius fonte Rex Othomanus hortos diligenter cultos habet. Ille enim oritur in Bithynia inter pontum Euxinum & Propontidem. Itaque fit, ut nisi expertus essem in multis Eustathium nihil solere scribere de suo, sed ex alienis authoribus, valde mirer, vnde acceperit Rhebātem manare ab Olympo Mysio, cùm inter fontē Rhebantis, & Olympum duo Propontidis sinus intercedant, ni mirum Astacenus & Cioticus, neque eos sinus circuire vidi. Nam ab intimo sinu Astaceno per planitię vtrinque montibus clausam profectus ad Sangarium, nullum inueni amnem ab Olympo ad pontum penetrare, neq; inter Coticum sinum, & lacum Ascanium, quem hodie Nicænum appellant, altissimis intercedentibus montibus, nullis vallibus à ponto ad Olympum penetrantibus præter eam, per quam delabitur Sangaris. Sed

quid

quid longinqua repeto, cùm Rhebantis fons non multa miliaria distet à suo ostio. Iam Rhebante & scopulo Crommyo perlustratis coniectabam Crommyon esse Cyaneam Asiaticam, cùm nondum ullum alium ex Europa intuens scopulum Asiaticum deprehendissem mari circundatum. Sed Apollonius Argonauticæ perfectionis verus explicator meam coniecturam infirmauit, introducens Phineum alloquenterem Argonautas. Ita enim inquit Phineus,

Πέτρας μὲν τάκτηρων ἀφορμιδγύτες ἐκέστι,  
Κνανέας ὄφεδε λύνα ἔλθεται φύνειοχῆσι,  
Ἄντικα Βιθαῶν τὸν δέξιαν γαίαρην ἔχοντες,  
Πλάνετε ἔργυμίνας τεφυλαχγύδηνοι ἐσοίεσθαι  
Ἐπίβαρη ὀκυρόλινοι ποταμὸι, σκόπελοι τε Κολώνης.

Idem paulo infrà narrans, ut Hercules superauit Mygdones à Billæo flumine ad Rhebæum flumen, sic ait:

Ἐπὶ φελλίοις πολοχάσι σκόπελοι τε Κολώνης.

Ex quibus perspexi Colonem esse scopulum, quem corruptè vulgo appellant Crommyon, quasi Colonem scopulum verè Κολωνοεδώ. Præterea circa Lycum flumen est promontorium nuncupatum Κολώνη, sed à Rhebano longissimum, cuius meminit Nymphis in tractatu suo de Heraclia pótica. Cùm igitur ex Apollonio viderem à Bosporo nauigantibus ad Rhebantem Colonem esse in aperto mari post Cyaneas, quas in angusto idē ostio ponit, concendi lembum, paratus scrutari totum littus usque ad fanum Iouis: sed iterum improvisæ tempestates fœnire cœperunt, ut Arpyæ immillæ viderentur, nescio quo fato nolentes Cyaneas mihi aperiri, at adeò furiosæ: ut aliquot remis amissis lembi, qui agebatur cir-

tur circiter viginti iuuibus regiis seruis redeuntibus ex regio horto, quem antè dixi situm esse prope fontem Rhebantis crebra & lamentabili voce Dei nomen exclamantibus inundatus & omnia passus, quæ ad Cyanas Argonautæ passi traduntur, vehementioreq; nieta affectus, ut qui carerem Typhi gubernatore, & Minerua directrice Argous, & Phinio vate: remiges enim peritiores erant plantandi olera, quam dirigendi nauigium. Ego nullo Phineo præmonitus illuc accesseram comite Turco imperito non modò maris, sed etiam itineris redeundi eò unde veneramus, redire coactus sum ad Rhebantem, tūmque præteriens scopulum Coloneum timide aspiciebam, vndique fluctibus tempestatis circundari, fluctusque usque ad verticem Colonei scopuli exilire. Itaque ad Rhebantem reuersi, in littore frigido pernoctauimus madidi, nō sine metu, non modò Barbarorum vicinorum: sed etiam seruorum regiorum, quos premiis adduxeram ad mare concidendum: nequid irati tentarent, sed pecunias quot habebam, dedi, ut oxygalam, quæ illic in littore agresti sola inueniebatur, emerent, qua permulsi placatique iram continuerunt. Postridie manè cùm nondum insanire desinerent tempestates, pedibus redij ad fanum Iouis, inde Byzantium: post verò aliquot dies, cùm mare tranquillum esset, rursus nauigauit ad fanum, à quo usque ad Rhebantem totam oram maritimam perscrutatus, inter scopulum Coloneum & fanum deprehendi scopolos mari circundatos circiter quinque, quorum proximum promontorio, quò littus stringens latum pelagus, in angustum fretum Bospori tendens ad Aquilo.

nem flēctitur ad ortūm ferē æquinoctialem. Iam prius quam incidissem in Anaplum Dionysij, iudicaueram esse Cyaneam Asiaticam, sed falso, si recte scribit Dionysius hunc scopulum appellari, Pyrgon Medeç. Hunc meum longum & laboriosum errorem, quo diu erraueram cum errantibus Cyaneis, profiteri volui, ne quis seducatur seculo. Coloneo mihi quidem molesto, sed fortasse futuro cuiquam iucundo ob Colonæ & Rhabantis cognitionem: quibus cognitis facilius Cyaneæ iniſtiumque Bospori cognoscuntur. Comite tamen Dionysio Byzatiori, sine quo difficultius cuiusvis est Bosporum aperire, quam Iasoni sine Phineo. Quare ad Dionysium redeo, quem reliqui apud Cyaneas Europeas.

*De promontorio Ancyreo & de anchora Iasonis.*

**C**YANEI s, inquit Dionysius, ad Orientem multus pontus patet in terminum asperetu incomprehenso, & non percepto oculis, vastum. Visionis nescio maior ne voluptas, an admiratio. A Meridie autem est promontoriū claudens pulchrum ponti ostium, & magnum pelagus, & apertum astringens in fretum angustum. Ex Cyaneis Europeis traiicienti in Asiam primum quidem est promontorium nuncupatum Ancyreū: ab hoc enim aiunt lapideam anchoram accepisse nauigantes cum Iasonem vatis admonitu, eidemque promotorio nomen dedisse Ancyreū. Quām illustris fuerit Iasonis nauigatio, tum per multis aliis nobilissimis orbis terrarum monumentis expressum attestatumque habetur, tum anchoris ad omnem

ómnem posteritatē illustrissimis, quæ et si lapideæ semipiternam memoriam reliquerant, non modò iis locis, vbi vetustæ relictæ sunt, sed etiam illis, vnde nouæ acceptæ fuerant, cuiusmodi hæc, quæ promontorio Ancyreo nomen imposuit, ex eo, quod hinc sumpta fuerit, mihi quidem certè veterem: quam ex Cyzico sumperunt, in promontorio Ancyreo relictam fuisse, noménque loco peperisse verisimilius videtur, quam nouam, quæ à Poëtis duntaxat sumpta fuisse à Cyzico: relicta verò Cyzici exesa temporis vetustate celebratur ab Apollonio tradente anchoram lapideam propter vetustatem mari corrosam soluentes ex portu Cyzicino Argonautas reliquisse in Artacio fonte, atque alteram sumpsisse, Milesiōsq; ex Attica in Cariam & Phrygiam coloniam deducentes ex fonte Artacio tollentes consecrassæ, & dedicasse templo Cyziceno Iasoniæ Mineruæ: de qua Plinius. In oppido, inquit, Cyzici est lapis fugitiuus appellatus, Argonautæ eo pro anchora usi ibi reliquerant. Hunc è Prytaneo, ita vocatur locus, saepe profugum fixere plumbo: hunc ipsum arbitror aut huic similem, illum, quem tradit Dionysius fuisse Byzantij. Paulò, inquit, supra mucronem promotorij Bospori, in quo Byzantium situm est, ara Mineruæ Ecbasiæ existit, in loco, ad quem egressi coloniæ deductores confessim pugnarunt, tanquam pro patrio solo. Idem Dionysius addit prope templū Mineruæ Ecbasiæ lapidem in mare eminentem, quem Byzantinis in locum ornatiorem supra stadium transferre conantibus non permisso se transferri, siue quod amaret locum mari vicinum, siue quia ostenderet parui momenti esse pietati

diuitias. Hic lapis, ut fuit Byzantij prope aram Mineruæ Ecbasiæ : ita ille Cyzici prope templū Apollinis Ecbasij. Cùm enim Argonautæ extra vrbē appulsi essent, Cyzicenorum inuitatu nauem appulerunt in portum vrbis interiorem, vbi Argonautæ Apollini Ecbasio aram erexerunt à nauis egressu in Dolioniā: id templum Deilochus appellat non Ecbasij, sed Iasonij Apollinis. Iam verò anchoram, quam tradit Argonautas accepisse à promontorio Bospori Ancyreo, existimo eam esse, quam Argonautæ reliquerant ad Phasim, de quo Arrianus. Phasim, inquit, ingredientibus in sinistra parte demonstratur anchora Argous nauis ferrea, quæ non mihi videtur antiqua, etsi eius magnitudo non est eadem, quæ nunc est anchorarum, & figura aliquo modo immutata est: tamen recentior esse videtur ætate Argonautarum. At lapideæ alterius anchoræ fragmenta antiqua monstrantur, quæ potius coniicio reliquias esse illius anchoræ Argonauticæ. Hæc quidem Arrianus. Vnde autem colligam reliquias anchoræ Phasianæ esse illius, quam sumpserunt à promotorio Ancyreo Bospori, profectò non aliunde, quam à nobilitate scriptorum: qui si inter promontorium Ancyreum, & Phasim commemorassent. Iasonem anchoram, vel accepisse, vel reliquisse, non defuisset posteris locus celebratus nomine anchoræ Iasoniæ, vt non defuit quercuī Marianæ, Poëtæ ingenio satæ, quam, vt Cicero ait, cùm tempestas, vetustásve consumpsit: tamen erit in his locis quercus, quam Marianam vocabunt. Anchoras Iasonis quanuis vetustas consumpsit, tamen literarum monumentis & locorum permanent. Iam sinum, quem claudit

claudit promontorium Ancyreum, vulgus Græcorum appellat ἄγρις σιδηρός, ex eo fortasse, quod ibi aliquando fuit ædes diui Sideri, quem nautæ venerantur, ut sacram anchoram, quam idem vulgus appellat σιδηρόν. Antiquissimis heroicarum ætatum temporibus usos anchoris lapideis fuisse incredibile videri non debet, cum nostra ætate multæ nationes, non modò in ultimis terris nuper cognitis sitæ, sed etiam in recessu intimo Arsinoitico sinu Arabici, non modò anchoris lapideis Arabes Aethiopésque, sed etiam nauibus omnis ferri experimentibus nauigent: quas, cum essent in portu (quem Arabes nunc vocat Tor, Græci verò Rhaïthon, coloniā Rhaïthynorum populorum felicis Arabiæ, distantē à monte Sinæo iter circiter duum dierum) perspexi onustas diuitiis Arabicis, nullis clavis ferreis compactas, sed tabularum coniunctissimis commissuris colligatas funiculis, rhesinâque imbutas odorata, quam ex arbore thurifera manare aiebant, totamque nauem ex uno genere arboris factam esse, ex qua nascitur nux indica, nimis omnia membra nauis, atque adeò armamenta, ut funes, ut vela, quæ ex illius foliis scitè contexta dicebantur. Hæ naues valde capaces nullis transstris tectisq; impeditæ sunt, quibus prorsus carebant, ut carent carbæ nuncupatae, quibus Aphricani utuntur, qui accolunt Syrtes, circundantes Lotophagiam Insulam, nunc vulgo nominatam Gerbē, ærumnosæ peregrinationis meæ diuturnæ clausulam tragicā, vbi grauiora passus sum, quam socij Vlyxis apud Lotophagos. Illi enim voluptibus Lotophagorum deliniti retinebantur, ego in lugubri scrobe funestorum pyratarum diu retetus, nulla

spe redemptionis proposita, neque vitæ liberari potui periculo, nisi dissidio Barbarorum, quo Insula capta, & pyrata, qui me cœperat, in vincula coniecto, Dei optimi maximi benignitate hæc nostra de Bosporo commentaria resarcio, quæ pyratæ à me antè longè accuratiùs elaborata me verberibus coegerunt, ut distraherem, in maréque proiicerem, quamlibet diu prece & præmio proposito eos reuocare conarer, ne me in mea uiscera sœuire cogerent. Quale autem sit promontorium Ancyrum, & quo nomine appelletur, iam explicemus. Panio promontorio Europeo contrarium Asiaticum promontorium Græci nostræ ætatis appellant Φάρμας, totum saxeum ab imo ad summum existit, arduum & directum, ut murus, exceptis duobus locis depresso, in quorum altero est fons sacer virginis Panagiæ. Ad hoc quidem promontorium à Bosporo venientes, postquam accesserunt, repente vident se exire ex angustiis in mare apertum, in omnes partes interminati aspectus. Venientes vero à Rheiante flumine, huius promontorij mucronem prætereuntes, vident latum mare redigi in angustum recessum, ab Occasu quidem Panio, ab Oriente vero Φάρμας. Hæc enim duo promontoria primas Bospori fauces inchoant, similes sinu accedenti ad formam trianguli crassi, & inæqualis, cuius ex lateribus longis circiter viginti stadia, alterum directius efficit litus Asiaticum, pergens à vertice anguli occiduo ad Basim aquilonarem: latus vero, quod efficit litus Europeum obliquius, pergit à Meridie ad cardinē septentrionum, ex intimo sinu efficiente verticem trianguli. Os ponti stringitur velut in collum latum plus minus sex stadia,

in quo

in quo est Myrelium, velut in anguli vertice: Basim ve-  
rò efficientes duo anguli, seu potius duo cornua existunt  
promontoria Panion & Psomion: hoc ipso littus pro-  
currens ad Aquilonem, flebitur ad Solis ortum fere æ-  
quinoctialem, illo à Meridie ad mundi cardinem ar-  
cticum procedens incuruatur ad Solis occasum. Iam  
cùm ex antedictis, tum ex eo, quod inter scopulū nun-  
cupatum Colonē, & primas freti Bosporici fauces nul-  
lum intercedit promontorium: sed duntaxat littus re-  
ctum, planum, fabulosum, patet Φάρος esse Ancyreum  
promontorium, quod ab Oriente, vt ipse notaui, vt ve-  
rò Dionysius ait, à Meridie claudit pulchrum os ponti,  
& ex magno pelago & aperto cogit mare in fretum an-  
gustum, inde Dionysius addit.

*De Pyrgo Medeæ, & de insulis Cyaneis Asiae.*

C A P V T . I I I .

**P**ROS T, inquit Dionysius, promotorium An-  
cyreum est Pyrgos Medeæ Colchidis petra  
rotunda, in directum tumulum elata: Ultra  
Pyrgon Medeæ Insula existit, quæ maris per-  
turbati fluctibus obruitur: tranquillo mari manifesta  
apparet. Huius extremas partes & Cacumina, Cyaneas  
nominarunt, ne secundum Asiam natura expers esset  
Insulatum, & fabula fide careret, tradidit Cyaneas olim  
inter se concurrisse, Symplegadésque à re, quæ accidis-  
set, nominatas esse: inde stationem firmā habere apud  
vtranque continentem ad vadum maris suis radicibus  
adnitentes fato, in vtranque partem separationis ser-  
uantes fidem. Hæc quidem Dionysius. Promotorio An-  
cyreo

cyreο cingitur ab Aquilone sinus à Græcis nuncupatus  
 diui Sideri, in quem medium influit riuus omni anni  
 tempore perennis, qui exile ostium etsi ea magnitudi-  
 ne fluens habet, qua dixi Myrleanum fluere: tamen in-  
 terius paulò supra ostium habet alueum magnum &  
 plenum ob planitiem leniter resupinam, per quam me-  
 diam delabitur in huius sinus latere, quod efficit pro-  
 montorium. Ancyreum est scopulus in quatuor petras  
 diuisus supra aquam, quæ subter aquam radices con-  
 iunctas habent, separatæ quidem à Continenti breui  
 Euripo, saxis crebris referto, per quæ velut per gradus,  
 cùm est mare tranquillum, siccis pedibus Euripum in-  
 tercidentem inter scopulum, & Continentem transi-  
 tus patet. Cùm autem sunt maris tempestates, fluctibus  
 circundantur quatuor petræ, in quas dixi scopulum di-  
 uisum: quarum tres humiles prorsus submerguntur, me-  
 dia verò excelsior Cyaneis Europeis in acutum verti-  
 cem fastigiata, subrotunda usque ad fastigium flucti-  
 bus quidem aspergitur, sed non obruitur vndique præ-  
 caps, & directa. Ab Ortu & Meridie eius fastigium sen-  
 sim proicitur, ut consistentes iuxta imam ipsius crepi-  
 dinem proiectione velut tecto protegantur à pluia.  
 Non patet in eiusdē vndique præcisæ fastigium ascen-  
 sus, nisi difficulter à Septentrione expeditus manibus,  
 pedibúsq; nitens sursum irrepatur, non fuisse: aliquando  
 diuisum hunc scopulum in quatuor petras indicant rui-  
 næ saxorum circumiacentium: ex quibus mihi prius-  
 quam incidisse in Dionysij Anaplum, hæ videban-  
 tur Cyaneæ Asiaticæ. Sed ex Dionysiana descriptione  
 nulla petra tā propè accedit ad Pyrgon Medæ, quam  
 huius.

huius scopuli petra Medea. In sinus iam prædicti latere meridiano prope littus visuntur speluncæ saxeæ, bene penitus concauæ multitudinis capaces. Deinceps subsequitur sinus iam à Græcis appellatus Ampelodes, à vitibus agrestibus ibi sua sponte prouenientibus, quem ab Aquilone cingit promontorium, cingens à Meridie sinum diui Sideri. In sinu Ampelode existunt duo scopuli toti saxe, inter se aliquanto spatio diuisi, quorum magis aquilonaris, ac remotior à Continenti excelsus non est, vt qui in magnis tempestatibus obruatur mari. Hic usque adeò frequentatur laris, mergis, fulicis, vt totus ex illarum stercoribus albescat, procul cernens: vt niue tectum ipsum putet. Alter scopulus similiter totus saxeus, altior quidem, sed litori propinquior, vt qui breui Euripo à Continenti diuidatur, cum est tranquil litas maris: at cum tempestatibus mare concitatur, fluuum accessu obruitur, deinde verò recessu aperitur. Post promontorium à Meridie cingens sinum, Ampelode consequitur scopulus, vndique mari semper circundatus, saxeus, quem nautæ appellant Calogream, à forma mulieris monachæ. Concauus existit ex parte Occidentis, inde non longè sequuntur scopuli saxe, si- ti prope latus aquilonare promontorij claudentis sinū, appellatum Dios sacra. Ex his quinque scopolis antè commemoratis, sine vlla dubitatione unus est insulula illa Cyanea Asiatica, quam Strabo designat, cum inquit, duas insululas esse in ore ponti Euxini, Cyaneas appellatas: alteram adhærentem Europæ, alteram Asie, Euripo viginti stadiorum inter se disiunctas. Dionysius Byzantius, vt antè dixi, primum scopulum demonstrat

esse turrem Medeæ. Itaque ex Dionysio vnam ex reliquis quatuor scopulis oportet Cyaneam esse Asiaticam. Evidem ipse, nisi Dionysij authoritas intercederet, etiam nunc relaberet in eundem errorem, in quo me fuisse ante professus sum, nempe Pyrgon Medeæ esse Cyaneas Asiaticas, cum ex eo, quod scopulus Medeæ similius longè est Insulis Cyaneis Europeis, & è regione magis contrarius, tum maximè ex eo, quod Apollonius non minus verus locorum conscriptor, quam regius Argonautarum Poëta, pontum latum viderat utrinque apud Cyaneas. Sic enim Græcè scribit,

Ἡδη δὲ γὰρ καὶ νέα γῆς αἱ πλατεῖαι ἀστέρων θώρηκος.

Similiter Dionysius orbis conscriptor à Cyaneis inquit:

Οἰγόμενος τῆς απέντας τάσσεται τοῦτο τοιούτος.

Εἶναι, καὶ τοιοῦτον τὸν τετραθλίνης μυχὸν.

Ἐρπαγος. --

Idem consentit Dionysius Byzantius, latum mare cum dicit, aperiri promontorio Ancyreo. Ante monstrauit turrim Medeæ esse, iuxta radicem promontorij Ancyrei. At ex reliquis scopulis, qui deinceps consequuntur, non utrinque latum mare aperitur, etiam si ex horum verticibus oculos in omnes partes intenderis. Litus enim Asiaticum nondum curuatum ad Solis ortum, impeditus promontorio Ancyreo, quo minus ab his scopulis latum utrinque mare prospiciatur. Adde, quod ratio Cyanearum, quam deinceps Apollonius, ceterique scriptores, magis conuenit Pyrgo Medeæ, quam reliquis scopulis. Factibus enim magis verberatur, ut magis septentrionibus patens. Præterea in quatuor pe- tras diuisus vndeque circundatur saxis projectis ex rui- nis,

nis, quas aliquando edidisse videtur vel terræ motu, vel tēporis vetustate, vel, vt Poëtæ aiunt, ex concursu Symplegadum. Hunc enim in quatuor petras diuisum conuenientiūs videtur appellare Cyaneas, vt omnes anti qui appellant in numero plurim, quām quemuis ex cæteris scopulis singulis vna petra constantibus. Sed de his relinqu liberum iudicium omnibus his, qui post me diligentiūs Cyaneas peruestigare conabuntur.

*De promontorio Coracio, & de Pantichio, & de scalis nuncupatis Chelis.*

C A P. IIII.

**P**ROMONTORIUM, quod à septentrionibus cingit sinum, vulgo nuncupatum Dios sacra, ex eo arbitror, quòd olim ibi aliqua Iouis, vel Neptuni alterius Iouis ara extiterit, vndique præceps & saxeum est, longum circiter sexcentos passus. Cuius dorsum angustum, in quo olim ara aliqua statuta esse potuit vel Iouis, vel Mercurij, vt nunc in eo videmus cumulos iapidum, quos Hermas appellare possis, exaggerata ad indicandam viam nautis, quānus in hoc medio sinu, ex quo paucis antē annis effossa sunt ædificiorum fundamenta: esse potuit ædes vel Iouis, vel Neptuni. Hic sinus situs è regione sinus Myrleani, cingitur à Meridie promotorio, etiam nunc appellato Coracio, toto saxeō: ex eo, vt dicunt Græci huius ætatis, quòd Corui in ipso nidificare solent: positum est contra promontorium Europæ, quod claudit portum Ephesiorum. Inter hęc duo promontoria, non nulli pescatores dicunt fretum Bospori, tam angustum ferè esse, quām inter fana Iam verò in sinu, quem ab

Aquilone claudit promontorium Coracium, locus est nominatus à Græcis, mancipiū affirmantibus ibi olim fuisse furnum, quem vulgus Græcorum nominare solet mancipium, ignorantium locum hunc olim appellatum fuisse Pantichium, vnde ipsi à vicinitate nominis detorserunt in mancipium, id quod ex Dionysio ostenditur, cùm ait: Post Cyaneas esse promontorium Coracium, & latū littus, cui nomen *παντίχιον* ab extructione fossarum, omnem hunc locum ambientium. Duo Pantichia scriptorum monumentis celebrantur sita in ora maritima Chalcedonis, vtraque Byzantij suburbana, vtraque pari spatio distantia Byzantio: quorum alterum paulò antè commemoratum est iuxta Bosporum situm inter Coracium promontorium & fanum Iouis: alterum inter promontorium nuncupatum Acritas à Menippo in periplo Bithyniæ & Chalcedonē positum iuxta Propontidem, quod nunc frequentem vicum habet etiam nunc à vulgo Græcorum Pantichion nominatum, in quo antiqui muri visuntur valde crassi, indicantes olim ibi castrum permunitum, resteq; *παντίχιον* appellatum fuisse. Huius meminit Antoninus Pius in suo itinere. Sic enim inquit: A Cōstantinopoli ad Chalcedonem traectus in Bythyniam M. P. 1111. à Chalcedonia usque ad Pantichion M. P. x v. Vtrum ex his duobus Pantichiis sit illud, de quo Sozomenus ita scribit? Hi, qui à Rege Valente iussi erant Ioannis Baptiste caput ferre ex Cilicia Constantinopolim, cùm ad Pantichium venissent locū Chalcedonis, non ulterius progressi poterant: ex quibus percipitur id Pantichium esse iuxta propontidem, quod sit hoc situm in via eorum, qui à

qui à Cilicia veniūt Constantinopolim. Procopius scribit Belisarium possedisse fundum in Pantichio suburbano Byzantiorum, id an alterum ex vtroque prædictorum: et si alterum, vtrum ex his: afferam illa, quæ ex libro tertio Procopij de bello Gothorum vertere omisit interpres, cùm ad cognitionem locorum, tum maximè ad cognoscēdam necessaria fortunam Belisarij, quam Tzetzes ignorasse videtur secutus opinionem vulgi. Sic enim scribit Procopius. Cùm Belisarius à Iustiniāno reuocatus esset, substituto Narsete eunucho rediit Byzantium, vbi reliquam vitę egit, magna diuitiarum facultate præditus, vir spectatus & mirabilis ob secundas antea res gestas & felicitates, quas ipsi, priusquam in Libyam duxisset exercitum, signo non obscuro dæmonium præsignificauerat. Signum fuit huiusmodi. Belisario prædium quoddam erat in Byzantiorū suburbano, quod Pantichium nominatur. situm enim est in Continenti Byzantinis transmarina. Paulò antequā exercitum Belisarius in Libyam duceret contra Gelimerem, euenit, vt vites illic vbertate vuarum redundarent, earūmque vino dolia ministri Belisarij cùm impleuissent, eaque in cella vinaria reposuissent, & defodissent subter terram, diligentērque argilla obstruxiſſent, res mira accidit. Post enim octo mēſes vinum in dolis quibusdam ebulliens, argillam perrupit & distraxit, qua dolia obſtructa erant, & superfluens adeò multum effluxit, & terram vicinā diluuie obruit, vt lacum magnum in cellæ solo effecerit, quem ministri Belisarij, vt viderunt, valde admirati, multas amphoras ex viño effuso impleuerunt, iterūmque cùm illa dolia ob-

struxissent argilla, rem, quæ acciderat, primò siluerunt. deinde sub idem tempus cùm hoc sæpe factū animaduertissent, ad possessorem fundi retulerunt : is necessariis multis, quos accersuerat, monstrauit ea, quæ accidissent. Illi ex illo signo coniecturam ducentes, prædixerunt magna in hanc domum bona ventura esse. Ex quibus perspicitur falsum esse, & planè de fece plebis haustum, quòd Tzetzes nobilior Grammaticus, quām certior Historicus in suam retulit variam historiam. Cùm narrat Belisarium magnum exercituum ducem Iustiniani temporibus extitisse, cùmque, postquam ex triplicis orbis parte victorias reportauisset, inuidia excæcatum fuisse, poculūmque ligneum tenentem in foro clamauisse apud miliarium aureum : Belisario obo-  
 lum date exercitus duci quem fortuna illustrem fecit, inuidia excæcauit. Procopius quidem in libro nuncupato πορθμῷ ἀνεκδοτῷ, quem scripsit cōtra Iustinianum Regem, & Theodoram Reginam, contrāque Antoninam vxorem Belisarij narrat, vt Belisarium Theodora spoliasset permulto auro dissimulāte Antoninam, quam Belisarius oderat ob peruulgatum adulterium, professum postea se fore Antoninæ non virum, sed mancipium, iterum in Italiam exercitus ducem missum, sese iterum pecuniis expleuisse, οὐλογηματίου que habitū fuisse : inde benè nummatum rediisse Byzantium, ubi, vt antè narrauimus, reliquū vitæ vixit. Illud Belisarij prædiūm fuisse potius in Pantichio Propontico quām Bosporico coniicio, ex eo, quòd Proponticū in agro amœno, ac vini feraci & cæterarum rerum : at Bosporicum est in littore confragoso præruptoque, & longè minus amœno,

ameno, & vinetis inepto. Tum non nihil conie&cturæ illud affert, quod non longè à Pantichio Propontico aliud prædium Belisarius haberet nuncupatum Rufianas, quod fuisse in itinere proficiscentium Byzantio Nicomediam colligo ex Procopio, cùm ait Antoninam Belisarij vxorem proficiscentem ad Belisarium bella contra Persas gerentem soluisse Byzantio, mansionemque primam fecisse in suburbano; quod appellaretur Rufianæ, idque prædium fuisse Belisarij. Rufianas a' iquando appellatas fuisse Dryin tradit huius incerti quidem authoris, sed antiquis literis exscripta. Veiu&m redeo ad Dionysij Anapolum, unde digressus sum. Pantichium, inquit, Chelæ sublequantur, quem alteræ nominatæ à figura, alteræ ab aliis rebus appellantur. Inter Pantichium & fanum Louis, quod Dionysius post chelas ponit, nullæ nunc sunt chelæ, hoc est scalæ, neque moles, neque viæ frequentes, sed angustæ semitæ ob impendentem mōtem excelsum, ex quo descendendi in littus nulla causa videtur, cùm illius radices oram maritimā ait ingant. At chelas olim fuisse patet ex Dionysio, quas non ob aliā causam ibi fuisse suspicari queo, quam ob fanum proximum vel Louis vel Neptuni, vel ob aliorum deorū aras, quas prope olim à Phryxo excitatos fuisse x. i. diis infrà ostendemus.

*De fano Louis, & Neptuni, & de aris duodecim deorum.*

C A P V T . V.

 N D E subiungit Dionysij Anplus. Post Chelasesse nuncupatum Hieron, hoc est fanum à Phryxo Nephelæ & Athamantis filiœ ædificatum,

tum, cùm nauigaret ad Colchos, à Byzantiis quidem possedium, sed commune receptaculum omnium nauigantium. Supra templum est murus in orbē procedens, in hoc est arx munita, quam Galatæ populati sunt, ut alia pleraque Asiæ. Possessio autem fani controuersa fuit, multis ipsam sibi vendicantibus ad tempus mari imperatibus, sed maximè omnium Chalcedonij hunc locum sibi hæreditarium asserere conabantur: veruntamen possessio semper remansit Byzantiis olim quidem ob principatum & domesticū robur: multis enim nauibus mare possidebant, rursus verò cùm emissent à Callimedœ Seleuci exercitus duce. Hæc quidem Dionysius de fano. Polybius verò ait. Prusiam locum natura munitissimum, & supra ipsum ponti ostium situm fanum nominatum cepisse, quod Byzantij non multo antè ingenti pecunia mercati fuerant, opportunitate loci pellesti, ne quam commoditatem alicui relinquerent in pontum, vel ex ponto nauigandi, nisi id cum Byzantiorum voluntate faceret. Verum Prusias postea Byzantiis fanum reddidit, itemq; ligna, tegulas, laquearia, quæ ex fano exportauerat, restituit. Póponius Mela non à Phryxo cōditam, sed à Iasone tradit. Apollonius scribit Argonautas cum Iasone nauigātes ad Colchos, in littore Asiatico, quod etiā nunc appellant ισπόη, aram constituisse duodecim diis, in eaque sacrificasse. Polybius similiter tradit Iasonem in hoc loco litasse duodecim diis, sed cùm rediret à Colchis. Hi enim sunt duodecim dij: Iupiter, Juno, Neptunus, Ceres, Mercurius, Vulcanus, Apollo, Diana, Vesta, Mars, Venus, & Minerva. Diodorus Siculus similiter dicit Argonautas redeuntes

deentes ex Colchis, cùm ad ostium ponti peruenissent, ad terram appulisse, cui tūm imperaret Byzas, à quo Byzantium est appellatum, ibique aras excitasse, & precibus & votis deos veneratos locum consecrassé, quem etiam nunc præternauigantes venerantur. Timosthenes quidem dicit nauigantes cum Phryxo aras híc posuisse duodecim diis: Argonautas verò aram cōstituisse Neptuno. Herodotus in ara scribit sacrificasse Argonautas, in qua Argos Phryxi rediens ex Colchis prius sacrificauerat. Mihi quidē verisimiliūs videtur, à Phryxo, prius aram duodecim diis excitatam fuisse, quām à Iasone. Nam cùm ex aula Phinei Iason soluisset sita in Europa, Apollonius dicit eum transiisse ad contrarium littus, vt ibi duodecim diis aram excitaret, cur in littore Asiatico potius quām Europeo? Nō enim necesse erat ex Europa transire in Asiam, sed potius in littore Europeo, in quo erat, aram constitueret & sacrificaret duodecim diis, nisi admonitus fuisse in contrario littore Phryxum prius aram excitasse, in qua, vt ipsi quoque sacrificarent, Argonautas esse putauerunt, cùm in Colchos proficerentur ad recuperandam pelle auream arietis, quem vñā cum pelle aurea Phryxus apud Colchos dedicauerat Ioui Phyxio. Nec mihi satisfacit Timosthenes, dum ait, Phryxum quidem excitasse aras duodecim diis, Argonautas verò Neptuno: cùm Dionysius Byzantius dicat, Iasonem vatis iussu sacrificasse duodecim diis, vatis non nomen explicat: at explicant alij Glauci dei marini, Orpheique admonitis, alij iusu Phinei, qui vbi sacrificasset, & precatus esset Argonautis bonam nauigationem, non eos admonet ad co-

lendum Neptunum, sed Iouem, quem Argonautis narrat cùm omnium ventorum authorem, tum Ethesiarum: quibus flantibus Argonautæ retinebantur apud Phineum. Nauigantibus enim in pontum Ethesiæ veti contrarij existunt, qui in ponto sunt Boreæ, in Græcia Zephyri; Ethesiarum dies sunt quadraginta, ut Apollonius ait, vt Timosthenes, quinquaginta, incipiūt flare, cùm Sol est in fine Cancri. Flant autem per totum Leonem, & dēsinunt in media Virgine. Ethesiis igitur interea, dum Argonautæ retinerentur, Phineus his explicat, vt Aristeus Ioui *καμάτιον* cùm cæterorum ventorum, tum Ethesiarum aram erexit in Coo Insula, propterea quod Ethesiæ à Ioue dantur ad refrigerandos calores: vnde postea Cois lege sancitum fuit quotannis cùm armis obseruare exortum caniculæ, ipsique sacrificare, à qua venti Ethesiæ flare incipiūt ad refrigerandam terræ siccitatem. Hæc narrantem Phineum cùm audiissent Argonautæ, eos tradit Apollonius transisse ad littus contrarium, vbi aram duodecim diis constituerent, eisq; sacrificarent: ex quibus Iason videtur cùm Neptuno, tum maximè Ioui Vrio sacrificasse, vt placaret Ethesias, ventosque secundos daret, vnde posteri fanum Louis Vrij appellant, vt Arrianus, Menippus, Dionysius Byzantius. Sed an idem fanum sit Louis, & Neptuni, & Diana: nam horum trium ponitur in ponti introitu ac si diuersa, an in eodem promontorio constitutæ fuérint, assequi possumus ex his, qui scribunt in hoc loco Argonautas aram excitasse, & litasse duodecim diis, inter quos Jupiter & Neptunus, & Diana: tum ex Ptolemæo coiicio, qui Louis Vrij cùm non meminit, neque

neque Neptuni, sed duntaxat promontorium Bithynię  
esse dicit iuxta Bosporum, in quo fanum Dianę esse di-  
cit. Arbitror aut in eodem templo fuisse Dianam & Io-  
uem, subsecutisque bellis Iouem ex introitu ponti sub-  
latum, nomen reliquise Dianę: aut si in eodem loco  
duae ædes fuerunt Louis & Dianę, tamen nauigates ma-  
gis celebrasse Iouem, ut secundorum ventorum dato-  
rem. Neptuni templum fuisse in eodem loco, quo Louis  
designat Plinius, cum non meminit fani Louis, sed so-  
lius Neptuni ponit in ora Bospori. At clarius Aristides  
in oratione Isthmica. Omnes, inquit, illustrissimę & ce-  
leberrimae partes terrae Neptuno dedicatae sunt, in pon-  
ti enim introitu, vbi maris angustiae strictissimae ex lese  
aperiunt mare ingens, & petrae Cyaneae hinc nomina-  
tæ sunt, & portæ maris, quæ prius clausæ existimabantur,  
aræ sunt Neptuni & templa. Quod si quis ex his Aristi-  
dis verbis dicat aras, & templū Neptuni fuisse ad Cya-  
neas, idque confirmare nitatur ex Apollonio & Dio-  
nysio, orbis scriptore tradentibus multum mare & la-  
tum aperiri ex Bospori Thracij ore, vbi fama est Cya-  
neas petras inter se concurrisse: ad quas à Græcis plan-  
etas nuncupatas profectus est Darius, vt pontum aper-  
tum & latum videret, vbi, vt ait Herodotus, in fano se-  
dens contemplatus est pontum mirabilem; ac si præ-  
terea, quisquis ille fuerit, adiungat ex his sibi dubium  
videri, an fanum Louis & Neptuni fuerint apud Cya-  
neas insulas. Illi respondeo, non modò ingentem pon-  
tum aperiri ex insulis Cyaneis, sed etiam ex fano Louis,  
quod hodie iopōy Græci nominant, atque adeò à lo-  
co Bospori penitiore & longè interiori à Cyaneis plus

quām quadraginta stadia distanti, quem Dionysius Byzantius appellat clauem ponti, vbi dicit pontū eminentibus promontoriis clausum incipere aperiri, nullo promontorio amplius impediente verum aspectū maris, Symplegadásque fuisse olim flexiones variorum & multiplicium promontoriorum: itaque Aristidem non intelligere Cyaneas insulas, sed rupes ingentes ex utroque latere cingentes Bosporum, atque radices promontorij, vbi spectatur arx nuncupata fanum, cùm ex antedictis colligere potes, tum ex eo, quòd ait aras & templū Neptuni esse, vbi maris angustiæ strictissimæ sunt, Longè enim strictiores sunt ad fanum, quām inter Cyaneas insulas, inter se distantes viginti stadia. At angustiæ apud fanum latores non sunt quinq; stadiis, Dariūmque ex fano Iouis pontum longè latèque contemplari potuisse. Sed fac fuisse aliquod templum in Cyaneis insulis, in quo sedens Darius mirabilem contemplatus fuerit pontum: tamen cuius dei illud fuerit, non explicat Herodotus, neque Cyaneæ mihi capaces templi videntur, etsi Europeas Dionysius tradat habuisse aram Apollinis. Sed si templum aliquando in Cyaneis fuisset, quædam vestigia restarent, vel excavatorū funditorum, vel excisa via ad ascensum, vbi nulla apparent: quòd etiam si illic fuisset Darij temporibus aliquod templum, tamen ex antedictis constat, Iouis & Neptuni fuisse in loco nuncupato fano, à Cyaneis distante quadraginta stadia, tum maximè in eodem loco fuisse templum Neptuni, in quo statutæ fuerunt ædes & areæ duodecimi diis. patet ex illis, quæ scripsi in primo libro, tum ex his, quæ scribit Nymphis Heracleota in sexto

sexto libro de patria sua. Cùm, inquit, Pausanias vicis-  
set ad plateas Mardonium, ab Sparthæ legibus descen-  
scens, & superbè sese efferens, cùm circa Byzantium age-  
ret, æreum craterem statuit duodecim diis in ore ponti  
situs, in quo ausus est inscribere hanc inscriptionem sui  
oblitus ob delicias & superbiam.

Μνᾶμ' αρτες αὐεθέθηκε τοσαδάσοντι αὐακῆι

παυσανίας ἄρχων ἐλαύθη θηρυχώρει.

Πόντος ἦδι δηξεῖν λακεδαιμόνιος γράφει.

Κλεμβρότος αρχαῖας μρακλέος γρατεῖς.

Herodotus meminit huius crateris. In Exápeo, inquit, loco sito inter Borysthene & Hypanim iacet ahenum sexies tantum capiens, quantum semel crater, qui est in ore pōti à Pausania Cleombroti filio dedicatus. Quòd si quis non inspexit, hūc ei in modum declarabo. Illud situm in Exampeo sexcentarum est amphorarum faciliè capax, crassitudine sex digitorum. Cur Neptuno potius, quàm Ioui Pausanias dedicarit craterem, aut secutum fuisse arbitror fani nomen, quod tum fortasse frequentius appellabatur Neptuni, quàm Louis: aut quia in oppido fano proprium esset Neptuno delubrum, in quo statuit hunc craterem Pausanias. Nam si eadē ædes fuit Louis & Neptuni, haudquaquam video causam, cur non potuerit potius quàm Neptuno dedicare Ioui Eleutherio, quòd terra potius quàm mari vicisset Mardonium. Ioui enim Eleutherio craterem solebant antiqui statuere pro libertate, qui hostes repulissent. Sed in hac re puto secutum Pausaniam cōmune iudicium Græcorū, qui Neptuno, ut σωτῆρι aram erexissent, quòd Neptunum existimarēt Græciam liberasse à Persarum

seruitute. Neptuni statuam similiter æream fuisse non aliunde colligere possumus, quam à cōiectura illa. Verisimile enim videtur, siue fuerit illa à Chalcedoniis statuta, siue à Byzantiis, vtrisque colonis Megarensium & Corinthiorū, eos imitatos fuisse progenitores suos, qui in Isthmo curarunt, vt Lysippus efficeret Neptunum æneum. Qualis autem fuerit statua Iouis Vrij in ore ponti constituti, neque Dionysius, neq; quisquam explicat, nisi vnus Cicero. Tria, inquit, ferebantur in orbe terrarū signa, Iouis Vrij pulcherrimè facta: vnum illud Macedonicum, quod in Capitolio videmus: alterum in ponti ore & angustiis: tertium quod Syracusis ante Verrem prætorem fuit. Illud Flaminius ita ex æde sustulit, vt in Capitolio, id est, in terrestrī domicilio Iouis poneret. Quod autem est ad introitum ponti, id cùm tam multa ex illo mari bella emerserint, tam multa porrò in pontum inuecta sint, vsque ad hanc diem integrum, inuiolatūmque seruatum est. Deinde Dionysius reliqua de fano ita exequitur: In fano, inquit, statua ærea est antiquæ artis, ætatem puerilē præ se ferens, tendens manus. Causæ multæ afferuntur, cur hæc statua sit in hanc figuram conformata. Quidam, inquit, aiunt audaciæ signum esse nauigantium, deterrens temeritatem nauigationis periculis plenam, atque ostendens redeuntium salutis felicitatem & pietatem: non enim sine terrore vtrunque est. Alij dicūt puerum in littore errantē aliquantò post venisse, quam è portu nauis soluta esset, salutisque desperatione affectum, manus ad cœlum tendere: pueri autem preces deum exaudientem reduxisse nauem in portum. Alij aiunt in magna

gna maris tranquillitate , omni vento silente, nauem diu  
retardata, nautas inopia potus laborasse : nauarcho au-  
tem visionem infedisse, iubentem, ut nauarchus filium  
suum sacrificaret, non enim alio modo posse assequi  
commeattim & ventos. Nauarcho necessitate coacto,  
& parato puerum sacrificare, manus quidem puerum  
tetendisse, Deum verò misericordia motum ob absur-  
dum pueri supplicium, obque pueri ætatem sustulisse  
puerum, & ventum secundum immisisse. Hæc quidem  
& his contraria ; ut cuique placuerit, credibilia existi-  
mentur. Hanc historiam Philostratus aliter interpre-  
tari videtur. Mulierculæ, inquit, in littore acclamant,  
equos autem rogare videntur, ne pueros abiiciat, néve  
frena respuant, sed feras capiant & conculcent : qua-  
rum precibus commoueri equi videtur, pueros autem,  
vbi venati essent, & prædam cepissent, nauis ex Europa  
in Asiam traiicit fretum latum quatuor stadia, tantum  
enim interuallum distant duo orbes, & remigum ipsi  
funguntur officio. Ecce autem rudentem iaciunt, exci-  
pit ipsos domus amœnissima, thalamos & andronas, fe-  
nestrarumque vestigia subostendens muro circunda-  
ta, pinnis & propugnaculis exornato, & quod domus  
est pulcherrimum, eius porticus semicircula coloris ce-  
rei speciem gerens à lapidibus in ipsa constitutis cir-  
cunstat mare. Hi lapides gignuntur ex fonte, aquam  
enim calidam montes Phrygiæ emittunt, & fluxus in-  
ductus in litomias madidas, efficit petrarum alias co-  
loris aquei, & lapidum excrescentiam facit, ut ipsorum  
varij colores existat. Vbi enim aqua stagnat, turbidum  
colorē & cereū inducit : vbi verò aqua pura, colo-  
rem

rem Crystallinum efficit, multisque epota foraminibus  
lapides variat: sed littus excelsum est, & huiusmodi fa-  
bulæ fert symbolū. Puella ac puer ambo formosi, eun-  
démque frequentates præceptorem, ad mutuum amo-  
rem exarserunt, & nulla amplectendi data facultate, ex  
hoc sāxo mortem appetierunt, itaque hinc in primis  
& postremis amplexibus se præcipites egerunt. Cupido  
supra petram consistens, manum intendit ad mare:  
domus deinde vidua, colitur à muliercula ob iuuenum  
molestiam ex vrbe egressa, rapturi enim ipsam viden-  
tur, & petulantia quadam, lasciuisque saltationibus, ac  
carminibus eam frequenter adibant, muneribusque so-  
licitabant: at ipsa astu quodam, atque animi elatione  
in eos vtens, vellicat adolescentulos, & huc egressa, mu-  
nitam hanc habitat domum. Cōtemplare enim, quām  
munita sit. Præcipitium enim in mare eminet: quod ab  
ima parte mari alluitur, lubricū, à superiori parte pro-  
iectum hāc maritimam sustinet domum, sub qua mare  
magis ceruleū videtur demittētibus oculos in ipsum.  
In hanc domum fortē et si mulier se contulit, tamen  
non eam reliquerunt amantes pulchri & coronati. Sed  
hic quidem ceruleæ prorę, alter inauratæ, alius alterius  
coloris nauiculam ingressus nauigat: nécnon Comus  
ipse, id est, ebrietatis Deus: & hic quidem tibia canit, al-  
ter verò plaudit, alius cantat coronas, vt puto, atque  
oscula sursum iaciunt, nec remos agitant, sed inhibitent,  
& applicant nauigia ad præcipitium: muliercula verò  
ex domo, velut ex specula videt hæc, & ridet lasciuient-  
ium more in amantes, eos non solūm nauigare, sed  
etiam natare cogens, ac procedens in spectāda pictura,  
incides.

incides in armenta, & mugientes boues audies, & fistularum vox te circunsonabit, & in venatores incides, & agricolas, & fluuios, & lacus, & fontes. Expressit enim pictura, & ea, quæ sunt, & quæ fiunt, & ut quædam fieri possent, non ob multitudinem segniter exprimens veritatem: sed perficiens singulorum propriam naturam, ad fanum peruenimus, & templum, quod illic est, puto, vides, & columnas, quæ circa ipsum sunt constitutæ, & in ore ponti faces ex specula sublatæ ad ostendendū os ponti nauibus. Hanc Philostrati picturam attuli, ex ea colligens, si verè Philostratus interpretatur, aliquando reuera repræsentatam fuisse ab his, qui angustias Bospori accolunt, volentibus aut re ipsa, aut ficta æmulatione apud suas angustias similem amorem puellæ & pueri accidisse ei, qui accidit apud Hellespontias angustias, ad Sestum & Abydum: quanquam puer ille tendens manus videri posset ille, quem antè descripsit Dionysius Byzantius. Nam nullus author tradit, puerum & puellam, ex eo, quòd ad mutuum amorem exarsissent, se ex Bospori angustiis præcipitasse. Philostratus enim huius picturæ symbolum interpretatur positæ in domo quædam Neapolis Italicæ: qui tum si vidisset præsentem Bosporum, cùm eam interpretabatur Neapoli, pueris non attulisset lapides illos domus cerei coloris esse: ex eo, quòd montes Phrygiæ similes ferant. Illi enim illinc longissimè absunt, quales, cùm profici- sceremur, contra Regem Persarum, in Tephricen vrbe Mediae, vidi in Galatiæ, quæ magna Phrygia ante dicebatur, vrbe nuncupata Bolo, antiquitatum ple na, à qua non lögè sunt balnea natura calida, eiusmodi.

lapides efficiētia, quales describit Philostratus. At apud Bosporum non ex aqua tales fiunt, sed potius Cyanei coloris: nisi fortasse ita Philostratus interpretari potuisset picturam illam, totāmque attribuere sacerdotibus magnae matris deorum, quæ colebatur in fano Europo, supra quod erat Pharos antiqua, & iuuenes illos nauem traiecerisse ex Asia in Europam ad repräsentandos quosdam actus matris deorum amoribus insaniētis in Atyn, colorēmque cereum videri in lapidibus ex illa ratione, qua Dionysius appellat Milton promontorium oppositum fano Iouis: sed etiam hanc picturam Philostrati attuli, vt ex ea colligas fani situm, & Bospori angustias apud fanum esse quatuor stadiorum, Pharūmq; antiquam fuisse in conspectu fani, contra quam sit recens Pharos posita extra aspectum angustiarum fani, & vt circa fanum essent columnæ, vtque sub fano præcipitia eminerent in mare, vt in radicibus promontorij fani existeret domus benè munita, vt fanum esset oppidum. Sed vt planius intelligatur fani situs, describam, vt nunc est, ἵπη etiamnum à Græcis appellatum, à Latinis fanum, paruum castellum natura & muro munitionem, à solis Turcis habitatum, situm est in altum ædito supercilio promontorij, cuius projectu Bosporus in maximas totius oris pontici angustias coarctatur. Proiicitur enim à Solis ortu ad Occasum, at Europeū promontorium, in quo antè dixi etiam nunc restare vestigia antiqui fani Europei, procurrens à Septentrionibus ad Meridiem, easdem angustias premit, stringitque. Illud Asiaticum Ptolemæus appellat Bithyniæ promontorium, quod triplici cliuo subsidet, ynum valde pronum

num ad Meridiem claudit vallis nemorosa, diuisa in multas valliculas, nemorosus & sinus portuosus, quem efficit promontorij proiectio: ab Oriente habet clausam vtrinque vallibus ceruicem angustam, qua molli & semiplana peruenitur in promontorij iugū planum. Secundus cliuus deprimitur ad septentriones præceps & pene directus, cuius radices summas claudit vallis decurrentes à summo promontorij iugo ad Bosporum: imas verò cingit idem Bosporus, retinentes vestigia antiqui ædificij, cuius fundamenta in littore iacta perspexi benè penitus effodi, & tympanis à Turcis efferri saxa quadrata ingentia. Aedificium Græci appellabant πολεολω', alij πολεολιτω', quasi hortum, vt ipsi putabant ibi olim fuisse. Ego altius ductū puto, quasi ποσαδάνιος, hoc est, templum Neptuni: nam hortus, qui esse potuit in littore confragoso rupibus præruptis. Adde, quod iuxta mare templum Neptuni, quod iuxta has angustias Aristides tradit situm fuisse, conuenit, atque Iouis templum, non autem in aree, hoc est, in summo promontorio, sed in imo cùm ex antedictis Dionysij coniicio, tum ex Apollonio tradéte Argonautas in littore aram duodecim diis excitasse. At littus distat ab arce circiter quinque stadia: veròque proximum esse videtur, prope littus fuisse ob commoditatem nauigantium, atq; extra arcē, ne minus pateret externis accessus ad capiendam insidiis arcem. Tertius promontorij cliuus velud dorsum excurrit à summo iugo in Occidentem, usque ad Bospori summas angustias, primò quidem leniter se remittit ab arce usque ferme ad Bosporū spatio quidem circiter quatuor stadiorum, quod adhuc vtrinque

mœnibus antiquis oppidi fani cinctum spectatur iam penitus deserti & vineis consiti: deinde sub mœnibus antiquis valde propendet usque ad Bosporum clius efficiens mucronem promontorij, altus circiter centum passus, latus plus minus trecentos, ubi in littore fundamenta videntur ædificata, partim in scopulo distanti à Continenti circiter triginta passus, respondentia moli substructæ in littore Europeo subiecto sub fanum Europeum: inter quas quidem moles cathena extendebatur, ne quis munitis fanis Bospori angustias trahiret sub imam vallem à cardine meridiano claudentem fani Asiatici promontorium, subiectus est portus optimus, & valde profundus, quem à Septentrionis & Orientis ventis tutum efficit promontorium fani nunquam ferre nauibus carentem: quo simili portu caret fanum Europeum, itaque hominum opere molibus iactis factus erat. Cuius reliquias nunc appellari Mauromolem antedictum est. Prope illum portum Asiaticum existit vallicula laurorum sylva virens, per quam fluit fons, perennem riuum emittens, etiam æstate implere valentem quinque digitorum fistulam.

*De Argyronio loco & Nymphæo, & lecto Herculis: &  
de Moucoporide portu, & Lauro insana: & de por-  
tu Amyci.*

C A P. V I.



P O R T U fani ad Argyronium præcipites inontes impendent in littus præruptum & peditibus inuium. De Argyronio ita Dionysius persequens suum institutum. Anapnum sub fani, inquit, promontorium subit, & succedit Argyro

» gyronicum nominatum : ex eo , quòd multa pecunia  
» emptum fuisset.Promontorium Argyronum usque in  
hunc diem nomen retinet; patet in latitudinem circiter  
nongentorum passuum ; claudit quidem à Meridie si-  
num, quem vulgus appellat Monocolon: sed idem à se-  
ptentrionibus clauditur valle, per quam riuus perennis  
partim defluit in Bosporum , partim fontem efficit,  
quem iuxta spectantur fundamenta antiqui monaste-  
rij, in promontorij Argyronici cliuo, maritimam oram  
prædictæ vallis cingente prærupto & præcipiti, sed ali-  
quatenus explanato ad excipiendam aëdificationem,  
extant parietes antiqui templi, & columnæ humi pro-  
stratae, quarum unam marmoris Thebei vidi exportari  
in structuram ædis Maomethanæ, quam nunc ædificat  
Rex Soleimanus: quo verò nomine illud templū à Græ-  
cis appellaretur, à nemine Græcorum huius ætatis per-  
cipere potui: sed Procopius solus mihi indicauit. In  
pontum, inquit, nauiganti ad dextram promontorium  
quoddam abruptum in freti Bosporici littus eminet, in  
quo ædes martyris Pantaleemonis constituta, temporis  
vetustate laborabat, quam demolitus Iustinianus, ex-  
templo persumptuosè reædificauit. Ante hanc ædem  
in loco nominato Argyronio mendicorum fuit domi-  
ciliū, his, qui morbo insanabili affecti essent, quod tem-  
poris longinquitate dirutum prompta ædificatione re-  
nouauit, requietis futurum diuersorium insanitate la-  
borantium.Cur autem hic locus Argyronius magno ar-  
gento emptus fuerit, exputare non possum aliam ratio-  
nem, quam angustiarum freti, quæ inter promotorium  
nuncupatum Tripite intérque Argyronium à nonnul-

lis habentur fermè tam angustæ, quām fani angustiæ ab ædē Panteleemonis. Supra littoris inuij cliuos præruptos & precipites, angusta semita passus circiter quadringentos progressus, incidi in vallem exiguum sitam in media latitudine promontorij Argyronici, quæ fontem sacrum habet diuæ Galatinæ, sinūmque admittit Bospori non magnum, in quo pescatores testantur portum fuisse munitū mole, quam Turci paucis antè annis sunt demoliti. Argyronici promontorij mucro magis meridianus, quo Bosporus procedens ad Solis occasum flectitur ad Orientem, rupibus perpetuis præruptus confragosam semitam & exiguum vix penetrabilem admittens, atque inchoans magnum sinum, scelerato nomine appellatur Monoculos à lapide, vt ipsi dicunt nuper exciso. Quid si fortasse detorserunt antiquū nomen, & sinus is magnus sit ille, qui à Dionysio appellatur Moucaporis? sed de hoc paulò infrà, quām persecutus fuero ordinem Anapli Dionysiani. Post, inquit Dionysius, succedunt & subeunt loca nuncupata Herculis *Lauri*, hoc est lectus, & Nymphæum, inde nomina nata insana Laurus, apud quam aiunt Amycum Ebrycum Regem habitasse pugillatus pugna omnibus suæ ætatis hominibus præstantem, nisi à Polluce vicitus fuisset Iouis & Ledæ filio. Ille enim in expeditione Cohchica ex prouocatione conflixit cum Polluce, ab eodemque Polluce periit, pœnásque dedit in externos crudelitatis, exortaque fuit planta illius insaniae insigne diuinius, quām humana mens assequi queat. Nam si quis hanc laurum intulerit in conuiuium, conuiuas simili insania afficiet, & contumelia implebit. Hoc sanè experien-

perientia didici, naturam immortali memoriæ Regis illius iniquitatem tradidisse ex ipsa lauro. Arbitror erratum esse in exemplari Dionysiano habente ψθε pro ψθω. nam si ψθε legatur, vult dicere Nymphæum esse, vbi est Laurus insana. At Andrætas Tenedius in periplo Propontidis tradit Amycum locum, vbi esset Laurus insana, distare à Nymphæo Chalcedonio quinque stadia. Ne mo declarat, quale fuerit Nymphæum Chalcedonium, an specu Nymphis sacrum, an locus Topiaro opere spectabilis, an locus sacer virentibus syluis & pratis, an balneum, an lacus, an simile Nymphæo pontico, quod matris Demosthenis oratoris pater figulus nominatus Glycon hostibus prodidisse accusatus, & mortis condemnatus fugit ad Bosporum. Epicarmus & Pisander dicunt Pollucem loro ligasse Amycū. Dei- lochus in primo libro, quem scribit de Cyzico, pugillatu dicit Amycum à Polluce superatū. Orpheus ait Pol luçē duris loris caput Amyci percussisse: dura lora quid aliud, quam cæstus? Pollux enim teste Arnobio pugillator bonus, & crudo inexuperabilis cæstu, qui vicerit Amycum pugillatu omnium hominū suæ ætatis præstantissimum, quem Valerius Flaccus recte appellauit gygantem, Regem Bebrycum, quos Orpheus scribit οὐρανούς, cum ob corporum magnitudinem, qua præstabant cæteris suæ ætatis hominibus, tum ob animi immanem perfidiam. Arrianus narrat Bebrycē Arantam fuisse magnitudine octo cubitorum, crasitudine vero respondente symmetriæ altitudinis. Eadem magnitudine Historici tradunt fuisse Nicephorum Imperatorem. Inde Dionysius. Post, inquit, Laurum insanam sequitur

sequitur sinus profundus valde, nominatus Moucapo-  
ris à Rege quodam Bithyniæ. Portus in ipso perbonus,  
post quem est promontorium ἀτόπηχεν à figura nomi-  
natum : est autem petrosum totum, & proximum ha-  
bens mare profundum usque ad oram littoris. Inde si-  
nus Amycus appellatus, & gronychia campus supinus  
& planus, in ipso autem punctiones cetaceorū piscium:  
deinde paludes à simili exaggeratione paludum, quæ  
sunt in penitimo sinu nuncupato cornu Byzantij. Vide  
an littus, quod tēpore Procopij appellabatur Mocha-  
dion, fuerit illud; quod attingeret sinum Moucapori-  
dem. Sic enim Procopius cōfestim post descriptionem  
ædis Pantaleemonis sacræ, in Argyronio sitæ, addit lit-  
tus quoddam esse, cui nomē esset Mochadion vicinum  
loco, quod sua ætate appellaretur ιπὸν, hoc est fanum,  
in quo quidem Mochadio dicit Iustinianum templum  
Archangelo ædificasse, non inferius aliis duobus tem-  
plis sacris Archangelo, quorum alterum antè dixi Iu-  
stinianum construxisse iuxta promontorium Estias, al-  
terum in contrario littore: quanquam ex ordine Pro-  
copij Mochadiōn fuisse videtur inter Argyronium &  
fanum. At ex Dionysij verbis intelligimus post Argy-  
ronium, & lectum Herculis, & Nympheum, & Laurum  
insanam fuisse sinum Moucaporidem. Præterea nosci-  
mus ex antedictis Dionysij, Laurum insanā, & sinum  
Amycum duo loca esse inter se separata, nempe inter  
ipsa intercedunt Moucaporis sinus, & promontorium  
Aetorecon ubi verò fuerint, ex nominibus locorū hu-  
ijs ætatis assequi non potui, quantumlibet iterum & sa-  
pius hac de causa obierim totum littus Bospori Asia-  
ticum,

ticum, neque à quoquam nato ex indigenis antiquis quicquam intelligere potui. Nam omnes, qui iamdum accolunt Bosporum, peregrini sunt: indigenæ vero capta Constantinopoli ex Bosporo aufugerunt, & vici aut exusti, aut diu deserti manserunt, & aliquot post annos à longinquis nationibus Barbaris bello subactis agrestes agricolæ abducti sunt ad Bosporum accolendum, ut omnes huius ætatis accolæ Bospori sint, aut peregrini, aut peregrinorum filij. Præter hæc incommoda huc accedit aliud incommodum, quod Bospori littus Asiaticum regiis viretis totum ferme occupatum est, extinctis & funditus deletis antiquis vicis, ut ne vicorum quidem quisquam iam teneat nomina. Itaque ad coniecturas conuertere me oportuit. Primo coniiciebam Laurum insanam fuisse in vallicula dictæ Galathinæ, idque colligebam, ut sinum Moucaporidem accommodarem sinui iam antè nominato Monocolo, quem cum perspicere magnum, & longo littoris flexu incuruatum in formam falcis, legisse, enque apud insertum scriptorem sinum Moucaporidem, postea Drenpanum appellatum fuisse, descédebam in eam opinionem, ut putarem hunc esse Monocolon, & promontorium Aetorhechum esse iam vulgo nuncupatum Turcum. Sed Arrianus me retinuit, tradens in suo periplo Bithynię à fano Iouis ad portū Laurus insanæ esse quadraginta stadia. At diuæ Galathinæ vallis non distat à fano viginti stadia, quamobrem ex Arriano Laurum insanam conuenit esse ultra Galathinā longè amplius viginti stadiis. Verùm ut situs locorum clarius fiat perspicuus, designabo littoris sinus & promontoria. A fle-

xu promontorij Argyronici, quo primus Asiæ angulus normalis oppositus angulo Europeo appellato Bathycolpo quadratur & perficitur; & quo Bosporus tendet ad Occasum, flectitur ad Orientem, littus Bospori Asiaticum quatuor sinus admittit, antequam rursus converatur ad Occasum: quorum primus est Sycia, siue Monocolus appellatus, amplius littoreo circuitu moliter flexo, plus duò milliaria complectens: cuius supra medium flexum est fons perennis Sycia appellatus à proxima fico. Cum ad hunc fontem accessissimus, & Laurum vicinam decerpissimus, eamq; in nauigium attulissimus, tot contentiones inter remiges & vectores exortæ sunt, ut putarem Syciam olim appellatā fuisse Λυχερρη, id est, Laurum insanam, ut appellat Dionysius. Sed Atrianus iterum nesciit, cum ait Laurum insatia distare à fano quadraginta stadia: at Sycia longè minus distat. Alter sinus à sinu Sycia diuiditur promontorio nominato Turco, in quem quidem sinum medium ingreditur perennis fluuius, versans molas, paludem efficiens channarum sylua tectam, habens ostium, quod ponticulis traiicitur, delapsus per vallem amœnam, planam, in qua regij horti cum regia villa adumbrata syluis cum aliarum arborum, tum maximarum platanorum. In hoc sinu, quem iam Græci appellant Turcon, existit scala lignea, qua Rex oram mari vadens traiciens descendit in hortos. Tertius sinus deinceps statim, interposito tamen promontorio vineis pleno, ab ima parte petroso subsequitur appellatus à Turcis Becoussi, id est, nux iuglās, à Græcis Amœa, siue marmorea scala. Quartus positus est in angulo Solta

Soltaniæ, quod Bosporus tendens ad Orientem, conuer-  
titur ad Occasum, quoque angulus Asiæ normalis effi-  
citur oppositus angulo Europeo nuncupato Comma-  
rodi. Hunc quartum sinum esse paludes similes Byzan-  
tinis, quas Dionysius ponit post sinum Amycum, pau-  
lò infra ostendam: quo cognito facilius assequemur  
vnum esse Amicum ex tribus reliquis sinibus. Amicus  
sinus esse non potest ille ipse, quem dixi primum nomi-  
natum Monocolon. Nam inter Argytonium oportet  
esse Moucaporidem sinum profundum, portuosum: at  
inter Monocolon, & Argytonium nullus talis existit.  
Relinquitur, ut sinus Amicus sit, aut sinus secundus, in  
quem defluit riuus versans moletrina, aut tertius, quem  
Græci appellant Amæam à petra extra aquam eminen-  
ti, gerenti similitudinem mulieris Αἰγαίας: sed altius, ve  
opinor, designante antiquum Amycum. Nam hunc vni  
& soli conuenit illud, quod tradit Dionysius apud si-  
num Amycū pisces cetaceos capi. In hoc sinu duo vici  
sunt à solis Turcis habitati, quorum alterum Græci ap-  
pellant Amæam: alterum vocant marmoream scalam:  
Turci utrinque nominant Becoussi. Non sine causa for-  
tasse prius appellatam Cariam nomen insanæ Lauri  
effugientibus mutata arbore & nominatione, ut Phar-  
maciam in contrario littore accolæ mutauerunt in The-  
rapiam. Inter Amæam & marmoream scalam piscato-  
res vestiū tempore tendunt tētia ad capiendos Σιρίας  
pisces cetaceos, qui in nullo alio loco Bospori capiun-  
tur, idque maris spatium appellant Amiam, sive La-  
miam, nescio an ab Amyco. Hoc vnum scio, hunc si-  
num esse portum, quem Artianus appellat Laurus in-

fanæ, ex eo, quod distat à fano quadraginta stadia. Itaque oportet Dionysium errare, aut Arrianū. Nam Arrianus sinum Amycum, & portum Laurus insanæ, eundem facit. Dionysius à sinu Amyco separat Laurū insanam interualllo interposito sinus Moucaporidis, & promontorij Aectorhechi: sed uter rectius scripsiterit, conifice ex his, quæ subiungā, & primū considera id, quod Dionysius tacet, cur appellatus fuerit sinus Amycus? profectò à loco vicino nūcupato Amyco. Præterea perspice, cur locus ille vicinus appellatus fuerit Amycus, nimirum ex eo, quod ibi vel Amycus aulam habuerit, vel pugnauerit cum Polluce, vel quod eius sepulchrū fuerit, vel quia Laurus insana ibidem extiterit: nam hæc quatuor de eo traduntur, an in eodem loco eadem hæc omnia fuerint. Quod si in eodē loco oportet esse apud sinum Amycum, aut nulla causa relinquitur, cur nominetur sinus Amycus. Apollonius illa in eodem loco ponere videtur, cùm ait Argonautas ad littus, quod videbatur ex sinu extendi eminenter nauem appulisse, vbi essent stabula boum, aulāque Regis Amyci Bebrycum Regis: quē vbi Pollux deuicisset, & ob huius victoriam Argonautę lauro coronati cœnassent, postridie rudentes soluisse, quibus nauis alligata esset ad laurum vegetam. Andretas Tenedius in periplo Propontidis dicit Orpheum non poëticè finxisse laurum, sed reuera fuisse in hoc loco arborem laurum bene magnam. Idémq; præterea narrat hunc locum appellari Amycum, habuisséque sua ætate ædificia à Colonis excitata, & distare à Nymphæo Chalcedonio quinque stadia. Magni Ethymologici author ex antiquis scriptoribus tradit

dit Amicum urbem esse, at in quo loco sit, non declarat. Plinius Nicopolim appellat. Stephanus Nicopolim quidem dicit esse in Bithynia, sed locum non definit. Apollodorus in primo ponticorum dicit in loco nuncupato Amyco sepulchrum Amyci & Laurum esse, ex qua si quis ramum cepisset, in conuitia & contumelias concitaretur. Plinius etsi portum Amyci aliâs ponit apud Bosporum, aliâs in tractu Heracleæ pôticæ, tamen id, quod excerpserat ex antiquis scriptoribus, tradit portum Amyci Bebrycum Rege interfecto clarum esse, eiûsque tumulum à supremo die Lauro tegi, quam insanam vocant. Quoniam si quid ex ea decerptum inferatur nauibus, iurgia fiant, donec abiiciatur. Sed quid plura inculcem? cum iam satis ex antedictis pateat, in eodem loco fuisse portam Amyci, portam Laurus insanæ, sepulchrum Amyci, & locum pugnæ inter Pollucem & Amicum, & locum Amicum, & sinum Amycum. Quare miror Dionysium separare Laurum insanum à sinu Amyco, interposito interuallo sinus Mucaporidis, & promontorij Actorhechi. Verum Dionysius, ut homo Byzantius longè accuratiùs describens littus Bospori Byzantium, quam Chalcedonium, decipi potuit varia quadâ opinione, quæ tum fortasse peruagabatur de Lauro insana. Sed quantumlibet fuerit peruagata, tamen ex antedictis cōstat sinum Amicum esse, quem Arrianus appellat portum Laurus insanæ, & Plinius portum Amyci: nûncque appellari Amiam & marmoream scalam, apud quam est fons distans à Bosporo centum passus, emittens fluuium perfrigidum, etiam summa æstate versare valentem molas, si eius al-

ueus esset procliuis: & maior erat antequam eius pars  
deriuata esset in vicum proximum appellatum Becoussi,  
vbi, ut hodie est accommodata regiae Turcorum au-  
læ, sic longè commodior sedes fuit armentis Amyci,  
eiusdémque aulæ, quam apud Laurum insanam, quam  
Dionysius ponit inter Argytonium, & sinum Turcum,  
vbi dixi fluij ostium efficere paludem kannis plenam,  
in quo spatio nullus est fluius, qui necessarius erat au-  
læ Regis Amyci: ideoque etiam hac ætate caret ædifi-  
ciis. Nec me mouet, etiam si hodie nulla spelunca ap-  
pareat talis, qualem describit Valerius, cum ait:

*Littore in extremo spelunsa apparuit ingens*

*Arboribus super, & dorso contexta minanti.*

Nam ea aut tot per secula ædificationibus obruta est,  
aut à Turcis inclusa tenetur intra ædificia, quæ ipse  
excutere nō potui: aut fortasse poëticè locutus est: quod  
non solent Physici Poëtæ in descriptione locorum, ex  
antedictis Plinij perspicitur non modò error ponentis  
Laurum insanam, & sepulchrum Amyci extra Bosporum  
intractu Heracleæ ponticę, sed etiam eiusdem incerta  
commentatio modò ponētis portum Amyci ex-  
tra Bosporum, modò intra Bosporum: cùm tot ex auto-  
ribus, quos citat, apertissime declarare potuisse Laurum  
insanam & sepulchrum Amyci, & portum Amyci  
esse intra Bosporum. Hermolao ignoscendum est, qua-  
tenus fortasse non viderat Ariani Periplum, neq; Dio-  
nysij Anaplym: at viderat Apollonium, quem citat ad  
probandum, vbi esset Laurus insana, & portus Amyci  
& sepulchrum Amyci: ex quo assequi poterat, illa esse  
iuxta Bosporum tum maxime ex Stephano, quem fre-  
quen-

quæntissimè affert, consequi facile poterat portum Lauri insanæ esse in ore ponti in dextra nauigantibus ex Propontide in pontum, nisi fortasse Codicem Stephanii de prauatu non animaduertit, in quo edita est *Δελφινια*, pro *μαυροπολις*, quæ quidem paucula si Hermolaus diligètior peregrinator librorum, quam regionum expendisset, profectò in multiplicem errorem non incidisset, qui ut probet in Plinio posse legi, portu Amyci, tamen in Bosporo non vult intelligere illum esse, sed haud procul à Bosporo, nempe in tractu Heracleæ, in quo multipliciter decipitur: primum ignorans portum Amyci esse intra Bosporum: secundò Lauru insanam, & sepulchrum Amyci ponens extra Bosporum: tertio Azani portum, & Azamin urbem statuens iuxta Bosporum: quorū nemo meminit, ne Dionysius quidem: cùm Azanis sit extra Bosporum teste Strabone, qui ait ex Azanitide Rhyndacem exoriri. Iam cognitis Amyco loco, & Amyco sinu, cognoscimus Nymphæu Chalcedonium teste Andræta Tenedio distans quinque stadia à vico nuncupato marmorea scala esse, aut in regiis hortis nuncupatis Becoussi, aut ab eis non longè, portumque Moucaporidem esse inter Argyronium, & vicum marmoream scalam appellatū, nimis autem Monocolon, aut proximum sinum, ubi fluuius versat molas, promontoriūmque Aetorhechum existere, alterum ex duobus promontoriis sitis in horto, quæ Giæci vocant Turcon corruptè, quasi Aetorhechoni. Paludes, quas post sinum Amycum ponit Dionysius, fuerunt in sinu, quem vulgo vocant Soltaniam, à Soltano Rege Soleimano, qui in eo Sardacum luculentum: sic enim

Turci

Turci appellant Tholum vndique fenestratum in littore ædificauit cum hortis, & syluis, & edibus regiis: vbi priusquam hortos ille construxisset, à senibus pescatoribus accepi ibidem paludes à Soleimano obrutas, ædificiis hortisque occupatas fuisse; atque vbi nunc Sardacum, & cætera ædificia existunt, Insulam prius extitisse circundatam mari vadoso iam obruto, arcisque proiectis in hortos redacto.

*De sinu Catangio: de promontorio, quem Dionysius appellat ὁρμός, & portu Phrixi: de promontorio Lembo nuncupato, & de Insula exigua.*

### C A P V T VII.

**P**OSSIT (inquit Dyonyssius) paludes subsequi-  
tur sinus nuncupatus λατωνειος, ad se maxi-  
mè alliciens pisces, si quis alter, ac potius, si  
nihil decet, supprimere eum, qui veritatem ..  
dicit. Solus ex littore Chalcedoniorum est bene pisco- ..  
sus. Veruntamen tantum differt ab Europeo; quantum ..  
differt mare à terra: επ' αὐτῷ ὁρμός ἀνηρ. Hoc est, in ipso,  
vel post ipsum est promontorium Oxyrrhoum. post ..  
Oxyrrhoum succedens littus planum, & multum ap- ..  
pellatur Phrixi portus, post quem alter portus, & Phiela ..  
Chalcedoniorum valde potentum. οντὸς ἡ αὐτῷ, id est, in ..  
ipso, vel post ipsum. Phiela est tumulus supinus & ro- ..  
tundus in circulo figuram circumscribens basim. Thea- ..  
trum aliquis coniectaret se videre impropositum à natu- ..  
ra constitutum: propè autem est promontorium no- ..  
minatum Lembus à similitudine lembi. Sub littus illi ..  
continuum est Insula valde brevis, iuxta quam maris ..  
vadum

• vadum exalbescens cautibus sub aqua iacentibus in  
• Europam auertit piscium cursum, cuius aspectu exter-  
• riti fretum transeunt secundo Bospori fluxu. Chalce-  
» donij ipsam Insulam appellant Βλάστων, apto nomine, &  
» proprio experientiae rei, quæ accidere solet. Inde est Po-  
» tamonian: post Potamonian succedit Nausiclia, apud  
» quam dicunt Chalcedonios bello nauali superasse ad-  
» uersarios contra se nauigantes: inde Echæa περιππηγη pro-  
» montorium, & sinus appellatus Lycadium satis pro-  
» fundus, illud quidem à viro Megarensi Lycadium, siue  
» Cycladion à quodam indigena. Catangium videtur is  
esse sinus, quem hodie vocant Castacium, non modò  
nominis similitudine, sed etiam vera Dionysij descrip-  
tione. Piscosus enim si quis alias littoris Asiatici, ve-  
rūm ut eius situs & consequentis littoris intelligatur,  
scito sinum Soltaniæ à Septentrione habere regis hor-  
tos, à Meridie vicum habitatum à Turcis, nuncupatum  
Sycia. Post vicum in littore est locus, quem pescatores  
vocant Bolaca à iactu retis. Hic sinus iam Soltanicus,  
prius Cyclaminus appellatus, longo circuitu leniter fle-  
xo, quadratur in angulum normalem, piscosus habe-  
tur, à Meridie clauditur promontorio, nominato Stri-  
dio: ab ostreis potius arbitror, quas vulgus Græcorum  
appellat stridia, quām à stridore: nam ibi fluxus nō stri-  
det. Hoc promontorium ab Aquilone includit sinum  
Castacium, valde piscosum, habitum à pescatoribus. In  
hunc perennis riuis per vallem delabitur, in qua ima &  
plana Regis horti sylvis virētes. In sinus parte extrema  
ad Meridiē pertinente videntur fundamenta illius an-  
tiqui magni monasterij, quod appellabatur οἰκομένη τοῦ ἡ-

monachis nunquam noctu dormientibus. Huius solitarij domicilij moderatorem & gubernatorem tradit fuisse Cyrillum, Euagrius in sua christianæ concionis historia. Meminerunt & alij Historici aliorum monachorum, vel eruditione, vel sanctitate illustrium hīc so luagam vitam egisse. Iam verò à Meridie Castacium sinum cingit promontorium duo cornua præ se gerēs, alterum sinum Castacium claudens, quod vocant magnūm Glari, quodque celeri acutōque fluxu circumsonat alterum cornu claudens sinum, quem  $\pi\lambda\alpha\kappa\alpha$  Græci appellant, circumfluit Bospori rapido cursu & simili prioris, quem dicunt paruum Glari. Vide horum alterum, an sit  $\delta\pi\varphi\varphi\psi$ , alterum verò  $\pi\pi\varphi\varphi\psi$ . Medium promontorium diuidens Castacium à sinu Placino, incurvatur in duo cornua, paruulum sinum admittens, supra quē impendet concavus locus similis magnō theatro. Post promontorium parui Glari statim subsequitur sinus mediocris, quem Græci appellant  $\pi\lambda\alpha\kappa\alpha$ , à quādam, ut ipsi ajunt, mēsa marmorea. Hunc sinum à Meridie claudit promontorium, cuius ad radicem duo saxa supra aquam eminent, vndoso mari circundata. Itaque cùm in toto littore Asiatico nulla sit Insula, neque scopulus inter sanum Louis, & Chalcedonem, quam hic, & alter situs sub promontorio Damalico: aut horum alterum oportet esse illam, quam Dionysius commemorat, aut non extare. Iam verò scopulum positum sub radicibus promontorij Damalici, non esse Insulam traditam à Dionysio, liquet ex his, quæ & antè dixit Dionysius, & ex ipsis, quæ postea dicet. Quòd si iuxta illa duo saxa supra aquam extantia sit maris vadum exalte

exalbescens cautibus, quibus sub aqua iacentibus Dionysius scribit, pisces auerti in Europam, profecto hic siue scopulus, siue Insula maior esse debuit, adiacentésque cautes erutas fuisse cōuenit: aut si alibi Insula Dionysij fuit, funditus eversa est à Chalcedonēsibus illam appellare solitis βλάστων. Strabo Insulam esse tacet, sed duntaxat petram esse dicit. Pelamydes, inquit, descendentes ex ponto, cūm præteriorunt Cyaneas ex Chalcedoniaco littore petra quædam alba ipsis obiecta, adeò exterret, ut statim in contrarium littus conuertantur. Plinius saxum duntaxat esse dicit. Est, inquit, in Eripo Thracij Bospori, quo Propontis Euxino iungitur, in ipsis Europam Asiānique separantis freti angustiis saxum miri candoris, à vado ad summum perlucens iuxta Chalcedonem in littore Asiæ: huius aspectu repenite territi Thunni semper aduersum Byzantij promontorium, ex ea causa appellatum Auricoru, præcipiti petunt agmine. Itaque omnis capture Byzantij est, magna Chalcedonis penuria m. p. medij interfluentis Eupripi, quos Plinius appellat Thunno, Strabo, Pelamydes, sicut hodie pescatores eas appellant ascéndentes in pontum, easdem verò descendentes ex ponto vocant Lacerdas. Sed an hæ sint Thunni, an Pelamydes, separato volume erit ostendendum. Hermolaus dum Plinianum Codicem habentem m. p. corrigit, & censet legendum d. p. designare videtur saxum illud esse inter Hermæum promontorium, & Ciconium: at ex Dionysio id verum non est, qui multa loca ponit inter Insulam βλάστων & Ciconium. Nam Plinius ponens illud solum iuxta Chalcedonē, denotare videtur Damalicum.

scopulum, aut alterum propinquum nunc non extantem. Dionysius verò procul à Chalcedone ponit. Cornelius Tacitus Byzantium, ait fertili, fœcundóq; mari, quia vis piscium in pontum erumpens, & obliquis subter vias saxis exterrita, omisso alterius littoris flexu, ad Byzantiorum portus defertur: in quo Cornelius habitur. Non enim id fit, cùm Pelamydes erumpunt in pontum, sed cùm ex ponto per Bosporum erumpūt in Propontidem. Piscatores nostræ ætatis ignorant saxum illud, & negant id verum vñquam fuisse, Pelamydésque affirmant, in cursu Delphinorum declinare & decedere de recto decursu. Evidem ipse petram candicantem nunquam puto fuisse causam, cur potius Byzantium, quam Chalcedonem: sed quòd ex illa petra loca Bospori naturaliter apta sint ad deflexum in Europā. Nam à promontorio Hermæo littus Europeum incuruatur, & recedit tribus magnis flexibus, quorum primus fit à Nœcastro ad promontorium Estias: secundus à promontorio Estiaco ad Clidium promontorium: tertius à Clidio, usque ad sinum Chrysoceras. Vnde fit, ut cursus defluxionis Bosporicæ directus delatus iuxta latus Asiæ rapidus, Pelamydes auertat in littus Byzantiacum tranquilliùs, id quod vel ex ipso Dionysio colligitur, qui vt id attribuat fieri cautibus ex albescentibus, tamen earum dicit aspeetu exterritas fretum transire secundo Bospori fluxu. Tum Strabo interea dum profitetur id accidere occursu petræ albæ, cōcedit simul etiam idem fieri defluxu, & locis naturaliter aptis ad defluxum Byzantium versus, atque ad ipsum cornu sinum Byzantiacum. Iam si à Meridie promontoriū claudens sinum

Placa

Placa sit Lembus, tum coniicere possemus sinum Placa non magnum quidem, veruntamen profundum esse portum Phixi, & Potamonion esse, aut sinum nuncupatum Manolum, aut Enaretem fluuium, Nausicliamque opinaremur locum, quem vulgus appellat Napli, atque promontorium πριππην putaremus illud, quod hodie vulgo nominant Moletrinam, ex quo cursus celeris defluxionis Bosporice defertur ad promontorium Estias. Nam inter sinum Placa, & Moletrinum nullum existit promotorium πριππην: vnde fieret, ut Ciconium non foret Næocastrum Asiaticum, sed locus iam appellatus Cecri, situs contra Estias promontorium: tum quæ ἄκραις φοιζότες existimare conueniret, esse rapidos illos fluxus, qui deferuntur ad promontoria Heliæ, & Stauri, & Hermoniani. At mihi potius ἄκραις φοιζότες videntur existere ad promontorium, vbi rapiditas confluentiaæ Bospori versat molas, quam vlla alia promontoria ob fluctus rapidissimos totius Bospori, & maximè circunsonantis, Ciconiumq; habendum esse Næocastrum Asiaticum. Sed vbi sit portus Phixi, & Ciconium, vbi ἄκραις φοιζότες, non ex his, quæ antè dixi, iudicato, sed per te expedito, quæ de illis Dionysius scribit.

*De Naumachio, & Ciconio: & de promontorijs nuncupatis φοιζότες: & de duobus Discis.*

C A P V T VIII.

**P**ROPE Lycadium promontorium, inquit Dionysius, est Nausimachium, locus altera pugna nauali illustris, inde Ciconium nominatum ab excessu malitiæ incolarum. Se-

ditione enim violenta pressi ex loco exciderunt, à ter-  
go autem Ciconij sunt partim ἡσπαται ἄκραι, ex eo no-  
minatæ, quod circa ipsas franguntur fluctus, & cursu  
murmurante feruntur partim disci: maior quidem pri-  
mus, multò minor secundus, ambo appellati à simili-  
tudine figuræ. Hæc quidem loca ponit Dionysius me-  
dia inter Lycadium, & Chrysopolim. Plinius ait vltra  
Chalcedona, deinde Chrysopolis fuit, deinde Nicopo-  
lis, à quo nomen etiamnum sinus retinet, in quo portus  
Azari, deinde Naulochium. Ex antedictis Dionysij exi-  
stimo depravatè legi in Plinio Naulochium, rectius le-  
gendum esse Nausimachium. Nam quod Hermolaus  
interdum censeat legi posse, non Amyci, sed Azari, ci-  
tans Strabonem scribentem, in ore ponti esse Chryso-  
polim & fanum Chalcedonium, & regionem, quæ ha-  
bet paulò supra mare fontem Azaritium nominatum,  
qui Crocodilos paruos alit. Id mihi ex flumine Neoca-  
stri influenti in Bosporum hodie nominato Enarete,  
sive Arete, atque ex loco vicino appellato Napli: in-  
terdum verisimile videbatur existimanti fortasse Na-  
plen corruptum quasi Nicopolim. At illud idem du-  
biū mihi videri cœpit, posteaquā profectus ad Pro-  
pontidis sinum Astacenum nostra ætate appellatum  
Nicomedicum in eius ora, non longè à vico hodie nun-  
cupato Diacybissa, olim Libyssa, ubi fuit sepulchrum  
Annibalis. Vidi oppidum nomine Aritiū, cuius in fon-  
tibus cepi eos, quos Aricini appellant Mauledones si-  
miles Crocodilis, quos describam in Periplo Proponti-  
dis, sed etiam inueniri dicuntur in fontibus viciniori-  
bus Chalcedoni. Itaque non semel conatus sum profi-  
cis

ēisci ad fontes Aretæ fluminis, vt viderem, an Maule-  
dones ibi sint, an alij: sed gentis immanis Barbaria bis  
me ex media via retraxit, & coēgit deserere institutum  
iter. Nunc autem, vt facilius intelligatur, vbi fuerit por-  
tus Phixi, vbi Ciconium, vbi ἡσσος, describam littus  
à sinu Placæ usque ad Chrysopolim. Post sinum Placa  
sequitur sinus vulgo dictus Manolius, contra medium  
Hermæi promontorij latus appellatum ἡών, situs, egre-  
gius portus & piscoſus, quem de bonitate pifcationis  
cedeſe aiunt pifcatores nulli sinui littoris Aliatici. Hic  
valles luculentas habet olim adeò paſtionibus celebra-  
tas simul, & luculēto monasterio ornatas, vt copiosum  
lac ex circumiacentium collium clivis Græci nimium  
inaniter nunc diſtent in monasterium tubulis sub-  
terraneis ductum fuisse, quod idem proficisciens in me-  
diā à Cappadocib⁹ Neocæſariensiſib⁹ audiū suorū  
montium vbertatem paſtionum usque adeò extollen-  
tibus, vt opere subterraneo in celebre illud Cœnobium  
Gregorij Thaumaturgi suburbanum Neocæſareæ de-  
ductum fuisse iactitare non desinat, viamque osten-  
dant, quam in hunc diem sua lingua appellant viam la-  
etis. Post Manolium sinum deinceps sequitur locus fi-  
tus iuxta Næocastrum, quod pifcatores appellant Cor-  
mion ab arbore, vt ipſi putant, quæ ibi nulla talis est,  
ignorantes se deprauasse Ciconium. Quod cùm ex or-  
dine Anapli Dionysiani fuisse apud Næocastrum Asia-  
ticum colligo, tum ex scholiis quibusdam perantiquis  
in Dionysium scriptorem orbis tradentibus maximas  
Bospori angustias esse inter Anaplum & Ciconiū. Vbi  
vero esset Anaplus, differui, cùm tractarem promonto-  
rium

rium Estias. Flumen autem Aretæ, quod Turci vocant Iocsou, id est, aquam viridem, progrediens à Solis ortu ad Occasum, ingreditur Bosporū iuxta Næocastrum, quod ab ostio sursum versus etiam summa æstate scaphis nauigatur paulò amplius octo stadiis. Eius ostium subeuntibus ad dextram spectatur amœnissimus & maximus Regis hortus, opacus densa sylua arborum fructiferarum: ad sinistram extat Næocastrum ex Asia, similiter coarctans Bospori angustias, ut easdem ex Europa cogit, stringitq; arx, quam antè dixi appellari Læmocopiam. Ominus maximus fluuius est eorum, qui intra Chrysopolim & pontum ingrediuntur Bosporum. Omni anni tempore molas versare potest, triaque molitrina exercet, vnum distans ab ostio circiter octo stadia: alia interiora. absunt plusquam tria miliaria. Fluit per vallem pulcherrimam, vndique nemoribus virentem, refertis multitudine ferarum. Pisces fert, quos Græci accolē Lelingia appellant, cuiusmodi plurimos procreat palus Ascania, quos crudos Sole exsiccatos edere solent Byzantini. Producit etiam Cephalos, & in altis gurgitibus: glanes etiam cetaceæ magnitudinis. Sinus Næocastri duo flumina admittit, vnum quem iam dixi nominari Areten: alterum ego Napliticum appello, ex eo, quod effluit in Bosporum iuxta locum, quem vulgus vocat Naple, nescio an à Nicopoli, an ab Anaplo, an à Nausiclia. Hic à Meridie cingit Regis hortos, quos Arete cingit à Septentrione. Vtriusque ostium sylvas cannarum efficit, Napliticique confluens summa æstate, etiam in locis vadosis ea magnitudine fluere videatur, qua riui aqueductum in gurgitibus, quos multos habet,

habet, eadem genera piscium, quæ in Arete perspiciuntur. Evidem ipse non longius tribus miliaribus secundum eius ripam progredi metu Barbarorum ausus, prospexi dūntaxat hunc fluere per longam vallem nemorosam, venationi regiae accommodatam. Ab huius fluminis ostio incipit promontorium, cuius mucro vndique percutitur fluxu Bospori, qui rapiditate, altitudine, strepitu sonoro superat omnes fluxus totius Bospori, multas molas quotidie versare solitus. Huius promontorij dorsum ab occasu solstitiali ad brumalem ortum surgit, situm contra sinum Χαλασ्य. Clauditur duabus vallibus, una à septentrionibus, altera à cardine meridiano, utraque producta in longitudinem stadiorum circiter octo. Vndique proclive & præceps promontorium, cuius à summo mucrone ascendi quingentos passus primos præcipites & valde directos, reliquos semi-planos efficienes dorsum promontorij, quod valde striatum ob valles utrinque coarctantes, & scrobes treis, quos velut theatra promontorium efficit, primum extantem supra mucronem promontorij, complectentem ambitu passus amplius trecentos, distantem à Bosporo circiter viginti passus: alterum ab altero diuisum tenui promotorij dorso, non latiori tribus passibus. Promontorij radices à primo scrobe ad secundum excurrunt in longitudinem passuum circiter trecentorum. Secundus scrobis magnitudine superat primū, & lapidicina olim fuisse videtur: passuum interuallum plus minus ducendorum. Interest inter secundum & tertium scrobem desinentem in imam planitiem vallis prædictum promontorium claudentis sitæ è regione promotorij Estiarum.

In hanc vallem multi fontes riuulos emittunt irrigantes Regis hortos clausos excelsis lauribus, positos in ima vallis planicie, quam Græci iam vocant Cieri à genere frumenti, ignorantes temporibus Iustiniani appellatam Crochon, siue Brochon: id quod perspicietur ex Procopio. Duo, inquit, erant templa Michaëli Archangelo dicata, inter se opposita, Bospori freto diuisa: vnum in loco appellato Anaplo, in sinistro latere nauigantibus ad pontum Euxinum: alterum in contrario littore, quod antiqui πράχες nominarunt, ex eo existimo, quia littus multum proiiciatur ex hac ora: nunc autem nominatur Βρόχος temporis longitudine, accolarum inscitia deprauante nomina. Hæc quidem Procopius, cuius in altero Codice leguntur Crochi, & in margine quidam literis antiquis eundem locum notat Cronychion, siue Bronychion. Quid si fortasse olim appellabatur πρώτη δύσκολη? nam littus ibi non prominet, sed potius retrahitur in sinum, quem efficiunt promontoria ex una parte moletrinarium, ex altera Heliacum. Itaque temporis vetustate fieri potuit, ut πρώτη δύσκολη deprauarint in πράχες. nam si promontorium moletrinarium sit ἀκρα ποιζόνα, ut esse videtur, in latere huius vergente, potuit esse protos discos, promontorium Heliæ, quod fluxu rapido verberatur, aliquando molas versare solito, claudit sinum nuncupatum ἡ φυλακῆς: ubi regius hortus cum sylua & turri, ex qua summæ aquæ ex altis collibus subductæ saliunt: inde breui promontorio superato, adeit vicus dictus Chrysoceramus, ex eo, quod olim templum haberet tegulis inauratis tectū. Ex hoc vico effodi vidi saxa quadrata ingentia fundamento-

rum

rum antiquorum sub terra abdita in duodecim altitudinem pedum, indicantia ibi olim fuisse castellum munitissimum, cuiusmodi fuerunt regiae Sophianæ nuncupatae, aut his antiquiora palatia, quæ non longè ab æde Michaëlis, extrema iam cōmemorata Procopius fuisse subsequentibus verbis designat. Non multum, inquit, procul ab æde Michaëlis templum Deiparæ virginis sacram longa vetustate exolescens renouauit: cuius dignitatem longum esset excutere, & sermone significare. In hoc sanè littore dextro nauigantibus in pontum spectatu dignæ iam usque ab antiquis temporibus ædes regiae erant, quas Rex Iustinianus omneis Deo consecravit: deinde narrat, ut Byzantium esset magna multitudo meretricium, quibus pœnitentibus vitæ prioris, ædes regias in eodem littore sitas conuertit in monasterium magnificum. Chrysocerami fluuius estate exarescit: inde sequitur vicus appellatus Stauros, ab occasu cinctus promotorio, vulgo vocato Nagalon, quod rapido cursu fluxus verberatur valente voluere molas continuato usque ad moletrinum, à peritoribus quidem Hermonianum nuncupatum, à vulgo verò Tamborianum, inde fluxus littoreus remissior usque ad Chrysopolim: deinceps Dionysius institutum Anapolum continuat in hunc modum.

*De Chrysopoli, & loco appellato Bone, sive Damali.*

C A P V T I X.

**P**os ut Discos (inquit Dionysius) sequitur portus magnitudine & tranquillitate pulcher, rimus & optimus. Ipsius magnitudinem circumscribit litus profundum & molle. supra.

mare iacet campus acclivis in littus, appellatur autem  
 Chrysopolis, ut quidam dicunt, ex eo, quod Persæ im-  
 perantes in hunc locum cogerent auri aceruos exactos  
 ab vrbium tributis: ut verò multi tradunt, à Chryse filio  
 Chryseidis & Agamemnonis ibi mortuo, & sepulto. In  
 hunc enim locum dicunt Chrysen fugietem metu Ae-  
 gisthi & Clytemnestrae peruenisse cogitantem in Tau-  
 ros trāsire ad sororem Iphigeniam, sacerdotem initia-  
 tam Dianæ: sed illum morbo laborantem, hīc sepultu-  
 ra affectum fuisse, suóque ex nomine loco nomen reli-  
 quisse. Posset etiam ob portus commoditatem ita ap-  
 pellari, ab iis, qui mirabilia auro comparare solent. Ex  
 his Dionysij verbis facilè assequimur, Bospori Anaplū  
 esse Dionysij illius Byzantij antiquissimi scriptoris, quē  
 iam sepissime citauit. Nam Stephanus antiquus vrbium  
 scriptor, superiora Dionysij verba affert. Chrysopolis,  
 inquit, in Bithynia prope Chalcedonem Anaplum na-  
 uiganti in dextra. Dionysius autē Byzantius Anaplū  
 Bospori scribens de nomine huius hæc dicit: Appellata  
 autem est Chrysopolis, ut aliqui dicunt, à Persarum im-  
 perio huc aceruos auri collecti ex vectigalibus redigen-  
 te: alij verò plures dicunt, à Chryse filio Chryseidis, &  
 Agamemnonis. Neq; solum ex his Stephani verbis co-  
 gnoscimus Dionysij Anaplū esse Stephano antiquo-  
 rem, sed etiam ex ipsius Anapli discursu percipimus il-  
 lum scripsisse Bospori Anaplum, antequam Seuerus By-  
 zantium euertisset. Chrysopolis emporion fuit Chalce-  
 donis, vbi Xenophon tradit Græcos, qui meruissent sti-  
 pendia in Cyri expeditione Persica mansisse dies septē,  
 vendentes prædas, quas cepissent. Idē in historia rerum

Helli

Hellenicarum; Attici, inquit, duces Chrysopolim Chalcedoniæ profecti, muris eam munierunt, eandemq; ad seruandas decimarum pecunias constituerunt, in ipsâq; decimam exegerunt ex nauibus ponti, præsidiumq; triginta nauiū cum prefectis duobus, ibi reliquerunt. Postea muris nudatā fuisse ex Strabone patet, dum ait Chrysopolim vicum esse. Similiter hodie vrbs non est, sed vicus laxè habitatus multis ædificiis non continuis, circuitu miliaria complectens circiter duo: situs partim in valle, partim in promotoriis vallem cingentibus, quorum vnum Damalicum quam mox appellabimus, totum ferè eiusdem ædificiis occupatum. Portū profundum habet in sinum mediocriter curuatum: sed longè olim maiorem habuisse occupantem imam vallis planitiem, in qua sita est nunc Chrysopolis, oportet: cum Athenienses triginta triremes illic in praesidio tenerent, & nauale esset Chalcedoniorū. Socrates enim, inquit, Constantinum magnum post multas pugnas terra marique pugnatas, Licinium imperij consortem & generum ad Chrysopolim Bithynicam vississe, quæ erat nauale Chalcedonis, ex quibus possem multis verbis differere hunc portum longè multo maiorē extitisse: sed obrutum fuisse partim olim deleta Chalcedone, partim postea Barbarorum metu, partim nostra ætate. Vidi partem portus obrui ad excipiendam sedem ædis Maomethanæ & Xenodochiorum, quæ cōstruxit Regis Soleimani filia, omniaque texit plumbo, & columnis marmoreis, & porticibus, & areis amplis, & fontibus exornauit. Denique Chrysopolis reædificata est à Tūrcis, quæ diu iacuerat deserta bellis Persarū & Tur-

corum , vt nullum vestigium restet eorum , quæ Georgius Cedrinus dicit , Philippum Regē condidisse Chrysopolim , vt monasterium ἡ τανάχραις δεσπόκος , vt palatia ad excipiendum Regem , regiosque liberos , hortosque struxisse , & piscium viuarium : id quod in vallis planicie , vbi nunc sunt præcipua Chrysopolis ædificia , existimo lacum fuisse , nimirum reliquias portus antiqui . Chrysopolis quanquam est suburbana Byzatij , tamen omnes fere Byzantini ignorant , vbi hæc fuerit , ex eo , quod nomine antiquo exoleto , iamdudū vocatur Scutaris , nescio à Francis ne aliquandiu Byzantio imperantibus , Chryson appellantibus scutum , an potius à statione militum scutariorum , id quod designare videtur Marcellinus , cùm ait : Per Chalcedona & stationem transcurrit , si appositè legeretur sine coniunctione , Chrysopolim stationem , breuitatis ergo , vt vulgo fieri solet , suppresso nomine scutariorum , quod Constantiopolitanos reges crebro usurpasse eorundem historia frequens testis est . Verum ex Codice Marcellini maximè deprauato , fateor me coniecturis vagari potius , quam certo iudicio sententiā dicere . At haudquam ferendi nonnulli , qui putant vicum , quem paulò ante dixi appellari Chrysoceramū , fuisse Chrysopolim , cùm iam declararim hanc nominatā ex eo , quod templum haberet tectum inauratis tegulis : at ex vico Chrysoceramo , vltro citrōq ; traiectus fieri non solet , sed ex portu scutarico , vt loco accommodato ad traiiciendum : unde vt nunc traiectus olim fieri solebat . Est etiamnum Byzantij scala omnium frequentissima prope portam Neorij , nominata scutarica , quam olim eandem fuisse ,

quæ

quæ Chrysopoleos, & Chalcedonis cùm ex his, quæ afferam in descriptione Constantinopoleos, tum ex vsu hodie quotidiano colligere possumus. Nam ex porta Neorij, quæ nunc appellatur Oria, quotidie iam videsmus necessitate quadam fieri traiectum in portam scutaricam, aut si quis traiicere velit Byzantio Chalcedonem, aut Chalcedone Byzantium, illum necesse habere sursum nauigare usque ad scutarim: id quod frequenter quotidie videtur multis nauigiis ferentibus homines, & iumenta recta via non valentibus transire Chalcedonem: sed ob rapidi fluxus decursum ascendere coactis usque ad scutarim, atque ex Chalcedone volentibus transire Byzantium, opus est ascendere ad promontorium scutaricum olim appellatum Bouem, siue Damalim, atque ad portum usque Chrysopoleos: id quod ut fit hodie, ita olim factitatum fuisse ab ætate Polybij, qui ait. Ex urbe Chalcedone volementes transire Byzantium, non possunt recta nauigare ob intermedium rapidum defluxum Bospori, sed necesse habent iter defletere prope Bouem, & Chrysopolim nauigare. Idem à promotorio, inquit, appellato Estiis fluxus Bospori impulsus prolabitur ad Bouem nuncupatum, qui est Asiae locus, ad quem constitisse aiunt primum fabulæ Io, cùm transiuit hoc fretum. Rursus fluxus impulsus à loco Boue nominato, fertur ad ipsum Byzantium: à quo non dissentit Georgius Cedrinus, cùm ait Leonem phocam Chrysopolim occupasse, populumque in ulteriore ora in aciem struxisse apud locum, ubi in columna extat Damalis lapidea, itaque exterruisse eos, qui essent Byzantij. Ex antedictis collegeram scutarim esse Chrysopolim,

polim; & locum, quem Polybius appellat Bouēm. Arrianus Damalim existere promontorium scutaricum, situm contra promontorium Bosporum, in quo positum fuit Byzantium. Verūm postea multo planiūs novi, cùm incidi in Dionysij Anaplū. Post Chrysopolim, inquit Dionysius, promontorium maris ictibus expositum prominet: multa enim nauigatio ad ipsum impulsa contra promontorium nominatum Bouem concer- tāt. Est autem is locus tanquam è carceribus emittens traiicientes in Europam. In hoc promontorio existit colunna lapidis albi, in qua extat Bos Charetis Imperatoris Atheniensium coniux, quam hic mortuam sepelīuit. Inscriptio autem significat sermonis veritatem: at illi, qui vanam reddunt historiam, putant antiquæ Bo- uis statuam, aberrantes à veritate. Inscripti enim in co- lumnæ basi hi versūs sunt,

Ιναχίνες ἐμὶ Βοὸς τύπος, ςδιος ἀπ' ἐμοῖο  
 Κληπτερος αὐτωπου βόστρειορ τέλαχος.  
 Κάνιλιος γαρ οι τάφοιθε βαρὺς χάλως ἄρις  
 Εἰς φαρῷον ἥγε, ἐγώ λειχροπίδης εἰμι νέκυς.  
 Ἐννέλιος, ἦν χάρητος, ἐπλεορ οἵτ' ἐπλώθε ἐκεῖνος,  
 Τῆλε φιλιππίων αὐτίπαλος σηκαφέων.  
 Βοιδιοιο. οὐκέτος ζίτε, νιῶ ἡ χρήτος  
 Ἐννέλιος ἀπέρρεις τοῦπομας ἀμφοτέρων.

Temporibus Phocionis, qui Hypotheses præcipuorum scriptorum velut indices antiquæ Bibliothecæ conscripsit, vixit Georgius Codinus, is haec ferè omnia, quæ antè dixi, ex Anaplo Dionysij retulit in sua scripta. Postquam, inquit, Leo excessit è vita, Atheniēsium Imperator Chares, cum quadraginta nauibus in auxilium Byzan-

Byzantiorum profectus ad bellum contra Philippum, occupauit promontoriū Propontidis, quod inter Chalcedonem & Chrysopolim situm est, & in illo loco contra Philippum prælio feliciter decertauit, vbi cōiugem comitem habens morbo laborantem amisit, eāmq; sepultura affecit, eīque excitauit aram, & columnā, in qua Damalis statuta spectatur ex lapide albo facta. Sic enim appellabatur illa Charetis vxor, quod etiam in ea incisis usque ad nostram ætatem versibus patet, deinde eosdem versus affert, quos suprà scripsi. Prætereo iam non rectè Codinum trādere Charetem Atticæ classis ducem, quadraginta nauibus auxiliatum fuisse Byzantini, cùm ex Demosthene constet, Athenienses succurrisse Byzatiis centum & viginti nauigii. Omitto etiam illud, quod dicat prōmōtorium, in quo sita esset statua Damalis, esse Propontidis, cùm sit Bospori: hoc unum, quod rectè scribit, accipio, nimirum hanc columnam, statuāmque excitatas fuisse à Byzantiis in gratiam Imperatoris Atheniensium, cùm ex antedictis percipi potest, tum ex Psephismate Byzantiorum, quod ingenuè profitetur Byzatiū à Philippo Macedone obsessum, liberatum fuisse auxilio Atheniensium, quod Demosthenis Codex editus sic habet lingua Dorica conscriptum, qua Byzantij ytebantur coloni Megarensiū Doricorum, ἐπὶ ισρουνταμονθε βοσπορέχω μακάρης γνητελίας ἔλεξην ἐκ τᾶς θολᾶς λαβάμ· γνητραμ· ἐπεδήν οἱ μάμθε οἱ καθιωαέωρε γνῆτε τις πεγγυομένοις λαυροῖς δύνοταν σφετελεῖς Βυζαντίοις, καὶ τις συμμάχοις καὶ συγγνέοις περιειδοῖς καὶ πολᾶς ήγε μεγάλας χέας πρέχητε γνῆτε θεοῦ πρεστηκόλι λαυρῷ φιλίππος οὐ μακεδόνος αὐτορετούσανθε οὐδὲ τὰς κάρας, καὶ τὰς πόλιν τὴν αἰαστέστη Βυζαντίῳ ηγε πούριθιαν πάρη χώ-

ρην πλαισίος ήγειραν διαδρομοπέοντο. Βοιθίας ταλοίσιμη ἐκάθιδε νύ ἄκοσι,  
καὶ σίτω καὶ βέλεις, καὶ ὅπλίταις, θράσιες ἀμέτητην μεγάλων λιν-  
διών, καὶ ἀρχαῖς εἰσότης τῷ πατρίκιῳ τολμέαν, οὐ τῶν νόμων, οὐ τά-  
φος: Λειτέρχω τελοῦ οἴκοι, τελοῦ Βυζαντίου καὶ προμυθίου ἀθλαίου οὐδὲν  
ἀντιγράμμα, τολμέαν, εἰκότες γὰς, οὐ οἰκέτην προεξορίαν οὐδὲν αὐγάστη  
ποτε ὅλορον τάπει τῷ πατρί, καὶ λαζανικὸν ἐβέλοντα τῷ πάτερι, καὶ  
τορυντιανὸν πάτερα πέδη λειτοργίαν. Σέσας δὲ οὐ ἀνόντας τρεῖς ἐκ-  
καίσκεις οὐδὲν τοσούχω, πρετεροὶ cetera. Si hoc Pse-  
phisma vitiatum non esset, perspiceremus has statuas  
treis sexdecim cubitorum statutas fuisse apud locum  
Bouem nuncupatum, ubi Chares Atheniensium bello  
nauali pugnauit contra Philippum, tumque legeremus  
non *Βοσπορόν*, sed *Βοσπορίων* χώρων. Cuiusmodi fuit locus  
nuncupatus Bos, aut promontorium Bosporium no-  
minatum, in quo situm erat Byzantium. Ex antiquo Co-  
dice emendaui nonnulla, ut *γένεται* *ἄλιτρα*, Codex antiquus  
habet οὐ τῷ ἀλίτρῳ, id est, in concione, ut Herodotus vi-  
tetur: εἰκότες γῆς, antiquum exemplar habet ἐκπασιμη γῆς. Ex  
Polybio, Arriano, Dionysio Byzantio patet locum ap-  
pellatum, siue Bouem, siue Damalim fuisse promonto-  
rium nunc nominatum Scutaricum, possum è regio-  
ne promontorij Bosporij Byzantium continentis, sen-  
tentiaque Polybij ita appellatum, quod Io vacca illuc  
ex Europa fretum transiens appulsa fuerit. Dionysius  
quidem Byzantius, promontorium appellari Bouē con-  
sentit, sed Bouis statuam in eo excitatam ex antiquo  
epigrammate negat esse Ious Inachi filiæ, eamque huc  
non transisse, sed in Pharon: quam autem Pharon epi-  
gramma intelligat, vide an Pharon antiquam, quam su-  
prā ostendi fuisse prope angustias fani: an illam, quam

Marcel

Marcellinus statuit supra promontorium Chrysoceras, hoc est, in urbe Byzantio. At nemo lo tradit hac aut illac transisse, mihi potius epigramma intelligere videtur Pharam Alexandrinam, negatque Bosporum appellatum ab Io Inachi filia. Nam etiam Arrianus scribit quorundam sententia aliam vacca fuisse, quam nomen dederit freto Thracio, quam dicit Phrygibus hominibus eam urgentibus in columnen nullo metu fretum transisse, situm inter Chalcedonem & Byzantium, ducemque illis extitisse, quibus diuinum oraculum datum erat, ut buculam itineris ducent facerent. Cui obtemperantes, in columnes transierunt, & monumentum tradit huius translationis, Damalim æream excitata à Chalcedonensibus, locumque in regione Chalcedonia esse ait, qui forsitan esset is, qui vsque ad suam etatem nominaretur Damalis. Dionysius quidem fatetur columnam ex lapide albo fuisse, sed non declarat, Damalis ne esset lapidea, an ærea. Georgius Codinus dicit statuā Bouis uxoris Charitis fuisse ex lapide expolito. Itaque oportet illam antiquam, unde Bosporus appellatus fuit, quam Arrianus tradit æream deiectam & sublatam esse: deinde alteram lapideam positam fuisse tempore Leonis Phocæ, ut antè dixi. Damalis lapidea stabat in columna. Iam non repertum, quantopere erret Tzetzes, dum statuit Cyaneas inter Damalini & Constantinopolim: id enim supra ostedi, cum agerem de Cyaneis, quam item auersus à cognitione locorum labatur, cum circa locum Damalini testatur Dariumi pontem iunxisse, declarauit, dum de Hermæo tractarem promontorio.

*Secundum ergo etiam columnam etiam etiam. Hanc enim etiam opibz.*

*De fonte nominato Heragora, & templo Veneris: & de  
aede Synodi Chalcedonensis: de Chalcedone.*

## C A P V T . X.

**P**O S T, inquit Dionysius, locum appellatum Bouem, sequitur fons nominatus Heragora, & delubrum herois Eurosti, secundum id existit littus supinum, & planū, lenissimo fluuio irrigatum, in ipsoq; Veneris templum, atq; iuxta ipsum paruus isthmus multam circumscribit Cheronesum, in qua vrbs Chalcedon, paulò supra fluum apellatum Chalcedonem sita, portus vtrinq; habens in flexibus in isthnum recendentibus, vnum quidem ad vesperam spectātem, alterum ad Solis ortum: ipsa quidem effertur colle quidem humilior, planicie verò asperior. Multa in vrbe hac admiratione digna ob antiquitatem, & res gestas, & fortunas, & in vtranque partem mutationes: maximè autē admirabilia, Apollinis temple, & oraculum nullo summorum oraculorum inferioris. Verùm finis esto meæ Bospori historiæ. Hæc quidē Dionysius, qui, vt planiùs cognoscatur, littus describā à promontorio Damalico usque ad Chalcedonem, de qua nonnulla addens, finem ipse quoque faciā Bospori, qui procedens ad Solis occasum, flectitur promontorio Damalico ad meridianum cardinem. Iam verò inter duo promontoria, nimirum alterum Europæ, Bosporium nominatum, & alterum Asiæ Damalim appellatum. Supra mare paululum eminet scopulus, seu parua Insula distans à promontorio Damalico circiter centū passus, tota ferme occupata ab arce, machinis bellicis munita ad arcendas naues hostiles, si quæ penitus in Bospo

Bosporum ex Propontide erumpere conarentur, atque ab ea arce ad promontorium Damalicum transuersus murus cæcus sub aqua obductus erat, velut quædā molles, iectus septentrionum excipiens nauibus ob rapidum intermedium Bospori fluxum ascēdere nequeuntibus, ventūmq; à puppi expectantibus in eo loco, quē Dionysius tanquam è carceribus inquit emittere traiicentes, tutiorem stationem efficiebat. Tamen auaritia nationis dominantis paulò antè dirutus est, eiisque saxa translata in priuatas ædificationes: à promontorio Damalico, distanti à Chalcedone paulò minus quam tria miliaria. Littus est fere totum importuosum & præruptum, maréque iuxta littus vadosum, cautibúsque sub aqua latentibus confragosum, ut vix tentans multis locis reperire potuerim applicationem scaphæ, littorisq; crepidines, in plusquam quinquaginta passus efferūtur præcipites, ut ascensus directus sit, & præruptus à Damalico promontorio usque ad valliculam, quæ sinum efficit, ubi ora humilis, & littus demissum, & non præruptum, maréque portuosum, in quo cernuntur ruinæ molis antiquæ, quæ olim muniebat portum, seu potius stationem, nunc gradum præstat ad fontem in littore proximo fluentem perennem, à Dionysio appellatam Hermagora: quem paulò antè subductum vidi in hortos, quos supra Heragoram Rex Soleimanus longis muris circumsepsit: aliis eò etiam fontibus opere subterraneo deriuatis, ut eorum redundantia hortis superflua sit, restituēdus fluxus Heragorę longè copiosior. A fonte Heragora littus est ferè saxosum & præruptum usque ad planiciem Chalcedonis suburbanam, ubi olim erat

ædes Veneris, & postea fuit templum diuæ Euphemiaæ funditus iam eversæ supra terram, atque adeò substrunctiones erutæ, excepto cuniculo subterraneo, ex quo etiamnum scaturit fons. Propè est riulus, cuius meminisse Dionysium antè vidimus: qui si nūc longè minor fluit, id attribuendum fonti constructo in eadem planicie iuxta viam Chalcedone tendentem ad urbem Nicomediam perennem fistulam quoquo versus quatuor digitos patētem implente. Fons autem, quem iam dixi scaturire ex antiquo aqueductu diuæ Euphemiaæ, distat à scala Chalcedonensi mille, & centū passus. Qualis autem fuerit ædes diuæ Euphemiaæ, in qua celebrata fuit synodus Chalcedonensis, & qualis eius situs, Euagrius Scholasticus amplè scribit, quæ ego breuiter atttingam, sacrorum hominū cœtum habuisse concilium in Euphemiaæ martyris æde, distanti à Bosporo non amplius duobus stadiis, sita in suburbano agro Chalcedoniorum Bithynorum molliter accliui, ut ambulantes in templum non sentiant, se in illud subiisse, repenteque velut ex sublimi speculâ yndique campos sub aspectum subiectos contemplentur supinos & planos herbis, frangibus, arboribus virescere, maréq; partim tranquillum violaceo cæruleoq; colore purpureoscens, ad littora aduldere, amoenumque quiddam exhibere, partim murure sonans, fluctibus effusatum, lapillos, & conchas, & algas prouoluere. Inde addit Euphemiaæ ædē vel hoc ipso ornari, quod sita sit ante oculos Constantinopolos, & quod constet tribus membris magnorum ædificiorum ornatis, amplitudine, & laxitate, & pulchritudine columnarum, & tectis elegatibus. Sed quid copor

in lu

in lucem edere scripta Euagrij, vel hoc ipso nobilia facta, quod nobilibus & planè regiis Parisiorum characteribus iamdudum peruulgata etiā longè vltra Chalcedonem vagentur. Chalcedon, quam Herodotus appellat Chalcedoniam, à Dionysio quidem constituitur paulò supra Chalcedonem fluuium. Sed tacet Dionysius, id quod Arrianus & Menippus loquuntur appellatam ab eodem flumine Chalcedone. Arrianus in sua historia Bithynica dicit eam nominatā à filio Saturni nūcupato Chalcedon, à quo primūm fluuius illic fluēs nominatus est Chalcedon: deinde vrbs Doriensibus illuc coloniam vbi deduxissent, nominata est eo nomine, quo flumen incertus quidam Historicus dicit vocatū à filio Chalcantis vatis. Alij aiunt à Chalcide vrbe Euboæ, quæ illuc Coloniam misisset. His quidem Dionysius orbis descriptor consentire videtur Chalcedonios appellans Chalcides. Ille verò tradens à filio Chalcantis vatis motus fuisse videtur nobilitate oraculorum Chalcedonicorū. Arrianus narrat, vt alter & vicesimus dies omnium mensium nefastus à Chalcedonensibus institutus est, ex eo, quod cùm illo die alia haudquam prospera passi sint, tum Pharnabazus Persa eorum pueros exciderit & penitus castrarit, & miserit ad Darium. Idem ait morbum in Chalcedonios sœuisse diuina ira, eosdémque sua virilia abscidisse, quod sacrificia quædam neglexissent. cæcos Chalcedonios oraculum dixit ea de causa, quod Megarenses huc primūm nauigantes eligere nescissent Byzantiorum solum uberius. Herodotus similiter scribit Megabizum, cùm intellexisset decem & septem ante annis Chalcedonios, quām Byzan

Byzantios urbem Chalcedonē condidisse cęcos dixisse, quod præsente meliore loco elegissent peiorem. Chalcedonij, inquit Theopōpus, priusquam rem publicam participassent, communicassentque cum populari gubernatione Byzantiorum, omnes quidem in officiis institutisque recte viuendi erant. Post verò quamdem democratiam Byzantiorum gustauerūt, vitam quotidianam maximè frugalem & temperatam luxu, delitiisq; corru perunt ac depravārunt, simūlque euaserunt sumptuosī, potandiq; amantes. Viros excellentes procreauit Chalcedonia, è quibus Thrasymachus sophista, qui primus periodum, & colum demonstrauit, discipulus Platonis & Isocratis, recentes Historici, qui ante quadringentos annos scripserunt, tradūnt sua etate Chalcedonios nondare operam literis, sed Thunnorum pīcationi, artiq; cæterorum piscium retibus & lineis capiendorum, vietumque manibus querere, parūmque aut nihil curare literas: at nunc ne pīcari quidem sciūt, ac potius agros duntaxat colunt, pīscandi adeò ignari, vt Thunno & Pelamydas ex foro Byzantiorū emere habeant necesse: cùm olim constet notiores fuisse Pelamydes Chalcedonias, quam Byzantias. Sic enim, inquit, Varro Paguri Samij, Phrygia Attagenā, Grues Melice, Hēdus ex Ambracia, Pelamys Chalcedonia, Murena Tartesia, Aselli Pesimuntij, Ostrea Tarentina, Pełtūculus Chius, Elops Rhodius, Scari Cilices. Quod autem Dionysius tradit, Chalcedone oraculū Apollinis fuisse non inferius Delphico. Lucianus id confirmat, antiquissimum qui asserrit, cùm Alexandrum ait pseudomantem societatem iniisse eum Byzantio quodā Chronographo scelerato, qui

qui appellaretur Cocconas. Hi cùm inter se cogitarent Delphos, Claron, Delum, Branchidas diuites factos ex arte diuinandi, constituerunt vaticinationis oraculum excitare, ac primùm considerarunt de loco Cocconas, Chalcedonem probabat locum commodum esse mercatoribus frequentem. Alexander præferebat urbē Paphlagoniæ nominatam Aboni mœnia, cuius sententia vicit. Itaque profectis ipsis Chalcedonem, vtile quippiam vrbs visa est habere in Apollinis templo, quod illic antiquissimum est: tabulas æreas defodiunt, in quibus inscriptum incisumq; erat, vt quām mox Asclepius cum ipso Apolline patre accideret in pontum, vt occuparet Aboni mœnia. Harum tabularū de industria inventarum fama, statim Bithyniam & pontum peruagata peruenit Aboni mœnia, urbem vt dixi Paphlagoniæ, eiúsq; incolas ita mouit, vt templum ædificare cœperint, quò Alexander profectus est. At Cocconas Chalcedone remansit duplia, planèque ambigua oracula quædam conscribens. Ex Apollinis Chalcedonici triponde manasse arbitror oraculum, quod Socrates sacræ historiæ conscriptor tradit, cùm Valentis Imperatoris indignatione muri Chalcedonis euerterentur, in fundamentis inuentam fuisse tabulam lapideam, versus continentem subsequentes:

Ἀλλ' ἐπεὶ δὴ τούτῳ φαμεὶς ὡρὸν οὐδὲν χρεῖται  
Τριπόμηναι σήσονται δύστεφέας λειτ' ἀγυίας  
Καὶ τῆχθε λαζαροῖο πολύσονοι ἔστεται ἀλκαρ.  
Δὴ τόποι μένεια φύλα πολυπατέρεων αἰθρώπων  
Ἄγρια μαρμαρίσονται λεπτῶν ἀδείμαντα ἀλκαρ.  
Ἐφεδρός πόροι πλεῖσται σὺν αὐχεῖ.

Θρησκίας δὲ ἀδιβάντα σωὶς ἐλπίσαι μαυρομένους

Αὐτῷ μὲν Βούλσιο τέλος οὐ τόπῳ ἐπίστασι.

Huius oraculi declarationem afferam, cùm tractabo decimam regionem Cōstantinopoleos. Sed vt planiūs perspiciatur Dionysij Chalcedonica descriptio, & quales sint hodie portus, quos idem Dionysius antea dixit Chalcedonem vtrinque habere: atq; vt internoscatur, vter horum postea appellatus fuerit Eutropij portus, subiiciam nonnulla. Chalcedonia usque ad hanc extatē suum nomen retinet, olim magna & preclara urbs, nunc exiguus vicus: haec enim iterum, & saepius vastata, primò à Persis, iterum à Valente Imperatore muris spoliata, deinde à Gotthis euersa, quā post Cornelius auitus aliqua ex parte restituit: postea à Saracenis, postremò à Turcis funditus deleta, vt duntaxat perparuus vicus supersit, nulla extant mōnūmēta vestigia supra terram, neque sub terra, nisi raris locis fundamēta alta ingentibus saxis quadratis constructa, quæ penitus effodi nuper vidi in ædificationem substructionum, quas Rex Soleimanus molitur in tertio Cōstantinopoleos móte. Portuum aliquot ruinæ cernuntur, atque nonnulla scoria metallorum in ea regionis parte vbi moneta excudebatur, tum extat aqueductuum subterraneum opus lateritium, quo per urbem aqua ducebatur, sicq; portui accommodabatur, vt supra molem lögē excurreret ad usum nauigantium. Chalcedon sita erat in promontorio peninsulam efficiente; ad medium intumescēte, ex tribus partibus leniter accliui, ex quarta parte paulo accliuiore, & depresso in vallem, per quam fluuius Chalcedon delabitur in Propontidē. Promontorij pars

Solis

Solis occasum conspiciens cingitur Bosporo, pars verò vergens ad Meridiem, ortumque hybernum, clauditur Propontide: at ad Orientem æstuum spectans, eminet in vallem, per quam Chalcedon riuus quidam paruus, sed ripis altis coercitus profundus delabitur & salsus in longitudinem amplius mille passuum usq; ad pontem lapideum transmittentem Chrysopoli viatores Nicomediam. Ab eo ponte usque ad Bosporum Isthmus patet in latitudinem circiter octo stadiorum. Hic fluvius etsi exiguus, ut iam nomine careat, accolæq; duntaxat appellant Potamion, prorsus ignorantes, olim nominatum fuisse Chalcedonem: tamen omniū ferè scriptorum testimonii nomen dedit urbi Chalcedoni: cuius etiam Xenophon meminit libro primo Hellinico: rum, cum Alcibiadem quidem ait vniuerso exercitu Chalcedonem à mari ad mare cinxisse, & partem, quæ pertinebat ad flumen, in uero ligneo sepsisse. Pharnabazum verò, cum is propter fluminis angustias, ac munitionum propinquitatem in urbe ingredi ad ferendum Chalcedoniis auxilium non posset, in Heraclium Chalcedoniorum discessisse. Littus, quod plusquam ex dimidia parte circuit promontorium, in quo iam dixi sitam Chalcedonem, excepta parte, quæ plana est, ubi portus est, & vicus Chalcedon, abrumptur in præcipite proclivitatem, ut ferè erectum sit in altitudinem amplius vigintiquinque passuum, non modò in terra saxeis crepidinibus inuium: sed etiam in mari cautibus malè tumum nauigiis, nisi ubi portus fuerunt. Si ab extremo mucrone, seu angulo promontorij Chalcedonici dirigas linem ad medium promontorij dorsum, in quo sita est

Constantinopolis, perspicies lineam dirigi ab ortu hyemali ad occasum solstitialem, & diuidere Bosporum à Propontide, & secare Hippodromū, & tendere ad ædes Paia siti Regis positas in iugo tertij collis, inde procedere ad ædes Mamethi Regis sitas in quarto colle, totumq; dorsum promontorij secare à fronte ad muros, partem vrbis circuitu maris carentē claudentes. Si verò ex eodem extremo mucrone promotorij Chalcedonici lineam duceres ad angulum scutaricum, videres eam progreedi à Meridie ad Septentrionē, relicto flexu moliter curuato, vbi est portus Chalcedonis, & littus humile, & planū, nunc portus obrutus, & moles quotidie exportatur: atq; vbi olim portus magnis nauibus patebat, nūc alicubi non patet scaphis, ob syrtes & breuia. Iuxta Isthmum existit colliculus à septentrionibus situs inter Isthmum & planitiem, in qua dixi ædem fuisse diuæ Ephemiarum, humiliis quidem ille, sed cōmemoratus ab Appiano, quem Mithridates, cùm obsideret prætorē Cottam intra Chalcedonē clausum, uterque exercitus occpare conabatur. Chalcedonem habuisse portū cathena clausum, capientem amplius sexaginta naues patet ex Appiano: is enim ait classem Mithridatis in portū Chalcedoniorum vi irrūpisse, catenāsq;, quibus ostium portus, claudebatur, rupisse, & quatuor naues exussisse, sexagintaque ex portu captas secum abduxisse.

*De portu Eutropij, & Heræo promontorio: & de antiquis regijs ædibus appellatis Heræis.* C A P. XI.



A T V S promontorij Chalcedonici vergēs partim ad Meridiem, partim ad ortum hybernū, efficit sinum vulgō appellatum Calamotum, intus

intus recedentē plus minúsve octo stadia. In hoc medio latere videntur vestigia antiquæ molis portus, quē Episcopus Chalcedonēsis mihi persuadere conabatur fuisse olim appellatum portū Hirenæ, corruptè quasi ἡραῖς: mihi potiū à Regina Hirene. Nam portus τοις ἡραις est in contrario promotorio, potiūsq; appellatus ille olim fuit portus Eutropij, cuius meminit Zonaras. Ad cādē, inquit, Mauritij Regis mouetur Phocas, & in Eutropij portu primum eius quatuor filios interficit, nihil aliud tum dicentis, quām hoc ipsum: Iustus es domine, & iustum iudicium tuum: denique ipsum Mauritiū tollunt. Idem alio loco dicit, Chalcedone esse portū Eutropij, sed non declarat, an in Bosporo, an in Propōtide. Nam ex antedictis Dionysij scimus Chalcedonem vtrinque habuisse portus. Verū ex Procopio assequi possumus, fuisse non longè ab Heræo, cùm ait Iustinianū portum alium construxisse in ulteriore continente in locis Eutropij nominatis, non procul remotis ab Heræo. At ubi fuerit portus Eutropij, planè scire nequimus, nisi sciamus, ubi fuerit Heræum. Itaque id paulò altius inuestigandum est. Demosthenes in libris, quos scripsit de rebus Bithynicis, sic ait:

Ἐσι πόπαριθε λευτής χελκίδονθ  
Ἄκρα ἡραῖς τρίχεσσι πολυτελέσις. γῆδοθεν  
Δ' αὐτὸν λαίνασσον πορὶ τεχθεὶς ιώρ λειλαίνεται  
Εἴσια λέλπωνται φαίνονται ιδίῳ βάθυδίνεται  
Παύτη ἐμφύλιαι· ιαμφύλιαι δὲ ιγός βάθειας  
Ἐσι δελαστής, γύθατε νηας ἥγου οἰεμπλοις σκέπτων  
Εῖναι αὐθεντὸς ὅρμοις λακων ἢ γένενθέαρ  
ἴζειμω... -

Ex quibus assequimur Heræum promontoriū esse contra Chalcedonem, habēs multas cautes concavas circa mare, quod intus recedens sinum efficit, quem intuens putat profundū esse, cùm reuera sit prorsus fruticosus, & herbosus, & minime profundus: nam eò, qui nauis adduxerunt, putantes protectionem naturalis portus, in præsens inciderunt periculum. Ex his Demosthenis versibus percipimus ἡραῖον esse promontoriū, quod hodie vocant aēram Ioannis Calamoti, & sinum, quē Demosthenes describit esse illū, quem ab Occidente claudit promontorium, in quo fuit Chalcedon: & promontorium Ioannis Calamoti cingit ab Oriente, cuius ostium patet in latitudinem octo circiter stadiorum. Totus verò eiusdem ambitus cōpleteatur plus minus quin que milia ῥia, catinarum syluis, herbisque frequens eius ora cernitur: vnde nomen templū proximū diui Ioannis Chrysostomi Calamoti inuenit. Hic sinus oīm duos portus molibus munitos habuit, vnum oīm nominatum Eutropij, nunc Hirenæ, situm in littore sinus occiduoī iuxta Chalcedonē: alterum nominatum Heræum pōsitum contrario in littore ad Orientem pertinente. Hos ambos portus fuisse in sinu Ioānis Calamoti ex Procopio percipimus, cùm ait ædes regias Iustinianum construxisse in Heræo, quod Iustiniani temporibus Hierion, sive Hieriam appellarent, ibidēmque portum molibus sepsisse littus, quæ antea vtrinque ventis, & vndarum incursibus expositum tutum à ventis esse cōsiste innumerabilibus & maximis arcis saxorum plenis in vadum aliis supra alios usque injectis, quoad vtrinq; brachia exaggerata supra aquam extiterunt, extrinse- cūsque:

cūsque circa moles saxis rudibus & duris proiectis ad excipiendos impetus fluctuum, & ventorum hyemaliū portum quietum perfecisse, vnūmq; in portum aditum nauibus reliquisse. Addit Procopius, vt iuxta portū Iustinianus ædes sacras condiderit, & porticus, & vias, balnea publica, & alia ferè omnia ædificari, nihilo inferiora regiis ædibus vrbis: deinde adiungit portum aliud construxisse in contrario continente, in locis Eutropij nominatis, non longè remotis ab Heræo. Ex quibus patet portum Eutropij esse Chalcedonis portum spectantem ad Solis ortum, portūmque Heræum illum, quem nunc vocant molem Ioannis Calamoti. Horum amborum portuum usq; ad hanc diem molium & brachiorum vestigia extat magna quidem ex parte diruta, sed quæ nonnullam stationem nauibus accommodent: reliquorum verò ædificiorū vestigia funditus deleta sunt, exceptis parietibus ædis sacræ, & cisterna maxima, vndique lateritiis parietibus cincta, sed spoliata tecto testudinato, & columnis testudinem sustinētibus, de qua Georgius Cedrinus ita scribit: Macedonius Rex palatia in Heræis exornauit, & cisternam expurgauit, quam Heraclius terra obruerat, in hortūmque redegerat oleibus cōsitam. Idem paulò infrā ait: Rex Heraclius ubi sui diei natalis rationem à Stephano Philosopho didicisset, prædicente Heraclium ex aqua interiturum, cùm alias cisternas obruit, tum illam sitam in Heræis, quam Macedonius perpurgauit, regiásque ædes in antiquam formam restituit, & pro horto in cisterna consito Nymphaeum aqua lucida abundans induxit. Quām autem multorum scriptis celebretur palatiū Heræū, è multis non

tis nonnullos, qui mihi iam veniunt in mentem, afferā. Sezomenus scribit Theodosium Regem mandasse Demophilo præfecto Arrianis Cōstantinopolitanis, ut curaret statuta in concilio Nicēno seruare, & populum in vnum cōsensum reducere, aut ab ædibus sacris cedere. Demophilus aduocauit concionem populi, atq; Regis sententiam declarauit, & abstinenſ ab ædibus vrbis concionem indixit in suburbana Hieria nuncupata. Quoniam, inquit, lex præcipit, si vos persequuti fuerint ex vna vrbē, fugite in aliā. Alij Historici tradunt Constantinum Iconomachum contra imaginum cultum concilium iniquum triginta octo Episcoporū habuisse in palatio Hieriæ, prætereo cæteros, vnam duntaxat inscriptionem subiungā, quæ erat incisa in aditu Hieriæ,

Τέτην ιερωνικὸν ἀγαπάτεο λέματα χῶρον

Υδάτινον, καὶ γαῖαν λατόν οὐδικρηματίας:

Κοίχωνοι ὑμετέρους αρχετύπου λαρῆς τε καὶ σφ' γα

Ἄνθετος χρέος αἰγὴ ἔως πόλεως ἀπορίας ἐλατ.

Iam vt planiùs intelligatur situs promontorij Heræi, & an idem, quod aliqui existimarent Herēum, & Eurion, & Yris describam oram maritimam, ab acra Ioannis Calamoti vsque ad aliquem finem. Promontorium **Calamoticum** circuitu complectitur amplius octo stadia, eius ceruix efficiens Isthmum non excedit latitudinem ducentorum passuum, vnde similitudinem gerit, seu ollæ. Nam vt olla est collo angusto, ita illud ceruicem habet angustam, deinde dilatatur, intumescitq; in ambitum circiter octo stadiorum: sed ita, vt vndique sit crepidinibus præruptis & saxosis, præterquam à ceruice, quæ ita plana est, vt ex vtroque littore aspicientes mutuo aspectu

aspectu fruantur. Forsan ita Heræum promontoriū appellatum est ἐυροψια ab olla defossa. Sic enim Stephanus ait, promontorium Heræum, contra Chalcedonem situm, quod alij ἐυροψια, siue ἐνεροψια appellarunt, hi qui aiunt ibi cytras, hoc est, ollas defossas inuenisse, & ossa: verū aliam esse acram Heræam, aliam ἐυροψια, siue Yrim, patet ex Artemidoro: is enim scribit ab Acrito promontorio nauiganti centum stadia situm esse promontorium Yrim, siue Euron nuncupatū, cui obiecta est Insula Pityodes, & alia Insula nomine Chalcites, quæ ut explicatiū perspiciantur, describā subsequens littus. Post promontorium Heræum pergenti ad sinum Nicomediae succedit aliud promontorium, quod vulgus vocat Zaritron, nescio, an quasi χωβίστροψια. nam accolæ in hunc diem iactitant inuenisse ollam auro plenā in huius loci vicinia: ex Insula Pityode nauigai recta via in Continentem ad Villam sitam in ora maritima, quam Græci vocant Obriam, siue Abriā. Turci appellant eam Mal-tepet, sitā ad radices extremas promontorij positi cōtra Chalcitum. Vide, an hoc sit Euron, siue Yris promontoriū, an illud quod iam dixi appellari Zaritron. Verū ut melius intelligatur situs Chalcedonis, & ubi fuerit ἐραιοψια, paulò extra Bosporum vagabor, sed in conspectu Chalcedonis & Byzātij, qđ paulo post descriptur sūm.  
*De Insulis suburbanis Byzātij & Chalcedonis, & primū de Insula Prota, & de Oxia. Et Platy.* C A P. XI.



R T E M I D O R V S. in vndecimo libro Geographiæ ait ab Acritico promontorio præter nauigati Euron stadia centum & decem: promontorium situm est, appellatum Hyris,

K.

& Insula huic obiicitur Pityodes, & altera Insula nomi-  
nata Chalcitis: alia Prota dicta, à qua ad urbem Chalce-  
donem stadia quadraginta. Protam appellatam existi-  
mo, quod prima occurrat venientibus Byzatio & Chal-  
cedone, à Græcis usq; ad hanc diem nominatur Πόλη:  
distat ab urbe Byzantio paulò amplius sexaginta sta-  
dia, eius longitudo à Septentrionibus procedit ad Me-  
ridiem: iuxta eius littus vergens ad Orientem vicus est  
sub se habens portum subiectum, supra vicum diuæ ci-  
sternæ rotundæ, quarū maior laxatur in amplitudinem  
magni hemisphærij. Thermarum magnarum Byzan-  
tiarum Insula diobus verticibus prominet, altero ver-  
gente ad septentriones, altero ad cardinem meridianū.  
Dicitur circuitu complecti circiter tria miliaria, à Me-  
ridie habet Insulam Antigonon, à qua abest octo cir-  
citer stadia inter Meridiem & occasum brumalem, in-  
tuetur duas Insulas, quarum altera Platys, altera Oxia  
appellatur, in acutum verticē fastigiata, vndique præ-  
ceps & prærupta: altitudine ad perpendiculū dimensa,  
superat omnes colles Byzantij. Ex aliquibus partibus  
ascensus in ipsam non patet ob directos cliuos, multa  
etiam nunc vestigia retinet cisternarū, aliorūmq; ædifi-  
ciorum. Ajunt ibi regiam arcem, & velut secessum ca-  
pensem aliquorum regum extitisse, quod à rei veritate  
omnino alienum non videtur, propterea quia naturali  
munitione tuta videtur. Habet portū subiectū Orieti,  
cuius moles distractæ cernuntur, lauro abudat, & multis  
generibus florū, sed nusquam circa Byzantium tanta cibi  
bonitate Ostreæ capiuntur, quam circū hanc Insulā. Ab  
hac non longè est Platys Insula, humilis & ferè plana.

*De Insu*

*De Insula Antigono, & de Insula Pityode.*

C. A. P. V. T. X I I I.



V A M Græci nostræ ætatis appellant Antigonon, Zonaras ait olim vocatā Panormū, Insulam nunc Antigoni nominari. Plinius inter Insulas Proponticas numerat Antiochiam, vide num aliquis Codex Plinij antiquus habeat Antigoniā. Insula ab Aquilone efficit littus excelsum & præruptum, eius quædam pars intuens Meridiē eminet rupibus abruptis, vsque ad summū fermè verticem. Ab occasu sunt litora rupibus præruptis aspera, sed longè demissiora: in omnes partes existit declivis, vndique eius ascensus est stadiorū circiter quatuor: in multo excedens altitudinem effertur quam Prota, in summo vertice ædes sacra etiamnum extat, & iuxta ædē cisterna Signino opere munita, concamerata lateritio tecto. Sunt ibidem etiam putei iugis aquæ. Ab Oriente habet vicum in littore situm, circa vicum sunt aliquot vineæ: reliquæ partes sunt tectæ eryca, arbuto, rore marino, ilice, ladano. Tota Insula lapidosa scatet minutis lapillis. Contra vicum est Insula exigua, cuius circuitus non excedit quatuor stadia, altitudo non superat quinquaginta passus (intellige quos cōficere soleo in ambulando, ut intelligi oportet in omnibus passibus antè iam à me commemoratis) quæ vulgo appellatur Pitys, hæc Pityodes dicitur ab Artemidoro, quam tradit sita contra Continētis oram nuncupatam ἔβρη. Evidem cùm Artemidorus ordinatim ponat Pityodē, & Chalcitim, & Protam, existimo Pityodem Artemidorū intelligere, esse aut Antigoniam, aut eam, quam iam Græci appell-

lant Insulam principē:nām cur cōmemoraret tam exiguum Insulam,& proximam magnam præteriret?

*De Chalcitide Insula.*

C A P. X I I I .



H A L C I T I S Insula à Græcis nostræ ætatis nominatur Chalcis, distat ab Antigonia quatuor stadia. Menippus in periplo Bithyniæ Chalcitudem Insulam constituit contra Chalcedonem, eāmque dicit habere æris metalla, Chalcitudem eandem esse, quam Stephanus appellat Demonesum: assequor, ex eo, quòd dicit Demonesum Insulam circa Chalcedonem, habere Cyani metalla, & Chrysocollā, & aurum preciosum, & coronariū, quod oculis ægrotantibus medicinam afferat. Nulla alia Insula circa Chalcedonem metalla habet, nisi Chalcitis. Aristoteles similiter scribit: Demonesus, inquit, Insula Chalcedoniorum (sic enim legendum est, non ut habet Codex editus χαρκηδονίων) à Demoneso homine appellatam esse, haberéque Cyani metalla, & Chrysocollam, & aurum eximum in ea inueniri. Quòd sit oculis remedium, atque æs, quod Aristoteles appellat χαλκός λειψυτής: ex eo opinor, quòd ut ipse addit, ex mari profundo duos passus vrinatores illud extrahant, ex quo factā idem adiūgit statuam in vrbe Sicyone statutam in antiquo templo Apollinis. Ex antedictis liquet, quām erret Plinius, qui dum enumerat Insulas Propōtidis, dicit Demonesum Insulam sitam esse ante Nicomediā, cùm nulla Insula existat in sinu Nicomediæ olim appellato Astuceno. Verūm ut clariū perspiciatur Demonesus eadem Insula esse, quæ Chalcitis, ut nunc sunt, ostēdam vestigia

vestigia metallorum, & situm Insulæ, quæ tribus verticibus, seu collibus intumescit: unus vergit ad Aquilonem, alter ad Occasum, tertius ad Orientem. Insulæ latus meridianum est præceps, & abruptum, in rupes excepto sinu, admittēt recessum maris portuosum, quo quo versus patentem paulò plus stadio, tutum ab omni vento, excipio Austrū. Circa hunc sinum existunt aggeres scrobium, pleni ruderibus cæruleis, reiectis ex effosione æris, & Chrysocollæ, & cærulei: atq; inter ipsa rudera collegi eximium cæruleum, & absolutam Chrysocollam. Quod si vadum maris ibi effoderetur, sine dubitatione inueniretur aurum illud ab Aristotele laudatum. Aggeres scrobiū sunt in radicibus vallis supra sinum iam dictum eminētis, & secantis Insulam à mari meridiano ad mare septētrionale, cuius quidem vallis in parte media elata in iugum Insulæ est domiciliū solitariorum sodalium Græcanicæ religionis, vbi Nymphaea magna signino opere elaborata, plena iugi aqua manante, ex vertice pertinente ad Orientem. Litus intuitens Solis ortum habet vicum nuncupatum à nomine Insulæ, sub vico statio nauigiorum.

*De Insula Principis.*

C A P. X V.

**I**N S V L A Principis distans à Chalcite circiter quinque stadia, nominata est à frequenti habitatione filiarum principū, virginitatem solitariam profitentium. Georgius Cedrinus ait Iustinum nepotem Iustiniani ædificasse solitariam vitam agentium domicilium nominatū Principis suburbanū Constantinopoleos. Zonaras scribit Nicepho-

K 3

rum Hirenem exulem eieisse in Insulam Principis appellatam, in qua monasterium ipsa ædificauerat, vnde fortasse Insula appellata fuit Principis. Longè dimidio maior existit, quam Chalcitis, omnis antedictas Insulas altitudine superat aut æquat. Ab Oriente æstiuo vicum habet nominatum Principis, situm in planicie littorea. In eius littore vergenti ad ortum æquinoctialem spectantur fundamēta sumptuosa antiqui monasterij, vbi amplius quingentæ solitariæ fœminæ viuere solebant. Contra monasterium sita est Insula exigua, paruo interuallo distans, nominata Anterouitos. Inde in eodem littore sequitur vicus nominatus Carya, supra vicum modicè eminet iugum contractum in vallem, circumduobus verticibus, quæ secat medium Insulam ab ortu ad occasum: Insulæ littus intuens Meridiem, rupibus circumuallatur, littus verò spectans ad Solis occasum, minoribus rupibus cingitur: deinde Insulæ circuitu nō excedit sexaginta stadia. Habet à Meridie vicinam Insulam, quam vocat Andron: ab oriente æquinoctiali habet alteram Insulam nominatam diui Andreæ, distâtem plus minus decem miliaria, vndique excelsis rupibus & præruptis munita, excepto latere conspiciens Solis ortum, vbi domicilium sodalium sectæ solitariæ. Diuiditur hæc Insula à Continenti mari lato quatuor stadia. Paulò ultra hanc Insulam pergenti ad finum Astacenum eminet promontorium, quod usque ad hanc ætatem appellatur Acrita, ut vocatur à Ptolemaeo, quod Menippus dicit distare ab urbe Chalcedone stadia sexaginta. Omnes antedictæ Insulæ abruptæ à Continente videntur, quarum quatuor nimirū Prota,

Antig.

Antigonos, Chalcitis, & Princeps faciunt sinum suo latere vergente ad Aquilonem, vt Prota, & Princeps sint sinus cornua. Antigonos & Chalcitis efficiūt intimum sinus recessum. Cùm aspicis ex Protæ latere, vergente ad Solis ortum, aduertis sinum factum ex quatuor Insulis, nec vides Euripos intercedentes inter Insulas, vt rei ignarus quatuor Insulas, vnam eandémq; Insulam existimaret quatuor collibus intumescentē, primūmq; collem numeraret Protam, secūdum Antigoniam, tertium Chalcitum, quartum Principem. Euripus separans Insulas à Continenti, patet in latitudinem paulo amplius sexaginta stadiorum. Hæc adiungere volui de Insulis suburbanis Byzantij, velut præparationem ad clariū percipiendum situm Byzātij, quem euestigio subiungere cogito: reliquas Propontidis Insulas longè ab vrbe remotiores, vt Proconnesum, Ophiusam, Acanthum, Phœben, Scopelon, Porphyronem, Halonem, Delphaciam, Polydoram, Elæam, & duas Rhodiussas: & contra fauces Rhynndaci Besbycon, cuius meminit Dioscorides, reicio in meum periplus Propontidis & Hellesponti.

F I N I S.

and the public health system. In addition, the public health system has been unable to respond effectively to the challenges of the new era. The public health system has been unable to respond effectively to the challenges of the new era. The public health system has been unable to respond effectively to the challenges of the new era.

The public health system has been unable to respond effectively to the challenges of the new era. The public health system has been unable to respond effectively to the challenges of the new era.

The public health system has been unable to respond effectively to the challenges of the new era. The public health system has been unable to respond effectively to the challenges of the new era.

The public health system has been unable to respond effectively to the challenges of the new era. The public health system has been unable to respond effectively to the challenges of the new era.

The public health system has been unable to respond effectively to the challenges of the new era. The public health system has been unable to respond effectively to the challenges of the new era.


The public health system has been unable to respond effectively to the challenges of the new era. The public health system has been unable to respond effectively to the challenges of the new era.

The public health system has been unable to respond effectively to the challenges of the new era. The public health system has been unable to respond effectively to the challenges of the new era.









SPECIAL 82-B  
2108

